


MURRAY
APPARATUS
MEDICAMINUM

I - II

A
47
168




BIBLIOTECA HISTÓRICA REAL
GRANADA

Sala: A

Estante: 047

Número: 168

1
2
3
4
5
6
7
8
9
10
11
12
13
14
15
16
17
18



BIBLIOTECA HOSPITAL REAL
GRANADA

Sala: A

Estante: 047

Número: 168

C. H^o Farm. N^o 939



NOI RIFORMATORI

DELLO STUDIO DI PADOVA.

AVendo veduto per la Fede di Revisione, ed Approvazione del P. F. Gio: Tommaso Mascheroni Inquisitor Generale del Santo Offizio di Venezia nel Libro intitolato: *Apparatus Medicaminum Auctore Jo: Andrea Murray, stampa non vi esser cosa alcuna contra la Santa Fede Cattolica, e parimente per Attestato del Segretario Nostro, niente contro Principi e Buoni Costumi, concediamo Licenza a Sebastiano Valle Stampator di Venezia che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.*

Dat. li 29. Agosto 1794.

(*Paolo Bembo Rif.*)

(*Pietro Zen Rif.*)

(*Francesco Vendramin Rif.*)

Registrata in Libro a Carte 180. al Num. 29.

Marcantonio Sanfermo Segn.

Adì 26. Novembre 1794.

Registrato a Carte 184. nel Libro esistente nel Magistrato degl' Illustrissimi ed Eccellentissimi Signori Esecutori contro la Bestemmia.

Gianantonio Maria Cossali Nod.

2

APPARATUS
MEDICAMINUM
TAM SIMPLICIUM

QUAM
PRÆPARATORUM ET COMPOSITORUM
IN PRAXEOS ADJUMENTUM
CONSIDERATUS.

VOLUMEN SECUNDUM.

AUCTORE
JO: ANDREA MURRAY D.
EQUITE ORD. R. DE WASA

CONSILIARIO R. BRIT. AULÆ PROFESSORE MEDIC. ET BOTAN.
ORD. IN ACAD. R. GOTTING PRÆFECTO HORTI R. BOTAN.
SOCIETATUM SCIENTIARUM GOTTING. STOCKHOLM.
UPSAL. GOTGENE. LUND. FLORENT. LUGDUN. DI-
VION. AUREL ET BATAVO-FLESING. MEDICARUM
PARIS. NANC. ET HAUN. AC Oeconomicarum
BERN. CELL. GEORGOPH. ET PARIS. MEMBRO.

VENETIIS

TYPI SEBASTIANI VALLE



MDCCXCV.

SUPERIORUM PERMISSU.

СУЛАЯПЕ
МОИ МАСТЕРЫ
ПОСЛЕДНИЙ МАСТЕР

и а у с

ИСКОНОМОД ТЭ НУРГАЛЫШ
МЫТИШИСА СОЛЕНЫЙ

БАСКАВИЧ

ВОДОРОД ПРИЧАСТЬ

БАСТАДА

С. УДАЧНЫЙ АДАМСКАЯ ОДИ
АСАН АДАМСКАЯ ОДИ

МАСТЕРЫ САДЫРЖАЮЩИЕ ИДАНАСА АДАМСКАЯ
ПОСЛЕДНИЙ МАСТЕР ТЭ НУРГАЛЫШ
МЫТИШИСА СОЛЕНЫЙ
БАСКАВИЧ БАСТАДА
ВОДОРОД ПРИЧАСТЬ

СИЛА САДЫРЖАЮЩАЯ

СИЛА САДЫРЖАЮЩАЯ

СИЛА САДЫРЖАЮЩАЯ

СИЛА САДЫРЖАЮЩАЯ

СИЛА САДЫРЖАЮЩАЯ



ORDO XV.
ROTACEÆ

ANAGALLIS.

Linn. *Syst. veg.* p. 165. *Gen. plant.* pag. 83.

Pharm. ANAGALLIDIS Herba.

202. *Anagallis Arvensis*; foliis indivisis, caule procumbente Linn. *Spec. pl.* p. 211. *Anagallis phœnicioe* flore C. B. *Arayædis* Diosc. *Conf. Car. Ludov.* *Bruch Diff. de Anagallide*, *Argentor.* 1768. *Icon: Fl. Dan. Tab. 88.* *Curtis Fl. Lond. Fasc. I.* *Regnault Botan.* *Le Mouron* mâle & femelle. *Planta annua temperatoris Europæ*, in arvis & hortis crebra.

Ignari pharmacopolæ huic Alsinem medium L. substituunt, ut & novi singulari mihi obvio exemplo. Uſu plerumque modo *Anagallidis* varietas flore miniato venit, omissis reliquis duabus, flore vel cœruleo vel albo instructis. *Codex Parisiensis* tamen & rubram & cœruleam admittit. Male vero in officinis herbam una cum floribus quin capitulis servatam cernimus, quippe quum herbar in universum ante floris exortum efficaciores existant.

Herba) recens succosa inodora est. Gustata oleraceum initio saporem præ se fert, postea amarum cum acrimoniam feniū. Succus post expressionem condensatus simili modo lingam afficit (Lewis *History of the Mat. med.* p. 50.), uti

& infusum aquosum siccæ plantæ, sive liquidum sit, sive in extracti formam spissatum, quod modo amarius acriusque; nec differt hisce momentis, nisi gradu mitiori, tinctura vel extractum spiritu vini factum (Bruch *Diss. cit.* p. 13. sqq. Cifr. & Schraderi *Diss. de Anagallide*, Hal. 1760.). Alia scrutinia chemica alibi (*Diss. cit.*) quæras.

Dicta tamen non finunt herbam omni vi medica orbam pronunciare, sed resolvendi et aperiendi potestate aliqua imbutam significant. Plurimæ quoque illi adscriptæ virtutes ad hanc spectant, dum contra viscerum obstruktiones, ad mentes revocandos, in hydrope rel. laudatur. --- Nec alio modo auxilium præstissimum in melancholia potissimum, &c, quæ ex hac haud raro oritur, maria arbitror, quod multorum plausum tulit, Quercetani (apud Ettmüllerum Ed. *Mang. Oper. Tom. I.* p. 586. *Tom. 3.* p. 387. p. 862, ipso illo subscripte), Hartmanni (*Prax. chimicatr. in Oper. omn.* Ed. Iohren. p. 16.), Willisi (*de anim. brutor. cap. 12.* p. 294. Ed. *Genev.*), Fr. Hoffmanni patris (*Clav. pharm. Schröd. L. 4. S. I.* §. 38., item Ejusd. *meth. med.* p. 290. 291.), Bierlingii (*Theor. pract. p. 38. & 1041.*), Maroldi (*Pract. med.* p. 93.), Rolfincii (*Med. consultatoria p. 151.*), Michaelis (*Oper. p. 740.*) aliorumque ætate hisce vicinorum, ex quorum potissimum scriptis sine dubio in recentiores de materie medica libros laudes in mania transmanarunt. Ubivis autem breviter, nec tam ample ut rei pondus requirit, hæc vis memoratur. Quoad exhibendi formam arridet merito ob simplicitatem maxime Quercetani consilium, qui, præmisso vomitorio, decocto solo aqua facto usus fuit; alii essentiam præcipue adhibuerunt vel simplicem vel ex succo herbæ inspissato & tinctura Hyperici ioluto paratam; aliis stirps, insigni aliorum farragine commixta, placuit. Aquæ Anagallidis, quam crebro pro vehiculo adhibuit Roflinus, qui credulus fidat? Nec genio sæculi nostri congruit, ex pannis linteis sanguine asinino imbutis & aquæ Anagall. (Hoffm. *meth. med.* p. 291. cui aquæ quidam, qui in sanguinem hunc curationis præcipuum meritum deferunt, alia liquida sustinuant. Vid. Ettmüll. *I. c. T. 3.* p. 387.) immisis, donec aqua tingatur, dein epotanda, salutem maniacis promittere; et si serius Cl. Boennecken (*Biga Cajum, Werth. 1744.*) loco aquæ pannos dicos decocto herbæ immiserit, siveque eo ingestu binos ægros fanatos describat. Nimis liberaliter a variis auctoribus specifici contra maniam titulum tulit, quin imo virtus ad deliria in seribus extenâ (Gabelchover *Cent. 6. curat.* 13. p. 46.), quam de constantia adeo virtutis in unica illa mentalium morborum specie merito dubitetur, quæ ab humore atrabilario oritur. Garidelius (*Hist. des plantarum Aiz p. 32.*) itaque in nosocomio maniacis destinato fru-

stra sese numerosis experimentis eam præcepisse dolet. Nihilque pariter levaminis ex decocto copiosus poto fœmina maniacas obtinuit (Gumperz not. ad Lōseckii *Arzneym.* Ed. 3. p. 329.)

Sed jam dicendum de vi eius enervandi virus rabioforum animalium, quæ & in hominibus & brutis explorata narratur. De hac quidem silet Dioscorides (*Mat. med. Lib. 2. c. 209.*), sed morsis a viperis prodeesse indicat, ut inde in alterum morsus genus transferendi usum videatur ansa esse capta. Meminerunt ejus Bock (*Kreuterbuch Strasib.* 1572. fol. 126.), Tabernaemontanus (*Krauterb. Basili.* 1731. p. 1093.), Ioach. Camerarius jun. (*Hort. med. & phil.* p. 14.), Mارoldus, vetustiorum auctorum plures, sed majori iterum brevitate, quam pro rabiei caninæ atrocia par est. Alius mox succum vel aquam herbæ morsos epotare, & hisce eluere vulnus jubet; alius herbam ovo butyro frixo inditam commendat; alius pulverem rel. Inter coævos nostros resuscitavit hanc laudem iterum ex propriis, ut refert, & aliena quorundam sibi amicorum medicorum experientia Cl. Ravenstein (*in Samm. Seltener Begebenheiten in d. Natur.* 1755 p. 419. sq.) & dein iterum interpretete Cl. Bruch (*Diss. cit. App. n. 2.*), qui & ipse collectas varias aliunde historias novas exponit. In vico Pirmasens ditionis Hanoviensis ante 50 vel plures annos vir exstitit, qui per longum tempus ipse demorsis pulverem herbæ optimo successu exhibuisse, celansque qualis esset vendendo illum undique in vicinia lucrum insigne fecisse, fertur, donec venator quidam comperta re arcanum undique promulgaret (*I. c. p. 26.*). Singulari experimento villici cuiusdam prope Bipontum degentis capra una a lupo rabido morsa hoc pulvere servata est, altera vero pariter morsa, cui autem studio herbam non derat, hydrophobia periit (*I. c. p. 27.*). Huc & pertinet testimonium magistratus Monasteriensis in Alfaria superiori de variis hominibus a lupo rabido sauciatis, sed hoc uno remedio servatis, quum alii negligentes illud miserie interierint. Ut ne vero desiderentur medicorum nuperiorum narrationes ubiores, citandus Cl. Kaempfius est, qui in grandeva virginine, jam aquam horrente, manifestum furoris decrementum inde contigisse recenset, & aliis in casibus numerosis omnes, ante hydrophobiam Anagallide usos, contra dirum periculum tutos mansisse (*I. c. App. n. 1.*). Nominandus quoque iterum Cl. Ravenstein, qui seorsum mentionem fecit virginis circiter hominum a cane vere rabido vel commorsorum vel sputante saliva conspurcatorum, quibus vero, inde a secundo die post, exhibito pulvere succurrerit (*I. c. App. n. 2.*). Et hi quidem hominibus vulneratis vel alio modo infectis pulveris herbæ drachmam dimidiad ad scrupulos quatuor vel in aqua Anagallidis destillata, vel ejusdem de-

cocto, vel infuso Theæ vel aqua simplici bis per diem exhibuerunt. Unde in pluribus alvus soluta, in aliis sudor præter consuetudinem foetidus erupit. Pecoribus pro ratione magnitudinis majus pondus herbæ in lacte, juscule, cum ovis vel quolibet alio vehiculo datum. Miror, quod in universum vulnerum nulla alia cura sit habita, quam quod, solleter ante aqua elota, quotidie semel pulvere eodem conspersa fueriat, & sueto dein modo conolidata (*Diss. cit.*, p. 27. 28.): quum apertum diu servare vulnus & effluvium ejus alere inter primaria alias auxilia merito referatur, quin unicum hodie (*V. infra Cantharides*) censeatur, ut eadem via, qua ingressum virus est, quam commodissime elimitetur. Detergendi ejus sive purgandi vulnera & ulcera potentia jam quidem antiquitus notata, sed hic non cum simplici vulnera, sed venenato res agitur. Veneni tamen portionem lotione auferri, aliam stirpe secca inspera imbibit, & hac ipsa affluxum humorum proritari, reliquam vero per excretoria varia loca ejici, Cl. Bruchius sibi persuadet, Nec unice, ante rabiem, oblatam juuisse indicant, sed ea jam sese manifestante, modo desuerit major ejus gradus, qui hydrophobia sese declarat (*I. c. p. 41. sqq.*). --- Verum conquesti alii de Anagallidis in hoc morbo inertia. Ita jam Io. Bauhinus (*Historie von etlichen Wölfen um Mümpelgard u. Belfort, in Hall. Bibl. pract. T. 2. p. 297.*). Vivitci a Cl. Roulet subministrata mortis faucibus eripere non valuit feminam (*Hall. Hist. stirp. helv. n. 625.*). Massiliis duo ejusdem inertiarum exempla exsisterunt, quamvis alia contra atrox hocce malum laudata remedia jungerentur (*Raymond in med. Observ. and Inqu. Vol. 5. App. p. 2. sqq.*). Nec ulla consignatarum observationum fatisfacit Cl. Tissot (*Avis au peuple p. 713.*), cui contra hæc illi adjudicata esheacia valde dubia videtur. Utinam nec mihi dubitandi ullus locus superesset. Quicquid sit, contigit tamen huic stirpi, quod aliis famosis remediosis antilysis, ut principium quorundam mandato præsto eam habere pro casu necessitatis præcipetur, subiuncta simul medelæ norma; idque factum est in ducatu Moguntino, jam a. 1747 (*Maynz. wöchentliche Anzeigen* ejusdem anni), principatu Bambergensi (*Hafeneit med. Richter P. 3. p. 2. sqq.*, Bruch *Diss. cit. App. n. 4.*) a. 1746, Bipontino (*Bruch I. c. p. 36.*) & in ducatu quoque Gothano, Bavariensi, Megapolitano (*Schlesokon. Nachr. 1773. p. 239.*

Non attinet, reliquas virtutes, quas inter Veteres, præcipue Dioscorides (*I. c.*), & Plinius (*Hist. Natur Lib. 25. cap. 13.*) fere omnino ex illo, commemorant, multis enumerare, quibus complures alias teriores medici ingenii potius ludibrio quam experientia, ut videtur, dusti addiderunt;

quor-

Anagallis Arvensis.

quorsum laus in arthritide & calculo, in epilepsia, in ipsa adeo peste, in odontalgia, si succus naribus infunditur, hæmorrhagijs, in phthisi rel. perfinet. Multo minus fas est, supersticioſa & fabulosa varia, quæ in ignominiam stirpis cedunt, tangere. Horum omnium præconiorum instar proximi est Zornius (*Botan. med.* p. 63.); nec sane pauca pro scopo collegerunt Cl. Bruch, & breviori commentary Cl. Schrader (*locc. citi.*).

Ad Dioſcoridis de efficacia succi Anagallidis cum melle in ulcusculis & hebetudine oculorum effatum, item narrationem de felici aquæ ejus in ſuſſuſione ſucceſſu, (qui vix credibilis) quem multis procuraffe Lutetiæ foemina memoratur (*Io. Bauh. Hift. pl. Tom. 3. P. 2. p. 370.*), attentos nos iterum reddit Persarum hodiernus, contra incipientem cataractam equorum, uſus, quorum oculo goſſyptium ſucco ejusdem madefactum extrinſecus applicant. (*Sam. Ge. Gmelin's Reife durch Russland, Tom. 3. p. 349.*)

PRAEPARATA ET COMPOSITA.

Aqua destillata) *Ph. W.* p. 6. Iners.

Oleum coctum) *loc. cit.* p. 122. Ex herba recente conquaffata & oleo olivarum. In colica flatulenta infantum illitum abdomini vel clyſmate applicatum laudarunt, ſed non alio jure, quam quod oleum ſolum ſibi vindicat.

Effentia) *Ph. Brand.* p. 85. Eſt illa ſimplex ſpiritu vi ni facta, poſt Bierlingium & Hoffmannum (*Clav. pharm. Schröder. I. c.*) a Büchnero in *Pharmacopœa dicta*, impensius laudata.

L Y S I M A C H I A.

LINN. *Syſt. veget.* p. 164. *Gen. pl.* p. 83.

Pharm. NUMMULARIA Herba.

203. *LYSIMACHIA NUMMULARIA*, foliis ſubcordatis, floribus ſolitariis, caule repente Linn. *Spec. pl.* p. 211. Nummularia major lutea C. B. Icon: *Fl. Dan.* p. 493. Regnault *Botan. La Nummulaire*. Pl. perennis in pratís & nemoribus udis vulgaris.

Herba) ſaporis ſubacris & nonnihil adſtingentium acidi aliquā nota. In desuetudinem, nec immerito, abit, ita ut ex multis ſeriorum medicaminum indicibus exulet. Ad purganda consolidandaque vulna & uclera insigni valere vi olim creditum, quin ea, ut Nic. Agerius (in Rÿſſi reform. *Deutsch. Apoth.* p. 187.) illi extus, vel interne in potu, ad-

hibitæ reliqua omnia vulneraria postponeret. Parí fiducia in hæmorrhagiis internis eam complexi sunt, in hæmoptysi, hæmorrhagia uteri, aliis, (V. Gabelchov. *Cent. 1. Curat. & Obs. med. 50.*) & alvi profluviis (Boerh. *Hist. pl. Hort. L. B. Rom. p. 285.*). Ita hæmorrhagia vehemens & crebris revertens pilulis legitur coercita, quarum basis fuit ex tractum de Nummularia (Schulzius *Mat. med. p. 403.*). Phthisi adeo par existimatus succus ejus in juscule cum melle vel solus vel in connubio succi Bellidis (Waldschmidt *Cas. 20. in Oper. p. 155.*). Miror præterea insignem Boerhaavii de imbecilli hac planta laudem, inter tot alias morbos, in scorbuto, in quo Cochlearie cum acetosa mixta supparem pronunciavit, nisi querela de male ejus mente ab editore intellecta hic iterum redeat.

G E N T I A N A :

LINN. *Syst. veget. p. 221. Gen. pl. p. 126.*

Pharm. GENTIANÆ RUBRÆ Radix.

204. *GENTIANA LUTEA*; corollis quinquefidis rotatis verticillatis, calycibus spathaceis Linn. *sp. pl. p. 329. Gentiana major lutea C. B. Icon: Miller's Figures Tab. 139. fig. 2. Pl. perennis, in montanis & subalpinis Helveticis, Apenninis, Pyrenaicis, Austriacis crèscens, ubi latos tractus occupat.* In hortis ægre cicuratur, subinde tamen mihi in horto botanico Gottingensi floruit.

In Norvegia (ubi G. luteam non invenit ill. Eder, in Wallers & Tellemarken autem crescere copiose auctor est Linneus in *Fl. Svec. p. 227.*) substituitur ruri & in urbibus radix *Gentiana purpurea*; corollis quinquefidis campaniformibus verticillatis, calycibus subspathaceis. Linn. *sp. pl. p. 329, depictæ in Fl. Dan. Tab. 50. luteæque in locum surrogari quoque in Germania fas est credere (Hall. *bif. fl. helv. p. 539.*). Nam & hæc amaritie insigni instruitur, quæ, præter dicendas species, multas alias, *G. asclepiadeam* (Clus. *rarior. pl. bif. p. 313.*), *carn. pestrem* (Linn. *Fl. svec. n. 230.*), *Pneumonanthem* (Hall. *fl. helv. n. 641.*) *cruciata* (L. c. n. 643.), *Amarellam* (Linn. *Mat. med. p. 76.*) nobilitavit.*

Radix) nostræ aliquot pedes longa, cylindrica, annulata, rugosa, cortice obscure bruno vestita, interne flava, compagis, dum sicca est, spongiosa. Siccatam virulentiam quid spargere, æmulum odoris Delphinii Aconiti folio (Delph. elatum L.) affirmat ill. Ab Haller (*Præfatio eius in Pharm. Helv. p. 9.*) hinc sibi suspectam esse, nec absconum
pla-

plane videri, illi effectum noxiū tribuere, de quo in Anglia conquesti sunt, quamque tribuerunt Thoræ admistæ. Etenim ante aliquot annos apud Anglos radix quædam pro ista Gentianæ habita in hominibus aphoniā, convulsiones, paralyses, cœcitatem, quin mortem creavit, in caribus autem spumam in ore, vomitiones vehementes, convulsiones, artuum debilitatem excitavit. Intégra tamen, veræ Gentianæ radicibus intersperfa, distingui potuit colore suo extus griseo bruno, vel & albido, sapore acri pungente (Brocklesby in Phil. Trans. n. 486. p. 240. sgg.), item rugis subtillioribus & proprioribus, immo mucilaginosa describitur (Lewis Mat. med. p. 292.). Unde vix probabile veræ Gentianæ radicem fuisse. Armenta decerpere recusat folia (Haller), an ob amaritatem? prout alia amara, ut Trifolium fibrinum certe ad Linnei experimentum, Absynthium, Eupatorium cannabinum, Galen boves declinant. (Linn. Pan. Sver. in Amoen. ac. Vol. 2. n. 25.), Nec nisi corporibus imbecillis vomitu infusum ejus vinorum molestum fuit (Lösecke Arzneym. p. 181. not. 21.).

Præstantissima inter amara, ut vix aliud, quam Quassia, cum ea comparari possit, minusque reliquis plerisque, quia ipso Centaurio minori, nauseola, vel calida (Whytt on nerv. Dis. 335.). Tamen aqua quam vini spiritus elicit amaras partes, copiosius tamen hic, quam illa (Lewis l. c.), ut quoniam menstruo radix efficacior sit, inde cognoscatur. Infusum, hujus ut aliorum amarorum e vegetabilium censu, mentionem carnis cum pane & aqua in vitris retardavit, siveque antisepticam vim suam declaravit (Pringle Dis. of the army App. p. 66.). Ita & extractum aquam solutum a putredine carnem bovillam per binos menses manavit (Essai sur la puressaction p. 313. sp. p. 324. 19.).

Non ultra sesquiculum circiter ante Christum natum Gentianæ notitia a quibusdam extenditur, quam primum Gentio, regi Illyriæ, unde & nomen, tribuunt.

Omnium consensu radix ventriculi & intestinorum debilitati subvenit; quæ consuetum post devictas febres solet malum esse, & in morbis nervosis itidem tantum non semper obvium. Pituitam tenacem, ventriculum obducentem solvit, bilis inertiae subvenit, acidum primatum viarum frangit, fibris earundem tonum restituit, unde & alacrior fit ciborum digestio, nec flatuum mora conceditur. Fuit vir per quindecim annos doloroso ventriculi sensu affectus, hujus radicis autem ad drachmas duas per diem usu sanatus, inde enim alvus aperta, appetitus auctus, & dolor paucis diebus sicut, recrudescens mitiori gradu mox novo præbio sublatu (Whytt's Werks. p. 654.). Tanto melius fertur & efficacior sub miscela aromatis grati & menstruo vino vel spi-

rituoso soluta; Elixirii stomachici ill. A Rosenstein (V. infra præparata) vel Tincturæ ill. Whyttii exemplo.

Eodem jure, quo alia amara, in arthritide proficit, sive hæc ex labo viscerum chylificationis primam originem trahat, sive labes ista postliminio, enata iam arthritide, accedit. Primariam contra podagram vocavit Boerhaavius (*Hort. L. B.* p. 288.). Intrat ideo *Pulvorem Aniarhriticum* Ducus *Portlandia*, de quo supra (*Appar. Med. Vol. I.*) exposui. Tincturæ quoque Whyttii arthriticis quadraginta vel quinquaginta annis minoribus plus solaminis præsttit, quam alia (Whytt *I. c.* p. 653.). — Ob cognitionem arthritidis cum calculo non miraboris, & huic cum fructu Gentianam fuisse oppositam (*Linn. Amoen. ac. Vol. 2. p. 159, 161.*).

Inter febrisuga quoque, instar aliorum amarorum, nituit, magis vero ante detectum corticem Peruvianum, quam post. Succo ejus bis vel ter tertianas illico tutoque sanavit C. Gelnerus (*Epist. Lib. 2. p. 63.*). Rusticis alpinis & montanis in Alvernia saepissime radix contra febres succedit (*Chomel Pl. usuelles T. 2. p. 137.*). Quin fuit, qui Chinchinæ æquiparare, imo constantiorem virtute pronunciare Gentianam, vel per se datam vel in connubio nucis vomicæ, haud dubitavit (*Ludovici in Pharm. modern. Ed. Wed. p. 201. 54.*). Commista & fuit felicissime cortice Fraxini, sale Ablynthii & Caryophyllis (*Lentilli Eteodrom. p. 326.*). Nocuisse tamen aliquando calida sua natura compertum (*Senac de record. febr. nat. p. 185.*). Alibi defuit effectus constantia (*Tralles Carlsbad p. 110.*). Ast non dissitendum, cortici Peruviano nuptam saepe iis conducere eximie, quorum ventriculus debilis solum corticem ferre nequit, & viscera obstructionibus laborant.

Quid in hisce referandis generatim valeat, non est, ut multis demonstrem, quum consentiens experientia hanc amarorum vim jam dudum extra dubium posuerit. Scilicet obstructionum causa maxime vulgaris in vasorum laxitate latet quam roborandi sua potentia tollit. Scrophulae hujus etiam loci sunt, quibus grana decem extracti quotidie data puellam liberarunt (*Plenck Mat. chir. p. 276.*). — Veribus vero vix alio auxilio, quam tonum necessarium intestinis impertiendo, adverbam arbitror.

Spongiosa natura eam fonticulis ac fistulis dilatandis idoneam facit; absorpto enim liquido intumescit, irritat & suppurationem auget. Ulcera intuper sordida purgat & gangrañæ limites ponit, putredinem subigendo.

Ob amaritatem nec in pulvere nec sola in infuso vel decocto commode ab ægris capitur, sed variæ præparationi subiecta.

PRÆPARATA ET COMPOSITA.

Extractum). *Pharmacopœa Wurt.* p. 90. &c *Anglicana* aqua illud parant; *Danica* p. 173. autem & *Svecica* p. 110 infusum spirituosum una cum aquoso inspissando, qua encheiresi omnino efficacius. Forma pilulari vel & solutum vino sive aqua aromatica creberrime præcipitur, ad scrupulum unum vel sesquialterum.

Essentia). *Pb. W.* p. 81. Spiritu vini fit. A guttis quinquaginta ad octoginta capitur.

Anglorum officinæ in varias suas formulas radicem recipiunt, V. C.

Infusum amarum simplex) *Pb. Lond.* p. 61.

Infusum amarum) *Pb. Edinb.* p. 56. quo nitidius comparat Infusum amarum *Pb. Edinb. noviss.* p. 57.

Infusum amarum purgans) *Pb. Lond.* p. 62., cum quo ferre compositione & vi convenit Infusum amarum cum Senna *Pb. Ed.* p. 57.

Vinum amarum) *Pb. Lond.* p. 65. item *Pb. Edinb. noviss.* p. 65.

Tinctura amara) *Pb. L.* p. 68.

Elixir stomachicum) *Pb. Ed.* p. 48. a quo recentior formula in *Pb. Ed. noviss.* p. 71. eo unice differt, quod Serpentariæ virginianæ Canella alba subrogata fuit.

Elixir stomachicum Rosensteinii (*Hus-och Reiseapotheke* p. 97.) R. Cort. aurant. rec. drach. vi, contus. in mortario marmor. in massam pulchiformem add. Extr. Gent. rubr. unc. & M. Digere cum vini Portugall. lib. j. Colat. D. cochlearie unum in vino vel aqua Cinamomi. Vere eximium in ventriculo roborando absentibus sordibus.

Tinctura stomachica Whyttii). (*On. nerv. Dis. in Ei. Works* p. 635. sqq.). R. Cort. Peruv. pulv. unc. iv. Rad. Gent. Cort. Aurant. ana unc. jœ, Mist. infund. Spiritus vini Gall. lib. iv. in balneo arenæ per dies sex & cola. Subinde cuilibet tincturæ librae una vel plures unciae Spiritus Lavendulæ compositi admiscetur, tam palati causa quam ut melius feratur. Dictæ tincturæ cochlearie unum cum aquæ cochlearibus quatuor vel sex mane & vesperi pereximum levamen præbet, quibus sub debilitate nervosa ventriculus languet & flatibus distenditur. Sed uia per duos vel tres menses protracto opus est, & post intervalla iterum ad illum redeundum. Non nimium esse præconium ill. auctoris, ipse expertus sum. --- Virtutem ejus in arthritide supra jam attigi, cuius intulü præiente augeatur pondus Gentianæ & corticum Aurantiorum, & si ventriculus torpet & flatibus infestatur, Nux moschata vel Zin-

giber admisceatur. Convenit & tum duo cochlearia tincturæ bis de die ingerere (Whytt l. c. p. 653.).

Pharm. CENTAURII MINORIS Herba vel Summitates.

205. *GENTIANA CENTAURIUM*; corollis quinquefidis infundibuliformibus, caule dichotomo, pistillo simplici Linn. *Synt. veg.* p. 222. *Centauriū minus* C. B. *Icon: Fl. Dan.* Tab. 617. *Regnault Botan.* la petite Centaurée. Pl. annua in locis montosis apricis Europæ crescentis. Frustra in horto botanico ferere illam aliquoties tentavi. Recipitur in officinas varietas procerior rubro flore instrueta.

Præstat me judice, uti Herba, quam summitatibus, sicuti vulgo fit, quoniam corollæ hisce insidentes omnipiro fere insipidæ (Lewis M. m. p. 193.) sunt. Ista vero valde amara cum ingrato sapore, odoris autem expers. Spiritus vini unice partes amaras eruit, aqua autem simul mucilaginosas, unde prioris generis extractum magis amarum, sed quantitate parcius.

Proxime natura accedit ad Gentianam priorem, præfrena tamen illi eatenus, quod indigena plerarumque regionum stirps est. Non cedit illi virtute antiseptica (Pringle *Diss. Append.* p. 66.) --- Purgare alvum antiquitus (Diocorides *Lib. 3. cap. 9.* Galenus *de simpl. facili. Lib. 7. n. 12.*) notatum; adstipulante seriori quorundam experientia. Strenue id agere ad drachmas duas in aquæ uncis octo ad medietatem cocto traditur (Prætotius *Op. posth.* p. 482.). Quod tamen non in omnibus ex decocto contigit, licet in quibusdam alvum moverit leniter, in aliis emesin excitaverit (Wedel *Diss. de Cent. min.* p. 30.). Aperit & alvum effentia cum spiritu cochleariae parata, ad guttas sexaginta vel ultra propinata, etiam extractum etiā paulo languidius (Fr. Hoffm. *Diss. purgaria minus cognita*, in *Opusc. med. p. 414.*). In recenti herba vel extracto ex tali manifesta fuit hæc efficacia (Schulz *Mat. med.* p. 140.). Alius ad maiorem herbæ quantitatem unice eam restringit (C. Hoffm. *med. officin.* p. 194.), sub qua lege quælibet fortiora amara illam præstare deprehensum (Alston's *Lectures on the M. m.* Vol. 2. p. 104.). Ast Dodonæus (Pempt. p. 336.) iterum, cerebram suam experientiam citans, eandem de stirpe nostra negat.

De robore autem, quod stomacho impertit, quotidianis periculis constat, dum Gentianæ rubræ in modum propinatur. Nec minus olim in febribus intermittentibus inclytæ, unde Herba febrisuga apud Germanos dicta, & a quibusdam, qui virium in dispescendis medicamentis rationem habent,

cum

cum aliis amaris febrifugorum capite comprehensa (e. g. Wedel *Syll. M. m.* p. 37. Chomel *Usuelles Tom. 2.* p. 137.) Ipsi quartanæ catu singulare non veritus est opponere Slevogtius (*Progr. de Cent. min.* p. 5.) illam, summo cum levamine, nec sine spe integræ curationis, nisi aliam medicationem addere aegri impatientia jussisset. Verum nec hic empirice procedendum, animadversum enim summum sæpe inde excitari æstum, ipsique febri igniculos addi, gravi auctore (*Senac de febr.* p. 184.); ut adeo nonnisi conditiones supra (pag. 16.) dictæ eam admittant. Etiam hic copula cum cortice Peruviano (Chomel l. c. Senac l. c.) confert.

Multos pariter tenuit omni tempore ejus in arthritide efficacia , de qua & obstructione viscerum referando valet, e velim conferantur *Vol. 1.* & *nuperrime p. 15* a me prolata. --- Tantu vero aperiendo & hydropem natum dispulerit (*Eph. N. C. Cent. 10. Obs. 24. App. Slevogt. Progr. cit. p. 3.*).

Contra surfures & crustosam scabiem capitis impense extollitur brodium ex pisis cum hac herba coctum pro lotione, qua simul pediculi necantur (*Sim. Paulli quadrip. bot. Cl. 3. p. 271.*). Chirurgi vero in ulceribus folidis non sernunt. Ulcus sinuorum & fistulosum pro incurabili relictum herba instar cataplasmatis externe applicata emollivit, abstersit & consolidavit (*Wedel Diff. de Cent. min. p. 29.*).

PRÆPARATA ET COMPOSITA.

Aqua destillata) *Pb. W.* p. 6. Iners vulgo existimatur. Sed & sapidam & olidam, quin linguam stimulantem inventit cel. Spielmann (*M. m. p. 206.*), hinc non indignam usu habet.

Extractum) *Pharm. omn.* Ingratius isto ex Gentiana rubra. Vulgare est aquosum. *Pb. Dan.* p. 172. utitur menstruo semispirituolo. Hoc præparationis genus præ reliquis arridet.

Effentia) *Pb. W.* p. 79. Spiritu vini fit.

Sal). Incineratione herbæ producitur. Adhærere huic quedam vestigia acidi, Gmelinus (*Comm. Petrop. T. V.* p. 287.) innuit. Sal Absinthii æmulatur.

Syrupus) *Pb. W.* p. 206. a Quercetano inventore magni habitus,

PRIMULA.

Linn. *Syſt. veg.* p. 162. *Gen. pl.* p. 80.

Pharm. α , PRIMULÆ VERIS β , PARALYSEOS Flores, Radix,
Herba.

206. *PRIMULA VERIS*; foliis dentatis rugosis Linn. sp.
pl. p. 204. *Var. α* , *officinalis*. Verbasculum pratense odoratum C. B. *Icon: Fl. Dan. Tab.* 433. *Regnault Botan.* la Primeverre. Pl. perennis, in pratis ubivis obvia, verno tempore florens, sed non ititer primas. Probe distinguidet a Varietate β , *elatiori* Linn. depicta in *Fl. Dan. Tab.* 434, quam pro singulari specie Hallerus, Scopoli, aliisque agnoscent. In *Var. α* , quæ unice in officinis recipi debet, partes omnes paullo minores, sed calyx amplior & tubum corollæ magis tegens, limbus corollæ concavus, croceus lacinis saturationi linea notatis, radix Anitum spirans. In *Var. β* autem statura omnium partium major, calyx angustior & brevior, limbus corollæ planus, pallide luteus, radix inodora. Mixtim sœpe utraque crescit. Non in omnibus tamen officinis Paralyſis & Primula veris synonyma reputantur, sed in *Ph. Lond.* distinguitur inter utramque, ita ut varietatem β elatiorem, Primulam, vocet; α , sive officinalem autem, Paralyſin.

Raro hodie, imo *Prim. officinalis*, a medicis præcipitur, certe in Anglia & Germania, unde & omittunt eam *novissima Ph. Edinburgensis* & indices multi suppelletilis medicæ. *Ph. Svecica* (p. 38.) noviss. autem adhuc eandem censet, & scio conservari florum in Svecia adhuc a quibusdam in pretio haberi. Non inferior tamen, nulla certa efficaciam exempla mihi obvenisse.

Florum β nomine corollæ unice cum affixis staminibus intelliguntur. Odor illis inest fragrans gratusque, & sapor amaricans. Aquam & spirituosa menstrua tingunt colore grata flavo & odore saporeque suo imbuunt. Hinc & fermentatione cum saccharo & maliscit treis sapidum vinum inde paratur (*Brauner om skötseln af Boskap. jämte Svenska Viner.* p. 7. & *Wargs Hielpreda* p. 497) Reficere, dolores lenire, somnum gignere existimantur (*Boerh. pl. hort. L. B.* p. 281. *Linn. Mat. med.* p. 57.) ; ob fragrantiam sine dubio, quæ in fortiter olentibus in universum sensorium commune mox refocillat, mox majori halituum copia obnubilat. Aqua, destillata ex tota planta, fronti illita, dolores capitidis tollere fertur (*Matthiol. in Diosc.* p. 802.). Idem affirmatur de succo ex foliis & floribus expresso cum lacte hausto in cephalalgia in vere.

veterata (Ray Hist. pl. T. 2. p. 1082.), Sic & stirpem spasmos hystericos, hemicraniam & vertiginem in foeminis tarditate menstruorum laborantibus tollere (Chomel Usuell. T. 2. p. 21.). --- Dubito, an verior sit adscripta, quæ non men dedit, contra paralysin facultas, idque non solum partiale linguæ vel balbutiem (Chomel. l. c.), sed etiam latioris ambitus, hemiplegiam, quæ in homine herba Primulæ veris, spiritu vini cocta, dissipata dicitur (Barthol. in Eph. N. C. Dec. 1. Ann. 2. Obj. 2. p. 4.).

In infuso aquoso commode flores dantur.

Nec Herba) omni fragrantia destituitur. Hinc mixtim aliquot casibus cum floribus propinata offenditur. Ob oleaceam tamen naturam apud Anglos ad acetaria placentaisque sumta (Ray l. c.), & apud Belgas pariter ad hasce (Boerh. l. c.).

Radix) odore Anisi & sapore adstringente prodit aliquid virium. Pulvis ejusdem naribus attractus sternutationem excitat (Floyerarmacobasanos p. 169.). Acetum vero radice imprægnatum naribusque exceptum odontalgiam sedare mirifice lego (Boerh. l. c.).

PRÆPARATA ET COMPOSITA.

Aqua Destill.) Pb. W. p. 7.

Conserva) l. c. p. 39.

Syrupus) l. c. p. 216. Coloris gratae lutei.

C Y C L A M E N.

Linn. Syst. veg. p. 163. Gen. pl. p. 82.

Pharm. CYCLAMINIS s. ARTHANITÆ Radix.

207. *CICLAMEN EUROPÆUM*; corolla retroflexa Linn. sp. pl. p. 207. Cyclamen C. B. comprehendens multas Varietates, pro diversitate figuræ foliorum & radicis, tum & ejus magnitudinis, inter se discrepantes, Κυκλαμίνης Diosc. Arthanita Arab. Icon: Miller's Figures T. 115. Regnault Botan. le Cyclamen. Hort. Rom. T. 2. Tab. 63. Folia cordata, denticulata, radicalia, bina. Pl. perennis in locis umbrosis & fiscis Austriae, Carniolæ, Helvetiæ alibique in Europa australi crescens.

Radix) rotunda & aliquantum compressa est, deorsum fibras demittens. Sub epidermide obscure bruna continet succosam cutem, quæ lineam crastæ est, intra quam caro alba. Gustata recensi nitio insipida, dein subacris sentitur, & lingui quasi obtundit (Alston's M. m. T. 1. p. 426.). Quidam

dam tamen recentem valde acrem describunt (Hermanni *Cynos. M. m. T. 1. p. 112. Geoffroy Mat. med. Traité T. 6. p. 186.*), siccæ vero nihil acrimonæ prodit (*Aa. citt.*); ut tamen, si vera, quæ de vehementia effectus narrantur, latens virus continere illam oporteat.

Obsoleta hodie, omni ævo suspecta fuit. Abortum ciere Dioscorides (*M. m. L. 2. c. 193.*) monet. Violentia, qua alvum movet, haud sine inflammatione faucium & primarum viarum (*C. Hoffm. Offic. p. 31.*), a plerisque reprehenditur. Lente tamen operari animadversum. Succus abdomini illitus pariter alvum sollicitat, ut vel sic adhibitus abortum fecerit (*Diofc.*). Præterea a Veteribus præcipue resolvens virtus radicis notatur, in strumis aliisque duris tumoribus & induratione lienis externo usu conspicua; & interne contra icterum & asthma (*Galen. de simpl. facult. L. 7. p. 852. ed. Ricc.*). Addunt detergentem sub variis cutis affectionibus (*Diofc. Galen.*).

Dosis non attinet multis definire, quum radix jam neglecta jaceat. Olim magis recenti indultem, mellitis plurimque mitigatæ. Drachma una siccæ in pulvere & uncia dimidia in decocto aslignatur (*Herm. l.c.*). Tutius censetur extractum spiritu vini vel aceto paratum a scrupulo uno ad grana triginta.

Mirum circa Astracatum comedì (*Sohoberus in Müller's Sammlungen Russischer Gesch. T. 7. pag. 88.*).

PRÆPARATA ET COMPOSITA.

Unguentum de Arthanita) *Pb. W. p. 240.* Succum quidem radicis Cyclaminis vel, hac deficiente, Bryoniæ continet, sed tot alia draſtica simul, Cucumerem asinimum, Colocynthidem, Scammonium, Aloën, Euphorbium rel., ut effetus non unice ad Cyclamen referri possit. Abdomini illitum infarcta viscera referat, expellit fæces, vermes, collectam in hydrope aquam, item menstrua provocat. Quoniam vero cutem rubefacit, parcus inungatur. — Concinnior formula ad subducendam alvum est Fallopii (*Purg. c. 66.*), Cyclamen viride (*recens*) cum cerato rosaceo misceri jubens.

Emplastrum diabotanum Blondelli) *Pb. W. p. 12.* cetena alia recipit.

M E N Y A N T E S.

Linn. *Syst. veget.* p. 164. *Gen. pl.* p. 82.

Pbarm. TRIFOLII FIBRINI vulgo, PALUDOSI Ph. Lond.
Herba.

208. *MENTANTHES TRIFOLIATA*; foliis ternatis Linn.
Sp. pl. p. 208. *Trifolium palustre* C. B. Icon: *Fl. Dan. Tab.*
541. *Regnault Botanique*, la Meniante ou le Trefle d'eau,
Pl. perennis locorum paludosorum & lacustrium.

Herba) insigniter amara, nonnihil fætens. A pecoribus
(Schreb. *Sammel.* T. 3. p. 57.) tamen non repudiata, quia
ovium tabidarum remedium (Robison in Raii *Hist.* pl. T.
2. p. 1099.). In Lapponia & Westrobothnia sub penuria
foeni radicibus pecora saginantur (Linn. *Fl. Lapp.* p. 50.).
Annonæ autem charitas ipsos homines ibidem ex iis par-
va farinæ copia commixtis panem etiæ ingratum confidere
coegit. Rusticis in Westrogothia folia Humuli loco sunt ad
acorem cerevisæ arcendum (l.c.). Amaritatem herba com-
municat tam cum aqua quam cum spirituosis. Ob hanc ip-
sam ubivis in pretio est, multasque cum aliis similis natu-
ræ remedii communes vires exferit, quarum quafdam ex-
perientia singulari nixas enumerabo, vitando tamen nimie-
tam laudum, in quam Io. Francus (*Trifol. fibr. Historia,*
Franc. 1701. 8.) & Willius (*Act. Hafa. Vol. 3. n. 75.*) incide-
runt, quum in variis eorum casibus manifestum sit, non
unice hancce stirpem curationis meritum tulisse.

In quibusdam pulvis dosi scrupulorum duorum vel trium
alvum laxat, haud sine tormentibus; sunt qui inde vomitum
experiuntur (Willius l.c. p. 193.). Roborando ventriculum
tam ejus varia vitia topica tollit, quam remotiora ex hujus
labe pullulantia — Nec reliquis amaris nuper memoratis in
attenuanda tenacitate humorum & infarctibus referandis cedit.

In scorbuto efficax herba etiam tum, quum in ulceræ eru-
pit, quo fine cocta cum cerevisia & largissime hausta, ul-
ceræ vero decocto aquoso lota foliisque ejus vel recentibus
vel aqua maceratis obiecta (Will. l.c. p. 124.). Variis casibus
succedit infusum simplex vel essentia, Cochleariaeque præ-
ferenda ob robur, quod ventriculo impertit, sicque hydro-
picam diathesin simul inuctam disputulit (Sim. Paulli *Quadrip.*
bot. p. 173. sq. Tilling *Misc. N. curios.* Dec. 2. Ann. 2. Obj. 74. p.
175.). In Anglia succus ejus expressus domesticum est apud
rusticos in exanthematibus febris scorbuticis, quibus verò
tempore corripiuntur (Buchan *Dom. Med. Vers. Germ.* p. 600.).

Hæmorrhagias uteri ejusdem causæ extractum compescuit (Guldbrand *Diss. de sanguifluxu uterino* Ed. 2. p. 92.).


Arthritidis quoque in cerevisia cocta remedium deprædicatur, foliisque aqua decocta calideque loco affecto applicata ægris solatio fuerunt (Sim. Schulz in *Mise. N. Curios. Ann. 4. 5. Obs. 123. p. 133.*). Cum sero lactis in se ipso herbam exper-tum esse Boerhaavium lego (Hall. *J. Helv. n. 633.*), nec, ut colligere est ex propriis ejus encomiis, infeliciter.

Silentio prætero vim febrifugam. — Verminantibus autem pueris prosiisse tertiori fide pronunciatur (Willius l.c. p. 130.) pulveris scrupulus dimidius vel integer quotidie jejuno ventriculo cum decocto herbae vel cerevisiae tenui datu-s, sic pergendo ad dies duodecim vel quindecim, unde primis diebus tormenta quidem excitata eaque dira sine ver-mum excretione, qui autem subsequis diebus copiose sine tem-terminibus feceslerunt.

PRÆPARATA ET COMPOSITA.

Extractum), aquosum vulgo; semispirituosum Ph. Dan. p. 172. Efficax & frequentis comodique usus.

Essentia). Ph. W. p. 87. Fit spiritus abstracti nova infusio-ne. Rarius hodie præcipitur.



ORDO XVI.

SEPIARIAE.

IASMINUM.

Linn. *Syst. veg. p. 54. Gen. pl. p. 9.*

Pharm. IASMINI Flores.

209. **I**ASMINUM OFFICINALE; foliis oppositis pinnatis foliolis distinctis *Syst. l. c.* Iasminum vulgatum flore albo C. B. Icon: Besler. *Hort. Eyst. Aest. 2. Ord. 11. fol. 2.* Fru-tex Indiae orientalis; in hybernaculis apud nos cultus.

Commendat illum tam elegans candor (Florum), quam potissimum eorundem odor, qui toti generi inest, præcipue

au-

aitem Iasmino grandifloro L. suavissimus, specificus, a quo & aliæ stirpes nomen mutuantur. Sapor illorum nonnihil amarus. Odorifera pars volatilis valde est, nec facile fagi sese patitur. Ita destillatione neque aqua neque spiritus frangens eruitur. Spiritus tamen vini oleo Iasmíni mixtus agitando vitrum olidam partem absorbet, sed facile iterum dimittit, vitro licet obserato (Duhamel *Arbres T. I. p. 310. 311.*).

Iam dudum ipsis eorum medicus evituit, ut & in multis de medicaminibus libris plane omittantur. Adscripta tamen illis emolliendi, resolvendi, item partum secundinas & fœtum mortuum pellendi vis (V. Zorn. *Botanol. p. 363.* & Boerh. *Hort. L. B. p. 294.*). Unice fere hodie pro.

Oleo infuso colliguntur, quod in Italia copiose paratur. Operosior hodieque neglecta via est, qua flores recentes stratis alternis cum amygdalis dulcibus excorticatis & nonnihil siccatis in commodum vas collocantur, superimposito pondere, postero die flores ab amygdalis segregantur, hisque alii recentes substituuntur, quod, quo frequentius iteratur, eo melius, tandem oleum fragrans ex amygdalis expressione elicetur (Zwelf. *Animado. in Ph. aug. p. 452.*). Commodius & usitatum unice hodie artificium est alterum (quod & jam Zwelferus *I. c. memoravit*), quo gossypium oleo nūcleorum Been madidum floresque Iasmíni cribro ex setis equinis facto per alterna strata immituntur, donec cribrum repletum fuerit, postea probe tegendum, dein post quodlibet nychthemerum sepositis prioribus nova florum quantitas per vices additur; gossypio sic fragrantia odoris probe imbuto, exprimitur oleum, in vitro bene clauso servandum (Du Hamel *I. c.*). Hocce oleum extus membris paralyticis vel contractis vel spasmo correptis, illitum, quibusdam placuit. Vix vero jamjam alii fini, quam pro odoramentis, inservit, unde & capillis infundi solet. — *Ex Philadelphi coronarii* Linn. floribus simile oleum obtineri, ill. A Linne (*Mat. med. p. 37. not.*) auctor est. Sed simplex infusio cum insolatione mihi non successit, etenim loco fragrantis olei, quod speravi, fœtidum ex oleo olivarum emerit.

O L E A.

Linn. *Syst. veg. p. 55. Gen. pl. p. 10.*

Pharm. OLIVARUM Fruktus.

210. *OLEA EUROPAEA*; foliis lanceolatis Linn. sp. pl. p. 11. *Olea sativa* C. B. n^o 1 Hebræorum. *Ελατη* Græcorum. Conf. Du Hamel *Traité des arbres T. 2. p. 57. Tab. 14.* Icon: Regnault *Botan. l'Olivier. Arbor in Palestina, Africa, in Europa australi, Galliae Provincia & Languedocia, Hispania,*

nia, Italia, sponte crescens. In nostris hybernaulis per hie-
mem servata, & state quidem, ut in horto botanico Gottin-
gensis, flores, non vero fructus, fert.

Omni ætate ob pulchritudinem & perpetuum viorem
frondis, fructusque insignem utilitatem, honorata. Plurimus
ejus usus in scenopegiis Israelitarum fuit, & inter primaria
Beneficia in Palæstina habita (V. ill. Io. Gesneri *Diss. Phytopr.*
sacr. gener. P. 5. p. 23.). Hujus quoque præstantia capti ethni-
ci Minervæ dicarunt.

Fructus s. Oliva), quæ præcipua arboris pars, drupa est
vel magis vel minus oblonga, utrinque rotundata, constans
ex carne fungosa, dum recens est, amaro austera, intra
quam nux angustior aspera crassa valdeque dura nucleo albo
dulci. Forma, magnitudine, colore multis modis differt,
unde Varietatum copia insignis notatur: fructu maximo (Oli-
væ Hispanicæ C. B. Olive d'Espagne): fructu oblongo mi-
nori (Olivæ minores Genuenses & ex Provincia C. B.);
fructu oblongo atrovirente; fructu albo; fructu minori &
rotundiori (Aglandau); fructu majori carne crassa (Oliva
regiae Cæsalp. Olivier royal); fructu maximo subrotundo
(Ampoulan); fructu minori rotundo, rubro nigricante, fru-
ctu minori odorato (Olive de Luques) rel. De hisce omni-
bus legatur C. Bayhini *Pin. p. 472.*; Cupani *Hort. catholicus*
Neapol. 1696: Magnolii *Botan. Monspel. p. 189.*; Tournef.
Inst. rei herb. p. 599. sqq; item *Giornali d'Italia T. 10. p. 366.*
ubi species sic dictæ 32. ex Michelio significantur. Nosse
eas interest, quoniam quædam pro condendo fructu, alia
olei causa, alia iterum ob fructuum abundantiore messis
prærogativam sibi vindicant. In omnibus autem, ut fructuum
tanto uberior proventus fiat, vel ut tanto meliores evadant,
cultura accedit necesse est. Optimos fructus fert arbor plan-
tata solo lapidoſo ſiccō arido, quod & radices contra putre-
dinem ex aqua stagnante & injuriis ex hiemali frigore vel
ætivo ardore tueretur (Fournier in Richard de Hautesierck
Recueil d'Observations de Med. T. 1. p. 9.). Nimia autem
ſtercoratione vel ſolo humidō oleum tenacius evadit, facile-
què corrumpitur (*I.cit. & du Hamel Traité des arbres T. 2. p. 60.*). Maxime vulgare propagandi eam genus est, per sur-
culos ex radice vetustiorum arborum emergentes, quibus,
postquam in quincuncem dispositi fuerint, ramulculi culta-
rum arborum interuntur: hisce factis nonnisi post octo vel
decem annos fructus ferunt. Altero quovis anno messis li-
beralior. Plura de cultura legere est in *Trattato di Pietro*
Vettori (qui antiquus eti, non spernendus tamen auctor)
delle Lodi e della Coltivazione degli Ulivi in Firenze 1762;
Du Hamel I.c.; Giornali d'Italia T. 10. p. 365. sqq. p. 385.
Tempore ſiccō copia ſæpe olivarum ante maturitatem

cedit; plane inutilis; nocet quoque valde nebula versus maturitatem incidens. Plurimum malo insuper affert insectum bialare, cuius eruca arrodit olivas seque intra illas abdit, aper turam clauden̄ suis excrementis, sieque se contra inimicarum sibi formicarum infidias muniens (*V. Observations & Expériences sur les moyens de garantir les olives de la Piquure des Insectes*, par M. Sieuve, à Paris 1769. Mihi modo libellum hunc contractum legere licuit in *Giornali d' Italia* cit. n. 23. 24. 25. 26. Vid. & Tab. ad. p. 205.).

Fructus conditi: Pro conditura eliguntur olivæ carnosæ magis & volumine majores, quæ tamen parciorem olei quantitatem quam aliæ exiliores minusque sapidæ fibministrant (Fournier l.c. p. 8.). Decerpuntur in prius dictum finem virides nondumque maturæ, quæ ipsæ ingratam amaritatem habent. Hac ut exuanter & sapore salino aromatico imprægnentur, varia artifia excogitata sunt, quæ omnia hic enumerare non attinet. Vix unquam olivæ cruciatim ad nucem usque discissæ (quo aroma salqué tanto melius penetrat), & aromaticis stirpibus, e.g. Fœniculō, Anetho, semine Coriandri &c. saleque per strata varia dispositis, & aquæ prius calidæ, dein frigidæ, tum aromaticæ & salicæ infusione præparatæ, transmittuntur. Nec malleo ligneo ante aliquantis per contusæ ad exteris perveniunt; sed integræ, quæ amaritatem suam vel maceratione protracta, in aqua, repetitis vicibus assuia & decantata, vel maceratione in lixivio ex calce viva & cineribus perdidere, & dein, si lixivium hocce adhibitum fuerit, probe aqua pluries per aliquot dies mutata lotæ, tandem in utroque casu sale aromatibus cum ipsis olivis per strata collocatis & aqua infusis conditæ fuere. Hispanos embammati aliquid aceti addere probabile. Variæ aliæ artes in patria arboris hac in re exercentur, ubi & olivis maturæcentibus vel vere maturis aromaticæ varie conditis vescuntur (Du Hamel.). In universum autem illæ acetarii genus constituant ventriculo roborando proficuum, nec palato ingratum. Hinc & embammatis admiscentur.

Olei) vero causa præcipue oliveta instruuntur. Bonitas ejus tam a solo, quam specie fructuum eorumque iusta maturitate, tum & expressio nis ratione ipsa, dependet. Optimum oleum suppeditat Olea supra Aglandau dicta. Maturitatis gradus colore cognoscitur, qui non in omni specie idem, niger, vel saturate rüber (colorem *rosso vinato* requirit cl. Sieuve in versione Ital.), etiam compage molliori, necnon tempore definito. Amarum emergit oleum ex fructibus immaturis, acre autem mucidum & tinguinosum ex nimis maturis, expessum. In Gallo-Provincia vitium expectando iusto diutius plerumque committitur (Sieuve).

Decerpuntur tempore olivitatis manibus, vel quod vero pe-
jus, concutendo arborem delapsæ olivæ colliguntur. Quo
citus post collectionem exprimitur oleum, tanto præstan-
tius evadit. Mora longiori reliæ & coacervatæ fermenta-
tionem facile subeunt, quæ lucri cupidini quidem favet,
largiorem olei copiam suppeditando, sed vilius oleum red-
dit (Fournier *l.c. p. 9.*). Hinc & novissime cl. Bowles (*In-
troduction a la Historia natural y a la Geografia física de E-
spaña p. 432. sq.*) ex putridis fructibus in Hispania exprimi
conquestus est. Vulgaris oleariorum methodus eliciendi oleum
illa est, quod olivæ una cum nucibus inclusis ope molæ in
pulpam conquassatæ fiscinis sive saccis ex junco paratis in-
dantur, horumque plures supra se invicem positi torculari
subjiciantur. Machinarum fabricam depingendam curavit
ill. Du Hamel (*l.c. Tab. ad p. 72.*) & magnam earundem va-
rijetatem cl. Rozier (*V. in Observations sur la physique &c.
Tom. 3. p. 417. sqq. Vues économiques sur les Moulins & Pres-
soirs à l'huile d'Olives connus en France ou en Italie, Tab.
1.7.*), qui novissime studio deditaque opera in optimam ea-
rundem pro temporis & impensarum parsum nia, & olei
bonitate constructionem inquisivit. Primum, quod in labrum
defluit, purissimum est, *Oleum virginum* vocant, & acetariis
usuique medico convenientissimum est, diuque servari
sece patitur; quod subsequentे cochleæ contorsione elicetur,
donec nihil amplius exundet, paullo vilioris pretii est. Quæ
intra fiscinas restat massa (*marc des Olives*) manu in alium
situm redigitur & aqua fervente humectatur; sacculis sic apte
dispositis nova pressione aqua multo oleo scatens defluit,
quod, postquam superficiem aquæ in vase supposito petie-
rit, trulla separatur. Quidam ne tum quidem acquiescunt,
sed novæ pressioni massam superstitem vel statim vel post
prægressam fermentationem submittunt, & ope aquæ fer-
vidæ novam quantitatem olei eliciunt, quod vero non nisi
pro lampadibus vel saponibus commodum est (Du Hamel).
Furni usui aptioris fabricam excogitavit cl. Venel (*sur l'usa-
ge de la Houille p. 346. sq. Tab. 6.*), quo aqua coquitur ad
expressionem olei hujus secundarii necessaria, carbone fossili
calefacienda. Quodlibet horum oleorum amurcam sive se-
dimentum deponit statione, unde post aliquot dierum mo-
ram in alia vasa pars limpida transferri debet repetitis adeo,
si opus, vicibus (Du Hamel). Jam antiquitus constitit, op-
timum oleum ex carne olivarum erui. Cato (*Scriptores rei
rusticae cap. 66. Ed. Gesn. p. 70.*) *nucleis*, scite inquit, *ad
oleum ne utatur, nam si uetus, male sapient,* & Columella
(*cap. 50. Ed. cit. p. 816.*) *ne nucleus, qui saporem olei vitiat,
confingatur.* Ita & discrimen obtinet inter oleum, quod te-
sta nucis, & illud quod nucleus ipse suppeditat. Scilicet pris-
mum

mum ex carne subtile & dulce est, grata odorum, coloris cedrini; alterum ex testa non limpidum, acre, ingrate olens; tertium ex nucleo tenax, obscuri coloris, fortisque odoris. Plurimi igitur interest, expressionem ita dirigere, ut quodlibet olei genus seorsum colligatur. Qua arte id fiat, edocuit cl. Sieuve (*Giornale d'Italia T. 10 n. 26 & icon ad p. 205.*) describendo & depingendo peculiarem machinam in hunc finem fabrefactam. Eo vero fabrica ejus reddit, ut fructum carnem a nucibus separat & ex hac primum oleum exprimat. Hocce prælum præterea id commodi affert, quod olei quantitas sexta parte augeatur, & purius, blandius minusque rancori obnoxium oleum acquiratur. Sub tanto consensu mirum est cl. Venel (*sur la Houille p. 368.*) non negare solum præstantiam olei ex carne fructum expresso, sed præferre adeo alterum ex nucleis, ob liquidorem, quam illi tribuit, naturam. Ut in sua integritate conservetur oleum, opportet uti ampullis vitreis arcto collo instructis, bene obturatis & loco frigido repositis. Dolendum, cl. Sieuve instar arcani abdidisse præparationem spongiæ, quam pro longiori conservatione in vasis fundum collocat. Transmissio vero largioris copiæ olei dolii quernis fit. Non videtur ubi vis recepta encheiresis esse ad separandas aquosas & mucilaginosas partes & ad rancorem arcendum, tantillum salis communis addere, quod una cum partibus istis recensitatis fundum petit, (quam tamen describit cl. Lewis in *M.m.p. 415.*).

Mala arte oleo Raparum vel Lini dulcedinem & albedinem olei olivarum conciliare quidam, hujusque nomine illa olea vendere, conati sunt, eadem in vasis plumbeis planis per aliquod tempus digerendo, ex commendatione adeo Degneri (*Breslauer Sammlungen Vers. 31. p. 208. sqq.*). Solutam hac ratione plumbi partem extra dubium est; hinc ista ab uero interno abesse omnino debent, nec pro lampadibus in artis conclavibus satis tuta, licet in œconomia alias vario fine, & in medicina pro unguentis emplastrisque variis, quæ saturnina alias recipiunt, ferri possint. (Conf. Reaumur in *Mem. de l'ac. d. sc. de Paris 1746. p. 495.* Neumann in *Miscell. Berol. T. 4. p. 321. sqq.*).

Oleum igitur olivarum genuinum, vendi solitum, subfluum est, pellucidum, non nimis unguinosum, saporis blandi, odoris vix ullius. Ætate rancelicit eoque citius loco calido repositum, & pro ratione rancoris acre fit. Frigore coit, opacum fit & albescit inde a gr. 38 therm. Fahrenheit. (*Muschenbroeck Phil. nat. T. 2. p. 616.*). Quod nonnisi circa punctum congelationis aquæ cogitur, rancidum est. Acre libero nihil ponderis sui dissipat, nec in balneo arenæ quidem per quindecim dies infra punctum ebullitionis aquæ

rétentum (Bergii *Mat. med. T. 1. p. 12. 13.*). Operæ pretium non est hic omnes notas, quas cum oleis unguinosis communes habet, recensere.

In œconomia multiplicis est utilitatis: Pabulum confustum lampadibus apud diiores præbet flammaque lucida ardet, tantillum modo fuliginis spargente, nec nidorosa, nisi dum stupa exstinguitur. Aptissimum igitur litteratorum lucernis nec oculis pulmonitusque adeo infestum, ut alia olea expressa usitata. Ad istas vero lampades non conductit, quæ hinc libero aere suspenduntur, quoniam frigore cogitur. Ex hoc & Soda optimæ notæ sapo paratur, de quo infra sub capite Salicorniæ. Oleum hocce carnes illi, intra fistula ampla luto probe clausa, immersas diu contra putredinem tuerit (V. Rozier in *Observations sur la physique &c. a. 1771. Sept. p. 75.*). Butyri loco uti illo multis religionis opinio injungit, unde & mohachi tam crebro herniis infestantur. Sed & inter meridionales gentes vulgare est; illud butyro substitueré. Septentrionalibus pro *Lactuca* similibus que acetariis vulgare additamentum existit. Taceo usum ejusdem illiti ad machinarum motus facilitandos & reliquos usus œconomicos.

Ob pinguedinosam naturam in corpore nostro acresstimulos involvit, fibras vaseaque lubricat, emollit, stricta nimis relaxat, stagnatione sanguinis tumida maturat. Quum oleo amygdalarum gratia proxime accedat, idèo & post hoc omnium frequentissime per os ingeritur. Deprædicanda omnino egregia ejus facultas est, venenum acre enervandi, erosa intestina obducendi, tussim a stimulo acri vel spasmodicandi, stranguriam doloresque nephriticos pacandi, spasmos, a quibus dolores uteri post partum colicique saepe oriuntur, item illos, qui post operationes graviores chirurgicas tot mala creant, resolvendi, intestina in hernia vel ileo constricta relaxandi, alvum nimis strictam reserandi. Largiori copia, ut alia pingua, facile emesin creat. Raro, nisi veneno caustico deglutito, solum ingeritur, sed vitello ovorum sive gummi arabico subactum vel salino in saponem mixtum, vel saccharo in electuarii speciem redactum. Extrinsecus admotum similes generaliter dictis virtutés præstat, quare & crebro partibus inungitur variaque forma applicatur, & vulgare clysmatum additamentum esse solet, prout ad dolores a calculo vesicæ lotii mitigandos infectio ejus multum confert. Claudiendo poros saepe nocet, in morbis præcipue qui miasma pro causa habent.

Sed insistendum quibusdam seorsum diutius. -- Non probbo Italorum frequentem olei in febribus variis inflammatorii quin putridis & biliosis (Panzani *Ragionamento sulla uso interno degli olj nelle febbri gravi 1775.*) usum, qui non po-

potest non debilitare ventriculum, nauseam vel vomitum ignere & rancore, quem calore facile concipit, augere febrem bilemque corrumpere. Nihilominus commendatur impense a Gallo (Fournier in Richard de H. *Observ. I. c. p. 69.*) iis in febribus (putridas & malignas vocat), in quibus lingua ægri cum interno ore sicca, crassa, aspera & nigricans est, unde aquosis liquidis obstaculum ponitur, quo minus penetrant, quod vero emolliente & relaxante vi olei tolli credit, ut & peccanti materiæ liberiorem exitum primæ viæ concedant, & liquidum pro diluendo sanguine necessarium recipi queant; in hisce quoque ideo illi placet, quoniam alvum blande laxet.

Tanquam anthelminticum considerare jubet nos communis oleorum in insectis vermisque necandis potentia, quam Redi aliorumque experimenta confirmant, quæ non immemo in de derivatur, quod oleum, quo submersa fuerunt vel oblitia hæc animalia, eorum spiracula obturet. Contra vermes intestinorum pariter valere olea varia ore sumta constitit, quæ inter licet tenaciora, quæ aere siccantur nec frigore coguntur, ut oleum Nucum (V. *Appar. med. T. 1. p. 39.*) vel Lini efficaciora appareant, tamen nec olivarum oleum ipse excidere medentes sinit. Conducit vero non solum ideo, quod vermes necet, sed quod tenesmos doloresque intestinalium & spasticas constrictiones compescat. Instar arcani olim in Gallia fuit succus Granatorum oleo olivarum commixtus, quod vero revelavit Forestus (*Oper. Lib. 21. Obs. 27. p. 350.*) illius cochlear unum, hujus cochlear dimidium adolescenti cuidam exhibendo. Oleum commune, (quo nomine Ol: oliv. intelligo) cum vino a mulieribus Gallis verminibus exhiberi, Riverius (*Prax. med. Lib. 10. p. 504.*) narrat. Successit & cl. Wall. (*Phil. Trans. Vol. 50. P. 2. p. 839.*) oleum cum spiritu volatili aromatico, ut tanto melius fese cum humoribus primarum viarum commisceret, subactum, & bis de die captum. Requiritur autem olei larga copia pro qualibet dosi (Hoffm. *Suppl. ad Med. syst. de infant: morb. c. 10. de vermis p. 83.*); variisque aliis; ut aromaticis amaris, oleis essentialibus; utiliter jungitur, nec commoda purgantia per intervalla subministranda negligi debent (Wall. *I. c. p. 841.*).

Non novum inventum est, in hydrope illud inungere, sed superioribus annis pristinam modo famam recuperavit sollertiaque majori in usum tractum; qua in re tam ad frictionem quam ad olei ipsius efficaciam respiciatur. In hydrope analarca frictionem priimum cum oleo moderatam & mollem, in progressu autem siccum & intentiore, dein per linteas asperiora suasit: Aëtius (*Serm. 10. c. 28. p. 244.*) Salem addi jussit Galenus (*de compos. med. p. loc. Lib. 9. cap. 3.*

3. p. 943. Ed. Ricc.). Velleri inductam amurcam hydroperis imponi voluit Dioscorides (*M. m. L. i. c. 134.*). Frictionem ter quaterque quotidie cum oleo & quibusdam calescentibus administrandam commendat Celsus (*de medic. L. 3. c. 21. p. 164. Ed. Kraus.*), sed quod memorabile, a ventre abstineri præcipit. Recentior contra ætas inunctionem olei asciti nominatum destinavit, supra abdomen exercendam illam curans. Ita sanata legitur foemina, cuius ab domini oleum coctum ranarum inunctum (*Forest. Opp. Lib. 19. Obs. 35. Schol. p. 253.*). Postquam vero cl. Oliver M. D. tria ascitis feliciter hac encheiresi curati exempla recentissimis (*Phil. Transl. vol. 49. P. 1. p. 46.*) : multi alii medici avide eandem imitati sunt. Asciticis plurimum conduxisse expertus L. B. de Störck (*Ann. med. 1. p. 90.*). Duo casus memorabiles ample describit cl. Medicus (*Beobacht. a. d. Arzneyw. p. 569. 599.*). Nec in Gallia rara vel infelix fuit ejusdem applicatio (*V. Gardane Gazette de Santé 1773. & 74. p. 29. 254. 267. 279.*). Profuit vero sub enormi ex collecta lympha intumescens totius corporis (*Oliver l. c. p. 47. Medicus l. c.*), etiam in ætate proiectis (*Fœminæ septuagenariæ meminit Olivier*), in inveterato adeo ascite, prout eo, qui cachexiam quindecim annorum sub symptomatibus variis icteri & hydroperis ingruentem exceptit (*Oliver*), quando paracentesis aliaque auxilia multa frustra antea tentata. Casu singulari miscela hujus olei cum spiritu salis ammoniaci profecit, quum oleum solum frustra per ostium adhuc hiberetur (*Desgeraud in Journal. de Medecine T. 43. p. 128.*). Encheiresis ea est, quod abdomen ægri mane & vesperi, vel ter de die per quadrantem vel dimidium horæ, vel eandem integrum manu oleo olivarum madida perfricitur, quod ipsum per aliquot hebdomades, vel mensem iteretur. Sic post aliquot dies secessus lotii copiosus insequitur, & alvis pro voto solvit corpusque sub redeinte virium integritate detumescit. Rediit quoque oleo applicato in fœminis quibusdam menstruorum fluxus antea suppressus (*Oliver, Gardane*). Superstes diutius pedum tumor simili eorundem trahatione disparuit (*Medicus*). Frictionis in universum in hydrope insignis efficacia, qua nimirum tenax liquidum attenuatur, stagnans movetur, & resorptioni aptius redditur, tumoresque hydroperici dissipantur. Blanda vero molliique olei natura prohibet, ne hac ipsa cutis laedatur, vel adeo inflammetur ut gangræne sit, finisque illam diutius continuare frequentiusque repetrere. Anne & cum ill. Tissotio (*Epist. med. pract. p. 415. 5q.*) in censum trahere juvat impeditam per oleum pororum cutis vim humidum aeris reforbendi? Vix crederem tantum valere inunctionem ad abdomen unice restrictam, arceri vero humiditatem aeris polle,

se, si in toto corpore perficeretur. --- Ast non ubivis neque certum neque tutum auxilium. Tribus casibus expectationem cel. Tissot (*I.c. p. 420.*) frustratum est. Nec profuit integumentis nimium tenis & tenuibus, respiratione que valde difficulti (Storck *I.c.*). Casu quodam auxit tumorem valdopere, aliisque binis motus febribles quodlibet tamen excitavit (Medicus *I.c. p. 577.*).

Multos tenuit deprædicata hujus olei in enervando morfu viperarum efficacia, quā in experimentis alii firmare, alii rursus refellere se posse arbitrati sunt. Non ad recentiora quidem inventa hæcce ipsa referri potest, etenim in libro sub finem superioris seculi jam edito (*Medicina curiosa*, primum a. 1688. dein iterum a. 1705. impressa) jam memoratur. Sed signum quasi experimentorum capiendorum serius dedit vir quidam singularis in captandis viperis peritiæ Wilhelmus Oliver, qui primum a. 1734. Windsoræ præsentibus Derhamo multisque aliis non obtusi nasi viris, a binis viperis in pollice & brachio morderi sese passus, nulla alia medela contra effectus exortos quam oleo olivarum inuncto convaluit (Burton in *Phil. Transf. Vol. 39. p. 312.*). Idem postea præsentibus variis Societatis Scientiarum Londinensis membris aliisque a serpente venenato (common Adder) circa articulum pollicis dextræ manus mortuum substinxit, eo effetu, ut tam in loco sauciato, quam remotis corporis partibus solitæ sequelæ, ut intumescens partis, dolor, languor, respiratio difficultis, tumor ventris, vomitiones alvique dejectiones crebræ tel. sélé exsicerent, nec alio remedio post moram unius & quadrantis horæ uti voluit, quam oleo hocce, calide super carbonibus ignitabili carentibus, a conjugi brachio undique inuncto, idque igni tam prope ac fieri posset, quasi ustullare vellet membrum. Cordiales quidem haustus a præsentibus medicis illi ob debilitas nimis vires dati, sed majus longæ solatium attulit vitrum unum vel alterum olei olivarum epotum; & continuata per plures dies inunctione, quæ & in aliis dolentibus membris adhibita, omnino in sanitatem rediit. Binarum columbarum ab eadem simul vipera commorsarum, quibus nihil applicatum, una intra horam, altera intra fœsi horam periit, carne in gangreneam abeunte & sanguine coagulato nigroque. Cani contra ea & alii columbæ nihil mali post inflictum ab alia vypera vulnus, utpote bene peruncis, accessit. Taceo experientia, quæ vir ipse instituisse in vaccis, equis, canibus, decem adeo horis post mortum, ipse professus est (Mortimer *I.c. p. 313.*). Oxonii pariter & ille vulnera duo, & conjux ejus tria fibi inferri coram testibus idoneis non recularunt, utrobivis successu eodem, seduloque ibidem cautum, ne fraus committeretur. Pulli vero gallique juniores, item ca-

tulus, frustra oleo inuncto, post unam vel plures horas perierunt (Atwell l.c. p. 394.). Dein Plymuthi in alio cætu doctorum virorum idem experimentum vir ille olei inuncti ope impune tulit, dum columba sibi met relictâ interieret; catulis, felibus & columbis pariter servandis iterato a medicis tentamine sufficit (Williams Phil. Trans. Vol. 40. p. 26.). Duo hucusque modo recensita sunt hominum, quibus successit tentamen, eorundemque Anglorum, exempla. Dredæ aliud incidit hominis in dîgito a vipera commorsi, indeque insigni brachii tumore doloreque cum virium prostratione insigni affecti, sed calidi olei inunctione & liquore anodynō minerali; irritis aliis, periculo erepti (Abr. Vateri *Diss. de antidoto novo adversus viperarum morbum præstansissimo*, Wittm. 1736. Programma ejus, quod in titulo alium casum felicem allegat; legere mihi non contigit.). Felici etiam eventu inunctio olei Hafniæ narratur tentata a Prætico olim experientissimo, b. Fabricio, in rustico in dorso pedis morso, sed in sublidium tracta mixtura acetum & Theriacam continens (Flensburg *Diss. de oleor. express. usu med. Haf. 1773. p. 45.*). Ita & Flensburgo retulit c. Bösel, se oleo hoc tam ingestu quam inuncto sanasse hominem a vipera manu & lingua fauciatum & in collo symptomata gravissima sentientem (l.c.sq.). In Gallia patrocinium tulit viri non creduli (Claude Pouteau, *Mélanges de Chirurgie*, 1760. p. 155. sqq.), qui quatuor vipersa commorsis eo unice auxilio fuit, quod manum fauciatam ollæ oleo hocce repletæ immergendarum oleoque fovendam, variis mali omnibus effectibus jamjam se exferentibus curaret. Ex duabus columbis una a vipersa mare necata, oleum etsi applicaret; altera, vipersa foemina commorsa, hujus ope convaluit: --- Par quoque eventus disparitas contigit in experimentis istis numerosis, quæ invitante academia scientiarum Parisiensi (*Memoires de l'ac. R. d. sc. 1737. p. 183. sqq.*) cll. Geoffroy & Hunaud in pullis gallinaceis, canibus, felibus, anseri, meleagridre ceperunt. Quibusdam horum animalium post mortis varia temporum a vulnere inficto distantia, oleum illitum, aliis vero non; plurima eorum pars, quæ servata sunt, non peruncta, alia multa peruncta nihilominus interierunt. De simili inconstantia effectus olei in hominibus, ill. A Linné querela est, qui aliquoties adhibuisse sese oleum affirmat, sed exitu exspectationi adverso (*Amoen. acad. Vol. 2. p. 407.*), & mulierem nominatim Colubri Chersæ mortuæ, oleum etsi tam copiose potasset quam inunxit, misere necatam dolet (*Amoen. cit. Vol. 6. p. 213.*): --- Conciliare diversa ista de effectu olei testimonia arduum est. Id primum, casum unum A Linneo allatum si excipias, reprehendo, quod species serpentum non fuerit significata.

Vere

Vere venenatos fuisse plures , dubitare non sinunt peritia virorum , qui experimentis adstiterunt , & effectus mali , qui mortuum excepterunt ; quis vero veneno infestos fuisse omnes , qui fanationem admirerunt , nos convinceat , & quis ejusdem malignitatis omnes & singulos venenatos esse ferio affirmabit ? ut igitur oleum , quod unius speciei virus enervat , contra aliud venenum nihil valere probabile fit . Iteratis itaque tentaminibus res videtur dignissima . Variat præterea in una eademque specie mortus effectus pro profunditate vulneris diversa , pro parte vel magis vel minus nervosa , pro iræ , qua serpens succenditur , gradu , pro copia salivæ venenatæ & per aduncos dentes effusæ , quæ post mortum unum vel alterum inflatum parcior & debilior est , pro numero vulnerum illatorum , pro majori vel minori sanguinis ex plaga effluxu , pro diversitate insuper temperie animalium vel caloris aerei . In tanto experimentorum numero horum momentorum aliquid facile potuit neglectum esse . Saltim insignes fuisse olei virtutes in hominibus vitæ periculo eruptis negari nequit . Quod vero hæc non unice oleo olivarum competant , inde palam fit , quod axungia viperina multis , a serpentibus commorsis , auxilium attulit (Mead Opp. Tom. 2. p. 47. Ed. Gott.) , & oleum scorpionum hujus infecti puncturam innocuam simili applicatione reddidit . Hæc omnia involvendi acre virus & spasmos relaxandi potestatem habent . Oleum olivarum ideo præferri meretur , quod ubi vis prostat , & adjuvante carbonum calore tanto magis penetrat . Partem virtutis etiam a vi ignis derivarem , quam ulcera aliaque quædam vitia externa admoto carbone feliciter curari recentius compertum , quin adeo ulcus ex mortu hominis irati (Favre Mem. de l' ac. de Chir. T. 5. p. 821.) , & societas scientiarum Anglicæ Oliveram ustulans quasi brachium suum referat , nisi cl. Pouteau jam a manu olla oleo repleta immissa effectum eximum percepisset , & alii simplici inunctione acquieviscent . --- Hæc inundatio etiam in puncturis apum , vesparum , aliorumque infectorum non mediocri præstantia est (Fabricius & Bossel. II. cist.).

Vix rabiei caninæ dupli casu a cl. Boenniken (Fränk. Samml. I. B. p. 490. sq.) curatæ meritum oleo olivarum tribues , si , præter interna varia , scarificatum emplostroque vesicatorio obiectum vulnus fuisse memineris .

Amurca) I. massæ post expressionem olei in saccis residua in glebas pro foco redigitur . Sed & utiliter applicatur in paralysi & doloribus ex causa frigida (rheumatiſmos chronicos intelligo) , unde transpiratio cutanea vel sudor abunde pellitur , ita ut , si universalis ejus applicatio fiat , in syncope ægrum cadere pronum sit (Fournier I. c.) . Podagri-


Sepiaria.

30
cis & arthriticis recentem calente fotu opitulari, jam no-
tavit Dioscorides (*M. m. L. I. cap. 134.*).

PRÆPARATA ET COMPOSITA.

Linimenta, unguenta; emplastra, olea infusa & cocta)
pleraque oleum hocce recipiunt.

Oleum philosophorum) *Pb. W. p. 131.* Paratur oleum oli-
varum cum lateribus in pulverem redactis destillando. Acre
sic per ignem blandum oleum evadit & tenuius & pene-
trantius. Contra paralyzin, rheumatismum, convulsiones,
& ulceræ sordida externa adhibetur. Interne quoque quidam
et si rarissime ad paucas guttas exhibent.



O R D O XVII.

B I C O R N E S.

A R B U T U S.

Linn. *Syst. veget. p. 236. Gen. pl. p. 220.*

Pharm. UVÆ URSI Folia.

211. *A RBUTUS UVA URSI*; caulis procumbentibus,
foliis integerrimis Linn. *Spec. pl. p. 566.* Uva rsi
Clus. *rarior. pl. hif. p. 62.* Descriptam prolixius cernins *Com-*
ment. mea de Arbuto Uva ursi. Gotting. 1764. Icon: junioris plan-
tæ, in Linn. *Fl. Lapp. Tab. 6. fig. 3;* senioris, in Girardi
de Uva ursa nova animadversion., Patavii 1764. recus. in
cel. Sandifort *Theb. Diss. T. 2. Tab. 8;* ramuscilorum abscis-
orum in *Fl. Dan. Tab. 33.* Frutex sempervirens, humilis,
et si ætate largo spatio diffusus, locis sterilibus, apricis, sa-
bulofis obvius, idque in sylvis & montibus tam calidioris
quam frigidioris Europæ, in Hispania, Gallo-provincia,
Italia, Corsica (Valle in *Nov. Act. Nat. Cur. Tom. 4. App. p. 212.*), Helvetia, Svecia, Lapponia, Norvegia, Islandia
(König in *Nov. Act. N. C. Tom. 4. p. 207.*), per totam pa-
riter Sibiriam, et si non copiose, prope Wolgam autem co-
pissime. In Germania quidem parcior, lectus tamen pro-

pe Vindobonam, in Carniola, Styria, in Silesia superiori, Gryphiæ, in Rugia, ad Hassia inferioris montem Weissner, in Alsatiæ monte Breitenau & Sundgovia; &c., ut de ditione Hanoverana seorsum dicam, in ducatu Cellensi versus Schelplau; item in ducatu Bremensi in itinere inter Nienburgum & Hamburgum, per ill. O. A Münchhausen (*Litt.* ad me datae eum invenit. In America ad fretum Hudsonis crescit (*Charlevoix in Hist. de la nouv. France T. 2. addit. p. 5.*), & in Canada 22. circiter milliaribus trans Quebecum copiosè conspectus (*Akalmio in Rösa til Norra Amerika P. 3. p. 3. p. 426.*). Ut reliquatum bicornium, ita & hujus, propagatio per semina valde difficilis; nec minus translatio ob arescentem mox post evulsionem corticem radicis tenellum, & conservatio in hortis molesta.

Imposuit incautis similitudo ejusdem cum *Vaccinio Vitis idæa* Linnæi cuius erroris ne C. Bavilius (*Pinax p. 470.*) quidem videtur immunitis fuisse. Sed Uva ursi folia gerit ad basin angustiora, crassiora, subtus integra; Vitis idæa autem basi latiora, tenuiora, subtus punctata; ista caules proculentes, hæc oblique assurgentes; ista corollam ovatam, germini subiectam staminibus decem, hæc campanulata, profundius incisam, germine superiorem, staminibus octo; ista bacca farinaceam sicciam, insipidam, loculis seminibusque plerumque quinque, hæc baccam turgentem succo accido loculis quatuor semenibusque numerosis.

An Uva ursi sit *apru sapuln* Galeni (*dæ comp. med. sec. loc. L. 7. c. 4. p. 548. Ed. Chart.*), quæ ab isto in haemoptysi laudata, vel *iðuæc pçn* Dioscoridis (*Mat. med. L. 4. c. 42. Ed. Vergil. p. 487.*), ob adstringendi vim in alvi laxitate, muliebri fluxione & haemorrhagiis sistendis, deprædicata, post inquisitionem eti sollicitam (*V. Comment. mea cit. p. 11.*) definire non ausus sum, dum alii memet minus in determinandis veterum stirpibus timidi haud verentur. Non esse saltim proxime dictam plantam probabile est.

Præferri merentur ex plantæ, quæ locis apricis nascuntur, reliquis, quæ locis opacis reperiuntur (*Girardi l. c. p. 457.*).

Fama, quæ ante viginti, & quod excedit annos, de ejus in calculo & vitiis aliis viarum lotii efficacia Vindobonæ increbuerat, & me olim ad observationes experimentaque impulit, quorum summam in *Commentatione* citata exposui. Præcesserat opusculo cl. Gerhard (*Die Barentraube chymisch medicinisch betrachtet, Berlin 1763. 8.*), item cl. Quer alio (*Dissertation sobre la passion nephritica, y su verdadero específico la Uva-ursi à Gayubas, Madrid 1763. 4.*) quod vero non nisi aliquot annos post in versione (*Dissertation sur la maladie nephritique, & sur son véritable spécifique le Raisin d'ours,*

Strasbourg 1768. 8.) legere mihi datum est. Eodem anno, qui ego, stirpi dicavit studium suum cl. Girardi (*de Uva ursina ejusque & aquæ calcis vi lithontripica novæ animadversiones, experimenta, observationes, Paravii 1764.*), neutro nostrum alterius operæ gnaro. Dictis a me antea de stirpis hujus virtutibus interferere multa, recentiori luce cognita, jam vacat.

Folia) gustata mox stipticum saporem produnt, postea vero grate amarum, salivamque copiose alliciunt. Caules, & horum quidem cortex, adstringunt longe magis, quam folia, amaritie autem hisce inferiores sunt, lignosa parte ferre omnino insipida Odor foliorum siccorum is est, qui Glycyrrhizæ radici, vel ejus extracto (Cf. *Comment. mea p. 21.*).

Quid chemia inde eruat, exposuerunt ill. Gerhard (*I. c.*), Model (*Zweyt. Schreiben wegen der Beßluebbeckischen Nervenentzündung, welchem eine phys. chym. Unters. und Vergleichung der Fieberrinde mit der Uva ursi beygefügt ist, 1763. p. 17. sq.*), eodem (*I. c.*), item Girardi (*I. c.*). Adstringentem naturam præter saporem mihi declaravit ater infusi vel decocti cum vitriolo martis mixto color, & nigredo spathulae fereæ, qua extractum agitavi. Plus foliis inesse guimmosarum partium, in quibus amarities latet, quam resinæ deprehendi, quæ viridis & insipida est, licet utriusque arctum consortium sit. Unde patet, pro usu medico aquosum menstruum spirituoso esse præferendum. Decoctione partes efficaces valentius evolvit, quam infusio. Maximum pondus earum constituit terra, quæ tamen stiptibus adhuc majori quantitate inest. Pauxillum salis alcalini fixi insuper stirpem ingreditur (*Cemm. m. p. 34.*). Cl. Modelii (*Zweyt. Schreib. p. 17. 19. 22. 23.*) scrutinium præcipue circa foliorum recentium succum ope pauxilli aquæ expressum hæsit, quem tam infuso quam decocto antistare efficacia, ex chemicis experimentis colligit. Distillatione foliorum siccorum ex vase retorto luto obducto super forti igne ascendit aqua acidula, liquor acidus subruber empyreuma olens, tum oleum nigrum tenax (Girardi *I. c. p. 458.* Conf. Model *I. c.*).

Tempus locisque, quo primum hæc stirps in calculosis affectionibus adhibita fuerit, expiscari vix datur. Cl. Quer (*Versl. cit. p. 84.*), qui gloriam inventionis patriæ suæ Hispaniæ adjudicatam cupit, a. 1734. Neapoli se jam præcepisse illam aliosque ibidem tringinta annos antea refert. A. 1743. constituit (*Linn. Progr. ad orat. de telluris habitab. incremento in Amoen. acad. Vol. 2. p. 407.*), plures ante annos Monspeliensis medicis in pretio fuisse. Maximam vero in se inde ab a. 1756. attentionem movit, ex quo ill. De Hæn (*Rat. med. T. 2. p. 160.* & sequentibus Tomis va-

riis) experimenta sua in calculosis capta publici juris faceret.

Quid contra calculum, valeat, experimentis etiam extra corpus humanum tentare operæ pretium est visum. Equidem simplicissima forma usus, decocto tam frigido, quam calido, ejus caloris gradus, qui corpori animali inest, calculos urinarios crustulos pariter ac murales dictos (h.e. ex variis moleculis glutini junctis conflatos) per sufficentem tempus immersi, sed etiam si quidam horum friabiliores inde evanescerint, hanc mutationem justius aquæ quam ipsi stirpi adscribendam putavi, fultus peculiaribus super hac re a me institutis experimentis (Comment. m. p. 54. sqq.). Cl. Girardi rursus liquori acido supra dicto calculos varii generis urinarios immittens, emollitionem, aeris explosionem, ponderis dispendium, tanquam indicia solvendi potestatis indubia consideravit. Nec haec vis liquoris, lotii, salivæ vel bilis miscela, debilitata (l.c. p. 461.), ita nec connubio vini vel succis vegetabilium, certe haud paucis. Spiritus vero vini eandem inertem reddidit, & adjecta ova, pilces, saccharum vel mel (l.c. p. 464. sqq.), manifeste eam minuerunt. Injectum in lotii vesicam liquorem aqua dilutum varia animalia satis probe tulerunt, per os vero infusus vomitum creavit, ventriculum contraxit & inflammavit (l.c. p. 462. sqq.). Miror, quod cl. Girardi ex hisce experimentis Uvæ ursi vim lithontripticam veram evinci existimet, quum potius novo testimonio sint, hac virtute valere acida, certe multis in casibus, ad quorum censum liquor ejus exploratus pertinet. Miror quoque, quod non isto liquido usus fuerit in ægris suis, quum tantum illi tribuat, sed foliis modo in pulverem redactis vel decoctis.

Pleraque felicis in calculo successus documenta ad illum in renibus hærentem pertinent; quo spectant testimonium ab editore formularum cl. Barbeirac (p. 163. Lugd. 1751.), plures ill. De Haen (*Rat. med.* T. 2. p. 170. T. 3. p. 177.) causis, duæ a me recenitæ historiæ (Comm. m. p. 41. 45.) b. Werlhofsi, ell. Taube & Pallas narrationes, quarum etiam (l.c.) jam memini, tria a cl. Quer (l.c. p. 84. sqq.) notata exempla, tertium a cl. Scovolo (apud Girardi l.c. p. 473.) & aliquot a cl. Girardi (*Obs.* 2. 4. 6.) item tria a cl. Buchoz (*Traité des plantes de la Lorraine* T. 6. p. 389. sqq.) iterumque a cl. Geßnero (*Sammel. v. Beob. Vol.* 3. p. 243.), memoriae prodita. Profuit vero Uva ursi & istorum multis, in quibus de præsentia calculi in vesica urinaria vel signis suis (Girardi l.c. *Obs.* 4.) vel catheteris exploratione (Haen *Rat. med.* T. 3. p. 143. 147. 150. & Tom. 5. p. 145.) constituit. Imo retentio urinæ, quæ in diem decimum octavum jam duraverat & ex calculo urethræ impacto originem traxerat, ir-

ritis reliquis omnibus, Uva ursi sublata fuit ab ill. Bergio (*Litt. m. Novembr. a. 1778.* exaratæ). Eventus idem in calculo, sive infanti bienni (*Haen l.c. T. 6. p. 177.*), sive tenibus decrepitis (*T. 4. p. 253.* Buchoz *l. c. p. 391.*), exhibetur. Nec vetustas mali inahem eam reddidit, quin in octogenario (*Haen l. c.*) per quadraginta annos duraverat, tamenque levatum. Quidam promtum auxilium conciliavit, alii vero opus fuit per multos menses in usu pergere (*l. c. Tom. 2. p. 164.*), sunt quos perfecte omnino sanitati restituit (*l. c. T. 2. p. 171.* *T. 3. p. 176.* *T. 4. p. 253. 265.*). Nempe dolores inde mitescere cœperunt, vel conticuerunt omnino, dysuria vel stranguria molesta vel ischuria cessavit, cruror vel parcus vel rarius cum lotio secessit, item puris formis materia, donec omnino supprimeretur, stupor cruris vel pondus latentis calculi disparuit, multum fabuli cum lotio prodiit, vel etiam lapilli veri ejecisti. Hique subinde haud exigui, e. g. calculus Phaseoli magnitudinis (*Girardi Obs. 2.*) & aliis tam magnus, ut per urethram sine chirurgi auxilio protrudi non posset (*Buchoz l. c. p. 390.*). Qui contra calculum renum usi sunt ista, glabriores postea lapiilos excreverunt (*Rosenstein in Husch Reaport p. 62.*). Aliis levamen modo malorum attulit (*Haen l. c. T. 4. p. 256.* *T. 5. p. 145.*). In copnubio acidularum contra recrudescentes eorum insultus præservavit cl. Alix *Observ. chir. Fas.* *4. p. 31.* In nonnullis, symptomatibus licet omnibus iubatis, calculus tamen cathetere adhuc tangi potuit (*T. 3. p. 151.*). Mucus ille in calculorum lotio vulgaris post ritte adhibitam stirpem manare in quibusdam desiit (quorum exempla perfecte sanatorum & aliud *T. 3. p. 146.*), in aliis parcus fluxit, in aliis rursus, devictis licet reliquis incommodis, prout ante persistit (ut in ægris meis). Facilis quoque eorum, qui sanati videbantur, omissa medela, vel male vita genere, in pristinum malum relapsus fuit (*l. c. T. 2. p. 164. 166.* *T. 3. p. 144.* *T. 4. p. 254.* Casus duo a me in *Comment. narrati.* Girardi *l. c. Obs. 3. 6.*).

Absit autem ut omnibus adjumento esset De Haen. (*l. c. T. 10. p. 277.*). Quidam per novem adeo menses frustra illam ingesserunt (*l. c. T. 6. f. 197. Conf. T. 4. p. 254.*). Tum nominatim nihil virium praestat, quando vel a calculo, vel a pure vel ab urina saepe diutiusque retenta insignis lotii viarum degeneratio (*l. c. T. 9. p. 257.*) suborta. Pluries tamen & tum opem fert, quando a calculo in urinariis & vicinis, ut scroto, pene, perinato exulcerationes productæ fuerunt, vel & pus ex superioribus cum lotio secessit (*l. c. T. 2. p. 163. 166.* Girardi *Obs. 5.*). Nec venereum inquitamentum impedimento est, modo mercurius prudenter interpoletur (De Haen *l. c. T. 3. p. 178.* Cfr. Girardi *l. c. Obs. 3. 6.*).

Efficax igitur omnino in calculo Uva ursi censenda remedium. Vere tamen solvere illum, non persuadeor. Huic opinioni nec, quantum capio, extra corpus humanum instituta experimenta favent, nec phænoimena in ægris, quibus offertur, obvia. Nimis promte sæpe effectus insequitur, quam ut emolliri, deliquescere vel dilabi calculus inde posset: nimisque cito sæpe redeunt mala pristina neglecto usu, quam ut in noctum coalescere posset; vere subinde superfuisse, symptomatibus et si silentibus, catheter declaravit. Nec, me judice, a calculo quidam liberatus omnino dicendus est, in cuius lotio mucosum istud, albumini ovi haud absimile hæret, quod, in charta bibula ficatum, mihi fabulum subtilissimum album, splendescens, quasi ex meris crystallis constaret, erogavit, ut prima calculi stamina constituere probabile mibi videatur. Hic vero mucus sæpe post alia mala devicta superfuit. Magni tamen Uva ursi facienda, quoniam cruciatuſ reliquaque incommoda tollendo vitam tolerabilem negotiisque aptam reddit, lotium præterea, fabulum & lapillos in majorem calculum concreturos pellit, tum & rotorando renes diathesin ad calculum sufflaminat. Adstringentium efficacia in calculo pellendo (Cfr. Heucherij *Diss. de calculo per adstringentia pellendo Witteb.* 1711.) jam dudum constitit: sed in nostra stirpe amaritiei quoque respectum esse habendum autumo, quæ aliis exemplis in malo affini, athritide, tct ægris solatio suit, & peculiarem insuper opem via lalsamica exulceratione jam nata pollicetur. An vis ejus unice a sensilitate & irritabilitate lotii partium per tempus imminuta dependet? Ita sensit cl. Gerhard (v. d. *Bärentrubē*). Hinc & cl. Biffl (med. *Essays* p. 157.) existimat convenire in dysuria symptomatica ex irritatione a calculo orta, ad inflammationem dissipandam & irritabilem vim vesicæ minuendam. Multa quidem contraria sunt huic explanationi, licet non absonum credere arbitrer, quod prout non quisvis stimulus a quovis nervo sentitur, ita nec singulorum nervorum sensus ab eadem obtundente vi infringatur.

Verum & in variis lotii viarum vitiis, in quibus nulla manifesta calculi suspicio, efficaciam suam declaravit. Hujus generis sunt exulcerationes harum partium (De Haen *I. c. T. 4. p. 253.*); item dysuria & stranguria ex prægresso maligno morbo (*I. c. T. 4. p. 261.*), dysuria in senecte (b. Vogel in *Comment. m.*) & in aliis ex hæmorrhoidibus enata (Girardi *Obs. 1. 3.*); mictus cruentus ex vitio collum vesicæ occupante cum mictu valde doloroso & purulento (Scovolo *Cas. 1.*); mingendi stimulus molestissimus cum lotio mucoso (*I. c. Cas. 2.*); cataralus vesicæ, in quem casu singulari mucosa in pectore collectio transiit, decocto autem stirpis & Glycyrrhizæ sub nitri miscela sublatus (Roux *Journ. de Med.*

T. 43. p. 126.) ; paralyfis denique vesicæ apud sénem, quæ supra tres menses ad lotium evocandum catheteris applicacionem requisivit, intra paucas hebdomades planta nostra sanata (Plenck *Mat. chir.* p. 276.) --- In fluore albo graviori casu singulari (*Comment. mea* p. 59.) prosecit; quod in memoriam iterum revocat similis ab alio (cl. Bicker *Mat. med.* p. 98.) significatus successus. --- Tentamen vero in phthili purulenta, ad quod invitare facile poterat usus in ulceribus renum, successu caruit (Hasenöhrl. *Hist. febr. petech. Obs.* 10. p. 69.).

Utinam vero reliquæ hucusque dictæ laudes ubivis personarent, nec aliorum vel de inertia vel de sinistro effectu querelis turbarentur. Minus tutam Uvam ursi pronunciavit Sauvages (*Nosol. meth. T. 3. P. 2. p. 200.*). Nihil virium declarasse vel ante vel post lectionem in calculosis dolet ill. Acrel (*chir. Handalagens förkärt.* p. 53.) exemplis peculiari bus quoque allatis (Ejusd. *chir. Händelser. Ed. 2. p. 370. 372.*). Unico modo verbo indicant medici Londinenes fodalitio juncti, complures eorum frustra istam præcepisse (*Pref. ad med. Observations and Inquir. Vol. 3. p. 5.*). In mihi cruento chronicum cum tenesimo & dyuria gravi, qui vesicæ ulcus causam habuit, summum Werlhofium casu singulari destituit (*Comm. m. p. 39.*). Nullum pariter lenimen conciliavit homini incontinentia urinæ cum ulcere vesicæ absque calculi vel fabuli indiciis laboranti, sed molestias potius exasperavit (Fothergill in *med. Observ. T. cit. p. 144.*). Ita affirmat cl. Lewis (*Mat. med. p. 622.*) omnibus casibus, qui sibi in Anglia in notitiam venere, multa incommoda creasse sine ullo apparente levamine. Quod mirum lane, quum ill. De Haen necnon cl. Quer (*J. c. p. 77.*) expresse moneant, ex protracto medelæ usu nullum malum effectum contigisse. Si manifesta inflammatio in hisce malis se se adsoiat, ut non raro accidit, & ego arcendos ab usu ægrorum censeo: utrum autem vere adfuerit in casibus allatis, non dixerim. Illustrum Ab Haller stranguria & dysuria per plures annos laborantem non nisi brevi tempore solabatur (*Comm. nov. Soc. sc. Gott. T. 7. p. 6.*). Exiguam modo vim diureticam infuso aquoso inesse, notat cl. Alexander (*Exp. Essays p. 151.*). Alius vero in connubio tantummodo aliorum emolumenti aliiquid inde redundare arbitratur (Haverm. *Bemerk. T. 2. p. 80.*).

In pulvere folia Uvæ ursi exhibere consuetissimum est, a granis quindecim (Sauvages) ad scrupulum unum vel duo (De Haen), ad drachmam unam usque (Quer), quod radius, semel, bis vel ter vel quater de die. Querio (*J. c. p. 80.*) placuit amplior dosis, nam minoribus alvum solutam sicque ægrum defatigatum observavit. Quibusdam displicet,

nimiūm aثارities, vinci vero potest capto mox haustu aquæ frigidæ, unde in saporem gratae dulcem mutatur, vel mitigari addito tantillo saccharo (Quer.). Minus fastidii excitat infusum, scilicet ex foliorum drachma una & aquæ cayathis duobus vel tribus (Sauvages), vel ex drachmis duabus foliorum & libra una aquæ ferventis. Decoctum tamen, quo & usi Haenius & Querius fuerunt, efficacius esse, ex superioribus de analysi chemica dictis, appareat. Jubet vero Sauvagesius (l. c.) jacturam abrasi muci resarcire juscule emolliente post quodlibet præbium. Lenimen licet sœpe subito & intra paucos dies contingat, pergere tamen in usu per plures hebdomades vel menses convenit. Doloris vehementia subinde sub usu hujus remedii paregorica vel & injectionem olei Lini per urethram requisivit. Congrua & fuit miscela Uvæ ursi cum Virga aurea (cl. Taube *Comm. m.* p. 40.).

Pauca modo exempla lego, quod præter folia aliæ plantæ partes in forum medicum transferint. Non folia vero tantum, sed & *Baccas* & *Radices* stirpis ob vim adstringentem Hermannus (*Cynos. Mat. med. contin. 2.* p. 224.) commendat. Contra calculum baccæ maturæ in pulverem redactæ, a serupulo dimidio ad drachmam dimidiā datæ, & radix a quodam Christiano in decocto fine eodem successit (Quer l. c. p. 79.).

Addere pauca juvat de Uvæ ursi in œconomia præstantia. Baccæ eti fatui saporis, non ab avibus solis, sed etiam a Russis & jacutis avide comeduntur (Gmelin *Fl. Siber.* T. 4. p. 118.). Coelione cum aqua largiuntur syrum, qui vulgari syrupo substitui potest (*Vet. Acad. Handl.* 1774 p. 257.). — Folia cum ramulis iam dadum Svecis ad subiugenda & densanda coria, quæ efficacia stirpibus bicornibus communis est, inservierunt (Linn. *Fl. Lapp.* p. 124. & *Fl. Svec.* p. 138.), ita & Russis, qui prope urbem Toropez stirpem ad induranda coria tenuiora, ut vitulina, adhibent; corio enim bovino non sufficit (Gmelin ex relatione cl. Guldensstaedt). Prope urbem Cafan ex pellibus præparandis saccos consuunt, in quos immittunt scopo coriaro fruticum, comminutum (Georgi *Reise* T. 2. p. 816. Conf. Pallas *Reise* T. 1. p. 11.). — In arte tinctoria non spernenda ob griseum colorem, quem alumine cocta laneis mercibus suppeditat, & nigrum vitrioli ope (Linn. *Oländska Resa* p. 10. *Wäsgöta Resa* p. 110. K. *Vet. Acad. Handl.* 1753. p. 123. *sqq.*). — Nicotianæ fumo hauriendo admista folia odorem saporemque gratiorem suppeditant ad prævium Americanorum septentrionalium tentamen (Linn. in *Vet. Acad. Handl.* 1743. p. 392. *sqq.*). — Coccus adhuc memorandus est, purpureo suo colore eximus, caulis radici proximis insidens, in Svecia Coeco Polonico duplo major (Linn. in *Vet. Ac. Handl.*

1759. p. 29.), prope Cellam autem exiguis & numero parcus (Taube in *Naturk. von Zelle* 1. B. p. 75.).

VACCINIUM.

Linn. *Syst. veget.* p. 300. *Gen. pl.* p. 191.

Pharm. VITIS IDÆÆ Baccæ, Folia.

212. *VACCINIUM VITIS IDEÆ*; racemis terminalibus nuntantibus, foliis obovatis revolutis integerimis subtus punctatis Linn. *Sp. pl.* p. 500. Vitis idæa foliis subrotundis non crenatis, baccis rubris C. B. *Icon. Fl. Dan.* T. 40. Fruticulus sempervirens, crescens in sylvis sterilioribus Sveciae, Helvetiæ, Hercyniæ, Austræ, aliarumque Europæ regionum. Intelligitur Varietas vulgarior baccis rubris.

Characteres, quibus hæc stirps ab Uva ursi dignoscitur, mox indicavi (p. 49.). Nondum quidem recepta in officinas est, meretur vero præ multis aliis.

Baccæ) ejus subglobosæ sunt, glabræ umbilico, quadrifido. Succo grate acido ut aliæ congenères species scatent, intra parenchyma molle, quod epidermide non nihil austero obvolvitur. Exinie refrigerant, sitim sedant, putredinem refrænant & refocillant. Mirum tam ab Helvetiis (Hall. *Hist. stirp. helv.* n. 1022.), quam in Austria (Cranz. *Mat. med.* Ed. 2. T. 1. p. 59.) negligi salutarem æque ac gratum huncce fructum, quo tamen boreales gentes valdopere delectantur. Raro in Svecia crudæ baccæ eduntur, sed conduntur plerumque variis modis (Warg's *Hielpreda i Hushällningen* Ed. 4. p. 335.), quorum optimus est, easdem syrupo sacchari servido in connubio corticum Citri concisorum & fructulorum aliquot Cinamomi immersas coquere, donec baccæ pellucidæ fiant (l.c. p. 483.). Sic instar acetarii pro carnibus vel pisibus assatis, vel inter bellaria, mensis imponuntur. Longe magis hæ palato placent, quam quæ ex Hercynia vicina, sine sacchari vel alias rei additamento per se coctæ, nobis afferuntur, tam austerae, ut vix saccharo insperso mitigentur. Rob jucundum & in febribus quoque proficuum solito more ex iis paratur. Potulentorum variorum materiem præterea commodam erogant. Laudatur præprimis in ulsum ægrorum aqua infusione baccarum per tres menses intra caldum parata, pro lubitu dein saccharo commiscenda, quam ubivis presto in pharmacopoliis haberi pro siti fallenda febrentium & viribus refocillandis jussit ill. A Rosenstein (*Barnsjukd.* p. 122.). Saccharo absque aromatibus condita, vel Rob ex baccis paratum, potionibus vulgaribus in acutis febribus non inepte admiscentur. Sani delectantur magis portione

tione ex baccis, aqua cum faccharo cocto perfusis, & Cinamomo Cardamomisque intra sacculum in vase suspensum imprægnatis; post moram aliquot hebdomadum in ampullas liquidum hocce gratum transmittitur (Warg's *Hielpreda* p. 500.) Similem potum & cum nelle Sveci parant (I. c. p. 499.). In Sibiria fermentatione baccarum contusarum cum decocto Secalis comminuti potulentum gratum acidum, leviter inebrians, producitur (Georgi *Reisen.* T. 1. p. 208.).

Folia. Adstringit herba potenter, ut & inter coriarias locum habeat. In calculo pellendo æmulari Uvam ursi, casu Halæ cognitum, dum ex confusione specierum illius loco usurparentur. Quin existit qui hæc folia illi præstare virtute asseveravit (Ex *Gazette salutaire* Haenius in *Rat. med.* T. 10. p. 275.).

Pharm. OXYCOCCOS BACCE.

213. *VACCINIUM OXYCOCCOS*; foliis integerrimis revolutis ovatis, caulinibus repentibus filiformibus nodis. Linn. Spec. pl. p. 500. *Vitis idæa palustris* C. B. Icon. Fl. Dan. T. 80. Pl. perennis locis turfaceis inter Stagnum palustre crescens.

Baccae) rubræ magnitudine fere *Oxyacanthæ*; globosæ, laxes, umbilico prominente quadrifido, pulpa molli succum rubrum insigniter acidum includente. Frigore mollescentur.

Borealis gentibus non spretus fructus, licet exteris nec medico scopo nec œconomico interficiat. Utut acidus fit, copiose tamen illum ingerere non verentur Russi. Congelatae baccae ab ipsis Petropoli venduntur. Quando regelarunt, aquam ipsis superaffundunt & ita per hiemem fervant. Hæc ipsa aqua colore vini Burgundici imbuta in potum illis cedit (Gorter Fl. Ingr. p. 59.). Condite faccharo in Svecia infunduntur aqua ebulliente, vel Rob e rum aqua solvitur in usum febrentium pro potu (Rosenstein Efk. p. 258.). Saporis tum & coloris gratia cum vi temperante jungitur Hinc

P R A P A R A T U M

Mel Oxycocci) Pb. Svec. p. 126. ex succo baccarum & melle pari pondere leni calore mistis, jucundum & efficax nuper medicamen constituit.

Pharm. MYRTILLORUM BACCE.

214. *VACCINIUM MYRTILLUS*; pedunculis unifloris, foliis ferratis ovatis deciduis, caule angulato Linn. Spec. pl.

p. 498. Vitis idæa foliis oblongis crenatis fructu nigricante
C. B. Icon: Blackwell Tab. 463. Cramer Forstwes. Tab. 49.
 1. 2. Fruticulus copiose crescens in ericetis & sylvis. De Varietate vulgari igitur fermo unice est; non de rara ista, bacca alba (*Gmelin Fl. Sibir. Tom. 3. p. 137.*).

Baccæ profunde cœrulæ, globosæ, pisi majoris magnitudine, umbilico dupli concentrico notatae, succur purpureum acido-dulcem simulque austерum intra carnem mollem vehentes. Crudæ æstate copiose ingeruntur. Ex nimio esu tamen tormina, ventris inflationes aliaque mala (*Confr. Eph. N. C. Dec. 2. Ann. 1. Obs. 137. Scopoli Fl. Carn. Ed. 1. p. 274.*) propullulant. Coctæ quoque & saccharo mitigata cum pane triticeo tosto calide eduntur, vel, postquam refixerint, instar acetarii hinc inde. Contra scorbutum valere acor sperare finit, alitque spem exemplum, quod legitur, scorbuti oris in foemina continuato harum baccarum per plures dies esu, profligati (*Bscherer in Eph. N. C. Dec. 3. Ann. 2. Obs. 212. p. 346.*). --- Cauponum haud rara fraus est, vina all'a hisce baccis purpureo colore tingendi succoque eorum quantitatem augendi. De usu tinctorio unum hic verbum sufficit.

Adstringere hasce baccas, præter saporem experimentum cum succo declarat, qui sub miscela vitrioli martis nigrescit. Siccatae vero plus hac ipsa in re valent, ut & ad fistula alvi profluvia commendatas in pulvere vel decocto cernas. Alvi obstructionem lethalem adeo queruntur (*Breslauer Vers. 1722. Oct.*). Gargarismis etiam adduntur, ut alla similia adstringentia.

P R A E P A R A T U M.

Syrupus Myrtillorum) Pb. W. p. 215. Ex succo & saccharo. Refrigerat paullisper, & leniter adstringendo alvi profluvia hæmorrhagiasque, efficacioribus additus, coercere juvat.

L E D U M.

Linn. Syſt. veg. p. 337. Gen. pl. p. 218.

Pharm. RORISMARINI SYLVESTRIS Herba.

215. *LEDUM PALUSTRE*; Linn. Spec. pl. p. 561. Cistus Ledon, foliis rorismarini ferrugineis C. B. Rosmarinum sylvestre Camer. Epit. p. 546. Conf. Linnei & Westring. *Diss. de Ledo palustri, Upsal. 1775.* Fruticulus plurimam partem borealis paludum cespitosarum & sylvatica ruin.

In

In Svecia vulgaris, excepta Scania australi, item in Sibiria usque ad Kamtschadaliam, in Dania quoque & Norvegia, nec non hinc inde in Germania crescit.

Vix extra Sveciam in praxin medicam translata hæc planta est: Germani pharmacopolæ ejus loco subinde folia *Andromedæ Polifoliæ L.* (*Fl. Dan. Tab. 54.*) servant, seducti forsitan nomine hujus: *Ledum palustre nostras*, arbuti flore Raii *Synops.* 111. 472. & soli communione. Sed folia *Rorismarini sylv.* latiora ad apicem usque, subtus vestita lana ferruginea, graveolentia; *Polifoliæ* autem angustiora, acuminate, subtus glauca, inodora, ut de florut reliquarumque partium discrepantia nihil dicam.

Herba) verno tempore odoris non ingrati, fere suavis, adolescens spirat odorem gravem nidorosum subatomicum, undique ex loco natali sese dispergentem, & olfacentibus cephalalgia facile molestum. Sapor subamarus & subadstringens. Destillatione prodit aqua odoris fere aquæ Rosarum. Extractum aquosum primum dulcem, mox amarum, denique stipticum saporem imprimit. Essentia pariter ac extractum resinosum valde amara & stiptica sunt. Teterimi vero odoris & consistentiæ piceæ est oleum empyreumaticum. Spiritus per descensum cum spiritu tartari sapore convenit, odorem autem olei empyreumatici æmulatur (*Westring I. c. p. 8.*). — Respuunt plantam bruta, præterquam caprae.

Antequam Humulo ad conditandam cerevisiam in Svecia uterentur, hujus herba illius in locum apud pauperiores surrogata est, qui mos & serius apud Dalecatos obtinuit, ut olim in Saxonia e. c. circa Wittebergam & Schmiedbergam (*Tabernaemont. Kräuterb Ed. Zwing p. 1480.* Rupp. *Fl. len. Ed. Hall. p. 127.*). Verum temulentia effræna & dira cephalalgia abstinere ab eo quilibet jubet. (Linn. *Fl. Lapp. p. 121.* & Rupp. *I. c.*) Decocci lotione pediculis boves & fues liberantur (Linn. *I. c.* & Ejusd. *Fl. Svec. p. 136.*) vel proxime dicta animalia herba recente in haras projecta (Ej sd. *Oelandiska resa p. 60.*) Vester contra tineas apposita tuerit (*Tabernaemontanus*). Necat cimices lectularios inter linteas & culcitras in lectos reposita, vel dum infuso ejus fortiori lecti lavantur; quo eodem fine ut spiritus Ledi per descensum paratus parietibus lectisque inspergatur, noviter commendatum (*Westring I. c. p. 12.*) Allicit apes in alvearia eadem perficta, & hisce ubertatem materiei, ex qua mel ceramque colligunt, præbet (*Hagström in Diss. cit.*) Oleo hujus & corticis Betulæ albæ olim creditur cornuum Russicum (*Juchte*) odorem suum specificum debere, sed testis autoptes gravis nuper declaravit, *Ledum* omitti (*Pallas Reisen T. 1. p. 46. T. 2. p. 189.*).

Non minoris vero censenda est utilitas ejus medica. In tuſi

tussi convulsiva haud pauci eandem in Svecia comprobarunt. Westrogothos hoc malum subigere infuso, narravit jam dum ill. A Linné (Fl. Svec. p. 136.). Non contemnendam virtutem, sed aliis tamen usitatis inferiorem præstlit cl. Haartman (in Bergii Försök til. ganghara Sjukdomars utrönnande förar 1755. p. 25.). Aliis quibusdam medicis patriis tamen suffecit infusum in connubio emeticorum (Calmariae cl. Wahlbom in Provincial med. berättelser sasom en Fortsättning; in Dalia cl. Blom. in Medicinalverkets tilstand p. 12; Lovisæ cl. Colliander l. c. p. 436.). Quin proficua fuit in variolosa epidemia una cum tussi convulsiva fese efferente (Ioncopiæ cl. Wahlin in Prov. med. berättelss. Forts. p. 157.). Attamen non nisi pauperioribus exhibita, idque in infuso vel saturato vel magis diluto, vel solo vel cum lacte sive sero lactis mixto. Ad ipsum miasma, a quo dependet prima hujus tussis origo, destruendum facere videtur, quod si stimulo suo varia jam insignia pulmonum vicia creaverit, non mirum Ledum viribus callum esse; ut igitur ad initia tussis potissimum herbam restrictam cupiam.

Anginæ quoque exstat medela, in Hungaria, ut videtur, primum explorata. Testis virtutis indicatur medicus quidam Hungarus (Rosenst. Bskd. p. 242.) & iterum cel. Scopoli. Cel. Iacquin autem euporiflon esse apud incolas montium Carpathicorum in angina inflammatoria significasse traditur (Westring Diff. cit. p. 15.). Differt ab illa natura sua ista angina, quam ill. A Linné strangulatoriam vocat, epidemica & contagiosa, multisque funesta, in qua glandulæ jugulares repente intumuere cum febre lenta & dolore colli intensio. In hocce promptum auxilium gargarismata & cataplaismata ex infuso Ledi præstitere (l. c.).

Honorifica itidem herbæ in curatione tineæ capitis & scabiei, dum lotionis instar adhibetur, mentio fit (l. c.). Casu singulari infusum saturatum epotum & externe pro lotione applicatum exanthemata leprosa plurimam partem dissipavit & sanavit: verum inter optimam spem ægrotæ hec periit (Odhelius in K. Vet. Acad. Handl. 1774. p. 266.).

P Y R O L A .

Linn. Syð, veg. p. 340. Gen. plant. pag. 221.

Pharm. PYROLÆ Herba.

216. PYROLA ROTUNDIFOLIA; staminibus adscendentibus, pistillo declinato Linn. Spec. pl. p. 567. Pyrola rotundifolia

difolia major C. B. Icon: *Fl. Dan. Tab.* 110. *Pl. perennis*,
in dumetis Europæ septentrionalioris & utraque America
crescens.

Elegantis hujus plantæ Herba hodie in re medica obsoleta. Adstringere cognatio, sapor, qui simul leniter amarus est, & niger ex vitriolo martis color docent. Non vero valde hac vi eminet. Odore omni caret. Sistere alvi dejectiones & hæmorrhagias internas infusum vel decoctum ingestum, & mederi fistulis & ulceribus sub externo vario usu, auctores de materia medica uno ore indicant. Plures virtutes enumerat Zornius (*Botanol.* p. 550.), quas me piget repetere. Vix attinet scire, farraginem, nomine *Vulneraires de Suissé* notam, plerumque illam ingredi.

S T Y R A X .

LINN. *Syst. veget.* p. 340. *Gen. pl.* p. 237.

Pharm. STORAX s. STYRAX.

217. *STYRAX OFFICINALE*; Linn. *Spec. pl.* p. 635. *Styrax folio-mali cotonei* C. B. Icon: Miller's *Figures Tab.* 260, Regnault *Botanique, le Storax*. Arbor in Italia, Gallo-provincia, Louisiana Americes, Æthiopia, Palæstina & quibusdam insulis Archipelagi crescens.

Nobilitavit hanc arborem Gummi-Resina, sub præfixo nomine pharmaceutico cognita, quæ liquida forma post incisionem corticis trunci sive ramorum vel vulnerationem corticis a verme (Du Hamel *Traité des arbres Tom. 2.* p. 288.) exundat. Copia ejus effluit ex arboribus procérioribus in Gallo Provinciæ sylvis (de la Chartreuse de Montrieu Du Ham. *l. c.*), item incisione promanat in planicie quadam agri Tiburtini montium catena septentrionem versus cincta (Mazeas, *Jurnal des Seavans* 1769. p. 105. Ed. in 4.). Sed quæ in officinis servatur, orientalis originis est, transferturque ad nos ex Turcia per Masiliam. Distinguenda a Storace liquida, de qua jam antea (*Appar. med. T. 1.*) egi, et si sunt qui speciem quandam liquidam huic quoque arbori tribuunt. Styrax vero, de quo hic sermo est, creditur esse Styrax Hippocratis & reliquorum Veterum. Discrimina specierum ab iis significatarum enucleare equidem non audens, quos antiquaria hæc eruditio delectat, ad alium fontem relego (Kirstenii *Diss. de Styrace, Altdorfii* 1736.). Tres vero ejus species merito hodie distinguuntur, quarum

Prima, *Styrax in granis*, quæ est lacryma gummiresinosa, purissima, pellucida, pisi minoris magnitudine, albicans vel pallida, odoris suavissimi & fragrantissimi, vix compres-

sionem digitorum admittens, quin statim deliquescat. Hæc vix extra musea conspicienda datur (Kirsten *l. c. p. 18.*), prout in museo cl. Sebae fuit. Hanc præcise speciem esse, quam ager Tiburtinus suppeditat, Mazeas (*l. c.*) refert.

Secunda, *Styrax præstantior vulgaris*, ad Veterum calamitem vel gabaliten (a Gabala urbe) proxime accedens, tenax, facile liquefcens, nullis fodiibus inquinatus, sed ex albis rufis luteis iisque pinguis purissimis particulis constans ad speciem Benzoës s. Aminoniaci, variae magnitudinis & figuræ, odoris jucundissimi Opobalsamo similis, saporis balsamici & aromatici grati. Vesicis inclusus transfertur, sed vix unquam ob pretium in officinis obvius (Hirsten *l. c. p. 19.*) Existimo esse illam speciem, quæ a myropolis vulgo Styrax in granis vocatur.

Tertia, *Styrax vulgaris*. Est massa badio rufa, turfæ speciem habens, levis, quæ inter digitos facile conteritur, compressione autem in pastam compingi se patitur, constans ex gummi resinosis partibus, scrobe lignea, sabulo aliisque quisquiliis, odoris fragrantis grati, instat Balsami peruviani, saporis aliquantis per amari. Glebis multarum librarum pondere ad nos tranvehitur, quæ ipsæ pressionis prægressæ notas in se ferunt. Igne ardet, combusta gratum eundem odorem spargit, qui Styraci integro inest. Fatendum & hujus historiam adhuc esse mancam, nec nisi nova peregrinatorum indagine perficiendam. Aliena ista an lucri unice causa addita, an necessitate massam inde solidam formandi? Non dixerim. Hæc species solet in officinis *Styrax calamita* vocari, licet a calamita Veterum, sive nomen veniat ab arundine vel calamo, cui gummi-resinam indiderunt, sive ab urbe, differat. Sed hæc fere unica est species in officinis obvia. Artem variam, qua *Styrax* corrumphi solet, Dioscorides jam Pliniusque conquesti sunt.

Styrax vulgaris aquæ infusione impertit odoris sui tantillum, saporem leniter balsamicum & colorem aureo-luteum. Destillatione hæc odore valde fragrante imbuitur. Vini spiritus resinam facile solvit, fodiibus & gummosa parte reliquit. Resina pura maxime fragrans est. Hæc si sola destillatur, una cum oleo empyreumatico, sal, Benzoës floribus non absimile, dimittit (Lewis *M. m. p. 506.*). Hi flores etiam in conspectum veniunt, si oleum butyraceum ascendens aqua lavatur & hæc loco frigido collocatur (Neumann's *Chymie Vol. 2. P. 3. p. 68.*). Extraictum spirituofum triplo majus pondus aquoso constituit (Neum. *l. c. p. 67.*).

Veteribus) *Dioscor. M. m. Lib. 1. c. 79.* Galen. *de simpl. Lib. 8.*) *Styrax* eorum familiare remedium in variis morbis fuit, quæ resolventia desiderant, præcipue in raucedine, gravedine, tussi, althmate; item in menstruorum obstructio-

ne. Sunt qui ad ipsam phthisim ulcerosam extenderunt, aliorum balsamicorum exemplo, sed successu eodem ambiguo. Nostro tempore interne rarissime usurpatur nisi in pilulis fui non in his. Sed suffimigiiis destinatur ad dissipandos tumores frigidos, ad aerem corrigendum vel solum vel mixtum cum aliis grate odoris, & varie compactum; porro ob balsamicam suam naturam unguentis emplastrisque, quæ consolidandis vulneribus inferviant,

PRÆPARATA ET COMPOSITA.

Styrax colatus) *Pb. Lond.* p. 23. Styrax vulgaris aqua, donec mollescat, coctus prælo inter laminas ferreas tepefactas exprimitur, quo artificio inquinamenta remanent, Styrax autem depuratus ab aqua separatur. Sub hac encheiresi non potest non dispendium fieri tam odorarum partium, quas calor dispergit, quam gummosarum, quas aqua solvit. Præstat

Styrax depuratus) *Pb. Svec.* p. 181. Styrax, prægressa solutione in spiritu vini rectificato spirituque post colationem abstractione, lenissimo calore ad justam soliditatem redigitur.

Massa f. Bacilli pro fornace) *Pb. W.* p. 113. Post Benzoën Styrax maximam ponderis partem suffimenti hujus efficit:

Pilulæ de Styrace) *Pb. W.* p. 141. Ex variis resinosis, inter quæ & Styrax, Opio, Croco & succo Liquiritiae constant. Ab Arabum tempore ad nos pervenerunt. Æmulantur vim pilularum de Cynoglosso in tussi & affectionibus catarrhalibus & spasticis. Sedecim earum grana Opii duo continent; ut igitur grana quatuor, sex, octo, plura pro dosi sumantur.

Pilulæ e Styrace) *Pb. Lond.* p. 96. magis ob brevitatem placent præcedentibus; nam Styracem modo, Crocum, Opium continent.

Unguentum de Styrace *Pb. W.* p. 251. Inter alia resinosa ceramque oleo nucum Styrax excipitur. Laudatum in vulneribus ligamentorum & membranarum.

Emplastrum anglicanum nigrum (*The Lady's black sticking Plaister*). De hac pluribus infra sub Ichthyocolla.

Pulvis Fumalis) *Pb. W.* p. 153.

Essentia Benzoës composita (*Pb. W.* p. 78).

L A W S O N I A .

LINN. *Syst. veget.* p. 300. *Gen. pl.* p. 191.

ALKANNÆ VERÆ S. ORIENTALIS Radix.

218. *LAWSONIA INERMIS*; ramis inermibus Linn. *Spec. pl.* p. 493. *Ligustrum ægyptium* Elhanne seu Tamarhendi vel Alcanna Avicennæ Alpin. *pl. Aegypt.* p. 44. c. iconæ. Poutaletsje Rheed. *Hort. mal.* T. 4. pag. 117. *Tab. 57.* Arbor Indiæ orientalis, Malabariæ, Zeylonæ, Ægypti.

Cuin *Lawsonia spinosa* L. tam arcte cognata, ut cultura modo differre videatur. Certe natura tintoria utrique communis (*Conf. Rumph. Herb. Amb.* T. 4. p. 44. *Tab. 17.* Hafselquist's *Resa* p. 464.), ob quam in patria stirpis *Folia* præcipue magno in pretio sunt. Hisce orientales gentes ungues, manus, capillos, barbam aliasque corporis partes, item equorum jubam; caudam rel. colore pro miscela varia flavo, rubro, fulvo tingunt, quæ consuetudo utut antiqua, (*V. Dioscor de Cypro Mat. med.* L. 1. Cap. 124. *Rauwolf Reiss.* p. 58. *Alpin. pl. Aeg. l. c.*) etiamnunc (*Forskal Flor. Aegyptiaco-arab.* p. LV.) servatur, ut & mercatoribus hæc folia insigne lucrum afferant. Pasta ex pulvere aqua mace-rata in hunc finem plerumque alligatur. Adstringere notatur istum pulverem, & ideo ad sudores pedum fœtidos tol-lendos & ulcera oris gingivarum siccanda adhiberi (*Alpin.*). Multas alias virtutes recenset *Rumphius de Lawsoniæ spinosæ foliis*, hic reticendas.

Radix). Veram s. orientalem ex autopsia describere mihi non datur, sed ex capite crasso copiosas laminas sibi in-vicem incumbentes emittere, profundiori, quam Alkannæ spuriæ radices, rubedine tinctas, comperio (*Spielm. M. m.* p. 375.). Rarissime intrat officinas, & sine damno abesse pos-test, sed huic vulgo substituitur radix Anchusæ tintoriae (*V. infra inter Asperifolias.*). Adstringendi yim illi adscri-bunt. Coloris vero præcipue ratio habetur, ad tinturas de-cocta vel unguenta grata rubedine imbuenda.

S A N T A L U M .

Linn. *Syst. veget.* p. 137. *Gen. pl.* p. 191.

Pharm. 1. SANTALI ALBI }
 2. - - - CITRINI } *Lignum.*

219. *SANTALUM ALBUM*; Linn. *Spec. pl.* p. 497, 1.
Santalum album C. B. 2. *Santalum pallidum* C. B. Conf.
Sandalum Rumph. *Herb. Amb.* Tom. 2. p. 42. *Tab. 11*; item
Breynii Icon. & *descript.* p. 19. *Tab. 5.* fig. 1. *Arbor Indiæ*
orientalis, *insulæ præcipue Timor.*

Lignum Album) *pallidum citreo-album*, *odoris saporisque*
expers est. *Citrinum coloris* est *flavicanis vel pallide rufescens*,
odoris fragrantis ad rosaceum vergentis, *saporis*
amaricantis. *Utrumque magnis crassisque frustis* *iisque ponderosis & solidis* *ad nos transfertur*. *Duplex* *istud ligiorum*
genus mox ex eadem, *mox diversis arboribus obtinetur* (*Rumph.* l. c.). *Si utrumque adest*, *citrinum locum internum* *occupat & albo obvolvitur*, *vel majori vel minori crassitie* (*Garcias de arom.* *Vers. Clus.* p. 69. *Hermani. Cynos.* T. 1. p. 219. *Rumph.* l. c.). *Aliquando vero lignum* *ad intima usque album* *est*, *idque frequentissime accedit*, *ita ut vix quinquagesimus trunca citrinus* *sit* (*Garcias.*). *Nec ulla extus* *discriminis utriusque nota* *apparet*. *Ad radicem & nodos magna citrini ligni pars offenditur*. *Recens lignum odorem* *nulum spargit*, *sed modo secum*. *Ne vero ex citrino perreat*, *oportet aliquam albi ligni portionem* *circa illud relinquare*. *Color vero citrinus nonnisi in adultioribus arboribus* *sece manifestat* (*Kumph.*). *Statio aprica pariter ad ejus productionem* *haud parum confert* (*Garcias.*). *In India citrinum cariori pretio venditum fuit*, *quam in ipsa Europa*, *unde dubium enatum*, *an verum ad nos pervenerit* (*Idem*).

Santalum citrinum *aqua destillatum oleum essentiale* *dimitit*, *fragrans*, *ambrosiacum*, *quod frigore coit in balsamis* *spissitudinem*. *Extractum aquosum amaricans & leviter pungens est*. *Plus extrahit spiritus vini*, *qui erogat extractum debilis odoris*, *sed saporis subacris balsamici* (*Lewis M. m.* p. 517.). *Resinosa pars*, *iterum soluta acohole & inspissata*, *non ulterius in solidam resinam converti se patitur*, *sed refert spissitudine & colore balsamum Peruvianum* (*Fr. Hoffm. Obs. phys. chym.* p. 69.).

Recens rāzæ arbores virosum aliiquid e cortice maxime & cerebro inimicum spirant, *unde febris deliriosa*; *idque ex*

ex Bontii (*Med. Ind. c. 15. fol. 31. b.*) testimonio, qui tamen & aerem nebulosum aliasque causas simul in culpa habet.

Indis odoris causa mirifice Santalum placet, dum vel pul-tem ex ligno aqua factam corpori inungunt, vel ligna ac-cendunt, vel vestibus & utensilibus adponunt (*Garcias, Rumph.*). Chinensibus vulgare suffimentum in honorem deorum est (*Osbeck's Refa. p. 156.*).

Græci veteres ejus non meminerunt, sed Arabes, qui re-frigerare illud perperam affirmant, modo satis constiterit, de codem ligno sermonem esse. Calidæ potius naturæ esse demonstrat resina elicita. Analepticum pronunciavit Avi-cenna (*Opp. de med. cord. Tract. 2. p. 565.*); qua in dignitate & essentiam habuit Fr. Hoffmannus (*l. c. p. 70.*), ita ut ad vim Ambræ illam extollat.

Nostra ætas in censendis remedii rigorosior ad Superflua haud immerito Santalum citrinum refert, album autem ad inertia.

Santalum rubrum aliis omnino originis est.

PRÆPARATA ET COMPOSITA.

Species Diatrimon Sandalon) *Pb. W. p. 180.* Inconcinna ex varia farragine compositio, qua vitia hepatis & mala inde dependentia debellare voluit veneranda alias antiquitas.

Unguentum sandalinum) *l. c. p. 249.* Redit hic iterum Lignorum triga non apto satis satellitio stipata. Certe fru-stra refrigerare illud & corroborare olim existimatum.

Emplastrum sandalinum) pertinet ad Santalum rubrum.

T A M A R I X .

Linn. *Syst. veg. p. 244. Gen. pl. p. 143.*

Pbarm. TAMARISCI Cortex, Lignum, Folia.

220. **TAMARIX GALlica**; floribus pentandris Linn. Spec. pl. p. 387. Tamarix altera, folio tenuiore, f. gallica C. B. Muell. Græcorum. Icon: Miller's Figures Tab. 262, fig. 1. Arbor in Hispania, Gallia & Italia crescens, in nostris hybernaculis haud rara.


Ab ill. Hallero (*Hist. fl. belv. n. 948.*) virtutes medicæ ad *Tamaricem Germanicam*; floribus decandris Linn. sp. pl. l. c. depictam in Miller's Figures l. c. fig. 2., Fl. Dan. Tab. 234, & Regnault *Botanique*, le Tamaris, ad utrasque vero a Chomelio (*Usuelles T. 1. p. 321.*) transferuntur.


Cor-

Cortex) præ reliq is partibus claruit, sed nec hic hodie
valde usitatus. Est tenuis, convolutus, vestitus epidermide
fuscâ, stigmatibus griseis distinctâ, intrinsecus subrufus, sa-
poris amaricantis & subausteri. Solutio vitrioli martis ex
eius miscela nigrescit. Aperiendi & corroborandi vi non
omni destitutum esse vel hisce appetet. Veteres in obstruc-
tionibus lienis solvendis prærogativam variis stirpis parti-
bus assignant, quæ si de foliorum, sive radicis, sive ramu-
lorum decocto (Diosc. M. m. c. 1. 6. Lib. 1. c. 1. 6. Galen.
de simpl. facult. Lib. 7.) vel succo (Plin. l. 24 c. 9.) admittenda:
eandem & competere poculis ex ejusdem ligno fabrefactis (Diosc. Plin.), quibus potulentum ingeratur,
vix ullus crebet, et si utriusque rei assentientes seriores quos-
dam medicos offendimus. Validissime lienem communere
obstructum decoctum ligni asserit Fernelius (metb. mod. L.
5. c. 6.), eodemque fine cortex Sennerti (Pract. cap. de lie-
nis morbis.) formulas numerosas cum aliis intrat. Rachitis
infantibus hic etiam subinde exhibitus (Ios. Milleri Bot.
offic. p. 432.). In ictero præterea, hæmoptysi, alvi proflu-
viis, vitiisque variis cutis, opem præstitam varii mem-
rant, sed non ita, ut absque iterata experientia fidem me-
reatur.

Tamaricis Germanicæ aperiendi efficaciam cl. Scopoli
(Fl. Carn. Ed. 1. p. 320.) approbat.

Cineres Tamarisci combulti sal mirabile Glauberi verum
erogant (Montet in Mem. de l'Ac. d. sc. de Paris 1757. p.
555. sqq.).





ORDO XVIII.

ASPERIFOLIA.

SYMPHYTUM.

Linn. *Syph. veget.* p. 158.. Gen. pl. p. 76.Pharm. SYMPHYTI S. CONSOLIDÆ MAJORIS Radix,
Herba, Flores.

221. *SYMPHYTUM OFFICINALE*; foliis ovato-lanceolatis decurrentibus Linn. *Spec. plant.* p. 195. Syn. phytum *Confolida major* C. B. Συμφύτον *Diosc.* Varietas flore albo solet eligi. *Icon. Fl. Dan. Tab.* 664. Rubra depicta in *Regnault Botan.* la grande Confoude. Pl. perennis, in pratis humidis, ad fossas, rivos Europæ australioris copiosissima.

Radix ramosa, magna, extus nigra, interne alba, inodora, masticata mucilaginem copiosam emittit. Atque hæc causa est, cur adoptata jam a Veterum tempore in medicina sit. Tanta vero ejus ubertas, ut radix aqua decocta tres circiter partes mucilaginis insipidæ ex quatuor ponderis sui partibus eroget: majorem igitur mucilaginis quantitatem, quam *Althæa*, eamque tenaciorem (*Lewis M. m. p. 29.*) Non tamen hodie tam frequenter usurpatur, ac meretur; & pristina laus suadet. Respectum enim ad virtutem incrassantem, inviscantem, emollientem & vulnerariam. Sicque in hæmoptysi (*Diosc. M. m. L. 4. c. 10. Linn. Fl. Svec.* p. 59.) placuit; pulvis naribus attractus immodicum earundem hæmorrhagiæ compescuit (*Pfann. in Samml. merkw. Fälle p. 249.*); nihilque repugnat, quo minus, ut alia mucilaginosa, in diarrhoea & dysenteria illam proficiam haberes. Dari potest vel in pulvere, vel aqua infusa sive decocta. In externis vero vitiis, instar cataplasmatis vel mucilaginis, applicata, ultra fidem fuit a multis deprædicata, non solum ad vulnera recentia consolidanda, sed & ad ossa fracta (*Sint. Paulli Quadrip. p. 301. sq.*) conferruminanda, ita ut & ideo apud Anglos hinc inde *Bonsei* (*Raii Hist. pl. p. 505.*) audiat,

Symphytum Officinale.

51

ipfas hernias coercendas (Houstoun *on ruptures.*), & ad sa-
nationem pertinaciorum ulcerum. Quod cruciatus podagri-
cos cataplasma ex pulvere (Tachenius *de morborum principe*
p. 199. vel contusa radice (Ruland. *Cent. 2. empir. cur. 9.*)
fustulisse narretur, fotui & relaxandi potentiae unice adscri-
bendum arbitror. Recens autem cum lotio ægri in pultem
cocta, servideque fere applicata, per 24. horas malum ischia-
dicum in viro quodam sanavit; sed in parte pustulæ in im-
petiginem transeuntis, deinde per totum corpus scabies fœ-
da, emerserunt (Rud. Iac. Camerarius in *Misc. Nat. cur.*
Dec. 3. Ann. 5. 6. Obs. 16. p. 45.).

Mucilagine scatent etiam Folia & Flores); hinc consi-
milibus usibus; et si rarius, inserviunt.

PRÆPARATA ET COMPOSITA.

Syrupus e Symphyto Fernelii) *Ph. W.* p. 219. Præter ra-
dices & folia Symphyti, Tussilago, Pimpinella, Rosæ ru-
bræ aliaque quædam adstringentia intrant. In tæbe & pul-
monum exulcerationibus, item profluviis sanguineis & al-
vinis quibusdam, dignus usu viuis est.

Emplastrum ad fracturas & luxationes) *Ph. W.* p. 65. re-
cipit radicem. Sanior chirurgia ejusdem inertiam repre-
hendit.

Emplastrum pro herniosis) l. c. Idein esto de hoc judicium,
nisi de hernia infantis tenelli sermo, quam repositam, glo-
buloque coercitam, retinere suo in situ poterit.

B O R A G O.

Linn. *Syst. veg.* p. 159. *Gen. pl.* p. 77.

Pharm. BORAGINIS Folia, Flores.

222. *BORAGO OFFICINALIS*; foliis omnibus alternis,
calycibus patentibus. Linn. *Sp. pl.* p. 197. Buglossum latifo-
lium *Borrago C. B. Icon: Regnault Botan. la Bouracche.*
Hort. Roman. T. 2. Tab. 20. 21. Pl. annua, Halepo in cali-
dioris Europæ regiones advena, ubivis jam in hortis coli-
tur, & sponte ibidem se se disseminat.

In seria praxi eviliuit. Buglossum esse Veterum, Matthio-
lus, Dodonæus aliquie volunt.

Herba) scatet succo aquoso, subviscido, saporis herbacei,
subfalsi. Manifestior mucilago radici inest. Decoctum folio-
rum in syrapi crassitiem spissatum post aliquot dierum mo-
ram format copiam crystallorum nitrofarum (Boulduc *Mem.*

de l'Ac. des Sc. de Paris 1734. p. 101. sgg.) Idem contingit cum succo herbæ expresso post depurationem spissato. (Marcgraf in *Mem. de l'Ac. d. Sc. de Berlin.* 1747. p. 79.). Sicca si carbonibus carentibus inspergitur, strepitu deflagrat (Geoffroy *Matiere med. Traité T. 5.* p. 346.). Hisce notis, humectare, refrigerare leniterque attenuare posse spissos humores, facile creditur, ut igitur, in febribus acutis & inflammatoriis nominatim, ad quorundam consilium succus expressus vel decoctum aliquid auxilii promittat. Sed exstant esficaciora. Quod utique valet de hypochondriaco malo & malancholia, quorum morborum curatio insuper raro solis resolventibus absolvitur, vel iisdem opus habent.

Flores). Apibus in deliciis sunt, quibus tanto oportunitiores, quam in serum usque autumnum explicitur; hinc in vicinia apiariorum copiose coluntur. Alius usus est pro acetariis, quibus ornamento potius sunt, quam grato sapori, præcipue Varietatis cœruleæ corollæ. Hæc a calycè separatae a pharmacopolis colliguntur. Reficere easdem nervos olim crediderunt, hinc cordiales flores dicti. Sed neque criteria externa, nam debilis recentium odor aufugit siccando, & aqua emittunt modo mucilaginem subdulcem, nec experientia rem confirmant. Nihilominus olim inter

Flores quatuor cordiales) militarunt, & in Aquam ejusdem nominis recepti.

P U L M O N A R I A.

Linn. *Syst. veg.* p. 158. *Gen. pl.* p. 75.

Pharm. PULMONARIAE MACULATÆ Herba.

223. *PULMONARIA OFFICINALIS*; foliis radicalibus ovato-cordatis scabris. Linn. *Spec. pl.* p. 194. Vär. -. *Sympodium maculosum* f. *Pulmonaria latifolia* C. B. *Icon. Fl. Dan. Tab. 482.* *Regnault Botanique*, la Pulmonaire. Hæc varietas albis punctis notata. Pl. perennis, in locis nemorosis crescens, primo vere floret. Alia quoque Varietas f. *Pulmonaria* folio non maculoso C. B. Iocum habere potest (Linn. *Pl. Svec.* n. 163.). Galli (Cod. medicam. Geoffroy, Chomel) & recipiunt Pulmonariam angustifoliam. L.

Herba). Hodie vix a medicis curatur. Sapor ejus herbaceus, viscidus. Plurimum cinerum ad septimam ponderis partem suppeditat (Gmelin in *Act. Petropol.* T. 5. p. 283.). Anglis pro olere in frequenti usu (Raïf *Hij.* pl. T. 1. p. 489.). Multi inter humectantia, demulcentia, emollientia, quin vulneraria collocant, & asperitati faecium, hæmoptysi, imo phthisi ex ulcere, mederi periua sum cupunt. Nil

Lithospermum Officinale. 53
huius vero pollicetur, quam vim aliquam mucilaginosis communem, quae in hac stirpe infirmior longe est, quam in columniferis & variis affinibus familie sue.

L I T H O S P E R M U M .

Linn. *Syst. veget.* p. 156. *Gen. pl.* p. 74.

Pharm. *LITHOSPERMI s. MILII SOLIS SEMEN.*

224. *LITHOSPERMUM OFFICINALE*; seminibus levibus, corollis vix calycem superantibus, foliis lanceolatis Linn. *Spec. pl.* p. 189. *Lithospermum majus erectum* C. B. Icon: *Regnault Botanique*, le Grenil. Pl. perennis, ad fluvios item locis glareosis siccisque reperiunda.

Semen ovatum constat ex crusta albido-cinerea, dura, splendente, inspida, quae latiori extremitate umbilicum habet fuscum, & nucleo; dum recens est, subdulci oleoso. Hic semine diutius servato ingratum rancorem contrahit. Crustas aqua forti, vel aliis acidis infusas ebullivisse notatum (Grew *mixitura corp.* p. 22.); sed alii non successit experimentum cum spiritu aceti & spiritu vitrioli (Alston Lect. on the M. m. T. 2. p. 362.) Ut igitur dubio adhuc locus sit, an cum absorbentibus aliis, e. c. lapidibus cancerorum, vi conveniat (Herm. *Cynos.* M. m. T. 1. pag. 322.). Calculum urinarium frangere semen, vetus fabula est, a Dioscoride (M. m. L. 3. c. 58. Plinio (*Lib. 27. c. 11.*), Rhazæ (*ad Mans. 3. c. 46.*) concepta. Lotium movere hisce quidem credo, & in stranguria efficere aliquid posse, quum ob nucleus emulsivæ naturæ sit. Commendabile hic oleum erogat, & emulsionem nec ingratam nec insalubrem. Ill. Haltero (*Hist. pt. helv. n. 595.*) tota stirps videtur narcotica.

A N C H U S A .

Linn. *Syst. veg.* p. 156. *Gen. plant.* pag. 74.

Pharm. *BUGLOSSI Radix, Herba, Flores.*

225. *ANCHUSA OFFICINALIS*; foliis lanceolatis, spicis imbricatis secundis Linn. *Sp. pl.* p. 191. *Buglossum angustifolium majus* C. B. Icon: *Fl. Dan.* T. 572. *Regnault Botan.* la Buglossæ vivace. Pl. perennis, locis ruderatis & ad agros crescentes.

Hæc cum Anchusa angustifolia L. depicta a Millero in

Figures. Tab. 72. conjungitur specie ab ill. Hallero (*Hist. Pl. helv.* n. 599.). Nec dubitat utriusque communes vires tribueret.

Exoleta. In omnibus partibus mucilago quædam insipida sese prodit, in floribus præterea levis amarities. Vires solent ad istas Boraginis exigi (Chomel *Usuelles T. 1.* p. 134, Geoffroy *M. m. Traité T. 5.* p. 390. Alston's *Lectures Vol. 2.* p. 92. rel.). Nec male docente sapore, cognatione, strepitu item Foliorum) in carbones projectorum (Geoffroy), Herba tenella olera primo vere ingreditur in Uplandia (Linn. *Fl. Svec.* n. 161.). An Veterum Buglossum sit idem cum nostro, non liquet. Certe nostrum Euphrosyni nomine (Plinius *Hist. med. Lib. 25. c. 8.*) indignum est. Nihil enim ad exhilarandum animum facit, licet diu.

Flores ad quatuor cordiales) relati fuerint.

Parm. ALKANNAE vulgo, ANCHUSA Ph. Ed. Radix.

226. *ANCHUSA TINTORIA*; tomentosa, foliis lanceolatis obtusis, staminibus corolla levioribus. Linn. *Sp. pl. p. 192.* Anchusa monspeliaca L. B. *Hist. pl. T. 3.* p. 584. Icon; Regnault *Botanique*, l'Orcanette. Pl. perennis in Gallo-Provincia crescens.

Distinguenda ab Alkanna orientali ex Lawsonia inermi L.

Radix) fere cylindrica, calatum scriptorum crassâ cortice saturate purpureo, intra quem fabrica sublinea albida. Inodora, insipida, subdulcis, non adstringens, et si plerique hoc assentunt (Alston *M. m. T. 1.* p. 365.). Cortici soli pigmentum istud inest, quod caloris ope tingit spiritum vini, olea, axungias, ceram, colore profunde attamen grata rubro, aquam autem colore debiliter modo bruno. Extractum tam spirituosum, quam aquosum, americans. Fraude subinde Buglossi radix substituitur, decocto ligni Brasiliiani imbuta, quo acquirit rubedinem. Pasta Alkannæ radicis ossa in pullo intumuerunt (Guettard in *Mem. de l'Ac. d. Sc. de Paris* 1746. p. 102.). Aperiare, coagulatum sanguinem dissipare, sistere diarrhoeas, ulceræ inveteratae exsiccare olim quidem existimatum (Boerh. *Hort. L. B. T. 1.* p. 273.), sed deficiente experientiæ fulcro. Unde nonnisi pro oleosis variis tingendis hodie in officinis asservatur.

PRÆPARATA ET COMPOSITA.

Unguentum rubrum potabile) *Ph. W. p. 249.* Ex radicibus hisce vino rubro maceratis & butyro non salito recente coctis. Ad discutiendum sanguinem ex contusione interne

ne stagnantem & coeuntem & ad hæmoptysin coercendam
olim in pretio, ad unciam vehiculo calido sumtum,
Unguentum rubrum ad labia oris) l. c.

CYNOCLOSSUM.

Linn. *Syst. veget.* p. 159. *Gen. pl.* p. 75.

Pharm. CYNOGLSSÆ Radix, Herba.

227. CYNOCLOSSUM OFFICINALE; staminibus corolla brevioribus, foliis lato-lanceolatis tomentosis sessilibus Linn. *Sp. pl.* p. 192. Cynoglossum majus vulgare C. B. Icon: Regnault *Botan.* la Cynoglosse. Intelligitur Vatietas flore rubro. Pl. biennis, in ruderatis & ad vias obvia.

Odor totius stirpis recentis fortens, murino haud absimilis, & color herbare florunque luridus suspectam illam reddit. Pecora quoque intactam reliquunt, capris folis forte exemptis (Linn. *Fl. Ste.* n. 162.). Pediculos autem pellit (Raii *Hist.* pl. p. 490.). Stirps, radice remota, destillata aquam exhibet valde nauseosam odoris narcotici (Schreckii *Diss. de Cynegloso* p. 19.). Vere etiam anodyna, quin, majori copia ingesta, narcotica est habita (Boerh. *Hort. L. B.* T. 1. p. 275). Ex foliis loco tenellorum Symphyti foliorum coctis libereque ingestis in familia vomitus cum aliis malis, dein stupor & somnus insequuntur, uno mortuo (Morison *Hist. Oxon.* T. 3. f. 450.) Funeforum effectuum ex interno usu & meminit Blair (in Hall. *bif. pl. helv.* n. 587.). Parce, si unquam hodie præterquam in pilulis sui nominis, usurpatur.

Radix grandis, ramosa, succosa, externe bruna vel nigricans, interne albida. In uidis locis obvia, gravem virom odorem spirat, in siccioribus inodora fere (Herm. *Cyno.* T. 1. p. 173.). Perit & odor siccando eam; nec in extracto, sive aqua sive spiritu vini facto, se sefigi patitur odora pars. Hisce jam dubia evadit medica ejus, ea qua solet lege, usurpatæ efficacia, eerte metus deleterii effectus infringitur. Vereor igitur, ne non satis fida sint, quæ de usu ejus in tussi, hæmorrhagiis, alvii profluyis rel. a multis enumerantur, & quæ congesit Schreckius (l. c.). Addo radicem contra scrophulas & strumas, tam in decocto epot., quam instar cataplasmati applicatam, celebri medico succelisse (Raii *Hist.* l. c.). Extractum dysentericis ad corrigendam acrem corruptelam nuperius haud sine iruolu ingestum (Scopoli *Fl. Carn.* Ed. 1. p. 440.).

Folia ob similes virtutes celebrata. Succus herbare prævia coctione in syrump redactus egregiam opem in catarrhosis

affectibus & tussi tulit (Full. *pharm. ext.* p. 401.). In infuso theæformis cum aliis herbis eadem præstantia fæse exseruit (Scopoli *I. c.*).

PRÆPARATA ET COMPOSITA.

Pilulæ de Cynoglossa) *Pb. W.* p. 183. Continent Opii extractum, semina Hyoscyami, resinosa & aromatica varia, radicem denique & succum Cynoglossi. Ex Tralliani (*Lib. 5. c. 1. de Tussi Ed. Andern.* p. 248.) temporibus ad nostra perverunt, inconcinnæ etiæ compositionis, efficaces tamen & inter opiate consuetioris usus. Facile patet ex hisce vim Cynoglossi propriam decerni non posse. Qua forma a Wurtenbergensibus sicutur, massæ quælibet drachma Opii grana octo & totidem seminum Hyoscyami comprehendit. Præstat igitur vires Opii in coercendis spasticis affectionibus & profliviis, item somno alliciendo doloreque sedando. Nominatim ad tuſsim mitigandam (Tralles *de Op. Sæt. 3.* p. 123.) valet, ex catarrhali labi asperam arteriam vellicante natam. Massa hac, cum nitro versus noctem, data, olim optimo patrum nocturnam quietem, ctebis pectoris a tussi concussionibus diu turbatam, tiro medicus feliciter restitui. In asthmate spastico inducias ad minimum procurat (Trall. *I. c. p. 161.*). Grana bina ad quinque vulgaris dosis esse solet.

Pilulæ de Cynoglosso cum Castoreo) *Pb. W.* p. 138. Sunt illæ nuperim descriptæ, sed Croco & Castoreo mixtæ, ut patulo majori dosi exhiberi queant. In Pilulis de Cynoglosso) *Pb. Dan.* p. 210. hoc semper connubium locum habet, imminuta & Opii & seminum Hyoscyami quantitate, ita ut singula drachma pilularis massæ illius grana quatuor modo, horum grana duo sibi vindicet.

C O R D I A.

Linn. *Syſ. veget.* p. 191. Gen. pl. p. 110.

Pharm. SEBESTEN.

228. *CORDIA MYXA*; foliis ovatis supra glabris, corymbis lateralibus, calycibus decemstriatis Linn. *Sp. pl.* p. 273. Sebestena sylvestris C. B. item domestica Ejus. Sebestena domestica Commel. *Hort. Amstel.* Tom. 1. p. 139. *Tab. 72.* ubi absque fructu depicta. Quem vero, etiæ ruditer, una delineavit Alpin *pl. Ægypt.* p. 30. & 31, Sebesten officinarum Dillen. *Hort. Elth.* p. 340. *Tab. 255.* cuius figuris 1. 5. dextrorum

fum

sum collocatis floris partes sistuntur. Arbor *Ægypti & Malabaricae.*

Fructus) unice, et si rariissime, apud nos hodie in usu; hinc vermbus plerumque arrosus offenditur. Drupa est, referens prunum exiguum, oblongo-rotunda, utrinque acuta, nigricans, rugosa, viscosa, subdulcis includens nucem subtriquetram compressam utrinque emarginatam. Dioscoridis & Galeni operibus non insertus hicce fructus exstat, sed memorarunt eum *Ægineta, Aetius & Actuarius* (*C. B. Pin. p. 446.*).

Viscida hujus natura nomen *Myxa* apud Plinium aliosque illi peperit. Postponendus Jutibæ fructui dulcedine, certe vescustus in officinis servatus, superat vero illum visciditate, quæ tanta est, ut *Ægyptii* olim inde viscum pararint, auctoribus idoneum, fructum contusum & lotum, quoad aqua superflua, absumeretur, coquendo (*Alpin. l.c. p. 29.*). Precipuus ibidem & alibi usus fuit in morbis variis pectoris, raucedine, tussi, respirationis difficultate, etiam inflammatoris; porro in lotii viarum ardore valuit, quæ omnia ratione quoque consentanea. Ventrem pariter subducere, recentem quidem magis, aridum autem minus, Veteres observarunt, confirmante & experientia Matthioni (*in Diocor. p. 218.*), qui drachmis decem vel duodecim pulpæ eandem vim ac Cassiae tribuit.



ORDO XIX.

VERTICILLATÆ.

TEUCRIUM.

Linn. *Syst. veg. p. 438. Gen. pl. p. 287.*

Pharm. MARI VERI vulgo s. *MARI SYRIACI* Angl.
Herba s. *Summitates.*

229. *TEUCRIUM MARUM:* foliis integerrimis ovatis acutis petiolatis, subtus tomentosis, floribus racemosis secundis Linn. *syst. veg. p. 439. Marum Cortusi Io. Batt. Hist. T. 3. p. 242. Cfr. Schreberi verticill. unilab. n. 28.*

o, & Linn. *Diss. de Maro resp.* Dahlgren p. 7. Icon: Rivin, monop. irreg. T. 23. item Regnault Botanique, sed perperam sub nomine Nepetæ Catarie f. Herbe au chat. Fruticulus crescens in Valentia & insula Pomponia f. Porteros subter Gallo-provincia sita, in Græcia, Creta, Ægypto, Syria. Commode in frigidariis per hiemem servatur, ut tamen & tepidarii sotum probe ferat.

An in Veterum notitiam venerit, & quo nomine Marum insigniverint, nolo disquirere. Sufficit impensam a Wedelio (*Diss. de Maro resp.*, Hermanno 1703.) sterili huic rei operam indicasse.

Singulare cupidine in hanc stirpem, ut Catariam & Valerianam, seles trahuntur, lambendo illam, decerpendo, comedendo, quin si Cortuso, Patavino quondam Professori Botanices, fidendum, ea devorata semine undique illam confusando (Io. Bauh. *I. c.*) &, si digitii ista oblii felibus offeruntur, hisce affrictant nares, caput, imo dorsum, in voluptatis, quam ex halitibus percipiunt, testimonium (Münchh. *Hausvater* T. 1. p. 415.).

Folia recentia cum tenellis ramulis contrita simili fere modo, ut sal volatile olfactum grato suo & camphoraceo fere aromate nares vellicant, in sternutationem usque, & per momentum temporis animum eximie erigunt. Gustata autem amaritatem cum acrimonie & caloris ieniu produnt. Nec multum harum virium siccatione perditur. Odora herbæ pars aquoso quoque latice per infusionem excipi sese patitur, sapore autem tantum imbecilli eundem imbuat. Spiritus vi ni plurimum utriusque generis partium extrahit. Distillatione cum aqua largitur oleum æthereum pungens, volatile, valde fragrans, residua parte amara (Lewis M. m. p. 372.). Penetrabili suo odore & sapore, imo & vi, comparari cum oleo Cochleariae potest (Fr. Hoffm. *Obs. phys. chym.* p. 19.).

Mireris merito, quod sub hisce præstantiæ ejus indicis tam raro hodie adhibetur. Interim nolim Polyclirestum cum Wedelio (*I. c.*) vocari, quo nomine despiciam potius reddidit nobilem stirpem, vires licet numerolas ample, sed ex ratiocinio unice, recensuerit. Et ex hoc fonte præcipue promansæ arbitror plerasque laudes de ea in libris de medicamentis obvias. Herba in pulvere naribus excepta & sternutationem ciet & copiosam pituitam allicit. Sed præprimis ad singularem ejus efficaciam, nervosum sistema languidum & debile reficiendi, attendendum est. Unde inter cephalica excellere notavit Hermannus (*Cynos. Mat. med.* T. 2. p. 349.) ob quam vim & magni illam facit Boerhaavius (*Hist. pl. hort. L. B.* p. 262.), nec veritus ill. Linneus est, eam sumnum analepticum declarare (*Diss. cit.* p. 13.). Promit vero auxilium præstat, nec, etiam si febre præfente, nocet,

cet, quare eximio alias analeptico. Cinnamomo, ut quod nimium calefacit corpus, præferas. Dolendum tamen, quod solamen, quod affert, æque plerumque fugax sit, ac promtum, ut itaque opinione citius, effectus dispereat (*I. c. p. 18.*). Post hanc virtutem memorabilis sese reddit ejus, in humorum frigido lentore solvendo sudore menstruisque pellendis, præstantia. Hæcce de ista prædicare, non plura, sicut nunt peculiares historiæ, quarum varias ill. Linneo debemus. Ita, eo narrante, senex morbo subitanè tam atrociter correptus, ut de vita desperarent, utope & loquela & motus potentia orbus stertore respirationem exerceret, Mari ope vitæ jacturæ evasit, quod & post iæsquianum, quum insultu apoplexiæ non absimili assiceretur, saluti illi fuit. In Theologo autem, quem asthma, suffocationem minans, ex pectoris hydrope anixerat, devicit hocce periculum & nocturnam quietem restituit. Simili fere in casu jurisconsulto adiumento fuit. Refuscitavit & in alio, qui inter varia alia chronicâ mala tuſi vehementer laboravit, cuius sputa subito sub dejectione viriū suppressa suffocationis metum inculcavunt, excreationem tuſlimque ipsam paullo post compescuit. In phthisico sudoribus nocturnis jam emaciato Marum, mixtum cum conserva Cerefolii, tam ad sudores continendos, quam ad siccatum facilitandum, valuit. Alium ex pectori post hæmoptylia laborantem, fato, ut videtur, proximum, in vitam revocavit. Menstrua suppressa herba martialibus rupta reseravit (*Linn. Diss. cit. p. 16-18.*). Litteris vero ad me datis vir illustris prescripsit, se eadem medela b. Rosensteino, dirissima & pertinacissima tuſi cum difficultissima respiratione in ultimo morbo conflictato, levamen attulisse exoptatissimum. Addo casum (*cl. Bergii Nat. med. pag. 504.*) sc̄minæ, quæ ex iū capitis contra lapidem apoplexiæ instar cecidit, in tertiam hebdomadæ administratis variis idoneis, sublethargicæ, sed Maro adhibito in integrum restitutæ. In paralyſi autem post prægressam apoplexiæ iners fuit (*Idem*).

Pulvis eidem a scrupulo uno ad dimidiā drachmam supraque dari potest. Commodum menstruum viñum præbet.

PRÆPARATA ET COMPOSITA.

Essentia Cephalica (*Pb. W. p. 79.* Farrago aromatum, inter quæ & Marum, menstruis spirituosis jam per se valde compositis infusorum.

Extractum Marocoſtinum) *Pb. W. p. 92.* auctore Raimundo Mindererero, qui decripsit illud primum in *Aledario marocoſtino* iuxta a. 1616. Ampla pariter formula, ex Aloe succis variis foliata, Extracto Rhei, Croco, Myrtha, G.

ammoniaco, demum Maro vero & Costo maritata. Utriusque usus obsolevit.

Pulvis Sternutatorius) Pb: Lond. p. 89. Ex foliis Afari, Majoranæ, Mari & floribus Lavendulæ.

Theriacam quoque ingredi, vix operæ pretium est indicare.

Pharm. Polii CRETICI Herba, s. Summitates Lond.

230. *TEUCRIUM CRETICUM*; foliis lanceolato-linearibus integerrimis, floribus racemosis ternis Linn. Syb. veg. 439. Rosmarinus stœchadis folio Alpin. exot. p. 103. T. 102. mal. Conf. Teucrium hyssopifolium Schreb. verticill. unilab. n. 11. Fruticulus Ægypti & Palæstinæ. Linnei species etiam T. brevifolium Schreb. l. c. n. 10., Creticam plantam, sub se comprehendit.

Odor Herbae moderate aromaticus, sapor ingrate amarus. Hodie non, præterquam in Theriaca, adhibetur. Inter aperientia & corroborantia locus illi assignatur.

Ubi hæc deficit, substituitur.

Pharm. Polii MONTANI Herba s. Summitates Lond.

231. Hoc nomine autem non ubivis una eademque stirps venit.

Galli (*Cod. med.* p. 123.) intelligunt *Teucrium Polium*; spicis subrotundis, foliis oblongis obtusis crenatis tomentosis sessilibus caule prostrato Linn. sp. pl. p. 792. a. *Polium montanum* luteum C. B. *Teucrium aureum* Schreb. vertic. unil. n. 42. qui suffrutex in Gallia australi, Hispania, Syria crescit.

Germanii, *Teucrium montanum*; corymbis terminalibus glabris, foliis petiolatis ellipticis margine revolutis subtus tomentosis, caule procumbente Schreb. l. c. n. 57. quod & *T. supinum* & *montanum* Linn. includit. Suffratex Europæ calidioris, apri: fabulosis crescens.

Angli, *Teucrium capitatum*; capitulis pedunculatis, foliis lanceolatis crenatis tomentosis, caule erecto Linn. Spec. pl. p. 792. *Polium maritimum* erectum monspeliacum C. B. Icon: *Regnault Botanique*, le Thym blanc des Montagnes. *Teucrium Belion* Schreb. l. c. n. 49. et si & alia efficacia *Teucria* subinde in usum tracta (Lewis M. m. p. 463.). In Europæ calidioris & Mauritanie maritimis.

In *Pharmacopæa Lond.* p. 15. suppar utrique Polio, Cretico & montano, virtus tribuitur. Est tamen qui Creticum efficacius existimat (Miller bot. offic. p. 353.). *Pharm. Edinburghensis* Polium montanum unice requirit. Sed inter tota

alia

alla efficaciora utrumque abesse potest. Pertinet huc remedium, ex Terebinthina Veneta & Polio contra podagram, olim inter Italos usitatum (V. *Appar. Med. T. I.* pag. 13.). Mithridatio Polium montanum Germani addunt.

Pharm. SCORDII Herba.

232. **TEUCRJUM SCORDIUM;** foliis oblongis sessilibus dentato serratis, floribus geminis axillaribus pedunculatis, caule diffuso Linn. *Syst. veg.* p. 400. Schreb. *vertic. unil.* n. 29. Scordium C. B. *Icon: Flor. Dan. Tab.* 592. Regnault *Botanique*, le Scordium. Planta perennis, crescens in uliginosis Europæ.

Herba) Allium spirat cum levi aromate, saporem vero intense amarum habet. Longiori mora perdit odorem suum simulque ingratiior ejus sapor fit. Utrumque aquæ & spiritui vini impertit infusione. Spirituosum extractum etsi parcius aquoso, tamen amarum magis & efficacius (Neumann *Chym. Vol. 2. P. 4.* p. 195. Garth. *Mat. med. T. 1.* p. 519.). Olei ætherei exiguum modo vehit, illudque per aquam, quæ destillando ascendit, dispersi m, a quo odor aliaceus dependet (Neum. l. c.). Hic idem in vaccarum adeo lac sepe transfert (Linn. *Fl. Svec.* n. 513.).

Calidæ est naturæ, ventriculo robur restituit, putredinem efficaciter coeret, obstrunctiones viscerum referat, sudorem movet. Et hæc quidem experientia sape repetita docet.

Verum & alexipharmacij titulo herbam uno fere ore autores condecorarunt, dignam hocce tam vi antispatica quam sudorifera cenientes. In prioris virtutis testimonium non motor fabulosam antiquam narrationem, quod in prælio interemtorum cadavera, quæ in Scordium inciderint, tardius longe, quam reliqua computuerint (Galen. *de antidot. Lib. 6. cap. 12.*), tanto minus quam adhuc dubium valde, an Veterum Scordium cum nostro idem sit. Inter alios contagiosos malignosque morbos ad ipsam pestem efficaciam ejus extenderunt. Sed nullibi fere in hisce malignis morbis herbam solam administratam offendo, sed in connubio multorum aliorum sub variæ præparationis forma (V. e. g. Diemerbroek *Tract. de peste*), in Electuario Diascordii aliisque infra reconsendis formulis, ut saltem plerunque, si qua dictorum fides, meritum curationis inter plura divisum maneat. Sanioris vero medicinæ luce novimus, quantum noxæ ex calidis illis & sudoriferis, in hisce morborum generibus, tantum non temper redundet. In peste tamen ad sustentandas vel erigendas vires & sublequam corruptelam humorum avertendam non infimi loci, prout alia stimulantia & antiseptica, Scordium est. Ita decoctio ejusdem cum tantillo terræ

Lemnios mixto, comitatus legati Busbeck (*Lettres par De Foy T. 1. p. 198.*) primo pestis stadio in Turcia per iter correptus, sudoribus largis ex ulu inseguitis, mortis periculum eluctatus est. Conf. Chenot de peste p. 132.).

Porro contra lumbricos commendatur, & vestibus laneis apposita hasce aduersus tineas blattasque tueri notatur (Riv. *Observ. med. Cent. 1. n. 16.*), quas vero similes laudes de herba Hyperici a Rivero non expectassein. Hydropem anasarca disputit & menstruum fluxum restituunt (Kleinknecht de *Scordio* p. 69. Hall.) Si asthmaticis opem ferat, non tamen phthisicis ex ulcere pulmonum concedi debet, qua in reabus in Helvetia factus (Hall. *bif. stirp. helv. n. 288.*) Infusum aqua Scordium plerumque datur.

Sed memorandus est usus ejus externus in grancrena eximius, quam & vi antiseptica & stimulo in vicinia loci affecti impertiti coercet, in quem finem alia ad augendum effectum addi solent. Pro fomento infervit decoctum vel infusum herbæ, vino vel aceto mixtuim, adjecto quoque sale. Cataplasma quoque ex herba recens conquassata & aceto soleque mixta parari potest (Tournef. *Plant. de Paris T. 2. p. 301.* Conf. *Chirurgia* Heisteri & Platneri). Ulcerum curationem vel solus pulvis inspersus absolvit (Reusneri *Cof. in Welsch. Syll. curat.* p. 72.).

PRÆPARATA ET COMPOSITA.

Aqua Scordii) *Ph. W. p. 6.* Spirat recens herbæ odorem, sed in officinis iners plerumque est.

Essentia) *I. c. p. 84.* Est hæc simplex. Vis spiritus vini prævalet. Alexipharmacæ & sudorifera prædicatur ad guttas sexaginta.

Essentia Scordii composita s. Diacordium liquidum Maur. Hoffm.) *I. cit.* Constat ex radicibus multis calidis, Croco, Myrrha rel., inter quæ & Scordium & Opium, spiritu vini & baccis Juniperi abstracto maceratis. Exagitat igitur sanguinem, & sudorem inter vires anodynæ Opii insigniter movet. Uncia una ejus grana circiter duo Opii continet. Redit hoc iterum ambigua alexipharmacæ laus.

Essentia Alexipharmacæ Stahlii) *I. c. p. 74.* cfr. *Appar. med. T. 1. p. 295.* Cui fini destinaverit auctor, titulus indicat. Nocuisse vero innumeris exemplis in febribus hanc essentiam, ut reliquas in universum, augendo febrem & diathesin inflammatoriam vel putridam, & excitasse purpuram, exanthemata, miliaria vel petechias, certissimum est, quorum culpæ haud parum in menstruum spirituofum conjicio.

Essentia Alexipharmacæ temperata Stahlii) *I. c. p. 75.* Conf. *Appar. med. I. c.*

Extractum) Ph. W. p. 88. Fit menstruo semispirituoso. Debilis herba.

Syrupus) l. c. p. 218. Meretur servari.

Electuarium Diacordium s. Diacordium Fracastorii) l. c. p. 46. Descripserat illud auctor in libro de contagionibus & morbis contag. Lib. 3. Cap. 7. ad finem: Constat ex adstringentibus, aromaticis, terreis, gummosis, inter quæ & Scordium cum pauxillo Opii, conferva Rosarum & melle exceptis. Unciae singulæ infusæ grana circiter duo Opii. Merminis tamen proportionem variare, si exsiccari incipit. Drachmæ ejus duæ ad tres pro dosi assiguntur. Inconcinna hæcce, & superfluis & inanibus multis referta formula omnino opus habuit correctione, quam & Sylvius (Ph. Brand. p. 58.) & Londinenses (Ph. L. p. 90. 98.) moliti sunt, sed non tam scite, ut eidem acquiescere liceat. Maxima ejus abbreviatio occurrit in Ph. Soc. p. 88. & seleucus tantopere a pristino discrepans, ut nomen Fracastorii vix servari mereatur, licet & Scordium admittat. Morbis malignis & contagiosis, imo ipsi pesti accommodatum voluit auctor, sed vehiculo acido temperatum. Sydenham quoque plausum tulit in singultu & diarrhoea febrium, contra quam in clysmate etiam adhibendum curavit. Tutius vero extra febres datur, & hodie serè unice ad sistenda alvi profluvia nimia post evacuationes prægressas.

Pharm. CHAMÆDRYOS Herba.

233. **TEUCRIUM CHAMÆDRIS**; foliis coniformi-ovatis incisis crenatis petiolatis, floribus ternis, caulis procumbentibus subpilosis Linn. Syb. veg. p. 440. 3. Chamædrys minor repens C. B. Conf. Schreb. vert. unil. n. 21. Icon: Fl. Dan. p. 448. Regnault Botan. la Germandrée. Pl. perennis, in Galliæ, Italiæ, Helvetiæ, Germaniæ australis locis asperis montosis & ad oras viarum crescens.

Herba) modice amara cum odore subaromatico. Cum aqua pariter ac spiritu vini efficaciam suam communicat, illam vero magis, quam hunc, amaram reddit,

Præstans stirps & incidendi & roborandi vi etiamnum clara. In arthride celebrata impensis. Commendatum eo fine, inter tot alios, qui inde sanati dicebantur, Carolo V. decoctum ex vino a medicis Genuensisibus, post purgans præmissum per sexaginta dies ingerendum (Vesal. rad. Chin. p. 111.). Multus in eodem decocto prædicando est Selenander (Censil. med. Sect. 5. p. 475.), Sennertique (Oper. Ed. Lugd. T. 5. & 6. p. 568. & 663.) tempore pariter compluribus placuit, variasque antiquiores formulas antarthriticas, quas addeuit (l. c. p. 176. & 177.), aliasque superioris ætatis for-

mulas intrat; quarum ad normam *Pulvis antbartbiticus du-*
cis Portlandiae (*V. Appar. med. T. 1. p. 227.*) concinnatus
est. Fermentationem herbæ cum hydromelle illustri olim
Svecorum heroi A Torstenson instar omnium præscripsit a
Guldenklee (*Oper. Ed. Rivin. p. 700.*). Quod præparatio-
nis quoque genus, ut & fermentationem cum musto, vel
cerevisia, necnon effluentiam Sennertus (*I.c. p. 177.*) probat.

In febribus intermittentibus tantam olim fidem adscivie-
rat, ut febrifugam dixerint (*Cæsalpinus de plant. p. 455.*).
Ægyptii drachmam pulveris per horam ante accessionem
optimo successu ingesserunt (*Alpin. med. Ægypt. p. 316.*).
Successit & rusticis *Monipelliensibus* pulvis in juscule captus
contra ipsam quartanam (*Rivier. Observ. Cent. 4. n. 84.*).
Quin decoctum ante & post paroxysmum datum tertianam
fanasse in his, qui frustra cortice Peruviano usi sunt, legi-
tur (*Seguier pl. Veron. T. 1. p. 319.*). Infusum ex hac &
Centaurio minori cum vino paratum eandem prærogativam
demonstravit (*Chomel Usuelles V. 2. p. 139.*).

Nec in asthmate & tussi inveterata, a pulmonum infar-
ctu oriundis, spernenda multorum testimonio; qua in re ad
Marrubium accedere proxime mili videtur. Arridet in hi-
sce vitiis miscela cum melle in decocto (*Chomel I.c.*). --
Hypocondriacis utilissima pronunciatur (*Sennert I.c. p. 665.*),
quibus quidem amaritie & resolvendi virtute subinde leva-
mini esse potest --. Addo adhuc unice, decocti vim in
menstruorum suppressione creberrime ab Anglis mulierculis
fuisse exploratam (*Raii Hist. T. 3. p. 527.*).

Pharm. CHAMÆPITYOS Herba.

234. *TEUCRIUM CHAMÆPITYS*; foliis trifidis linearibus integrerimis, floribus sessilibus lateralibus solitariis, caule diffuso Linn. *Spec. pl. p. 787.* *Chamæpitys lutea vulgaris* f. *folio trifido* C. B. Conf. Schreb. *veritic. unil. n. 4.* *Icon: Fl. Dan. Tab. 733.* *Regnault Botanique*, l' Ivette. Pl. annua, crescens in agris glareosis Europæ australis, etiam Germaniæ, variis in regionibus, item in Palæstina, Africa septentrionali & Virginia.

Recens stirps, viscida ad attactum, odorem habet resinosum instar Pini, saporem amarum. Vires suas tam aquæ quam spiritui vini erogat, liberalius vero huic. Infusum aqua factum valde amarum & nauseosum. Extractum aquosum amaro austерum est, spirituosum, subdulce & calidum (*Lewis M. m. p. 209.*).

Convenit Herba maxime efficacia cum ista Chamædryos. Nominatim & Chamæpityn omni tempore in arthritide magni fecerunt, unde & ab antiquioribus botanicis Iva arthritica

thritica dicta, & nomen olim Pilulis de Yva arthritica Nicolai (Salernitan) dedit. In omnibus articulorum affectionibus præstantissimum declarat Sennertus (*Oper. T. 5. 6. p. 177.*). Placuit multis pulverem cum Terebinthina compingere (Claudin. *Consult. 19. p. 49. Consult. 39. p. 93.* Sennert *l. c. p. 568. & 569.* Matthiol. *in Diosc. p. 669.*), horumque diuturno usui indulgere. Pari passu cum aliis contra arthritidem idoneis in formulis bene multis (Sennert. *l. c. p. 176. sq.*) ambulat, ut in ista Duciis Portlandiæ, de qua nuperime dictum, quum tamen præstislet eam solam præscribere, ut virtus propria innotesceret, inque pulvere. Sed redit hic querela ad amara in arthritide generatim, præcipue longo tempore capta, pertinens, non sua noxa carere. Ita quidem apud nonnullos in Helvetia decoctum Chamæpityos cum similibus roborantibus podagram fugavit, sed in febres deinde lentas aut althma, aut apoplecticos insultus incidentur (Io. Gefner in Hall. *Epiſt. Vol. 5. p. 54.*).

Commendabilem & seſe reddidit infarctus viscerum aperiendo & iſterum diſcutiendo (Fernel. *metab. med. L. 5. c. 7. & c. 23.*). In pulvere & infuso exhiberi poterit: de coquendo timendum, ne quid virium pereat (Hall. *ſtrp. Helv. n. 284.*). Externe olim ad abſtergenda & consolidanda ulcera majori in pretio habita, quam hodie.

A I U G A.

Linn. *Syſt. veg. p. 438. Gen. pl. p. 287.*

*Pharm. CONSOLIDÆ MEDIAE s. BUGULÆ
Paris. Herba.*

235. *AJUGA PYRAMIDALIS*; tetragono-pyramidalis villosa, foliis radicalibus maximis Linn. *Syſt. veg. l. c. Cfr. Schreb. veric. unil. n. 3. Icon: Fl. Dan. Tab. 185. Pl. bennis, in pratis montanis crescens.*

Præente Linneo hanc speciem significo. Hujus loco medicas vires refert Hallerus (*Hist. fl. helv. n. 282.*) ad *Ajugam reptantem* L. glabram, stolonibus reptantibus (*Syſt. veg. l. c.*), cuius icon vide in Blackwelliæ opere *Tab. 64. fig. 1.* item Regnault *Botanique, la Bulge;* sed male in proxima effigie omittiſſi stolones.

Herba) subadstringens cum amaritie levi. Vulneraria igitur secundum vulgarem conceptum habita. Nec in ulceribus pulmonum aliisque internis spreta a Riverio (*Prax. med. L. 7. c. 7. T. 1. p. 349.*), qui decoctum ejus in juscule vervecis mirè prodeſte affirmat, aliisque. Hinc & intravit va-

rias aquas vulnerarias, aquam visceralem Mauchardi. Viribus ad Prunellam accedit. Sufficit stirpem obsoleti usus pro gargarismate unice in angina servare, in qua ipsa & vim suam experimentis comprobavit Maloyin (in Mem. de l'Ac. d. sc. de Paris. 1754. p. 512.).

T H Y M U S .

Linn. Syſt. veget. p. 252. Gen. pl. p. 297.

Pharm. THYMI Herba.

236. *THYMUS VULGARIS*; erectus, foliis revolutis ovatis, floribus verticillato spicatis Linn. Spec. pl. p. 825. *Thymus vulgaris*, folio tenuiore C. B. Icon: Regnault Botanique, le Thim. Fruticulus in locis excelsis saxosis Hilpaniæ & Galliæ inferioris cœberrimus. Hiemen regionum etiam magis septentrionalium probe fert, ubi in usum culinarium abundanter colitur, &, ut parcatur spatio decorique simul consulatur, areæ eo cinguntur.

Herba) saporis calidi, pungentis cum amaritie quadam linguam, odoris fragrantis non admodum grati. Destillatione largitur oleum æthereum copiosum. Aqua infusione ejusdem odora quidem evadit, sed saporem modo debilem acquirit, conversa, si infunditur spiritus vini, ratione. Camphoræ speciem continent herba, quæ sese declaravit mox post destillationem eius cum aqua, dum oleum ab ea separatur, tam in gossypio quam orificio vitri, crystallis exiguis, dein post aliquot dierum moram in fundo vitri crystallis, Avellanæ nucis adeo magnitudinis, cubicis, faccharo candi similibus. Hæ plerisque notis convenerunt cum Camphora ex Lauro camphorifera, Thymi odorem præ se ferentes (Neumann in Phil. Transactions vol. 33. p. 321. sqq. recus. in Miscell. Berol. T. 3. p. 10. sqq.), quamvis in quibuidam discreparint (Brown in Phil. Transl. I. c. p. 361. sqq.), non ita tamen, quin justus maximeque idoneus in chemicis, ut tot aliis arbiter, ill. Gaubius (Advers. varii argum. p. 100. 103.) inventoris, Neumanni, judicio de arctissima ejus cum vera camphora cognitione subscriberet. Non potest igitur hocce concrementum ad salia volatilia oleosa solida, quæ in oleis æthereis per multos annos servatis subinde reperiuntur, referri.

Usus ejus culinario scopo longe frequentior, quam medico. Etenim vulgare ciborum pauperioribus condimentum, præcipue farciminum. Ceterum, si salutaris vis spectetur, multa cum reliquis verticillatis aromaticis similia patrat, de-

qui-

Thymus vulgaris; 67
quibus infra sub Lavendula, Salvia, Roremarino, ne in re-
petitiones ingratis incidam, pluribus.

P R A E P A R A T U M .

Oleum destillatum). Ubivis obvium. Tanta copia emer-
git, ut Spielmanno (*Mat. med. pag. 300.*) unciam ejus unam
herbæ libræ octo suppeditarint Cartheusero (*Mat. med. T.
2. p. 115.*) autem drachmam unam & semiflēm herbæ li-
bra una. Valde acre est, coloris vel flavi, vel si fortior
ignis adhibitus, profunde bruni.

Pharm. SERPYLLI Herba.

237. *THYMUS SERPYLLUM*: floribus capitatis, cauli-
bus repentibus, foliis planis obtusis basi ciliatis Linn. *Syst.
veg. p. 452.* Serpyllum vulgare minus C. B. Icon: Regnault
Botanique, le Serpolet. Sufrutex in locis campestribus aridis
creber.

Sapor Herbæ) aromaticus subamarus, odor gratus ad ci-
trinum inclinans, calcando viatores reficiens, gratior adhuc
in Varietate, quam Casparus Bauhinus foliis citri odore dis-
tinguit, quæ *Thymus citratus* in *Ph. Lond.* audit. Oleum
ejus æthereum, blandius longe quam Thymi, parca modo
quantitate eruitur. Accepta apibus stirps (*Suar pa Fragan
om bisköfjeln. Resp. 2. Magistrum p. 128.*).

Derelicta hodie a medicis non inessicax stirps, ut fere
unice extrinsecus subinde ad discutiendos stagnantes humo-
res partesque roborandas, vel in sacculis vel fomenti instar
vino cocta applicetur, uti & in balneo ad ciendos menses
adhibeatur. Infusum potatum ill. A Linné & ore & scri-
pto (*Fl. Svec. n. 535.*) contra cephalæam a crapula laudavit.

P R A E P A R A T A E T C O M P O S I T A .

Aqua destillata) *Ph. W.*

Oleum destillatum) *Ph. W.* Rubicundum, fragrans. Ad
drachmam dimidiā ex libris triginta recentis herbæ elicitur
(Baumé *Pharmacie T. 2. p. 45.*). Denti carioso inditum
ejus dolori medetur (Miller *Bot. offic. p. 411.*).

Spiritus) *Ph. W.* p. 198. In paralysi linguæ ore cum suc-
cessu retinetur.

Aqua benedicta Serpilli) *Ph. W.* p. 10. Est aqua vinosa ex
fragrantibus herbis & aromatibus constans, unde ad inci-
dendum & excitandum valet absente febre.

MELISSA.

Linn. *Syst. veg.* p. 453. *Gen. plant.* pag. 398.

Pharm. MELISSÆ CITRINÆ Herba.

238. *MELISSA OFFICINALIS*; racemis axillaribus verticillatis, pedicellis simplicibus Linn. *Spec. pl.* p. 827. *Melissa hortensis* C. B. *Icon: Regnault Botanique*, la Melisse, Pl. perennis in montibus australioris Europæ sponte crescit; in hortis vero colitur.

An *Melissæ* s. *Melittura* *Dioscoridis* (*Lib. 3. c. 118.*) sit, merito dubitatur, adeo ut Nicander (*Theriac. v. 554. 555.*) nomen ad *Marrubium* transferat. Qui plura circa ambiguam veterum Græcorum & Latinorum notitiam de nostra planta nosse cupiat, adeat *Schulzium* (*Diss. de Melissa Hal. 1739.*).

Herba) recens odore Citrum refert, vix exsiccata, sapor eius nonnihil acris & aromaticus. Infusum aquosum citreum odorem recipit, nec ingrate sapit. Hinc & Theæ Chinensi substituere quibusdam visum (*V. Hann. Magaz. 1770. n. 71. ex Relat. Gieff.*). Extractum ex eo spissatum tamen amarusculum & subauferum. Spiritus vini infusus plus sapidi minus odoriferi eruit, pondus extracti inde facti altero minus. Olei ætherei pauxillum modo Herbæ inest, nec nisi ex magna copia stirpis vel cohobatione aquæ evolvendum. Ita vulgo sentiunt. Interim stirpem, postquam jam defloruerit, decerptam satis conspicuam copiam olei largiri traditur, quem præcocius collecta parum eroget (*Schulz I. c. p. 10.*).

Arabes primum ad nervos reficiendi, animum exhilarandi, vires dejectas erigendi virtutem animum adverterunt. Quæ laus a multis recentioris ætatis iteratur ad vertiginem, memoriae labem, paralysin, melancholiæ, nominatim hypochondriacam de pulvere foliorum ad drachmam unam singulis diebus per mensem usurpato (*Fr. Hofm. Diss. de remed. domeſt. §. 20.*), ad maniam veram de infuso eorum spiritu vini facto (*River. Prax. L. 1. cap. 13. p. 92.*), palpitationem cordis in conserva (*Foreſt. Obſerv. Lib. 28. n. 65.*) aliasque systematis nervosi affectiones. In aqua probe parata colligi, quicquid inest virium, gravis testis extat (*Boerhaav. Chem. T. 2. p. 67.*), qui in melancholicis, hypochondriacis, chlorosis laborantibus, palpitationi cordis obnoxiiis, quoties mala hæc a spirituum perturbatione magis, quam a matrīcæ morbiſicæ mole aggeſta pendeant, hacce vix par aliud remedium agnoscit,

Men-

Menstruum fluxum tardantem cire decoctum, jam dum mulierculæ noverunt (Simon Paulli *Quadr. bot.* p. 436.), nec hodie, quod scio, insulūm hocce fine negligitur.

PRÆPARATA ET COMPOSITA.

Aqua destillata). Pretium ejus jam prolatum.

Oleum destillatum), flavescentia, fragrans. Sunt qui in morbis capitum a systematis nervosi labore oriundis & nervorum debilitate, illud impensis laudant (Fr. Hoffm. *Obs. phys. chym.* p. 19. item Boerh. l. c.).

Aqua Melissæ cum vino) *Pb. W.* p. 20.

Aqua Mel. spirituosa composita), *Eœu de Carmes* l. c. Efficax solidatio variorum aromatum spiritus in paralyse flatulentisque affectibus drachmæ unius supraque dosi; externa etiam applicatione.

Aqua Mel. antihysterica) l. c. Uſus præcipuus, cui destinata, ex nomine & adjectis Castoreo & Myrrha patet. Præter hæc & Melissam aromaticam quædam vino digesta continet.

Syrupus) *Pb. W.* p. 214.

Pharm. CALAMITÆ vel CAL. MONTANÆ Edinb. Herba:

239. *MELISSA CALAMINTHA*; pedunculis axillaribus dichotomis longitudine foliorum Linn. *Spec. pl.* p. 287. Calamintha vulgaris vel officinarum Germaniæ C. B. Icon: Calamintha Rivin. *irreg. monop. Tab. 46. Pl.* perennis, crescens in dumetis Helvetiæ, Italiæ, Galliæ, Hispaniæ.

Male huic quidam pharmacopolæ Clinopodium vulgare L., vix aromaticum, substituunt. In Anglia Herba ex *Melissa Nepeta* pedunculis axillaribus dichotomis folio longioribus, caule ascendentे hirsuto Linn. *Syst. veg.* 453, quæ est Calamintba Pulegii odore s. *Nepeta* C. B., colligitur, effaci omnino stirpe, ad vires Pulegii accidente, tamque acri, ut vesicas cuti imposita excitet (Hall. *Stirp. helv.* n. 240.).

Altera extra Angliam magis expedita blandior quidem, attamen odoris fragrantis, si teritur herba, & menthaceum æmulantis, & saporis calidi. Non spernendæ igitur efficaciam, sed ob similes alias stirpes sensim in desuetudinem abiit. Vires ejus plerumque ad istas *Menthæ* exigi solent.

MELITTIS.

Linn. *Syst. veg.* p. 455. *Gen. pl.* p. 299.*Pharm. MELISSOPHYLLI Folia.*

240. *MELITTIS MELISSOPHYLLUM*); Linn. *Syst. veg.* l. c. Lanium montanum, melissæ folio C. B. Melisophyllum verum Fuchs. *Hist. Stirp.* p. 497. Icon: Iacq. *Austri. Tab.* 26. Regnault *Botanique*, la Melisse batarde, item in Io. Milleri *Illustr. Syst. Sexual.* Pl. perennis dumetorum Germaniæ, Austriae, Helvetiæ, Monspelii.

Hoc esse veterum Græcorum *Melissophyllum*, Latinis Apiastrum dictum, Fuchsius innuit, quod apibus maxime in deliciis esse tradiderunt, adeo ut, si eo alvearia perungerentur, istæ non aufugerent. Perperam Lamium Plinii nuncupatur a Sam. Fr. König (in *Diss. de Lamio Plinii*, Argent. 1742. l. ic.) quod, nomen rectius ad Lamium maculatum L. applicatur.

Rarissime usu venit elegans hæcce stirps, sed paucis tamen hic memoranda venit, ob vires illi hinc inde adscriptas. Odor Foliorum Lamii, sed gravior, sapor subamarus. Aqua ex iis destillata valde fragrans cum oleo supernatante (König l. c. p. 7.). Utinam Königius, in analysi chymica & ex eadem ad vires medicas concludendo multus, plus practicæ experientiæ tribuisset. In suppressione lotii referanda (Tourn. *Pl. de Paris* T. 2. p. 439. adstipulante Garidel in *plantes d'Aix* p. 313.) & renum fabulo & calculis emollientibus (König. l. c. p. 17.), item in fluxu menstruo pellendo (Spielm. *M. m.* p. 653.) valere, notatum. Argentoratenibus præ reliquis hodie commendabile videtur, idque in infuso thæformi.

HYSSOPUS.

Linn. *Syst. veget.* p. 441. *Gen. pl.* p. 289.*Pharm. HYSSOPI Folia vel Summitates.*

241. *HYSSOPUS OFFICINALIS*; spicis secundis follis lanuginosis Linn. *Syst. veg.* l. c. Hyssopus officinarum sive spicata C. B. Icon: Iacq. *Austriac.* T. 254. Regnault *Botanique*, l'Hyssope. Pl. suffruticosa, in Austriae subalpinis & Sibiria sponte crescens, in hortis alibi colitur.

Sa-

Hyssopus Officinalis.

71

Sapor Foliorum) amaro calidus, odor fragrans. Spiritus vini plus virium extrahit, quam aqua, sicque imprægnatus extractum exhibet subamarum & acre; extractum aquosum autem amariçans, acerbum & subfalsum est. Aqua destillata fragrantiam herbæ recipit, & oleum secum abripit ad unciam unam usque ex libris sex recentis herbæ, teste Lewis (M. m. p. 317.), aliis in proportione discrepantibus.

Præ reliquis, quibus herba pollet, virtutibus, incidens & resolvens omnium animos tenet. Hasce in morbis pectoris frigidis, tussi, asthmate efficaciter exercet, ut vulgare ideo infusis thæreformibus additamentum exstet, modo palato sapor non displiceat, omnisque febris absit. Ad ventriculum roborandum facit. In Svecia insulam aquosum vermbus intellinorum infestum esse constitit. Eo quum uteretur contra tussim mater, infans eius aliquot cyathos mane hausit eo eventu, ut copia insignis vermium secederet (Rosenstein Barnsjukd. p. 338.).

In angina pituitosa gargarisma ejusdem confert. Stagnantem ex contusione sanguinem fotu applicata herba potenter discutit. Nec excluduntur fugillationes oculorum, quibus herba intra sacculum aqua (Riolan. Curat. morb. ocul. p. 876.) vel & vino decocta (Sim. Pauli Quadrip. bot. p. 389.), clausis palpebris, subvenit. Hinc & ill. A Rosenstein (Resepot. p. 40.) in ophthalmia post applicationem hirundinum foveri tepide aliquoties de die jubet oculum vino Pontack, in quo herba hæc decocta fuerit, superimposito postea ejusmodi sacculo eodem vino imprægnato.

PRÆPARATA ET COMPOSITA.

Aqua destillata). Aromaticæ.

Oleum destillatum). Flavicans initio, dein subbrunum, valde acre, odore plantæ.

Syrpus) Ph. W. p. 212. Recipit Hyssopum, Capillos Veneris, radices Helenii & Appi. Pectoris vitiis supra dictis dicatus. Syrupus Cod. med. Parisi. p. 29. simplicitate sua præstat.

L A V E N D U L A.

Linn. *Syst. veget.* p. 443. *Gen. pl.* p. 290.

Pharm. LAVENDULÆ Flores.

242. *LAVENDULA SPICA*, foliis lanceolatis integris, spicis nudis Linn. *Spec. pl.* p. 800. a, *Lavendula angustifolia*
E 4

Verticillata.

⁷²
lia C. B. Icon: Garidel *Plantes d'Aix Tab. 60. Hort. Rom.*
T. 3. Tab. 72. Regnault Botanique, la Lavande femelle. Fruticulus, crescens in Italia, Hispania, Languedocia, item Helyetia paſtim. In hortis ad areas ſepiendas & florum cauſa colitur.

Per Flores autem intellegendi integri verticilli cum bracteis calycibus & corollis nondum expansis. Verticillorum, quorum flores expansi, vis inferior. Praeter Varietatem α , altera β , latifolia in *Fb. Parif.* p. 87. quoque requiritur, quæ planta annua, altera efficacior censetur. Sed de priori solo hic fermo eſto. Folia longe debiliora.

Placent flores gratia odoris, ut inter linteal reponantur, materiem juxta Rosas primariam conſtituant odoramentorum ſiccorum & ſuſſitibus jucundis addantur. Sapor illis inefſt amaricans, calidus. Virtutes suas & in aquam & in ſpiritu vini tranſerit, copiosius autem in hunc. Aqua deſtillata oleum, fragrantiam florum continens, ſecum rapit, copia non ſemper eadem ad $\frac{1}{6}$ (Lewis *Mat. med.* p. 344.) vel $\frac{1}{6}$ (Cartheus. *M. m. T. 2.* p. 149): noniſi $\frac{1}{2} \frac{1}{6}$ autem ill. Spielmannus (*Chem.* p. 214.) elicit. Vix unquam abſque prævia præparatione per os ingeruntur. Omnes vero in eo conuenimus, neryos reficere, ſtimulare & roborare inſignerter, ut in animi deliquiis, paralyſi, tremoribus artuum, vertigine, affinibusque ſystematis nervosi morbis conducat, reſolvendi pariter efficacia haud mediocri instrui & ſudorem pellere. Abſint autem congeſtiones humorum ad caput, plethora, febris, præcipue ſi liquidis ſpirituosis flores hi excepientur, per quæ menstrua manifeſte ſæpe nocuerunt. Tu-tius ſacculis vel fomentatione extrinſecus ad stagnationes humorum varias diſſipandas imponuntur.

PRÆPARATA ET COMPOSITA.

Aqua deſtillata) *Pb. omn.* fragrans, analectica.

Oleum deſtillatum Lavend. f. Ipicæ), *Pb. omn.* Coloris læte flavicantis, acre. Ex Gallo-Provinciā copioſe tranſerit, fed ſæpe adulteratur ſpiritu vini vel oleo Terebinthinae (V. Geoffroy *Mem. de l'Ac. d. Sc. de Paris* 1715. p. 321.). Paralyticis membris externe infriſcatur. Rariffime externe ad aliquot guttulas uſurpatur.

Spiritus) *Pb. omn.* Eau de Lavande. Simplex cum ſpiritu vini. Vulgatissimus spirituum odoratiū dicatorum. Crebro ad excitandoſ deliquio animi proſtratoſ naribus, temporibus, carpiſ adhibetur, quo autem fine acetum concentra-tum longe præferendum, & hocce spiritus ſaliſ ammoniaci cum calce viva paratus. In paralyſi artuum externe in-un-

tingitur. Ore retentus balbutiem & linguæ paralyсин levat.

Spiritus Lavendulæ compositus) *Pb. Lond.* p. 58. Anglis Pallÿ-drops. Aromatum aliorum accessione, altero fortior. Hujus naturæ plura adhuc continet spiritus hic secundum *Pb. Edinb.* p. 33. concinnatus. Santalum rubrum coloris cauſa utrobivis additur. Guttæ hujus octo vel decem, ſaccharo inſillatae, vel cum pauxillo vini f. aquæ Cinanomi ingeſtae, exime in defectu virium ſubitaneo, animi deliquio & apoplexia ferofa, refocillant Rosenſt. *Apot.* p. 35.).

Acetum) *Pb. W.* p. 1.

Balsamus) *Pb. W.* p. 29. Ex oleo deſtill. Lavend. & Oleo nuciſtae expreſſo.

Guttæ anglicanæ cephalicæ) *I. c.* p. 99. Deſtillatione ſpiritus volatilis ferici crudi & olei deſtillati Lavend. ſpiritu vini diluti.

Pulvis sternutatorius) *Pb. Lond.* p. 89.

Pharm. STŒCHADIS vel STŒCADIS ARABICÆ Flores.

243. *LAVENDULA STŒCHAS*; foliis lanceolato-linearibus integerrimis, ſpicis comosis Linn. *Syſt. veg.* p. 443. Stœchas purpurea C. B. Icon: Regnault *Botanique*, le Stœchas. Suffrutex Hispaniæ, inferioris Galliæ, Italiæ.

Vtique non ſpernenda planta, cuius & folia, inter digi-
tos trita, camphoraceum odorem ſparquent.

Flores) vero ſeu potius integræ ſpicæ unice expetuntur, gratum forteque aroma spirantes & amaricantis calidique iaporis. Largiuntur deſtillatione non parum olei fragrantis, quo ſi exuuntur, extractum amariſculum & ſubadstringens remanet. Superfluam Stœchadem reddidit Lavendula, unde nec niſi veruſtate effœti flores in officinis proſtant.

Intrant Theriacham & Mithridatium).

ORIGANUM.

Linn. *Syſt. veg.* p. 452. *Gen. pl.* p. 297.

Pharm. DICTAMNI CRETICI Folia.

244. *ORIGANUM DICTAMNUS*; foliis inferioribus tomentofis ſpicis nutantibus Linn. *Spec. pl.* p. 823. Dictamnus creticus C. B. Icon: Regnault *Botanique*, le Dictame de Crete. Pl. frutefſcens ex Cardiæ monte Ida.

Rari hodie uſus, unde vix niſi inertior herba in fascicu-los colligata, in quibus ſubinde capitula florentia & caules,

in officinis servatur. Folia) vero integræ virtutis saporis sunt aromatici & servidi, odorisque fragrantis. Olei ex integra libra in summum drachma dimidia eruitur, quod ipsum luteo-brunum penetrantis odoris saporisque est (Neumann. Chym. Vol. 2. p. 282.), aqua, cum quo ascendit, aromatica. De hac stirpe veteres Græci Latinique fabulati sunt, ea devorata capras sagitta transfixas telum ejicere (Theophr. Hist. 1. 9. c. 16. Diosc. L. 3. c. 37. Arist. 9. Hist. 6. Virgil. Aeneid. 1. 12. v. 412. T. 3. p. 563. Ed. Heyn. Plin. Lib. 25. c. 8.) ; repetierunt commentum recentiorum variis inter exempla salutaris brutorum in medicamina instinctus. Noxius magis est error, quod ad partus difficiles accelerandos vel certe dolores sedandos conducere Veteres crediderint (Theophr. Dioscor.), qui & ad referandos menes & secundinas pellendas adhibuerunt (Hippocr. de morb. mulierum, item de nat. mulierum.).

In Diascordio, Mithridatio, Theriaca) hodie adhuc usum venit.

Pharm. ORIGANI CRETICI Herba.

245. *ORIGANUM CRETICUM*; spicis aggregatis longis prismaticis rectis, bracteis membranaceis calyce duplo longioribus Linn. Spec. pl. p. 823. *Origanum creticum* C. B. Pl. perennis, crecens in Palæstina & Europa australi, etiam Basileæ Helvetiaæ.

Spicæ) unice dicto nomine servantur, lutei, dum siccæ sunt, coloris, saporis gratae aromatici & amaricantis, odoris jucundi, gravis. Qui idem & inest oleo destillato, saporis ferventis, coloris rubri. Lactucæ condimentum gracum in acetariis est. Inter tot alias aromaticas stirpes similium virtutum, oblivioni hæc data alioquin non spernenda.

P R æP A R AT U M.

Oleum) odore suo nares valde afficit & errhinam, pittuitam liquantem, virtutem exserit. In odontalgia curanda magni fit a quibusdam (Hoffm. Obs. phys. chem. p. 20.).

Pharm. ORIGANI VULGARIS Herba.

246. *ORIGANUM VULGARE*; spicis subrotundis paniculatis conglomeratis, bracteis calyce longioribus ovatis Linn. Spec. pl. p. 824. *Origanum sylvestre* C. B. Icon: Fl. Dan. Tab. 638. Horr. Rom. T. 3. Tab. 75. Regnault Botanique l' Origan sauvage. Pl. perennis, in montibus petris abruptis & ad margines dumetorum crebra.

Her.

Herba), odore ad Majoranam accedens, saporem acrem aromaticum habet. Oleum destillatione largitur exigua quantitate ad $\frac{1}{15}$ (Spielm. M. m. p. 286.), idque valde acre odoris ejusdem ac herba. Acorem a cerevisia avertit illi addita vel in dolio suspensa (Schwenkf. Stirp. Siles. p. 750.). Sub fermentationem ejus autem si adjiciatur, inebriantem illam reddit (Linn. Fl. Svec. n. 534.). Folia siccata & aquæ persuæ succedaneum Theæ Chinensis haud ignobile præbent (Linn. Wästgöta Resa p. 159.), sed, me judice iusto calidius. Incendi efficacia in tussi abique febre & asthmate explorata. Nec minorem vim præsttit in menstruis pellendis. Infusum aquosum in utroque casu consert, in posteriori quoque pediluvii vel semicupii forma applicata. Extrinsecus & in epithematibus siccis vel humidis resolvit discutitque, cognatarum Stirpium in modum. Quum harum vero multæ illi vi antistent, obsolevit sensim ejusdem fama.

P R A E P A R A T U M

Oleum destillatum) Pb. omn. Gossypio instillatum in cavidum dentem dolore correptum immittitur, quem, ut alia familia acria, sopit. Optimo successu in carie osium in universum coercenda adhiberi lego (Lange Bruns. domest. p. 249.).

Pharm. MAIORANÆ Herba.

247. ORIGANUM MAIORANA; foliis ovatis obtusis, spiculis subrotundis compactis pubescentibus Linn. Spec. pl. p. 825. Majorana vulgaris C. B. Icon; Regnault Botanique, la Marjolaine. Pl. annua patriæ huculque ignotæ, colitur in omnibus hortis culinaribus, satione in vaporario prægressa.

Ancor s. Ξαρτολόν Veterum esse creditur. Summitates & Herba usurpantur. Odor fortis, sapor aromaticus, subacris & amaricans. Spiritus vini plus fapidarum partium infusione sibi vindicat, aqua vero odoras potentius abripit (Lewis M. m. p. 366.). Aqua destillatione emergens, fragrantis odoris. Oleum simul evehitur ad $\frac{1}{64}$ partem (Carthäuser, Spielm. M. m. p. 278.).

Pa peribus herba pro condimento ciborum est, & in farciminiibus vix solet omitti. Parcius a medicis pro interno usu subministratur, ut tamen in resolvenda pituita nares, ventriculum, pulmones cum annexis partibus gravante, nervis vellicandis, sanguine exagitando, fudore pellendo haud mediocrem vim possidere agnoscas. Tumores mammarum dolentes, scirrhosos, recens viridis herba per tempus applicata.

cata feliciter dissipavit (Cohausen in *Comm. Nor. a. 1721.* p. 151.). Sacculis herba sicca inditur ad stafes externas discutiendas & nervos stimulandos. Pulvis ejusdem naribus attractus vel aqua destillata vel & oleum dilutum mucum narium solvit, & sternutationem excitat, unde & sternutatorii pulveribus crebro admiscetur. Ægyptii clysmate ex libra una decocti Maioranæ cum olei laurini uncii tribus quartanam curant, quin ipse Alpinus (*med. method. p. 342.*) eodem convaluit. Pertinet hoc sine dubio ad ista subsidia, quæ sudorem pellendo febrem tollunt.

PRÆPARATA ET COMPOSITA.

Aqua destillata). Fragrantiam ejus laudavi.

Oleum destillatum) *Pb. omn.* Color ejus, si mitior ignis adhibitus, pallide luteus, sed si fortior ignis vel vetustas accesserit, rubicundus, sapor acris, calidus. Ætate in sal volatile oleosum solidum concrescit, ex plurimis observatione (Geoffroy in *Mem. de l'Ac. d. Sc. de Paris 1721.* p. 163. Grüger in *Eph. Nat. curios. Dec. 2. Ann. 5. Obs. 38.* p. 70. *Phil. Transf. Vol. 33.* p. 366.). Sal hoc albidum est, odore ac sapore convenit cum oleo Majoranæ recenti, et si compagno & colore discrepans. Ferro calefacto impositum deliquescit, recuperans autem formam & compaginem, postquam refrixerit. Diutius in eodem retentum olei Maioranæ vetustioris odorem undique per conclave spargit. Spiritu vini solvitur, & solutio aqua frigida assusa lactescit. Post abstractionem spiritus & evaporationem in subsidium adhibitat, reliquum in flores candidos concrescit (Grüger *l. c.*). Flagrat admota flamma, sed remanente nigredine quadam. Aere non instar Camphoræ consumitur. Oleum externe unice adhibetur.

Oleum coctum) *Pb. W.* p. 125. Resolvens nonnihil.

Balsamum) *l. c.* p. 30. Ex oleo Majoranæ destillato & oleo nucis moschatæ expresso.

Unguentum s. Butirum Maioranæ) *l. c.* p. 244. Ex herba ejus recenti, butyro cocta & oleo destill. ejusdem commixta. — Prius efficacius in nervis stimulandis, flatibus discutiendis. In obstructione narium a muco apud infantes confert extrinsecus nafo alterutrum illinere. Butirum laudat nominatim hoc sine b. A. Rosenstein (*Barns. p. 26.*).

Pulveres sternutatorii) *Pb. W.* p. 157. s4. numerosi interalia multa vel herbam vel oleum Majoranæ recipiunt.

Pulvis sternutatorius) *Pb. Lond.* p. 98. Vid. Marum.

S A T U R E I A .

LINN. *Syst. veget.* p. 441. *Gen. pl.* p. 283.*Pharm. SATUREIÆ Herba.*

248. *SATUREIA HORTENSIS*: pedunculis bifloris Linn.
Spec. pl. p. 795. *Satureia hortensis* C. B. *Icon: Regnault Botanique*, la Sariete. Pl. annua, in inferiori Gallia & Italia spontanea, in hortis vero ubivi sata.

Sapor Herbae) aromaticus, acris & calidus, odor fragrans; in utroque Thymum æmulatur, quo tamen mitior. Aqua infusione odorem quidem recipit, sed saporis exiguum: quum e contrario in spiritum, quicquid inest efficacia, transeat. Pauxillum modo olei ætherei complectitur, illudque acre, calidum, fragrans. Residuum post ejusdem destillationem extractum offert aquosum, subadstringens amaricans (Lewis M. m. p. 527.).

In culinis accepta ad olera leguminaque varia, ut Phasolos, Pisa, Lentes condienda. Thymo in reliquis suppar, quo tamen imbecilior.

Herba *Thymi cretici* officin. qui est *Satureia capitata* Linn. *Spec. pl.* p. 795. plane exolevit.

M E N T H A .

LINN. *Syst. veget.* p. 444. *Gen. pl.* p. 291.*Pharm. MENTHÆ CRISPÆ Folia.*

249. *MENTHA CRISPÆ*; floribus capitatis, foliis cordatis dentatis undulatis sessilibus, staminibus corollam æquantibus Linn. *Syst. veg.* p. 444. *Spec. pl.* p. 805. *Icon: Mentha crispa* Rrivin. *monop. irreg.* T. 50. Pl. perennis, Sibirica, in hortis colitur frequenter.

Efficax genus quoad plures quoque species, quam officinæ adsciscunt; quæ omnes saporis odorisque item virium affinitate insigni uniuntur. Arrident & *Menthæ* plures eidem infectorum speciei, scilicet apud nos Gottingæ, Chrysomelæ Gottingensi L., prout curculiones Scropuhlarias plures easque diversas depauperantur.

Apud Græcos nomen Ἡδυστος item *Mintæ* saepe obvium est, et si incertum ad quam speciem *Menthæ* præcipue pertineat, quam vero multis viribus adscriptis ornant. --- In Ph.

*Ph. Lond. p. 12. Mentha vulgaris, & Ph. Edinb. noviss. p. 23. Mentha sativæ nomen occurrit, sub quo priori *Mentha viridis* Linn. sp. pl. p. 804. s. *Mentha angustifolia* spicata C. B. intelligitur.*

Tritissima species præfixa est, et si recentius plus virium tributum *M. Pipertiae*. Odor *crispæ* est fortis, fragrans, non admodum gratus, sapor calidus aromaticus cum amaritie levæ. Siccatio non multum virium perdit. Infusum aquosum odorem quidem herbæ servat, saporis autem parum acquirit. Antecellit illi hac in re spirituosum: Libra una foliorum olei ætherei drachmas circiter tres erogat (*Cartheus M. m. T. 2. p. 122.*). Inter tot vires, quas cum aliis aromaticis hujus ordinis communes habet, memorandæ quædam seorsum, experientia de hac confirmatæ. Eminet præprimis vi nervina & resolvente.

In flatibus primarum viarum discutiendis plane eximia, unde hypochondriacis hystericasque ructus excitando egregium solamen, ut & ructatricem *Menthæ Martialis* (*Epig. L. 10. 48.*) appellaverit. Mitigat colicos dolores ex hacce causa ortos, etiam illos, qui dysenteriam comitantur. Compescit vomitus & diarrhoeam, tum scilicet, quando hec mala absque formite, in primis viis hærente, ex spaistica diathesi enascuntur, vel illo egesto vitiöse ob hanc causam perdurant. Foliorum pulvis saccharo mixtus ad ventriculum roborandum facit (*Rosenst. Bskd. p. 265.*).

Antiquitus (*Dioscor. Lib. 3. c. 41. p. 189.*) jam constitit, coire lac densarique in caseum non posse, si illi folia (*Mentha sativæ*) immerguntur; recentius quoque experimentum edocuit, lac, in quo macerata folia *Mentha* fuerunt, longe lentius coagulari, quam absque ejusmodi connubio (*Lewis M. m. p. 378.*). Lactis præterea affluxum ad mammas minut, & jam collectum lac disspellit. Experiuntur hoc in pecoribus adeo rustici, dum eadem, melle peracta, in agros, in quibus *Mentha arvensis* luxuriat, admittunt, quam saturam fascino credulum vulgus imputat (*Linn. Fl. Svec. n. 516.*). Nutrices vero post ablactionem infantum, *Mentha* adhibita, ejusque oleo axillis inuncto, lac aliorum deducunt. Ita & in indurationibus mammarum apud puereras & nutrices recentibus, confert *Mentha* vino cocta mammas sovere & cum saccharo oleum destillatum ejus ex aqua *Mentha* ingerere (*Linn. Diff. de *Mentha* usu p. 8.*).

Ad menstrua cienda adhibent crebro fœminæ; hac vi vero adeo excellere memoratur, ut ex *Mentha* spiritu crebris ingestu in utei hæmorrhagiā suborta fuerit proclivitas (*I. c. p. 9.*). --- Seminis vim apud viros *Mentha* enervari, Aristoteles Hippocrate que (*de vietis ratione F. d. Fœsi p. 359.*) notarunt, de qua re vero adhucdum jure dubitatur.

Et

Et hasce quidem virtutes præstat interne vel in pulvere sumta, vel in infuso vel præparatorum multiplici varietate. Sæpe sufficit externa ejus applicatio contra diæta mala, in sacculis siccis vel aqua sive vino coctis, cataplasmate, epithemate, clysmate, vel iterum in præparatis variis. In suppurationibus vel contusionibus capitis folia vino cocta ex præstantissimis resolventibus sunt.

PRÆPARATA ET COMPOSITA.

Aqua destillata) *Ph. omn.* Grato calore os & ventriculum perfundit. Carminativum egregium constituit, vel per se ad unum vel alterum cochlear sumta, vel instar vehiculi aliorum. Vomitum sopit (*Sydenh. Oper. p. 77.*), ventriculum roborat. Colicobatam præcipue extollit Boerhaave (*Chem. T. 2. Proc. 16.*), etiam in lienteria.

Aqua Menthae spirituosa) (*Ph. Lond. p. 57.*).

Aqua stomachica) *Ph. W. p. 23.* Destillatione Menthae & aromatum aliquot efficaciorum ex vino fortiori.

Oleum destillatum) *Ph. omn.* Pallide flavum, sensim profunde rubrum, saccharo instillatum interne usurpatur. Externe abdomini illinitur. *V.* & supra *p. 77.*

Oleum coctum) *Ph. W. p. 126.*

Spiritus) *L. c. p. 193.* Destillando herbam spiritu vini.

Conserva) *Ph. Lond. p. 24.*

Tinctura) *Ph. Ed. p. 43.*

Pharm. MENTHA PIPERITA Folia.

250. *MENTHA PIPERITA*; floribus capitatis, foliis ovatis petiolatis, staminibus corolla brevioribus Linn. *synt. veg. p. 444.* Mentha spicis brevioribus & habitioribus, foliis menthae fuscae sapore fervido piperis Raii *Synops. Ed. 3. Dillen. p. 234. T. 10. f. 2.* Regnault *Botanique*, la Menthe poivrée. Pl. perennis, crescents in Angliae locis humidis. Colitur vero absque virium dispendio in hortis pharmacopolarum.

Facile ab incautis confunditur cum *Mentha viridi* L. depicta a Regnault *Botanique*, la Menthe a l'Epi, cuius vero folia angustiora, sessilia, spica longior & exilior, sapor imbecillior.

Ab Anglis laus plantæ ad alias gentes transiit, nec immerito, quum reliquis Menthis efficacior existat. Gustata, etiam si succosa, herba mox aromaticum & camphoraceum saporem prodit, & calore primum insigni replet os faucesque, postea in sequente grato frigoris sensu; odor ejus fortis

tis non ingrate fragrans. Siccata stirps hisce notis potior, quam succosa. Attamen in aquæ destillatæ præparationem unice, saltim in Germania, colitur. Hæc aqua ex sicca et justam maturationem adepta stirpe per cohabitationem præparata & probe servata post annum excutit filamenta, item villos candidos pelluentes, nitentes, sapore, odore, volatilitate ad ignem & fragilitatem veræ Camphoræ similes, quam naturam ulterius sublimatio eorundem confirmavit, quæ crystallum erogavit illi simillimam (Gaubii *Advers. var. ar-*
gum. pag. 99. lqq.).

P R A E P A R A T A.

Aqua destillata) *Pb. Brunsv. p. 181. Pb. Svec. p. 70. Pb. Dan. p. 123.* Aqua Menthæ Pip. Simpl. *Pb. Lond. p. 53. Pb. Ed. p. 28.* Licet in catalogis officinar. pharim. Germaniæ, qui præsto mihi sunt, nullibi præter quam dicto illam offendam: creber tamen ejus ibidem proventus obtinet. Præstat ad Londinensium exemplum, illam ex foliis siccatis, nec recentibus, ut alii, aquam destillare. Hæc, odore stirpem æmulans, & sapore simili acri ac calido nec Camphoræ absimili linguam afficit. Deglutita eundem sensum ventriculo adsperrgit, subsequente refrigerio, quin totum corpus grate refocillat. Præferri igitur hæc aqua alteri ex *Mentha crispa* meretur.

Aqua spirituosa *Pb. Lond. p. 56.* Vires stirpis in hac parcius collectæ, quam in aqua simplici.

Oleum destillatum) *Pb. Lond. & Edinb.* Copiose inest herba, coloris ex viridi lutei, ætate obscurioris, saporis færedi, odorisque fortis, instar herbæ. Ad unam vel alteram guttulam igitur modo ferri potest.

Pharm. MENTHÆ SYLVESTRIS Herba.

251. *MENTHA SYLVESTRIS*; spicis oblongis, foliis oblongis tomentosis ferratis sessilibus staminibus corolla longioribus Linn. *Sp. pl. p. 804.* *Mentha sylvestris* folio longiori C. B. Icon: *Flor. Dan. Tab. 484. Pl. perennis in aquosis fossisque Europæ calidioris frequens.*

Et hujus Herbæ) odor fragrans, sapor pariter aromaticus. Utraque re superior illi est *Mentha aquatica* L, in usum pauperum saltim servanda. Vires dictis similes, sed débiliores, priori adscribuntur. Rarissime ultra epithemata usurpatur.

Pharm. PULEGII Herba.

252. **MENTHA PULEGIUM**; floribus verticillatis, foliis ovatis obtusis subcrenatis, caulis subteretibus repentibus, staminibus corolla longioribus Linn. Spec. pl. p. 807. Pulegium latifolium C. B. Icon: Regnault Botanique, le Pouliot. Pl. perennis in locis uidis calidioris Europæ.

Herba acris, ut & cutem exulceret (Hall. stirp. helv. 221.), aromatica simul & valde fragrans. Oleum vehit urens, odoris ut herbeæ, destillatione cum aqua item alcoholi vini eruendum. In plerisque vi convenient stirps cum *Mentha crispa*.

Apud Anglos olim in tussi convulsiva claruit. Quo fine succum ejus ad cochleare unum commendavit Boyle, laudante &, qui hoc narrat, ex experientia Hulse (apud Raii in Hist. pl. T. 1. 534.). Placuit quoque Boyleo syrpus Pulegii vel Hederæ terrestris oleo vitrioli acidulatus, per vires ad quartam cochlearis partem sumendus (V. Ejusd. Works T. 4. p. 475.). Casu singulari levamen fucco attulisse sece narrat Lentilius (Eteodr. p. 635.). Inter alia proficia infusum Pulegii pro potu in hoc morbo faadet Sauvages (Nosol. method. T. 2. P. 2. p. 157.). Sed magni aliis medici (Werlhofsi in Comm. Noric. 173. p. 1733.) expectationi fucus, et si crebro ab eo tentatus, non obsecundavit. Nec hodie amplius specifici nomine contra hanc tussim condecoratur. In affinibus quoque malis aliis herba probata, decoctum edulcatum in raucedine (Chesnav apud Raii.), infusum theæforme in astmate (Chomel Usuelles T. 2. p. 32.).

Infusum autem cum vino albo & chalybe factum certissimum & nunquam fallens emmenagogum pronunciatur (Hall. l. c.).

P R A E P A R A T A.

Aqua destillata) Pb. W. Simplex Pb. Lond. Edinb.

Aqua spirituosa) Pb. Lond. p. 57.

Oleum destillatum) Pb. W.

OCIMUM.

Linn. *Syst. veget.* p. 455. Gen. pl. p. 300.

Pharm. BASILICI Herba.

253. OCIMUM BASILICUM; foliis ovatis, glabris, caly-
cibus ciliatis Linn. *Spec. pl.* p. 833. " . Ocimum caryophyl-
latum majus C. B. Icon: Regnault *Botanique*, le Basilic. Pl.
annua Indiæ orientalis, in hortis nostris colitur vaporarii
fotu adjuta.

Omnis Ocimi species suavem fortemque odorem contritæ
spargunt, evadam adhuc fortiorum, quam Basilicum, ut,
quæ non minus frequens in hortis, inque foro medico pa-
riter locum habet, *Ocimum minimum*; foliis ovatis integer-
imis Linn. *Sp. pl. I. c.* Sapor Herbæ utriusque moderate
aromaticus. Nec vis perit siccatione, quæ contra ea odo-
rem gratiore reddit.

Cibis hodie fere unice pro condimento est. Oleum præ-
bent folia copiosum illudque valde fragrans, cuius virtutem
cephalico - nervinam prædicat Fr. Hoffmannus (*Obs. phys.
chem.* p. 19.). Pulvis naribus attractus mucum prolicit. Qui-
dam eo etiam utuntur Tabaci loco (Chomel. *Usuelli.* p. 2. p.
29.). Unde & in quibusdam pulveribus sternutatoris offici-
narum occurrit. Vis nervina & pellens alios moratur.

NEPETA.

Linn. *Syst. veg.* p. 442. Gen. pl. p. 289.

Pharm. NEPETÆ Herba.

254. NEPETA CATARIA; floribus spicatis, verticillis
subpedicellatis, foliis petiolatis cordatis dentato - ferratis
Linn. *Spec. pl.* p. 797. Mentha cataria vulgaris & major C.
B. Icon; *Flor. Dan. Tab.* 580. Regnault *Botan.* sub falso no-
mine *Lo Marum.* Pl. perennis in locis ruderatis crescens.

Odor Herbæ menthaceus, sed magis ingratus, aromatico
amarus. Oleum continet flavicans, odore herbæ ipsius. Ac-
cepta felibus planta, ut vix servari ab iis queat. Hinc ad
mures ab aviario arcendos conductit fasciculum trabibus ejus
alligare (Hagstom's *Svar om Biskötseln.*).

Obsolevit in hodie:na praxi medica, plurimi tamen con-
veniunt in malo hysterico & ad menstrua pellenda valere.

Chlo-

Chloroticis subvenire legitur (Linn. *Fl. Svec. n. 514. Conf. El. Mat. med. n. 311.*). Infusum aquosum vel vinofum ejusdem adhibere licet; item pediluvio vel infessui herbami addere conductit.

D R A C O C E P H A L U M .

LINN. *Syst. veget. p. 454. Gen. pl. p. 298.*

Pharm. MELISSÆ TURCICÆ Herba.

255. *DRACOCEPHALUM MOLDAVICA*, floribus verticillatis, bracteis lanceolatis, ferraturis capillaceis Linn. *sp. pl. p. 330.* *Melissa peregrina* folio oblongo C. B. Icon: Blackwell *Tab. 551.* Pl. annua in Moldavia & Ruthenia crescens.

Herba) trita vulgaris Melissæ odorem spirat, sed debiliorum. Viribus & suppar credita; imo a Fr. Hoffmanno (*Diss. de præstantia remed. domest. §. 19.*). Verum ad exoletas transmigravit.

Experimenti causa proposuit ill. a Linné (*M. m. p. 153.*) *Melissæ Canariensis Herbam* ex *Dracocephalo Canariensi* (*Spec. pl. p. 829.*), quæ fragrantia æmulatur fere Marum, hinc priori longe efficacior videtur. Trahi sine dubio hoc poterit illud Baglivi. (*Lib. de fibr. motr.*); „ Multa adhuc latent in herbis ad Citri naturam accendentibus, ut Melissa, sed sapienti sat. “

B E T O N I C A .

Linn. *Syst. veg. p. 446. Gen. plant. pag. 293.*

Pharm. BETONICÆ Folia, Flores.

256. *BETONICA OFFICINALIS*; spica interrupta corollæ labii lacinia intermedia emarginata Linn. *Spec. pl. p. 810.* „, *Betonica purpurea* C. B. *Fl. Dan. p. 726.* Regnault Botan. la Betoine. Pl. perennis, crescens in Europæ sylvis & collibus apricis.

Veterum *Betony* an cum nostra stirpe eadem sit, merito dubitatur. Quod si enim descriptio Dioscoridis (*Lib. 4. cap. 1. p. 245.*), quæ quidem & in alias vetricillatas quadrat, non aduersetur, refellit tamen multiplex eorum in tot tamque diversis morbis de illa præconium, effectusque varii illi adscripti, quos quidem senior praxis non confirmat. Mitto igitur

tur quadraginta septem illos morbos, quibus sanandis Antonius Muia in singulari libro (cujus primaria capita vide in Sim. Paulli *Quadr. bot.* p. 241. sgg.) Betonicam suam parrem censuit, traditurus pauciora de stirpe a paucis medicis hodie aestimata, simulque certiora.

Folia) sapore amaricante subfalso, odore nonnihil aromatico instruuntur. Extractum aquosum eorum amaricans & subausterum est, odoreque stirpis destitutum, spirituosum subacre aromaticum. Pulvere naribus attracto sternutationem movent & mucum proliquant. Non crederem in vigore nervorum restituendo multum virium illis inesse, arguentibus id et si plerisque auctoribus. Curatius determinat vim illam cephalicam vir celebris (Scopoli *Fl. Carn.* Ed. 1. p. 460.), qui nervos mucosa vel serosa colluvie relaxatos iis refocillari ex sua experientia notat. Pro argumento, quod Betonica nervorum sistema conspicuum in modum assiceret, narrationes de temulentia, quae sub evulsione radicum in animalibus quibusdam (Sim. Paulli *I. c.* p. 246.) & operariis (Bartholin. *Hist. anat. observ.* Cent. 3. Obs. 97. p. 193.) contigerit, esse possent, nisi alii in evel lendis & transferendis illis impune occupati fuerint, nec ex folio in naribus retento aliquid molestiae senserit (Alston's *Lectures on the Mat. med.* T. 2. p. 90.). Radices tamen manifeste differunt natura ab herba, utpote quae nauseam vomitumque cident (Raii *Hist.* pl. T. 1. p. 550.), &, ut serius observatum (Scopoli *I. c.*), recentes alvum movent. Exscretionem muci vel puris in pulmonibus collecti adjuvare (Chomel *Usuell.* T. 2. p. 13.) folia, non videtur omni fide carere. Quod vero ad arthritidem sopiaendam, in jusculis, acetariis, potu, balneis tantum faciant (Hildan. *Cent. 6. Obs. 32. Oper.* p. 536.), non absque ulteriori experientia accipi potest.

Flores). Integra per hosce spica intelligitur. Communis istis cum foliis virtus adscribitur.

PRÆPARATA ET COMPOSITA.

Aqua destillata) *Pb. W.* Iners.

Conserva) *Pb. W.* Superflua.

Syrupus) *Pb. W.* p. 204. Maceratione herbarum recentis in aqua ejusdem prægressa, succo expresso saccharum additur. Exoletus & superfluis.

Emplastrum s. ceratum de Betonica). *Pb. W.* p. 60. Excipientia sueta una cum herba bina resinosa & Mumiam comprehendant. Vulneribus capitibus olim præcipue dicatum (Cfr. Sim. Paulli *I. c.* p. 245.).

M A R R U B I U M .

Linn. *Syst. veg.* p. 449. *Gen. pl.* p. 294.*Pharm. MARRUBII* (vel addito epitheto)
ALBI Folia.

257. *MARRUBIUM VULGARE*; dentibus calycinis setaceis uncinatis Linn. *Spec. pl.* p. 816. *Marrubium album vulgare* C. B. *Icon: Regnault Botanique*, le Marrube blanc. *Pl. perennis*, in locis ruderatis & ad vias crescens.

Πρασιόν (Diosc. *Lib. 3. c. 119. p. 223.*) veterum Græcorum videtur. Folia gustata amaritatem cum levi acrimonia produnt, trita autem odorem moderate fragrantem spargunt, moschi quodammodo æmulum. Extraicti aquosi majus pondus elicitur idque inodori & amari, spirituosi minus, quod vero fragrantiam servat cum penetrantiori amaritie. Sanguis, cui decoctum ejus adfulum, rubicundior & fluidior evadit (Freind *Emmenol. T. 1. Oper. p. 208.*). Inde jam partem effectus, quem in corpore humano præstat, subolfacias.

Nempe incidendi & aperiendi insignis efficacia Marrubio inest, cognita Veteribus & nostro quoque tempore crebro confirmata. Pituitam, pectus gravantem & tussim astmaque producentem, saepe haud sine juncto infarctu pulmonum, resolvit & screatu eliminat (Dioscor. *I. c. Rhazes ad Mansor. 3. n. 49.*). Profuit in astmate, quod sputa valde crassa, flavida & valde tenacia comitabantur (Lösecke *Arzneym. p. 382. not.*). In astmate humido & quovis pulmonum infarctu est, qui omnibus reliquis præfert, selectu præcipue facto pulveris tenerrimorum furculorum apicum, qui potentiores existimantur (Lange de Bruns *dom. p. 302. sq.* & iterum in *Miscell. verit. med. p. 58.*). Quin in deteriori adhuc labe, phthisi ex ulcere pulmonum, suppetias fert. Succus ejus cum melle placuit Alexandro Tralliano (*Lib. 5. Ed. Andern. p. 158.*) in tussi inveterata, & si pus in thorace collectum fuerit, qui & varias alias miscelas commendat. Prius connubium & Celso (*L. 3. cap. 22. Ed. Kraus. p. 171.*) & Caelio Aureliano (*Morb. chron. L. 2. p. 423. sq.*) opportunum visum. In uno vel altero casu profuit aliquantum *Marrubium* in abscessu insigni pulmonum, præcipiente illud ill. Haenio, in ceteris autem minime (*Rat. med. P. 4. p. 252. Cfr. Index Operis p. 164*, qui adhuc plus huic laudi detrahit.). Similis inconstancia infusi aquosi movet ill. Halleum (*Hist. st. helv. n. 268*), qui quidem aliquoties in hisce

morbis screatum eo levatum observavit, & in phthisi satis proiecta semel illud utile invenit, non vero aliis exemplis.

Resolvit etiam tumidum hepar, quin scirrho vitiatum. Sic evanuit tumor ejus diutinus durus, contra quaelibet alia tentata auxilia rebellis, conserva florum (quorum calycibus folia stirpium vi æmulantibus, sine dubio efficacia debetur), melle parata ad unciam per quadraginta dies sumta, superbibita aqua ex stirpis foliis & radicibus destillata (Zacut. Lusit. Prax. admir. Lib. 2. Obs. 48.). In duobus hominibus infuso vino per plures menses continuato disparuit scirrus regionis hepatis, magnitudine nucem æquans (Chomel Usuall. T. 1. p. 232.). Ictericum pertinacem, reliqua eludentem, saepe discussit (Forest. Oper. Lib. 19. Obs. 19. Schol.), idque in succo per saccharum in syrupum redacto (Forest.). Nec fecellit Marrubium, ictero jam in hydropem transeunte, multis exemplis, in decoctis vel succo cum vino & saccharo vel melle mixto, & utrumque morbum sanavit (Forest. Ob. Lib. 19. Obs. 40.). Innumeratas suas experientias citat Borellus (Hist. & Observ. Cent. 4. n. 14.), de praedicens infusum summittatum ejus ad menstrua provocanda & chlorosin virginum tollendam. Ptyalismus, qui ex mercurio ante administrato ultra annum in juvete venerea labi infestato perrexerat, infuso ejus brevi sublatus (Linn. Fl. Svec. n. 531.).

Præter indicatos varios exhibendi stirpem modos notandum adhuc est

P R A E P A R A T U M .

Extractum), pariter in officinis obyrium, licet in catalogis vulgatis omittatur. Utique non spernendum, præcipue si menstruo aquoso simulque spirituoso secundum Ph. Dan. p. 172. paratur.

S A L V I A .

Linn. Syſt. veg. p. 64. Gen. plant. pag. 17.

Pharm. SALVIÆ Folia.

258. *SALVIA OFFICINALIS*; foliis lanceolato-ovatis integris crenulatis, floribus spicatis, calycibus acutis Linn. Sp. pl. p. 34. Conf. Etlingeri Comment. de Salvia p. 16. ^a, *Salvia major* C. B. *Salvia latifolia* Brunfels. ^b, *Salvia minor aurita* & non aurita C. B. *Salvia angustifolia* Clus. Icon: Re-

Regnault *Botanique*, la petite Sauge. Rarius occurrit flore albo, plerumque cœruleo. Fruticulus in Europa australi spontaneus, in hortis nostris sub dio commode hospitatur.

Utriusque Varietatis promiscuus in officinis usus fit: altera tamen & odoris & saporis fortioris quibusdam videtur (V. e. c. Alston on the M. m. Vol. 2. p. 217.), consequenter & virtutis. Quæ locis siccis lapidosis crecit, efficacior est illa, quæ solo humido fertili reperitur; hortensis igitur postponenda (Hill on the Virtues of Sage, Vers. Germ. p. 48.).

Ελεισσανος Dioscoridis) (M. m. Lib. 3. cap. 4.) existimatur esse. Subtilius distinguens Theophractus (Hist. pl. Lib. 6. cap. 2.) per illam vocem Varietatem majorem, per vocem Σωματικην autem Var. minorem denotat. Plura de nomine apud Veteres in Wedelii Diss. de *Salvia*, resp. Weisheit Ien. 1715. legas.

Flores nondum expansi plurimum virtutis videntur spondere, ut quorum calyces balsamum valde fragrans spirant. An vero hisce potissimum usi fuerint Veteres, indeque plus stirpe hac præstiterint, quam nostro tempore fit, ut Hillius (l. c. p. 61.) vult, definiti nequit. Jam vero Foliis unice acquiescimus. Hæc saporis aromatici calidi amaricantis subadstringentis sunt, odoris fortis non admodum grati. Successis f. recentibus foliis quum fervidam aquam infundarem, obtinui liquidum saporis fere camphoracei non valde amarum, sed diu a putredine immune; quod vero infusione siccatorum foliorum redundavit, ingrate amarum reperi vix aromaticum, & facile putredinem calido aere concipiens. Infusum aquosum miscela vitrioli martis saturata nigredine tingi quidam (Tancred Robinson in Raii Hist. pl. p. 510. item Lewis M. m. p. 513.) referunt: recentissimus autem auctor (Etlinger l. c. p. 54.) colorem modo profundiorem inde vidit. Idem infusum, admixtum sanguini calenti, floridissimum eum redditum & attenuavit (Schwencke Hæmatol. p. 186.). Extracti aquosi primi dachmæ duæ cum dimidia circiter ex uncia una foliorum eruuntur; extracti spirituosi primi drachma una cum sexdecim granis (Etlinger l. c. p. 51. sq.) ex eadem quantitate. Amaras & adstringentes partes, quæ ambæ maximum pondus constituant, aqua elicit, spiritus vini autem insuper aromaticas. Aqua destillatione transiens fragrans est, cum qua emergit oleum æthereum, ad drachmam dimidiad vel scrupulos duos ex libra (Carterus. M. m. T. 2. p. 109.) vel scrupulus unus cum granis quatuor ex unciis octo herbæ (Etling. p. 53.). Multum cinerum combusta erogat, ad drachmas decem ex libra. Præter alcali fixum, etiam volatilis notæ insunt (l. c. p. 53.). Antiseptica vi sub experimentis cum carne ipso cortice Peruviani superiora folia sunt deprehensa, nam non nisi qua-

tuor integris diebus elapsis cadaverosum odorem caro sub hoc connubio sparsit (*I. v. p. 54.*), quum cortex foetorem per 55. horas modo averteret.

Ante usum lavari bene folia jubeo aqua, fabulas quidem de bufonibus non curans, quibus, per acceptam sibi sub stirpe hac commorationem, inquinamentum illi venenatum affterri perhibent, vel de insectis adsidentibus; sed ob papillosam superficiem, quæ subtus in cavernulas unctuosas pulverem aliasque quisquilias recipit & servat.

Miror, quod in locum Theæ Chinensis Salviam surrogare quidam suaserint (*Hunauld Discours sur les propriétés de la Sauge à Paris 1698.* Stenzel *Diss. de Salvia in infuso adhibenda hujusque præ Theæ Chinensi præstantia, Vitem. 1723.*), cui fini vero tam ob ingratiorum saporem, quam ob calidam & sudoriferam naturam longe minus opportuna est, ut nec ob hanc febrentibus concedi possit. Merito & dubitatur, licet multi (prout Boerhaavius in *Hist. pl. hort. L. E. P. 1. p. 235.* & iterum Bomare in *Dictionnaire d' hist. nat. T. 6. p. 645. Ed. 4.*) affirment, quod Chinenses & Iaponenses oblatam ab Europæis Salviam eadem aviditate ac nos veram Theam in infuso biberent; siveque Theæ tantopere præferrent, ut pro cista una Salviæ binas vel tres cistas Theæ viridis redderent, quod Belgæ præcipue ad littus Gallo-Provinciæ integrum fere Salviæ messem coementes suum in lucrum vertere dicuntur (Bomare). Certe silent hac de re itineratores nuperiores.

Efficacia & nomen herbae dedit (a salvando), & cumulum laudum attulit in tremore artuum, paralysi, obstruptione menstruorum, fluore albo, arthritide & rheumatismo, morbis contagiosis, aphthis, ulceribus aliisque multis morbis, quorum nomina colligere absque testium fide non interest. Licet tamen inter Hunauldi, Wedelii, Paullini (*sacra herba s. nobilis salvia, Vindob. 1688.*) prodiga præconia & tenuem exsuccamque generaliorum virtutum enumerationem media quadam via prodire. Hæ stimulandi nervos instar aliarum aromaticarum herbarum, roborandi fibras, adstringendi, dissipandi stagnantes humores & detergendi efficacia videntur contineri. Ulterius vero constitit, ad coercendos nocturnos eorum sudores, quibus ex febribus prægressis languidi & debiles subinde disfluunt, eximium auxilium attulisse infusum Salviæ vino, vel, nisi hoc sufficerit, spiritu vini paratum, & hoc proxime dictum quidem ad binaria cochlearia bis de die sumtum, quod nunquam fefelleretur (Swieten. *Comment. T. 2. p. 370.*). Sudores adeo in peste absque levamine protrusi vino salviato, aut saturiori Salviæ infuso, addito spiritu vini coerciti (Chenot *de peste p. 136.*) Non spirituosi liquidi vi roborandi deberi hanc si-
stern-

Itendi sudorem effectum, inde patet, quod par successus ex infuso aquoso contigerit (Quarin method. m. febr. p. 37.).

Molestum quoque lactis sticillicidium, subinde post ablationem infantum persistens haud absque notabili corporis emaciatione, subigi se, reliquis subsidii irritis, infuso fortis Salviæ per trihoriam ad unciam unam vel alteram dato patitur (Swiet. Comment. T. 4. p. 645.). Succi Salviæ cochlear cum tanta copia succi citrei, quam malum ejus erogat, remixtum & versus paroxysmi exortum captum febrem tertianam sufflaminavit (Kalm's Resa T. 2. p. 354.) sudore, ut existimo, loco paroxysmi excitato; quod vero ambiguum curationis febrium intermittentium genus constituit. Fuerunt tamen antea alii, qui in hisce febribus Salviæ confisi sunt.

Laus in aphthis infantum non nova nec immerita, cui signatura foliorum, per contractas venas in papillas efformatorum, favere Wedelio (l. c. p. 18.), ad genium istius temporis, visum. Præcaventur hæ decocto foliorum, aqua facto, vel hoc cum pauxillo vini Gallici albi mixto, cui additur post colationem tantillum mellis, dum nutrix linteo illi intincto digitum obvolvit, & hocce os, præcipue ubi albæ maculae occurront, perficit. Jungitur & similis decoctis usus, quando præsentia aphtharum alia efficaciora desiderat (Rosenst. om Bskd. p. 42. sq.).

Ad gingivas relaxatas roborandas, ulcera oris detergenda & sananda confert, decocto colluere os vel eodem in garrafinate uti. --- Discutit & potenter in sacculo adhibita vel in fomento, aqua vel vino decocta.

PRÆPARATA ET COMPOSITA.

Aqua destillata) offic.

Aqua Salviæ composita) Ph. W. p. 22. Valde calida ob aromatum copiam & spirituofum menstruum. Superflua, certe apoplecticis, quibus olim destinata, noxia.

Conserva) Ph. W. Exoleta.

Oleum destillatum). Ph. W. Initio viride vel album (Etling. l. c. p. 53.), ætate flavescens vel brunum, acre & calidum. Temporis mora odorem fere camphoraceum assūmit (Geoffroy Mem. de l' Ac. d. sc. de Paris 1721. p. 163.), Rari usus.

Pharm. SCLAREÆ vulgo s. HORMINI SATIVI

Ph. Ed. Folia.

259. *SALVIA SCLAREA*; foliis rugosis cordatis oblongis villosis serratis, bracteis coloratis calyce longioribus concavis acuminatis Linn. Spec. pl. p. 38. *Horminum Sclarea* di-
ctum

stum C. B. Cfr. Etling. *Comment. de Salvia* p. 34. Icon: Regnault *Botanique*, l'Orvale, ou Toute bonne. Pl. biennis Italiæ, Syriæ.

Superflua, nec in medicina amplius hodie locum habet. Linneus (*M. m. n.* 19.) fortiorē pronunciavit præcedente. Dum recens est, ad attactum unctuosa.

Odor Foliorum) fortis, savor amaricans, subaromaticus. Pauxillum modo olei destillati continent, scil. $\frac{1}{5} \text{ cl.}$. Omis- sis virtutibus in malo hysterico, colica, suppressione men- struorum rel. illis adsignatis, noto tantum cerevisiam vel vinum herba imprægnatum inebriare insigniter capitisque do- lores excitare (Lobel. *Advers.* p. 240. Herm. *Cynos. Mat. med.* T. 1. p. 460.). Qui mos iisdem imprægnandi vina ta- men etiamnum ab oenopolis quibusdam fraudulentis, ut vi- num sapore moschatellino imbuant, exercetur.

ROSMARINUS.

Linn. *Syst. veg.* p. 64. *Gen. pl.* p. 19.

Pharm. RORISMARINI HORTENSIS Herba, Anthos Flores.

260. *ROSMARINUS OFFICINALIS*; β , Rosmarinus hor- tensis angustiori folio C. B. Δισκός Diosc. Icon: Regnault *Botanique*, le Romarin. Frutex in collibus inferioris Gal- liae, Hispaniae, Italiæ, Helvetia quoque passim, item Oriente spontaneus. Septentrioni propius in hortis per aëstatem quidem sub dio viget floreteque, per hiemem autem hyber- naculorum tutamine indiget.

Herba) odorem fortem fragrantem non omnibus gratum, si teritur, & recens & sicca spargit, sapore autem calido, acri, camphoraceo instruitur. Hisce notis maxime extrema ramorum foliis vestita calycesque distinguuntur; nam corolla demto calyce vix odora vel sapida (Neum. *Chem. B. 2. Th. 4.* p. 117.). Unde, quænam partes vi præstant, colli- gitur. Folia præ reliquis eliguntur. Aqua ex iis obtinetur extractum amaricans uberior, spiritus vini autem elicit etiam odoras calidasque partes, sed spissatus pondus extra- ñi minus præbet. Nec parum terrestrium partium hisce se- cularis remanet, scilicet ex uncia una drachmæ tres supra- que (Neumann.). Olei destillati $\frac{1}{6}$ ad $\frac{1}{2}$ cl. Cartheuser (*M. m. T. 2.* p. 106.), cl. Lewis (*M. m. p. 486.*) autem $\frac{1}{2}$ cl. eruit. Flores longe ejus minorem quantitatem ero- gant. Camphoram, quam stirpi inesse nonnulli affirmarunt,

in

in conjectura ex analogia saporis unice consistere arbitror.

Est flirps ex potentissimis hujus ordinis aromaticis, quae in nervis stimulandis & reficiendis, liquidis tenacibus resolvendis & stagnantibus dissipandis, sanguine exagitando, ut in sudorem degeneret vel in foeminas in menstrua erumpat, flatibus dissolvidis, putredine coercenda insignem vim habet. In affectionibus ideo systematis nervosi variis, memoriae labi, vertigine, paralyse, multum nec injuste laudatur. Vino decocta & melle dein mixta astmatis (pituitosi sine dubio) existit eximia medela (Borell. *Hist. & Obs. Cent. 4. Obs. 46.*). Glandularum colli infarctum apud infantes dissipat infusum vel decoctum herbe saccharo edulcatum (Kvechler in *Diss. de glandulis colli puerorum tumefactis p. 47.*), approbante & Heistero (*Med. pract. p. 264. & Chirurg. cap. de scirbo.*). Diarrhoeam chronicam sub virium jacturam tabem minantem vinum ex foliis stipavit intra breve tempus (*Welsch. Hecatostea 2. n. 51. p. 29.*).

Herba extrinsecus in sacculis vel epithematis applicata fugillationes discutit, siccata dissipat cedemata, in fomento cum vino gangrenam fistit.

Flores Anthos. Desueverunt usurpari. Vis eorundem, ut dictum, in calyce latet.

PRÆPARATA ET COMPOSITA.

Aqua destillata) officin.

Oleum destillatum) officin. Flavicans vel subviride, tenue, fragrans insigniter, et si paullo ingratius odore, quam ipsa herba. Aestate odorem fere camphoræ acquirit (*Geoffroy Mem. de l'Ac. d. Sc. d. Paris 1721. p. 163.*). Paucis guttulis ingestum flatu discutit nervosque stimulat.

Aqua Reginæ Hungariæ), melius Spiritus rorismarini). Simplicior est in *Pb. Edinb. p. 33.* ubi flores, vel in *Pb. Ed. noviss. p. 100. & Pb. Lond. p. 58.*, ubi summitates, item in *Pb. Sver. p. 176.*, ubi folia cum floribus requiruntur, & horum aliquid cum spiritu vini absque alia miscela destillatur. Dani (*Pb. p. 128.*) floribus Anthos flores Lavendulæ addunt, & Wurtembergenses (*Pb. p. 18.*) Salviam & Zingiber. Externe pro odoramento est debilium & deliquio animi correptorum, dificutit etiam & roborat. Qui spiritus Monspeliis ad nos transfertur fragrantior & efficacior est reliquis.

Conserva) *Pb. Lond. p. 24. Pb. Ed. p. 70.* Ex floribus. Contusione horum & saccharo addito debilitatur fragrantia & vis insigniter.

Mel anthosatum). *Pb. W. p. 113.* Ex floribus vel herba aqua

aqua & melle maceratis, demum coctis & colatis. Raro h̄o die ad fatus dissipandos & tormina uterique dolores mitigandos ingeritur, vel clysimatibus admiscetur.

G L E C O M A .

Linn. Sift. veg. p. 445. Gen. pl. p. 291.

Pharm. HEDERÆ TERRESTRIS Herba.

261. *GLECOMA HEDERACEA*: foliis reniformibus crenatis Linn. Spec. pl. p. 807. Hedera terrestris vulgaris C. B. Icon: Regnault Botanique, le Lierre terrestre. Pl. perennis ad sepes, & in dumetis crebra.

Herba succosa amara paullum, cum levi aromate & acrimonia, & odoris, dum fricatur, fortis. Nec siccata perdit saporem vel odorem suum vel vires, si contusa & in plantam redacta siccatur beneque servatur (Willis Pharm. rat. Sect. 1. c. 6. p. 59.). Alius jacturam odoriferæ partis siccando queritur (Carth. M. m. T. 2. p. 469.). Aqua destillata odora. Extractum aquosum amaritatem mitem habere fertur, spirituosum evidentius acre & aromaticum (Heder. Diss. de Hedera p. 12. sq.). Contra hæc vir fide dignior (Cartheuser loc. cit.) saporem extracti aquosi primum subdulcem & amaricantem, postea adeo acrem, ut Piper vel Pimpinellæ radicem æmuletur, describit, extractum autem spirituosum, quod longe minori quantitate elicetur, balsamicum, americans.

In Anglia, præcipue septentrionali, olim per 24. horas dolio immissa ad cereviam clariotem reddendam (Raib. Hist. plant. T. 1. p. 567.). Crebro quoque cerevisiam hac stirpe imprægnatam, nomine Gill ale, potarunt, ut antiscorbuticum, aperiens & diureticum (Miller Botan. offic. p. 225.) In Germaniæ quibusdam locis embammatis incoquitur gratiæ causa. Folia loco Mori bombycibus projecta (Justi Göt. Polizeynarchr. 1757. p. 23.).

Quod aperiendi, detergendi, lotium pellendi vulnerariumque facultatem habeat haud mediocrem, experientia non diffitenda nititur. Olim fiduciam in ulceribus internis (Sim. Pauli Quadrip. bot. p. 74.), præcipue pulmonum, contraxit, quam adhuc apud multos servat. In tussi gravi & pertinaci pulveris drachmam dimidiā vel integrā bis de die, in aqua destillata vel decocto pectorali sumendam, impense laudat Willisius (Pharm. rat. Sect. 1. c. 6.). In phthisi ex hæmoptysi præ ceteris omnibus commendatum cupit syrum

pum ex Hedera terrestri copiose ingestum Mortonus (*Phtisologia Lib. 3. cap. 5. Op. T. 1. p. 133.*). Quercetano pariter syrpus hoc fine placuit, sed ex fucco cum saccharo Rosarum vel penidio paratus (*River. Prax. P. 1. p. 349.*). Decoctum melle, si placet, miscendum multis extollit Et-müllerus (*Oper. T. 1. Mang. p. 639.*) in exulcerationibus pulmonum, Lindanum solum laudis in empyemate, vomica pulmonum & abscessu ex male curata pleuritide citans. Favet horum effatis de efficacia in phthisi Scardona (*Aphorismi de cognoscendis & curandis meritis Lib. 2. p. 69.*, Sauvages *Noſol. T. 3. P. 2. cap. de phtis.*) in censu remediorum contra phthisin variam hoc pariter memorat. In Svecia, ubi medicis quibusdam contra phthisin fese quoque commendavit, memini cognati cuiusdam, qui pus verum expuerat, succo ejusdem cum sero lacte vel lacte mixto, juncta equitatione, potissimum curati. Evidem plures addidi pro phthisicis ex ulcere aliis herbis in infuso theæformi, conserva Rosarum loco sacchari edulcato, non sine fructu, sed in comitatu reliquorum subsidiorum.

Calculo renum subvenit, non quidem, ut arbitror, peculiari quadam solvendi virtute, quam in pulvere, vel aqua spirituosa, exploratam arbitratur Sim. Pauli (*Quadrip. bot. p. 74.*), sed ea, qua lotium movet. Ad præcavendum igitur calculum valde efficax, quoquam modo sumta, pronunciatur (*Sennerti Pract. Lib. 3. Pars 7. Sect. I. Oper. T. 3. p. 576.*). Aliis infusum spiritu vini paratum ad calculos pellendos placuit (*Plater. Prax. Tom. 2. p. 499. Reufn. Observ. med. p. 90. apud Welsch.*), etiam saccharo edulcatum; sicque aliquando haud absque dolore arenulæ excretæ (*Reulin. l. c.*). Unde apparet, non larga nimis manu præbendam esse, ne, ut solent diuretica efficaciora, labefactatas lotii vias nimis irritet, & laedat. Extra tempus, quo dolor renum afflit, commendabilis est cerevisia non lupulata, cui tempore fermentationis folia stirpis addita (*Mead Monita & præc. med. p. 97.*).

Succum naribus attractum cephalalgiam vehementissimam & inveteratam auferre Rarius (*Hift. pl. T. 1. p. 567.*) profert, auctore ludimagistro quodam, fateor teste non satis idoneo, & nimis empirice. Meminisse tamen hujus rei juvat ob experientiam gravioris viri (*Seguieri, Plant. Veron. T. 1. p. 306.*), qui, et si nequaquam radicitus malum tolli, minui tamen hac ratione expertus est.

Leviores eaque vernales febres intermittentes infuso me-raco recentis herbae, sub apyrexia & frigoris stadio ubertim hausto, fugatæ fuerunt (*Lautter Hift. bienn. p. 2.*). Minor, quod & primo febris stadio in usum tractum, quum, quic-

quicquid tum potulenti ingeritur, molestias creare soleat, & paroxysmum prolongare.

Desuevit omnino tritam herbam ulceribus sinuosis crurum imponere; vel succo eadem eluere (Gabelchover Cent. 3. Obs. 69.).

PRÆPARATA ET COMPOSITA.

Conserva) Ph. W. Superfluam declarat supra citata Wil-
lisii observatio.

Aqua destillata) l. c. Abesse potest, tanto magis, quam
odor facile pereat.

Syrpus) l. c. p. 212. Laus in phthisi supra adfuit. Ex-
tenditur & haud sine omni jure ad abscessus alios interratos,
item ad nephritidem calculosam.

L A M I U M.

Linn. Syſ. veg. p. 445. Gen. pl. p. 292.

Pharm. LAMII ALBI Herba; Flores.

262. *LAMIUM ALBUM*; foliis cordatis acuminatis ser-
ratis petiolatis, verticillis vigintifloris Linn. Sp. pl. p. 809.
Lamiūm album non foetens, folio oblongo C. B. *Urtica
iners* sive *Lamium primum* Dodon. *Pempt.* p. 153. *Icon:
Fl. Dan.* Tab. 523. *Regnault Botanique*, L'ortie blanche.
Pl. perennis, creberrima ad vias & locis cultis.

In Pharm. Edinb. utraque pars designatur; in Londinensi
unice flores. Spreta in universum stirps in hodierna praxi;
nec spondet multa sensuum scrutinio subjecta. Herbae) odor
subfœtens, sapor subausterus. In hæmorrhagia uteri & flu-
re albo, præcipue in hoc olim laudata. Quidam floribus
prærogativam tribuerunt conservamque ex recentibus para-
runt (Dodonæus). Alii infuso theæformi ex utraque dictarum
partium usi sunt (Geoffroy Matière med. Traité T. 7. p. 168.).
Ex recentioribus Galli præcipue de ea honorifice in hisce
malis sentiunt, ut Chomel (Pl. Usuelles T. 2. p. 306.), qui
herba floribusque in juscuso vitulino coctis, vel & succo ad
uncias ingestu una cum cataplasmate abdomini applicato sa-
pe auxilium attulisse narrat, item Geoffroy (l. c.), qui ad
quotidianam praxin provocat. Scrophulas etiam infuso aquo-
lo frigido foliorum & flororum Lamii pro potu vulgari dispe-
li vitium (Mem. de l' Ac. de Paris 4. 1717. p. 273.).

L E O N U R U S .

Linn. *Syst. veg.* p. 449. Gen. pl. p. 295.

Pharm. CARDIACÆ Herba.

263. *LEONURUS CARDIACÆ*; foliis caulinis lanceolatis trilobis. Linn. *Spec. pl.* p. 817. *Marrubium Cardiaca* dictum C. B. *Icon. Fl. Dan.* Tab. 727. *Regnault Botanique* l^e Agri-paume ou la Cardiaque. Pl. perennis, in locis ruderatis crescens.

Herba) omnesque reliquæ ejus partes colorem luridum habent; odor foliorum subfoetidus, sapor amarus. Ad obsoleta pertinet. Quæ de usu in cardialgia infantum a distensione hypochondriorum, de vi pituitam resolvendi, lotium & menstrua provocandi, de efficacia in palpitatione cordis &c. passim (Vid. e. c. Raii *Hist. pl. T. 1.* p. 572. Boerh. *Hist. pl. Hort. L. B. P. 1.* p. 259.) tradita sunt, non ita narrantur, ut veræ frugis aliquid inde peti possit.

P R U N E L L A .

Linn. *Syst. veg.* p. 258. Gen. pl. p. 301.

Pharm. PRUNELLÆ S. BRUNELLÆ Herba.

264. *PRUNELLA VULGARIS*; foliis omnibus ovato-oblongis serratis petiolatis. Linn. *Syst. veg.* l. c. *Prunella major* folio non dissecto C. B. *Icon.* *Regnault Botanique*, la Brunelle. Pl. perennis, in pratis obvia, præcipue humidis.


Herba) parce præscribitur. Saporis subamari leniter austeri; adstringit igitur nonnihil. Hinc ex vulgari opinione, quod sanguinis profluvia & alvi vitiosæ dejectiones adstringentibus sistantur, hæc quoque a variis inter horum malorum auxilia est cooptata. Prudentiores causas horum antea vincunt, quam ad roborantia animum advertant. Hodie pragargarismis servatur in angina, & collusionibus in ulceribus oris, quo fine aqua decoquere illam & melle commisce-re conuenit (Cfr. Ettmüll. *Oper. Ed. Mang.* T. 1. p. 680.).

SCUTELLARIA.

Linn. *Syst. veg.* p. 456. *Gen. pl.* p. 301.*Pharm. TERTIANARIE Herba.*

265. *SCUTELLARIA GALERICULATA*; foliis cordato-lanceolatis crenatis, floribus axillaribus Linn. *Spec. pl.* p. 835. *Lysimachia cœrulea galericulata* f. *Gratiola cœrulea* C. B. *Tertianaria* I. B. *Hist. pl. T. 3. P. 2.* p. 435. *Icon: Fl. Dan. Tab. 637.* Pl. perennis ad oras stagnorum & in fossis crescens.

Herba) medicis valde paucis hodie cognita. Spirat Alium, amara. Nomen pharmaceuticum virtutem in febre tertiana respicit, de qua & nomine Turnerus Io. Bavhinum (*loc. cit.*) certiorem reddidit. Quam post tam longum silentium in *Pb. Danica* p. 50. ejus iterum mentio fiat, nec ut opinor, absque ratione, nolui heic loci desiderari. De coctum ejus prædicavit Camerarius in angina (Tourn. *Hist. des pl. de Paris* T. 1. p. 318.)



ORDO XX.

PERSONATÆ.

ANTIRRHINUM.

Linn. *Syst. veg.* p. 464. *Gen. pl.* p. 309.*Pharm. LINARIE Herba, Flores.*

266. *ANTIRRHINUM LINARIA*; foliis lanceolato-linearibus confertis, caule erecto, spicis terminibus sessilibus, floribus imbricatis Linn. *Spec. pl.* p. 858. *Linaria vulgaris lutea*, flore majore C. B. *Icon: Regnault Botanique*, la grande Linaire. Pl. perennis in locis ruderatis & muris crebra.

Herba) facile discernitur ab ista Euphorbiæ *Cyparissia* L.,

L, illi ceteroquin statura, foliorum angustia, figura, colore, odore haud parum simili, per succi lactei defectum.

Suspecta planta tam ob affinitatem, quam odorem, dum recens est, virosum, qui Ebulum æmulatur, saporis subamari ingrati. Lacti recenti immersa ad necandas muscas in Smolandia adhibetur (Linn. *Fl. Svec.* p. 218. Lotium pelle-re, ut & inde quondam Urinalis dicta, olim observatum, item alvum movere, ad quam vim & Bock (*Kreuterbuch* pag. 115.) Germanico nomine respexit. Patet hisce a natura nostra non ferri stirpem per os ingestam. Immiscetur hinc inde aliquot ejus laudes in hydrope, in ictero, quas hodierna praxis floccipendit. Præcipua autem ejus extrinse-cus applicatæ in hæmorrhoidum cœcarum dolentium leni-mine & dissipatione continetur, eaque non ambigua, sed a multis confirmata (Vid. e. g. Horst. *Obs.* & *Epist. med. lib. 4. Obs. 50.* Sim. Paulli *bot.* p. 415. Chesaau *Obs.* p. 360.). Et hancce quidem virtutem & flores præstant, ut utraque plerumque pars una adhibita fuerit, icilicet vel cataplasmatis forma, vel Linaria lacte cocta & fomenti instar applicata, additis si placet floribus Chaimomillæ (Chomel. *Pl. usuell.* T. 3. p. 34. Geoffroy *M. m.* T. 7. p. 297.), vel, quod maxime vulgare est, in unguento, quod simplicissimum, parare poteris ex contusa planta cum butyro vel axungia porcina & camphora mixta, & linteo carpto applicare (Conf. Chomel Geoffroy *I. e.*).

Flores) ejus ad exanthemata chronica curanda valent in connubio florum Verbasci, dum istorum quatuor partes horum una infunduntur aqua, & hoc infusum, Theæ saturatae instar, ad plures cyathos potatur. Sic & evanuit, exanthe-ma, quod per tres annos aliis frustra tentatis duraverat (Hamnerin in *Provincial-Doctorernes Berättelser* 1761. p. 7.).

Alias Antirrhini species, ut *Anirrhium majus*, *Oronium spurium*, *Cymbalaria*, quarum passim in libris de materia medica mentio fit, silentio hic prætereo, quum mihi quidem dubia de effectuum hisce adscriptorum veritate obver-sentur.

PRÆPARATA ET COMPOSITA.

Unguentum de Linaria) *Ph. Wurt.* p. 244. Coctione herbae flororum cum axungia porcina. Prolixior ejus formula in *Ph. Brand.* p. 225. exstat, ad cuius naturam proprius ac-cedit illa Danorum (*Ph. Dan.* p. 280.), quæ *Sempervivum* & *Hyoscyamum*, præter Linariam, pinguedini addit. Pri-ma decantacissimum est remedium hæmorrhoidum dolentium, in plumaceolo cum vitello ovorum applicandum. Inventor ejus est Io. Wolphius, medicus Ludovici senioris, Hassiae

Landræfii, cui iste pluries rogatus revelare unguentum recusavit, donec Princeps bovem saginatum quotannis illi dare promitteret; unde versiculum pro dignoscenda Linaria ab Euphorbia dicta composuit „ Esula lactescit, sine lacte Linaria crescit „; cui addidit adsidens Io. Rideselius, Hassiaæ Mareschallus hereditarius „ Esula nil nobis, sed dat Linaria taurum „ (Horst I. *supræ c.*).

E U P H R A S I A.

Linn. *Syst. veg.* p. 460. *Gen. pl.* p. 304.

Pharm. EUPHRASIÆ Herba.

267. *EUPHRASIA OFFICINALIS*; foliis ovatis lineatis argute dentatis Linn. *Spec. pl.* p. 341. *Euphrasia officinarum C. B. Icon: Regnault Botanique, l' Eufrase. Pl. annua, in pratis & montanis vulgaris.*

Herba inodora, sed subamara & adstringens, ut & solutioni vitrioli martis nigredinem inducat. Olim tanquam oculorum efficax praesidium in variis eorundem morbis, caligine, lippitudine, inflammatione, exulceratione, cataracta aliisque in medium producta. Unde & nomen ejus in Europæ linguis tantum non omnibus ad hanc virtutem relpicit. Facem prætulisse videtur Gordonus (*Lil. med. Ed. a. 1305. Fol. 146. a.*), cui externe in aqua destillata composita, & intrinsecus in syrupo arrisit, applaudente paullo post Arnolodo de Villa Nova; qui aquam Euphragiæ (*Breviar. Præf.*) item vinum euphragiatum (*Lib. de vinis.*) commendavit, & aliquanto serius Sylvatico, posteaque insigni medicorum caterva, quorum nomina & scriptorum loca significat Zornius (*Botanol. med. p. 290.*). Hæcce scire gescentibus etiam satisfacit Francus (*Euphragia herba medicina polyphrestia, verum oculorum foiamen 1717.*). Sunt & inter hosce, qui pulverem aromate mistum ingérendum, vel herbam pani incoctam, item succum oculis instillandum curarunt. Mireris merito varietatem difficiliorum oculi affectionum, quibus stirpem opposuerunt, & ludicram saepè eandem adhibendi rationem. Plyrimi tamen substiterunt in visu debili accuendo, ut & Hildanus (*Cent. epist. n. 59.*) ejus usu septuagenarios, ob vigilias & studia visu orbos, eundem recuperasse enunciaverit, & Lanzonus (*Oper. omn. Lausann. 1738. T. 2. p. 394.*) viri quadragenarii post alia irrite tentata, vini Euphrasiati ope convalescentis, meminerit. Hocce vinum nominatim frequenter per longum tempus usurpatum est, quod quidam simplici herbæ infusione cum vi-

no,

no, alii, de consilio Arnoldi, fermentatione cum musto pararunt. Male vero in amico quodam Lobelii (*Stirp. advers.* p. 210.) cessit experimentum, ut qui levi cataphora & lacrymationibus tentatus, ex illo per tres menses poto amborum fere oculoru[m] jacturam fecisset, fluxionibus prope suppressus. Nonne idem, quod aliis; visu caligantibus solatum unice attulit, roborando nervos, huic detrimento fuit, vinum scilicet? Quidam calidam & siccantem herbam sibi representantes restringunt vim ad eam caliginem, quae frigidam causam habet (Sim. Pauli *Quadrup.* p. 325.). Ambiguus istis experimentis non fido, nec existimationi, in qua apud Islandos succus expressus in dolore vel alis affectionibus oculorum est (Eggert Olafsen *Reise durch Island Vol. 1.* p. 229.), quae tamen utpote profecta a plebe indocta nec auctoritatis præjudicio occurrata majoris est facienda quam ista prius enarrata, donec certiora edocear. Aqua ejus destillata pro collyriis adhiberi poterit loco aquæ Rosarum vel simplicis destillatæ, si quid lucri ex affectione in formulis sperari possit.

Istericis vino decoctam mederi quidam (Bock *Kreutterbuch* p. 107. Hoffmann in Schröd. p. 412.) recensent, sed experientia non confirmata recentius.

P R A E P A R A T U M

Aqua Euphrasiæ offic. German.

S C R O P H U L A R I A.

Linn. *Syst. veget.* p. 468. *Gen. pl.* p. 312.

Pbarm. SCROPHULARIÆ vulgo s. cum epitheto VULGARIS
Ph. Ed. Radix, Folia.

268. SCROPHULARIA NODOSA; foliis cordatis trinervatis, caule obtusangulo Linu. *Syst. veg.* l. c. Scrophularia nodosa foetida C. B. Icon: Scrophularia Rivin *irreg. mon.* *Tab.* 107. Planta perennis, in umbrosis ad pagos & sepes crescens.

Luridi aspectus est stirps, foetens instar foliorum Ebuli vel florum Pæoniæ, ut totum genus curculionibus misere depascitur, ingrate amara. Obsolevit sensim usus ejus medicus. Radicis potior olim laus fuit.

Radix) tuberosa; constans ex nodis aggregatis inæqualibus parce fibrosis, albida, foetens pariter, subacris & amara. Sicca radix & odoris & saporis mitioris est.

Nodosa ejus figura videatur medicos primum invitasse ad eandem contra scrophulas, strumas, ficus & mariscos ani, præcipue autem hæmorrhoides tumidas, in auxilium vocandam. Testium copiam hujus aliarumque virtutum allegat Zornius (*Botanol. p. 624.* Arnoldum De Villa Nova, Cratensem, Solenandrum, Henricum Ab Heers, Mayernium, Ettingerum alioque, quibus plures addi possunt ex Slevogtii *Dissertacione (De Scrophularia, Jen. 1720.)*, quæ & ipsa diætis novum pondus adjicere pro fine habuit. Anilem superstitionem, quod in amuleto in hisce conferret, prætereo, quam jam nimium videatur, pulveri, electuari, extracto, insulo, decocto pro interno usu, vel fotui sive unguento vario pro externo, fidem tribuere. In hæmorrhoidibus dolentibus & frigidis dissipandis nominatim Slevogtius (l. c. p. 27.) adeo eam prædicat, ut neque certiorem neque celeiorem in aliis remedis effectum desideret. Si quid heic resolvendo præstet, anodyna quoque natura in censum vocanda est. Translata etiam ejus laus ad ulcera, ad scabiem aliaque mala, quæ iteratis experimentis opus habet.

Folia) supparia radice viribus habita.

C O M P O S I T U M.

Emplastrum de Scrophularia) *Ph. W. p. 71.* Ex foliis hujus & Digitalis cum pinguis & resinosis & ærugine mixtis. Ulceribus antiquis & scrophulis dicatum.

Pharm. SCROPHULARIÆ AQVATICÆ S. BETONICÆ AQVAT.
Edinb. *Folia.*

*269. *SCROPHULARIA AQUATICA*, foliis cordatis obtusis periolatis decurrentibus, caule membranis angulato, racemis terminalibus Linn. *Spec. pl. p. 864.* Scrophularia aquatica major B. C. *Icon: Fl. Dan. Tab. 507. Hort. Rom. T. 2. Tab. 89.* Regnault *Botanique*, la Scrophulaire. Pl. biennis in aquosis frequens.

Priori minus fœtens, sapore quoque inferior. Folia ejus iisdem malis opposita, et si rarius. Sed accessit alia commendatio, ad odorem ingratum saporemque nauseosum Senneæ absque jaætura ejusdem virium corrigendum. Yquetayæ vel Liquitayæ nomine Brasiliensibus hoc fine celebrata. Dicerat hanc vim Marchantius a Chirurgo e Brasilia reduce, qui quidem rem arcanam fecerat, sed imprudenter inter folia comminuta semina reliquerat, ex quibus, terræ mandatis, emersit dicta Scrophularia, cum qua & indigena stirps hacce efficacia congruisse dicitur (*Mem. de l' Acad. de Sc. de Paris 1701. p. 275.*). Drachma ejus dimidia drachmis duas

diabibus Sennæ admixta hacce acrimonia nervis & cerebro inimica exui monuit Boerhaavius (*Hist. pl. bot. L. E. P. 1.* p. 316.). Olim & in Pharmacopœa Edinburgensis pro infuso Sennæ dimidia vel major pars Scrophulariæ addita; sed ex ea a. 1756. iterum rejecta. Nec videtur stirps per se naufragia & fœtida aliam similem corrigere p. sse.

Vulnerarium præterea deprædicarunt, adeo ut in obsidione Rupellenst ad finem vulnera ea unice sanarentur (Chomel *Usuelles Tom. 3. p. 63.*) & Lochnerus (*Eph. N.C. Cent. 7. G. 8. p. 145.*) atrocissimum suris inflictum vulnus decotto ejus haustu & succo plague instillato sanatum memoreret, qui & in xenodochio vires vulnerarias exploratas laudat.

A V I C E N N I A .

Linn. *Syst. veg. p. 484. Gen. pl. p. 579.*

Pharm. ANACARDIUM ORIENTALE.

270. *AVICENNIA TOMENTOSA*; foliis cordato-ovatis subtus tomentosis Linn. *Gen. pl. l. c. Syst. veg. l. c.* Bontia germinans Ejusd. *Spec. pl. p. 891.* Bontia foliis subtus tomentosis Jacq. *sol. stirp. amer. p. 178.* Anacardium C. B. Oeopata *Hort. mal. T. 4. p. 95. Tab. 45.* Arbor crescens in utraque India.

Linneo judice ex hac arbore desumitur fructus, qua in re Commelinii conjecturam in *Horto Malab.* præeuntem habet. Verum negat Jacquinus (*l. c.*) ex ea provenire, late-re adhuc stirpem veram putans.

Anacardii orientalis), cuius figuram expressit Garcias ab Horto (*Arom. p. 120.*) nomine venit *Nux nigra splendens*, cordatæ figuræ, compressa, obtusa, magnitudine pollicis, pedunculo brevi rugoso insidens. Constat hæc ex *puianime* celuloso, in cuius cavernulis latet liquidum oleosum, melleum, causticum, nigrum, quod sensim omnino exsiccatur, & *nucleo* albo, saporis amygdalarum dulcium, vel Castaneæ. Conserri merentur quæ de arbore & fructus diversitate pro ætate varia memorie prodidit Camellus in *Syllabo herb. insulae Luzonis p. 59.* adjecto Raii *Hist. stirp. T. 3.* Colligitur in variis Indiæ regionibus, ut Malabariæ, Goa, Malaca, insula Luzoniæ &c. Creditur vulgo recentioribus Græcis innotuisse primum (V. Garcias Ab Horto *l. c. p. 120.*), sed in Paullo Ægineta (*Lib. 7. c. 11. in med. art. princip. p. 639.*) jam occurrit, & Arabibus, ut Avicennæ, Mesui, Serapioni, probe nota fuit hæc nux, & ab illis Balador nuncupata, ex quibus & præparata varia profecta.

Discrepat maxime judicium auctorum de ejus natura, aliis edulem adeo vel salutiferam, aliis contra ea deleteriam illam pronunciantibus; qui ipsi tamen facile conciliari possunt, modo ut in seminibus Ricini, intra nucleum & putamen rite distinguatur. Nucibus viridibus & sale conditis Indos uti, olivarum in modum, in cibis reserunt Garcias (l.c.) & Dacosta (*Historia delle Droe medicinali* p. 176.) quod vero de nucleo unice intellectum vult Camelli (l.c.), licet, ut & alterum credam, nihil repugnet. Nux viridis etiam coctæ oryzæ appetitus ciendi causa admiscetur, prout & siccii fructus nucleus esitatur (Dacosta). Nucleus &, certe ex Camelli interpretatione, in India sero lactis maceratus contra astma & contra lumbricos ingeritur (Garcias l.c.). Ompia igitur in id collimant, nihil maligni nucleo inesse, sed hunc blandum oleum continere. --- Succus contra in putamine reconditus acris est, inflammat, exulcerat, ut & caustici instar Indi eum ad verrucas, lichenes, fungosas carnes aliasque excrescentias delendas illinant, item dentibus cariosis ad eosdem perdendos instillent, necnon ulceribus brutorum ad eadem mundanda (Dacosta l.c.). Non absolum igitur est, ingesta Anacardia fauces, guttus, ventriculum inurere, febres accendere, quibus adjicitur paralysin & mentis alienationem insequi (Matthiol. in Dioscor. Lib. 6. cap. 5. p. 985. Ed. Bauh.). Succo dicto cum calce mixto characteres pannis gossypinis aliisque loco atramenti inscribuntur, nulla lotione delendi (Dacosta l.c.); alii ductibus adhuc madidis eodem fine calcem inspergunt (Osbecks Ostind. Resa p. 208). Aliud atramenti scriptorii genus paratur ex fructibus immaturis contusis addito lixivio & aceto (Camelli p. 60.). Cultri apici infixa haec nux, si candelæ admovetur, mox flammarum capit, strepitus excitat, scintillas variorum colorum spargit, quibus impostores in India credulis imponunt (Dacosta).

PRÆPARATA ET COMPOSITA.

Electuarium f. confectio anacardina Mesves.) Zwelff. *Animadvers. in Pharm. august.* p. 345. Ex Myrobalanis, aromaticis quibusdam, Nigella vel Eruçæ semine, Castoreo, Anacardio, varia miscela in electuarium redactis. Et corporis & animi vires restaurare creditum. Exulavit merito ex officinis hodieris. Quosdam eo ingestu evasisse maniacos legitur (Casp. Hoffm. *de med. offic.* Lib. 2. p. 487.).

Mel anacardium Azaravii.) Zwelff. l.c. p. 56. Obscure descriptum, sed nihil refert, quam jure expulsum fuerit,

V I T E X.

LINN. *Syst. veget.* p. 473. *Gen. pl.* p. 326.*Pharm. AGNI CASTI Semen.*

271. *VITEX AGNUS CASTUS*; foliis digitatis ferratis, spici verticillatis Linn. *Spec. pl.* p. 390, *Vitex* foliis angustioribus cannabis modo dispositis C. B. *Ayros* s. *Agros* Græcorum. *Icon: Regnault Botanique*, l' *Agnus castus*. Varietas folio latiori depicta exstat in *Du Hamel Traité des arbres* T. 2. Tab. 105. *Arbor Europæ australis*, *Siciliae*, *Neapolis*, necnon *Halepi*, locis palustribus crescens.

Castitati servandæ apud Græcos sacra olim fuit. Eo fine in thesmophoriis, h. e. sacris Cereris, matronæ castitatem custodientes, foliis vel ipso frutice ad strata usæ sunt. (*Diosc. Lib. 1. cap. 135.* *Galen. de simpl. Lib. 6.* p. 780. *Ed. Ricc. Plin. Hist. nat.* *Lib. 24. c. 9.* p. 1102. *Dalech.*); Unde & nomen *Ayros*, cui Latinum *castus* idem significans male additur. Eadem virtute olim claruit fructus, ut & Monachorum piper a *Serapione* vocaretur.

Perperam hic vetusto vitio a *pharmacopolis semen*) dicitur, quum bacca sit globosa, mucronata, magnitudine ferre grani cannabini, sulco nigricans, infra calyce cinereo denticulato dimidium vestita. Odor ejus fragrans, sapor autem acris aromaticus; quod vero de recens collectis baccis intelligendum. Nam quæ in officiniis servantur, inertes plerumque sunt; unde forsitan omnino usurpari defueverunt, quæ Græcis tamen in affectionum insigni varietate in pretio fuerunt. Jure calida & siccans vis illi adscripta, nec perperam ad flatus pellendos efficax habita, forsitan & ad viscera obstructa referanda (*Diosc. Galen.*). Cetera nimia sunt. Nec extinguere potest impetum ad venerem, ut Veteres voluerunt, sed excitare potius oportet remedium aromaticum.

Attamen & intravit Essentiam Castitatis *Io. Michaelis* & varias Aquas *Castitatis Horstii*, *Mynsichti*, & aliorum,

GRATIOLA.

Linn. *Syst. veg.* p. 60. *Gen. pl.* p. 13.*Pharm.* GRATIOLÆ *Herba, Radix.*

272. GRATIOLÀ OFFICINALIS; foliis lanceolatis ferrato-ratis, floribus pedunculatis Linn. *Syst. veg.* l.c. Gratiola centauroides C. B. Cfr. Kostrzewski *Diss. de Gratiola*, Vienne 1775, cum figura non satis accurata. Præstantior *Icon: Flor.* Dan. *Tab.* 363. Regnault *Botanique*, la Gratiale. Pl. perennis in uidis Europæ australioris Germaniæ, Austræ, Helvetiæ, Galliæ, Italiæ crescens,

Matthiolus creditur (Kostrzewski l.c. p. 8.) primus esse botanicorum, qui ejus meminerit.

Herba valde amara & nauseosa est, absque odore. Respuitur a pecoribus sic, ut prata, in quibus copiosius crescit, inutilia censeantur (Hall. *Hist. Stirp. helv.* n. 329.). Equi autem pratis admissi ab eadem vehementer purgari, &c., nisi abigantur, emaciari compertum (Ioach. Camerat. *Hort. med. & philos.* p. 69. Gleditsch's *verm. Abhandl.* T. 3, p. 376.). Sicca herba viridi & succosa longe debilior est (Linn. *Amoen. acad.* Vol. 7. p. 306.). Succus ejus expressus non eo gradu amarus est, ut residuum (Boulduc, in *Mem. de l' Acad. R. d. sc.* 1705. p. 189.). Inspissatus sal commune largitur (Marcgraf in *Mem. de l' Acad. des sc. de Berlin* 1747. p. 79.). Unciæ sedecim herbæ siccatae largiuntur extracti aquosi uncias quatuor cum tribus drachmis, extracti spirituosi secundi ex residuo nonnulli grana quadraginta quinque emiserunt (l.c. p. 191.). Spiritu vini igitur longe minus, quam aqua eruitur (Conf. l.c. p. 192.). Aquam itaque convenientissimum Gratiolæ menstruum esse colligitur.

Ad efficaciora purgantia pertinet. Quin saepe alvum eluens, simul vomitum excitat (Conr. Gesner *Epist. med.* Lib. 3. Epist. 31. p. 94. b. Dodon. *pempti.* p. 361. Boerh. *Hist. pl. hort.* L. B. P. 1. p. 308. sq. Bergii *Mat. med.* p. 26.). Pituitam & bilem copiose eliminat. Haud paucis suspecta vis purgans quoque visa, & tormina & hypercatharsin inde successisse observatum (Chomel *Usuell.* T. 1. p. 48.) (Burckel *Diss. de Gratiola*, Argent.). Hinc rohustioribus unice nonnulli destinarunt (Chom. l.c.). Hinc & vehiculo vel miscela & præparatione varia, saepe nitrium operio, (V. e. c. Freitag *auror. med. gal. chim.* Lib. 2. c. 43. p. 398. sq.) præcavere incommodis oriundis conati sunt. Multi in hunc finem lacte vaccino (Boulduc *Mem. c.i.* p. 187. Geoffroy M.

m. *Traité T. 6. p. 42.*) decoquendam suaserunt. Alii Cinnamomi, Macis, Zingiberis vel seminis Anisi tantum, Glycyrrhizam, Saccharum, passulas addiderunt (*Chom. Herm. Tabernaem.*). Imo est, qui nonnisi post præparationem corporis oleo & mellitis factam die sequenti concessit, &, si ingratus sensus oriretur, copiam tepidæ aquæ superbibendam suasit (*Boerh. l. c.*). Mitius contra ea aliorum de vi ejus purgante judicium est, nec ullo incommodo & absque ulla internarum partium læstione eam operari affirmant (*Cordi Hist. pl. Lib. 1. cap. 2. p. 86. Ed. Gesl. Ettmull. Oper. T. 1. p. 763. Ed. Mang.*). Sine dubio & hic diathesis ægri & doleos justa ratio habenda.

Varia pulveris quantitas assignatur. Scrupulus jam unus cum robe Sambuci sumtus *C. Gesnerum* (*Epiſt. l. c.*) per vomitum & alvum copiosa pituita & aqua non sine moleſtia liberavit. Eadem dosis bis data una die ſæpius alvum duxit cum nauſea & vomititione, effectu & in alterum diem continuante (*Bergius l. c.*); unde patet minori adhuc dosi locum eſſe. Exhibere tamen alii ad drachmam diuidiam (*Chomel l. c.*), ſcrupulos duos (*Hermann. Cyneſ. T. 1. p. 540.*), imo ad drachmam integrum (*Tourneſ. pl. de Paris T. 2. p. 44.* & *Böcler in zot. ad Herm.*), non veriti fuit. Pro infuso vel decocto largiore quidem concedere licet dosin, ſed in tam efficaci ſirpe non pugilli vel manipuli mensura, (ut a *Tourneſfortio*, *Chomelio*, *Geoffroy* factum) ſed pondere pariter determinandam. Quod iſpum a drachma una ad ſequialteram vel duas ſupraque paucis definitur (*Dodonætus*, *I. Bavh.*, *Herm.*). Typographico ſine dubio vitio apud Morifonum (*Hift. pl. T. 2. p. 480.*) uncia una ad duas ſupraque significatur. Decoctum, præcipue diuturniori mora paratum, infuso cenſeo efficacius. Nam præcipua vis purgans latet in pulpoſa parte. Succus nimirum expreſſus & inſpiſſatus ad dosin 24 vel 30 granorum blande purgat abſque vomitu, ſed lotium effiſaciter pellit. Extractum vero ex rēſiduo poſt expreſſionem aqua erutum & amarius eſt & eadem dosi violentius purgat (*Boulduc l. c. p. 189. ſq.*) Quibusdam, præter aquosum infuſum, placuit vinofum, item conſerva. In clyſmate ad pugillum unum aquæ vel laeti vel ejus ſero incocta ſecurio-rem uſum promittere viſa fuit (*Chomel l. c. Geoffroy l. c.*).

In multis igitur morbis, qui purgantibus opus habent, Gratiolæ locus eſt. Sed in quibusdam ab auctoribus memoratis non purgandi unice facultate, ſed & resolvendi effi-ſacia auxilio fuſſe arbitror. --- In hydrope vario (*Heurn. Prax. med. p. 332. Camerar. Hort. med. l. c.* qui extractum eum Cinamomo in pilulas redactum laudat. *Etmüll. l. c. Tom. 1. p. 716.*), aſcite (*Helvich. Mife. N. C. Dec. 3. A. 5.*

¶ 6. Obs. 67. p. 133. sq.). anasarca, (Joel Oper. med. T. 4.
Lib. 4. sect. 1. p. 372. Hartm. Oper. med. chym. p. 60.) a
bene multis frequentata. Oportet hic vero ante omnia in
quirere, an viscerum viriumque conditio purgans ejusmodi
forte ferat, & dispicere, an in diuresin magis quam alvi
solutionem natura inclinet. --- Alii ad viscera obstructa re
feranda, febres intermittentes profligandas, rheumatismos
dissipandos proficuum declarant: sed relego lectores ad dis
sertationem indicatam cl. Kostrzewski, in qua testimonia
harum virtutum sparsa leguntur. --- Addenda tamen vis
anthelmintica a multis percepta, qua plures verminosos,
ferocibus symptomatibus stipatos incantamenti instar sele
fanasse laetatur Angelus Sala (Essent. veget. Sect. 5. cap. 9.
p. 158. sq.). Insulsum aquosum suum pretium pro hoc fine
approbavit (Boulduc l. c. p. 187. sq.). Clyisma ex decocto
non minus vermis infestum suit (Tabernæmont. l. c.).

Folia vel recentia, vel in pulvere, vulneribus applicata
constitit ad consolidationeni eorundem facere (Tabernæ
montan. l. c. Cæsalp. de plant. p. 265.), in ulceribus au
tem recentibus fomenti calidi instar conserre (Zwing. Theat.
prax. med. P. 1. p. 531.). Minus notum est, herbam conqua
satam & extrinsecus adhibitam in arthritide & rheumatismi
necnon tumoribus a coagulo tam lacteo quam sanguineo,
ut ecchymosi, præstantissimum resolvendo effectum
exferere (Ex narratione cel. Tissot coram fratre Adolpho
Murray Prof. Upsal. facta.).

Radix cylindrica, calatum crassa, geniculata, alba,
horizontalis, fibris descendantibus. De vi hujus medica
plerique tacent, ut inde conjiceres nonnisi herbæ illam
competere. Sed vix cedere radicem isti, recentiora præci
pue experimenta docuerunt. Et haec intense amara simul
que adstrictionis senum edit (Boulduc l. c. p. 188.). Uncia
sesquialtera drachmas duas & dimidiam extracti aquos erog
at. Hujus grana quindecim ad viginti quatuor mitius pur
gant, quam idem pondus extracti foliorum. Spiritus vini
& de radice minus extrahit, quam aqua (l. c. p. 193.). Specifum in dysenteria & Ipecacuanhæ æmulum ad drach
mam dimidiam vel integrum, modo non nimios progressus
fecerit, habita a Boulduc (l. c. p. 188.). Wallachis quoque
in fioc morbo familiaris (Kramer Tent. bot. p. 18.). Ad
hanc stirpis partem refero experimenta recentius Viennæ
in nosocomio Hispanico & isto Sti Marci instituta, eti,
qui de iis recenset cl. Kostrzewski (Diff. cit.), quæ præci
pe fuerit pars, non edisserat, de pulvere Gratiolæ modo
loquens, & ad finem opusculi (p. 63.) etiam saturatum in
tusum herbæ explorari itidem significans. Ex iis vero, quæ
terius ill. L. B. De Störck (med. prakt. Unterricht T. 2. p.
36.

36. & inter form. p. 52.) de usu in hydrope exposuit, colligo radicem intellectam fuisse. Sæpe prodeesse hanc, ubi reliqua diuretica & purgantia inertia sunt, & quidem in pulvere ad drachmam dimidiā pro dosi per plures dies continuos datam, vel in nimia æ gri debilitate vel anxietate quovis biduo vel quatriduo, item in infuso vino ex radicis drachmis duabus per horam vino ad colaturam librae unius infusis, sumendo omni bihorio uncias duas. Pulvis radicis vomitum excitavit, non vero ille ex extracto plantæ cum saccharo paratus (Kostrzewski p. 64.) Tres maniacos aliis multis fructu tentatis pulvis Gratiolæ perfecte sanitati restituit, quibus decoctum radicis Graminis loco potus vulgaris, & vesperi plerimque paregoricum datum fuit (I. c. p. 32. sqq.). Nosocomium Marci Vindobonense recepit quoque sequentem pulverem: Rx Extract. Gratiol. drach. j. Sacch. alb. Lap. canceror. ana drach. ij. & Sem. Fœn. drach. j. M. F. pulv. tenuissimus, cuius initio ter de die grana decem sumantur augendo sensim dosin, donec per diem drachma integra consumatur. Hic profuit in ulceribus venereis nasi, faucium, frontis, artuum, carie ossium, tophis, cancro venereo, phymosi, ea adeo, quæ in gangrenam vergebant, testiculo venereo a gonorrhœa retrupilla, bubonibus, fluore albo a labe venerea, arthritide. Sed in quibusdam ægris nonnisi lotium movit, in aliis sudores, quidam & ptyalismum levem inde experti sunt (I. c. p. 50.). --- Constat igitur, stirpem hanc & resolvendo tenaces humores & materiam peccantem multiplici via evacuando, salutarem suam efficaciam exercere.

P R A E P A R A T U M.

Extractum) Cod. med. Parif. p. 50. Ph. austri. prov. p. 173. Infusione herbæ cum aqua & subsequā inspissatione. Pretium supra indicatum.

A C A N T H U S.

LINN. Syst. veg. p. 484. Gen. pl. p. 327.

Pharm. BRANCÆ UR SINÆ vulgo ACANTHI Ph. Paris.
Folia, Radix.

273 ACANTHUS MOLLIS; foliis sinuatis inermibus Linn.
Spec. pl. p. 891. Acanthus sativus f. mollis Virgilli C. B.
Icon Regnault Botanique, Acante ou la Brancurine. Hort.
Roman. T. 3 Tab. 13. Pl. perennis, frequens in humidis
Ita-

Italiæ inferioris & Siciliæ. Frigus hiemale in hortis Germaniaæ quidem fert, sed non floret sub dio.

Folia insipida, viscosa. Horum loco plerumque pharmacopolæ colligunt folia Heraclei Sphondylii, quem errorem, etiam a Zornio (*Botanol.* p. 14.) propagatum, jam (*App. med. T. I.* p. 256.) redargui. Hæc æque ac Radix, quæ tamen vix in officinis offenditur, mucilaginem continent, præcipue autem radix. Ad naturam igitur Malvæ similiumque mucilaginosarum accedit stirps, & emolliendi fine in ambustionibus, hæmoptysi, alvi profluviis, non sine omni ratione, præcepta. Obsoleta hodie in tanta copia efficaciorum, vixque amplius in clysmatibus folia usu versunt.

Herbarum quinque emollientium e numero est.

VERONICA.

LINN. *Syst. veg.* p. 56. *Gen. pl.* p. 12.

Pharm. VERONICÆ Herba.

274. *VERONICA OFFICINALIS*; spicis lateralibus pedunculatis, foliis oppositis, caule procumbente LINN. *Spec. pl.* p. 14. *Veronica mas supina & vulgarissima C. B. Icon: Flor. Dan. Tab. 248.* Regnault *Botan. la Veronique male, ou Thé d'Europe. Pl. perennis, in sylvis sterilibus frequens.*

Herba amaricans & subadstringens, ut tamen infusum eius solutione vitrioli martis mixtum mox nigrescat. Odorem peculiarem vix senties in succosa herba, multo minus in secca, sed, aqua exrecenti destillata, volatile quoddam fuisse naribus offert (Fr. Hoffm. in *Diss. de infusi Veronice efficacia præferenda herbo Theæ*, recus. in *Opusc. med.* p. 378.), prout & tinctura spirituosa odorem balsamicum spargit (Cartheus. *M. m. T. 2.* p. 466.). Ad hoc volatile servandum infusum decocto præstare creditum est (Hoffm. *I. c. p. 377.*). Sed ad amaritatem & austritatem in primis attendas. Extractum spirituofum amarius est aquofo, ponebris autem fere æqualis (Cartheus. *I. c.*).

Infusum tenuius flavicantem vel rubicundum colorem habet, saporem amaricantem non ingratum. Eo, loco infusi Theæ Chinensis poto, multorum in Germania præcipue palato placuit, postquam Fr. Hoffmannus (*Diss. cit. Hal. 1693.*) & Io. Francus (*Polybresta herba Veronica, Ulm. 1690. 12.*, recusa sub titulo *Veronica theizans*, Coburg. 1700. & tam Germanice quam Gallice versa), multis eam com-

commendassent. Ita a colonis in Svecia eo fine usurpatur (Linn. *F. Svec.* p. 5.) Sed etiam in medelam variorum malorum cessit. Communis fere laus obtinuit in pectoris morbis a pituita collecta oriundis, scilicet tussi, asthmate, imo in ulcere ipso pulmonum & hectica, in quibus screatum levare illam, & vulneraria virtute excellere creditum (Hoffm. *I. c.* p. 390.) In suffocationibus nocturnis catarrhalibus profuisse testatur magnus vir Hall. (*bif. fl. belv.* n. 542.) Vereor vero, ne adstringens stirps screatum potius cohibeat, quam adjuvet, nisi debilitas pulmonum sublit, cui subvenire potest quodammodo roboranis Veronicæ vis. Ab adstringente unice potentia derivo opem calculosis eadem præstiram; quæ tanta decocto & fomentationi eodem factæ apud foeminae infuit, ut calculus in rene latens ad urethram & tandem ad vesicam protritus fuerit, ex qua haud absque summa læsione & copiosa hæmorrhagia per collum ejusdem vi extractus est (Elsner *Ephem. nat. Cur. A. I. Deo. I. Obs.* 107. Conf. & præconium Crat. in Hoffm. *Diss. cit. p. 391.*) Midum cruentum eximie compescit succus Veronicæ cum vino rubro maceratae expressus, & vel melle vel saccharo edulcatus, isque cochleatim sumptus (Fischer de senio p. 217.). Cutis pruritum & scabiem, illam quoque, qua fenes corripiuntur, felicissime potus Veronicæ disputit (Hoffm. *Diss. cit. p. 391.*) Plures virtutes in Franci libro significato memorantur, utinam æque certæ ac numerosæ.

Hujus Veronicæ in locum in *Actis medicorum Berolinensium* (Vol. 2. p. 125. sq. cum iconè rudi) surrogatur nomine Teucrī veri *Veronica Teucrium*; racemis lateralibus longissimis foliis ovatis rugosis dentatis obtusiusculis caulis proeumbentibus Linn. *Syst. reg.* p. 57., quæ est *Veronica montana Rivin.* *Tab. 95.* Gratiōr enim sapore magisque retolvens & roboranis ab istis existimatur. Sed noluit prior cedere juri suo, quamvis & hujus fama sensim in medicina seniori consenserit.

P R A E P A R A T A.

Aqua Veronicæ cum vino) *Pb. W.* p. 24. quæ nulla in re valde eminet.

Extractum) *I. c.* p. 88. Aqua paratur. Vix unquam amplius præcipitur.

Syrupus) *I. c.* p. 219. Abstergens & consolidans vis illi adscripta in vitiis præfertim pulmonum ac renum.

Pharm. BECCABUNGÆ Herba.

275. *VERONICA BECCABUNGA*; racemis lateralibus, foliis ovatis planis, caule repente Linn. *Spec. pl.* p. 16. *Anagallis aquatica major* (item II. minor) folio subrotundo C. B. *Icon: Flor. Dan. Tab. 511.* Regnault *Botanique*, la Beccabunga. Pl. perennis ad rivos & in fossis fluentibus copiosa:

Herba recens scatet succo aquoso aliquantum amaro; vix adstringente. In tenellis foliis sapor manifestior. Saporem Nasturtio similem tribuit herbæ Schwenckfeld (*Simp. Siles.* p. 18.), subinde tamen plane insipidam reperit. Verano tempore acetaria intrat. (*Id. & Schreber Samml.* T. 3. p. 31.). Recens merito efficacior, quam secca judicatur, quum id, quod volatile insit, ut in nasturciniis, siccando pereat.

Contra scorbutum valere multi sibi persuadent. Optima forma est in succo, cuius unciæ duæ ad quatuor epotentier etiam in connubio seri lactis (Chom. *Pl. usuelles* T. 2 p. 238.). Solet quoque cum succo Cochleariae vel alias efficacioris antiscorbutici commisceri, ut acrimonia hujus nonnihil mitigetur, Foresti prævio exemplo (*Observ. & Curat. Lib. 20. Obs. 12. Schol.* p. 306.), qui & syrumpum ex utroque sed coctione parato impensis laudat, quam sperare hodie fas est. Ulcus scorbuticum tibiam fere universam occupans & ad os usque descendens in scorbutico sola Beccabunga in ceteris cocta & applicata consolidatum narratur (Sim. Pauli *Quadrip.* p. 239.). In universum titubare incipit herbæ laus, nec immerito; ideo non opus est, aliis præconiis de vi referandi obstruncta viscera, dissipandi podagrati rel. diu immorari.

VERBENA.

LINN. *Syst. veg.* p. 61. *Gen. pl.* p. 16.

Pharm. VERBENÆ Herba.

276 *VERBENA OFFICINALIS*; tetranda, spicis filiformibus paniculatis, foliis multifido laciniatis, caule solitario Linn. *Spec. pl.* p. 29. *Verbena communis flore cœruleo* C. B. *Icon: Flor. Dan. Tab. 628.* Regnault *Botan.* la Vervenne. Pl. annua, in viis & locis ruderatis cœbra.

Videtur esse *εργα βοτανη περιστερων* Diocoridis (*Lib. 4. cap. 61.*).

Her-

Herba) inodora , sapore subadstringente & subamaro instruitur . Hinc non multum bonæ frugis spondet . Nec facile cum hisce & neglectu herbæ apud solidiores medicos hodiernos , efficaciæ testimonia , quæ hinc inde ab auctoribus sparguntur , conciliari possunt . Nolo ad vetustiora tempora regredi , quum de quanam stirpe præcise loquantur , non liqueat : Operæ tamen judicavit pretium Haenius (*Rat. med. P. 6. p. 292.*) quorundam ex ipsis effata citare ad usum in doloribus capitum inveteratis , quibus & ipse herbam opportunam censuit , confirmandum . Dodonæi & Plateri , quos etiam allegat , auctoritas nihil ponderis hic addit , quum a Veteribus de applicatione externa dicta unice enarrant . Forestus (*Oper. omn. Lib. 9. Obs. 52. p. 301.*) vero singulari casu Vérbenam viridem nonnihil contritam collo ægri atrocissima cephalalgia diu vexati appendit , nec auferendam permisit antea , quam exsiccata per se caderet optimo ; ut ille quidem sibi persuadet ; successu . Sed non fido amuletis , quæ nec halitus ullos spargunt , nec a madida cute resolvi sese patientur . Legitur & plantam recentem vel solam vel cum radice Rhodia in formam cataplasmatis conitusam utiliter capiti circumligari ; item decoctum (Ettmüll *Colleg. pharm. in Schröd Oper. T. 1. p. 713.*) . Nec majoris facio Hartmanni (*Prax. chymiatr. Tom. 1. in oper. Ed. Iohren. p. 15.*) arcanum sic dictum omni cephalalgiae accommodatum , ex aquæ Verbenæ destillatæ unciis quatuor cum spiritus vitrioli guttis quatuor , saepius ingreditis , & Verbena contusa capiti imposita . Quo tamen foeminam a diuturnis & rebellibus contra alia remedia doloribus , ex inquilino capitum vitio , ut videbatur , oriundis liberasse sese gaudet eximius aliis multis documentis De Haen (*I. c. p. 304.*) , in eo modo deflectens ab Hartmanno quod sicciam appenderet herbam . Sed sape id gloriam eurationis deportat , quod ultimo in auxiliu adhibitu ; & ipse præterea ill. vir (*I. c. p. 314.*) plura exempla defiderat . Et hæcce unice fama Haennii ductus attuli .

Ceteris tanto brevius perfungar . Vim febrisugam succi vel extracti etiam nostro sæculo quidam iterum tangunt , Tournefortius (*Pl. de Paris T. 2. p. 120.*) , item Chomelius (*Pl. usuell. T. 2. p. 86.*) . Hic idem in classe ophthalmicorum collocavit . Tantum illi tribuit aquæ destillatæ vel ejus succo in ophthalmiis dissipandis . Ad gargarisma in angina decoctum , ut alia adstringentia magis frequentata , concedi potest . Artamen absque damno medicum forum Verbena carere posse arbitror .

P R A E P A R A T U M .

Aqua destillata) Ph. W. p. 6. Nullius pretii .

OR-

ORDO XXI.

RHEADES.

PAPAVER

LINN. *Syst. veg.* p. 407 *Gen. pl.* p. 263.*Pharm. RHœADIS s. PAPAVERIS ERRATICI Capitula, Foras,*

PAPAVER *RHOEAS*; capsulis globosis, caule piloso multifloro, foliis pinnatisidis incisis Linn. *Spec. pl.* p. 276. Papaver erraticum majus C. B. Theophr. Diosc. Icon: Blackwell *Tab.* 560. Pl. annua, agrorum vulgare vitium. Varietas flore rubro, simplici, unice intelligitur.

Cave ne confundatur Papavere dubio L. capsulis oblongis, glabris, Papavere Argemone Ej. capsulis oblongis hispidis, facile discernendo; quod utrumque paßim cum Rhœade mixtim crescit.

Succum lacteum hæc, ut altera species, quæ Opium verum exhibit, vehit. Opii eliam species ex ejusdem fructu s. capitulis elici potest, licet exigua modo copia. Nec unquam lac exundans in usum vertitur, sed extractum modo aqua paratum. Hujus solidi drachmas quinque unciae: quatuor capitulorum largiuntur (Boulduc in *Hist. de l' Acad. R. des sciences de Paris.* 1712. p. 52.). Ampla drachmæ dimidiæ vel integræ ejus dosis, scopo anodyno & pro conciliando somno blando & contra tussim, commendata (Chomel. *Pl. usuell.* T. 1. p. 125.); alii ad grana pauca modo, ut duo tria vel quatuor (Boulduc *l. c.*) restringunt. Multam in morbis convulsivis extracto ex capitulis & herba aqua facto a granis sex ad octodecim tribuit cl. Fouquet Monspellis, hocque presert Opio, ut quod nimium calefiat, ipsam adeo epilepsiam eo compescuit, item in scirrhomatricis dolores consolivit (testimonio fratri Ad. Murray ex itinere per Galliam). Subsistitur vero plerumque in ulo Florum). Hi recentes, vix siccati, virosum Opii odorem pariter spargunt, gustati mucilaginem cum amaricie mihi

pro-

produnt. Infusa illis aqua fervida, hæc manifeste mucilaginea evadit, simulque gratam rubedinem asciscit. Mucilaginis itaque pariter anodynī principii ratio habenda est iis in morbis, in quibus præstantiam suam declarat. Proficit infusum eorum saturatiū calide ingestum in catarrhalibus affectionibus pectoris & tussi pertinaci (Chom. l.c. p. 124.) Pleuriticis subvenire jam dudum crediti, hujusque quidem efficaciam primus Baptista Sardus existimat (Dodon. Pempt. p. 447. qui vero illam refellit). Pleuriticem levare omnia ex Rhœade nominatim decoctum ex semine Lini & floribus Rhœados invenit Baglivius (Oper. p. 38.) Rectius vero adhibetur infusum florū, non neglecta tamen præmittenda venæ sectione, eo tantum morbi studio, quo sudor erumpit, quem blande illud adjuvare compertum (Chomel l.c. p. 125.) Hoc idem colicam flatulentam pluries discussit (Idem). Nostro vero tempore flores potissimum ob colorem gratae purpureum, quem aquæ item spiritui vini impertinent, in pretio sunt.

PRÆPARATA ET COMPOSITA.

Syrupus Papav. erratici) Ph. W. p. 215. Ph. Lond. p. 81. Infuso florū additur saccharum. Gratia coloris commen-dabilis, sed blandum insuper anodynū (Conf. C. Hoffm. med. offic. p. 529.) & demulcens est. Mixturi crebro additur.

Tinctura) Ph. W. p. 224. Est aquosa spiritumque vitrioli recepit. Hinc in febris temperat, colore quoque recreat mixturi julapiisque adfusa.

Extractum) (capitulorum immaturorum) Ph. Brunsvic. p. 256. Aqua paratur.

Pharm. PAPAVERIS NIGRI Semina, Capitula.

ALBI Semina, Polia.

Ex utroque Papavere OPIUM.

261. PAPAVER SOMNIFERUM; calycibus capsulisque glabris, soliis amplexicaulibus incisis Linn. Spec. pl. p. 726. a, Papaver hortense semine albo C. B. Icon: Regnault Botanique, le Pavot blanc a, Pap. hortense semine nigra C. B. Icon: Regnault l. c. le Pavot noir. Missw Græcis. Pl. annua, teste Linneo, in Europæ australioris ruderatis (Spec. pl. p. 726.), item agris (Ejusd. Mat. med. n. 280.) crescens. Dabo id fieri ex delapsis casu semenibus: Atque autem calidioris veram incolam habeo. Colitur in Europæ hortis ob varietatem coloris & plenitudinis florū,

Tom. II.

H

uti

uti & ob semina; in orientalibus autem regionibus Opii præcipue causa.

Semen) utriusque exiguum , reniforme , utrinque gibbum rugosum , adeo numerosum , ut ex una radice unica æstate 3200 semina computarentur (Linn. Phil. bot. p. 86.). Nomen albi ferri quidem potest ob candorem feminis , sed color in nigro potius cœruleo cinereus est. Hæc semina , licet ex eadem theca , quæ Opium erogat , proveniant , virtutis tamen vere somniferæ expertia sunt. Contrariam Galeni de largius ingestu feminæ (de aliment. facili. Lib. 1. cap. 31. qui inde soporem adeo induci perhibet), Böcleri (in Herni. Cynos. M. m. T. 1. p. 436.) & Iunckeri (Therapi gener. p. 279.) adsertionem cibarius usus manifeste evertit , antiquissimo jam tempore frequentatus . Τεοφίλος itaque ab Hippocrate (de viatu ratione Lib. 2. Foes. p. 357) vocatum . Vulgare epitheton Papaveris apud poetas fuit cereale , item vescum , (Virgil. Georg. Ed. Heyn. Lib. 1. p. 149. Lib. 4. p. 365.). Ad panes adhibitum & melle mixtum pro efca memoriæ prodidit Dioscorides (Lib. 4. p. 65.); condimenti autem instar panibus utiliter inspergi Galenus (l. c.). Ita & Tridentinensis (Matthiol. Comment. in Diosc. p. 764. Ed. Bauh.), Ægyptiis (Prosp. Alp. in Hist. nat. Ægypt. T. 1. p. 160. sq.) Persis (Chardin Voyage en Perse T. 4. p. 32.) elcnlentum . Verum adhuc hodie copiose in Polonia (Guettard Mem. sur. differ. parties des sc. & d. art. T. 1. p. CXIV.) in Silesia (Tralles de Opio T. 1. p. 13. sq.), in Bohemia & Moravia (Wiegands Hundbuch für d. Oesterr. Landjugend), uti & , quod certe scio , in Hungaria , necnon in Italia , item Argentorati (Guettard l. c.) vel pastæ involutum vel placentalis extus inspersum esitatur . Ne vero cum cl. Le Clerc (Hist. de la Medicine Lib. 3. c. 2. in fine) existimes , igne virus dispersum suisce : scias solum illud insigni copia impune suisce ingestum ad uncias , quin ad libram integrum (ab ipso Swietenio Comm. in Boerh. T. 5. p. 110.). Et idem accedit , qualecumque fuerit semen , sive album , sive nigrum (Alston in med. Essays of Edinb. Vol. 5. p. 130.). Nimirum semina inodora sunt , blandi dulcisque saporis , ut in amygdalis , oleo simili innocuo scatentia . Emolliunt igitur , leniunt , demulcent , stimulosque ad vigilias excitantes obvolvunt , nec alio nomine anodyna in tussi , stranguria vel dysuria , febribus dicenda , quam amygdalæ dulces . Emulsionis forma , ast raro sola , sed plerumque in miscela cum cucurbitaceis seminibus vel amygdalis præcipiuntur .

Expresione vero ex eorum libra una Olei unciae quatuor elicita (Spielm. Chem. p. 84.), quin alio experimento (Borrich.)

(Borrich. *somnif. n. 20.*) ex unciis sedecim istorum hujus unciae novem. Hoc ipsum jam Matthioli (*l. c.*) tempore in Stiria & Austria continuo cibis additum, prout & in Gallia pereuntibus hieme a. 1710. Oleis, harum oleo eodem fine surrogatum fuit (Geoffroy *Mat. med. Traité T. 4. p. 359.*) Loco butyri in Argovia adhibitum absque noxa (Wagneri *Hist. nat. Helv. p. 262.*). Nuperrime quoque in Gallia consilio cl. Rozier permisum regno lucrum octodecim milionum jam attulit (V. Ejusd. *Observation sur la physique etc. 1776. in Aug.*) Sic & placentae post olei expensionem reducet, a pueris impune devorantur (Reicharts *Gartenschatz. T. 4. p. 92.*) & taginandis animalibus conducent. Taceo usum olei pictorum.

Capsularum s. Capitulorum) vero alia ratio est. Hæc narcoticæ omnino indolis, sauciata lac amarum viroſi odoris emitunt, cuius vires paullo post explicabuntur. Recentia exsiccatis efficacia antecellunt. Ex siccis coctione cum aqua extractum parari potest ad $\frac{1}{2}$ vel $\frac{1}{8}$ partem ponderis, quod dupla quantitate effectus eosdem ac Opium præstare fertur, & pro præparatione syrapi Papaveris, dum ejusdem grana duo pro uncia quavis syrapi adduntur, commendatur (Arnot in *med. Essays of Edinb. Vol. 5. p. 105.*) In Persia hæc una cum seminibus decocta in thermopolii bibuntur, in gratam inebriationem (Chardin. *Voyage en Perse T. 4. p. 206.*). Veteres iis aqua coctis & melle dein mixtis instar elegmatis utebantur in tussi, catarrhis aliisque malis. Extrinsecus instar cataplasmati ea admoverunt cum polenta locis inflammatis vel erysipelate correptis, vel cum foliis decocta, pro fotu ad somnum conciliandum (Diosc. *l. c.*). Sed nostro tempore vix alii fini, quam syrups variis inde parandis (de quibus postea) destinantur.

Maxime tamen omnium hæc stirps ob Opium inclyta. Hoc nobis ex Persia, Arabia aliisque locis Asiae calidioris, uti & ex Ægypto, forma placentarum rotundarum complanatarum, vel alia magis irregulari forma instructarum affertur, quæ pondus unciarum quatuor ad libram unam vel supra æquant, & foliis Papaveris, Nicotianæ vel aliorum vegetabilium partibus, præcipue autem Rumicis cujusdam, item pulvere vario ad cohesionem impediendam teatæ sunt. Quidam *Opium Thebaicum*, ex Ægypti regione ita dictum præferunt, quod epitheton & quibusdam præparatis ex Opio additur. Sed illud ex orientalibus regionibus ejusdem pretii, ut si hodie Thebaicum nomines, idem significet, ac electum (Alton *med. Essays Vol. 5. p. 133.*).

Est materia resinoso-gummosa, coloris rubicundo-bruni, odoris viroſi fortis, saporis primum nauseosi & amari, paullo post acris calidique, quo caloris sensu lingua palatum

tum & labia ultra quindecim minuta temporis prima afficiuntur, & ipsæ nares ita irritantur, ut in sternutationem propensio oriatur (Alston *l. c.* p. 135.). Colligi Opium ex eadem, quæ in nostris hortis hospitatur planta patet vel ex rudioribus illis Veterum descriptionibus, & testimonio autoptarum recentium (ut cl. Kerr in *med. Obs. and Inq.* Vol. 5. p. 321.). Veteres (*Dioscorides l. c.* Plinius *L.* 20. *cap.* 18. *Ed.* Dalech. p. 961.) duplicem succum describunt ex stirpe erutum & inspissatum: alterum, quem *Opium* proprie vocant, incisione capsularum elicitem; alterum, *Meconium* illis dictum, quem, contusione capsularum & foliorum prægressa, prælo expresserunt, qui ipse *Opio* ignavior ab iisdem declaratus. Indis prius nomine *Affion* venit, *Pouſt* vero illis est species viiior ex foliis & caulis excisa, & solis dein ope indurata (Bontii *medicina Indor.* p. 6.), quæ pauperum unice in usum cedit (Bont.). Dubitabant quidam, an hodiernum in Europa venale *Opium* vere ex incisis capsulis exundaverit, veterum potius *Meconium* esse arbitrantes, parciori, ut illis quidem visum, prioris proventu inducti. Inque hoc errore fuerunt Lemery (*Dict. de drogues, Art. Opium.*), Lindestolpe (*de venen.* p. 588.), De La Condamine (*Mém. de l' Ac. R. d. Sc.* 1739. p. 427.) Neumannus (*Lect. de Op.* p. 104.) aliquie. Sed refellunt illum itineratores fide digni, Garcias Ab Horto (*Arom. vers. Clus* p. 22. *sq.*), Belon (*Observations en Grece etc.* Lib. 3. c. 15. p. 404.), Kaempfer (*Am. exot.* p. 642 *sq.*), alii, & recentissimus testis cl. Kerr (*l. c.* p. 317. *sqq.*). Imo sunt, qui in Europa simili artificio, quod apud orientales gentes usu venit, ex capsulis *Opium* elicuerunt, nec colore, sapore, odore ab orientali discrepans, nec viribus inferius. Experimenta ejusmodi instituerunt cl. viri Falk, *Biblioth. Regius Stockholmiae* & Lindestolpe (*De venen.* p. 588.) Carlstadii, Alston (*med. Essays l. c.* p. 166. *sq.*), qui drachmam unam intra horam colligit (*l. c.* p. 120.), Edinburghi, Charas (*Pharm.* p. 73.) in Languedocia, Dux Aurelienfis (*Guettard Memoires sur différentes parties des sc. & des arts, Paris 1768. p. CXII.*) Parisiis, Dilleniis (*Eph. n. C. cent. 9. & 10. Obs.* 43. p. 114.), qui hujus granum unum pro dosi sufficere observavit & largam diapnoe excitare, Giessæ, Hallerus (*Hist. fl. helv. n. 1065.*) Gottingæ, Tralles (*De Opi T. 1. p. 6. ad finem*) in Silesia. Multis momentis ab hoc differt extractum stirpis, item succus expensus condensatus, scilicet utriusque sapor & odor imbecillior est, color etiam compagique diversa, minus etiam haec resinæ quam verum *Opium* continent (Alston in *Med. Ess.* *l. c.* p. 119. *sq.*). Longe vero majori lucro in orientalibus regionibus *Opium* verum eruitur. Soli enim & climatis be-

nigritate & cultura accidente (V. Kerr. l.c., qui eam describit) asequitur subinde stirps magnitudinem quadraginta pedum in Persia (Chardin *Voyage en Perse* T. 1. p. 31.), & capsulae interdum in Arabia ad amplitudinem triginta quinque unciarum capacem pervenient (Garcias loc. cit.). Ut haec tanto magis grandescant & succo tanto uberiori turgent, in ramosis plantis scite capitula superflua absindunt (Kaempf *Amoen. exot.* p. 643.). Multum & ad id conferre existimo, quod plantis interstitia latiora concedant (Kerr l.c.). Perinde est virtutis respectu habitus, ex nigro an albo, Papavere colligatur (Garcias, Belon, Kaempfer. Cfr. Alton l.c.). Colligendi vero ratio sequens est. Capitulum semimaturum (Kerr.) vel maturitati proximum (Kaempfer.) vesperascente coelo fauicarur instrumento peculiari plagi parallelis vel & feso decussantibus fursum ductis, ea tantum profunditate, ut ne ad internum capsulae cavum penetrent. Cultello ad id utuntur vel tribus (Chardin loc. cit. p. 30.) vel quinque apicibus parallelis instructo (Kaempfer.). Novissime descriptus constat ex laminis binis chalybeatibus bicupidatis sibimet oblique impositis, filo interposito distinctis, quibus altero extremo transmittitur ansa digito indici infigenda (Vid Fig. cl. Kerr. in *med. Ob. and. Inquir.* l.c. Tab. 3.). Lacteus fuccus mox promanat, qui rore nocturno copia augetur. Postridie ineunte mane quod effluxit aere condensatum scalpro ferreo abstergitur, & vasculo terreo inditur. Vulneratio ejusdem capsulae quavis vespera iteratur, donec sex vel octo vulnera illi inflata, quibus factis maturationi seminum fructus relinquitur. Quod collectum fuit Opium sole splendente in vasculo manu tractatur in justam spissitudinem vel (prout Kaempferus p. 643.) indicat, pauxillo aquae humectatum spatha lignea ducitur & reducitur sicque subactum in placenta formatur, ultius exsiccandas. Docuit & lucri cupido varia corrumpendi illud artificia. Factum id fuit antiquitus (Dioscorid.) addito succo Lactucæ sylvestris (nonne Lactucæ virosæ Linn.?) vel Glaucii, & adhuc hodie fit adjecto stercore vaccino, extracto Papaveris coctione parato, vel aliis additis, quæ arcani instar celant (Kerr l.c. p. 319.). Tanto igitur magis nostra interest, notas probi & integri Opii nosse. Ab hoc requiritur, ut uniforme, lœve, tenax sit, pondus constituat quoad molem suam levius, nullas interne fordes prodat, disiectum scintillas salis volatilis oleosi exhibeat, amaritie, calore & acrimonia emineat, empyreuma non spiret, candelæ admotum mox ardeat, aqua omnino fere solvatur, solutum rubicundam tinturam præbeat (*Conf. Ione's Mysteries of Opium revealed.*).

In analysi chemica tradenda ea experimenta omitto, quæ

fortioris ignis tortura capta sunt, quum nihil verae de Opii natura lucis accendant. Gummosas vero, resinosas terreasque partes facile est & absque vi eruere: sed in proportione harum chemici variant. Ex uncias Opii duodecim obtinuit Alstonus (*Med. Essays Vol. 5. p. 138.*) gumini uncias quinque, resinæ uncias quatuor; reliquæ tres unciae ex indissolubilibus partibus confiterunt. Neumannus (*Leit. de Opio p. 117.*) plus extracti resinosi quam gummosi Opio tribuit. Spiritus vini tenuior utramque partem solvit. Tam arctus vero est utriusque nexus, ut aqua & resinæ partem, & spiritus vini rectificatissimus gummi bonam partem, abripiat. An vinculum hisce præbet sal quoddam acidæ naturæ (Neumann *l. c. p. 115. 116.*)? Memorabilis, præter dictas partes, est materia oleosa, spumosa, pinguis & viscida, graveolens, superficiem aquæ, si Opium infusione, digestione vel levi coctione solvitur, petens, cujus drachmas duas, tres vel nonnunquam plus una libra Opii suppeditat (Neumann *l. c. p. 119.*). Sed omnium præcipua in Opio est volatilis & graveolens pars. Hæc quidem reliquis dictis vel majori vel minori copia adhæret, nec ab hisce compedibus dirempta seorsum servari potest: effectus tamen multiplicis in corpore animali eniergentis primariam causam continere, multis documentis evincitur. Huic adscribas, quod qui in colligendo Opio occupantur homines, luridi, marcidi & tremuli compareant (Chardin *l. c. p. 32.*), & quod vel sola translatio Opii crudi recentioris in alia vasæ mentis emotionem excitaverit, somno dimidiæ horæ dissipatam (Lorry in Vandermonde *Recueil period T. 4. p. 70.*). Hæc caloris ope sub varia encheiresi chemica undique per auras dispersa vaporibus graveolentibus sese prodit. Tam ab aqua, quam spiritu vini destillatione abripitur, ita ut utrumque liquidum Opii crudi vires exerceat. Diuturniori ejus coctione, per diem ultraque protracta, avolat, ita ut & decrementum ad libram definiri possit, prout assieverante Büchnero (in *Diss. de genuinis Opii effectibus, resp. Schwarz §. 36.*) uncia dimidia extracti aquosæ per triginta sex horas costa grana duodecim perdidit, & vires fere omnino sufflaminentur. Idque contingit, sive spirituosum extractum, quod alias altero efficacius est, sive aquosum, longiori coctione torqueas. Torrefaciendo Opium super lamina ferrea pariter sensim sua efficacia privatur (*Cfr. Tralles de Opio Sect. 1. cap. 3. p. 149. lgg.*). Aetate odor debilior fit visque simul minuitur (Alston *l. c. p. 146.*). Nec posset effectus Opii in corpore animali tam celer esse, nec tantus ab exigua mole, nec defervere effectus diu ante, quam pilula opiate evomeretur, nisi dependeret a particulis sub-

subtilissimis, quæ vim longe prius exerceant, quam Opium solutum massæ sanguineæ lese insinuare possit.

Quænam Opii ulus in praxi medica habuerit initia, quos progressus, cil. Le Clerc (*Hist. de la Medicine* p. 210 sg.), Alfon (l. c. inde a p. 124.) & Tralles (l. c. inde a p. 14) ex optimis fontibus & proprio judicio egregie exposuerunt, & überius, quam heic loci fieri possit. Contractiorem tamen historiam hic legere non pigebit. Utrum Græcis an Ägyptiis gloria primum cognitæ virtutis illius soporiferæ debeatur, difficile est ad definiendum. Probabile autem Græcis deberi, & Hippocratis ævo vel non multo ante fuisse detectam. Ipse tamen, si Opium noverit, adhibuisse illud vix videtur. Evidens etiam est, nomine *μίκον*, eum subinde purgantem plantam intellexisse, quæ, quantum apparet, Peplus, Euphorbiæ species, est, & vocem *μίκον* in aliud quoque somniferum quadrare. Certe iis in casibus, quibus jam Opium adhucetur, non in usum ab eo tractum est, ut in doloribus, spasmis, profluviis consopiendis. Diagoras, contemporaneus fere Hippocratis, novit visum obnubilare & somnatum ciere, indeque repudiandi illud argumentum cepit. Secta autem empirica de frequentiori usu medico bene meruit. Ita Serapio saepè usurpavit catapotia ex Opio & Hyoscymo. Et post eum demum Heraclides Tarentinus, qui variis utebatur remediis, quæ Opium comprehendebant. Dein post empiricorum tempora, quum medicina Græcorum Romam migraret, Opium iterum neglegitum est, nec in merito pretio habitum. Celsus nonnisi summa necessitate anodynî uti suadet. Post hunc Dioscorides & Galenus ejus in scriptis suis crebro meminerunt. Posterior tamen timidus in eo exhibendo fuit, & Aëtius, Trallianus, Paullus aliique Græci rarissime Opium commendarunt. — Attamen antiquissima quedam composita existant, quæ Opium continent, ut Philonium, cuius inventor Philo est, cui Galenus inter antidota primas tribuit; Mithridatum Damocratis, multis a Plinio laudibus condecoratum; Theriaca Adromachi, Archiatri Neronis; item Massa pilularum de Cynoglossa, quæ Trallianum auctorem habet. Quum dein iensim medicina una cum bonis litteris ad occasum vergeret, resuscitarunt iterum Arabes, & inter hosce Rhases, Avicenna, Avenzoar rel. meritam Opii existimationem.

Inter Europæos medicos, vacillante adhuc erga illud fiducia, Theophrastus Paracelsus & verbis & felici artis exercitio illud commendavit. Dignior omnino imitatione & efficacior ejus præco fuit Platerus. Quæ inter Helvetos parta gloria ad Halleri & Tissoti usque tempora permanxit. Apud Belgas Sylvius ab Helmontio, præceptore suo vel amore in

Opium initiatum, tantum illi tribuit, ut cavillatores inde doctorem opiatum eum vocitarent, nec forsitan omni injuria. Magis ideo profecit subsequuo tempore Boerhaavii moderatio, nec theoriarum fallaciis superstructa laudatio, cui subscrispsit Swietenii, Haenii totque aliorum, qui ex ejus schola egressi sunt, auctoritas. In Germania post Horstium, Sennerti, Wedelii, Ludovici, Ettmüllerri, Bohnii, Ft. Hoffmanni, Heisteri, Werlhoffi, Trallesii rel. multorum nomina scriptaque illud ornarunt. Horumque virtute pro-
visum est, ne quid damni ex Stahlii ejusque associæ Junckeri de Opio vituperiis praxi medicæ accederet. Nec potuit non ab Anglis, efficaciori medicina in universum delectantibus, celebrari, inter quos Sydenhamus Laudano suo liquido præ-
cipue fuis, præcedat, sed nominandi & Mortonius, Iones, Freindius, Meadius, Youngius, Pringleus, Whyttius, Lin-
dius rel. tanquam celebriores Opii fautores; simulque fa-
tendum est Anglorum experientia, multas Opii virtutes an-
tea ignotas in nostram cognitionem primum pervenisse, ut in sequentibus abunde declarabitur. Ex Gallica gente Hol-
lerii, Fernelii, Riverii, Rondeletti, item Hecqueti, mo-
do ejus audacia fidem non minuisset, Lorryi nomina hujus
loci sunt. Quid vero inter Svecos medicus solidior quivis
de Opio sentiat, propriam mentem interpretans, ill. A.
Rosenstein (*Om Barnsjukdomar*, item *Hus-och Reseapote-
que*) indicat.

Variant mirifice eventus experimentorum cum sanguine, cui Opium adjectum, factorum. In quibusdam Opio aqua soluto attenuatus & fluidior sanguis apparuit (Schwencke *Hæmatol.* p. 188.). Animalia, quibus per venam Opium sicut injectum, in hisce quoque visus est tenuis & rutilus (Freind *Emmenol.* in *Oper.* T. 1. p. 117. sq.). Alstonus e contrario coagulari eo potius & spissari sanguinem arbitra-
tur. Lac, cui affusa erat Opii solutio aquosa, post aliquot dies grumosam partem dejicit, cremorem in superficie ha-
buit, serum autem in medio. Sanguinis serum crassius, al-
bidum & nonnihil coagulatum evasit. Sanguis vero ipse
mox albidum coagulum in fundum demisit, supernatans pars
tenacior potius quam fluidior apparuit. Huc & in sententiaz
suæ patrocinium trahit coagula sanguinis circa cor in ca-
daveribus animantium Opio enectorum (*Med. Essays* 1. c.
p. 160. sq.) prout & concreti sanguinis grumus ex finu lon-
gitudinali canis extractus (*Mead de venenis Oper. Gott.* T. 2.
p. 190.). Quæcunque vero ab Opio in sanguinis crassi alte-
ratio incidat: non apte satis, arbitror, mutationes in quie-
sciente vel necati copia Opii animalis sanguine obvias ap-
plicari ad sanguinem animalis vel hominis vivi, largius etsi
Opium ingerentis. Etenim animalia per plures hebdomades
admir-

administra larga copia Opii nutrita, nihil in consistentia sanguinis alieni habuere, & foemina post multorum annorum spatium, quo Tincturam Thebaicam abundanter ceperat, vena secta sanguinem sanissimo similem prodidit (Lettom's med. Memoirs p. 124. sq.). --- Carni additum eam contra putredinem munit, imo longe efficacius quam sal marinum (Pringle Dif. of the army, App. Experim. 10. n. 2.) sed debilius, quam cortex Peruvianus (Essay sur la Furefaction p. 390 sq. 447. sq.). Utne vero inde colligas, in corpore humano vivo idem contingere, mentio facienda est cadaveris juvenis, quod, ex drachma una Opii ingesta, paullo post mortem tumoribus lividis artuum, corruptela omnium liquidorum & intolerabili foetore, putredinem enatum manifestavat (Mem. de l' Ac. R. d. sc. apud Tralles, l. c. Sect. 2. p. 182.).

In brutis, si quod ullum aliud remedium, hoc certe cereberrima experimenta subiit, quorum praesertim illa Alstoni (Med. Essays Vol. 5. p. 152. sqq. Art. 7.) Whyttii (Works p. 307. sqq.), Alex. Monroi jun. (Essays & Observ. phys. and liter. T. 3. p. 297. sq.), Lorryi (in Vanderm. Recueil. period. T. 4. p. 68. sq.), Sprögelii (Diss. exper. circa venena p. 28. sqq. Wirtensohnii (Diss. Opium vires fibrarum cordis debilitare etc. p. 11. sqq.), Bassiani Carminati (de animalium ex mephitibus & noxiis balitibus interitu p. 132. sqq. 1777.) memoranda. Nec negandum, multas inde veritates, quoad partem valde ingeniose de ejus natura noviter erutas, alias in exercitio artis etiam obvias magis fuisse confirmatas. Constat inde quinam effectus ex nimia dosi sese efferant, quos non nisi infortunio apud homines observare datur; quodnam præparati genus alterum efficacia supereret; deleri nervorum sensitatem, motusque in musculis potestatem, five ingeneratur per eos Opium, five per anum vel vulnus in cavum aliquod corporis immittatur, five extrinsecus fluida forma applicetur. Constat Opio dato copiam bilis præter modum augeri, secundum experimentum cl. Kaavw Boerhaave (Impet. fac. diel. Hipp. §. 434.) in cane, in cuius duodeno multa bilis postea inventa, turgente simul bile vesicula fellea & ductu choledocco, & secundum experimenta cl. Cotunnii (de Isth. nervosa § 43.), in coturnicib s. Canes vero majorem longe quantitatem Opii ferunt, quam alia animalia, antequam afficiantur, quin variis etsi symptomatibus gravioribus correpti, mortis tamen subinde periculum eluctantur (Hall. Flem. Physiol. T. 5. p. 609. item Lorry l. c. p. 77.). Alia experimenta subtiliora quedam argumenta extricanda pro scopo habuerunt, quorum questio pertinet, utrum Opium nervis unice & quomodo vim suam imprimat, an & intrando sanguinis massam operetur, porro ut potentia Opii

in viribus cordis definiatur. Qui sensum, prout Opium obtundit, ita & cordis vim frangere, ex ictuum ejus paucitate vel debili sive deleta contractione colligunt, ut ill, Whytt, provocant præcipue ad ranas, quarum cordi intra apertum thoracem adhuc relicto circumfuderunt Opium solutum, vel per apertam in vicinia ejus venam illas immiserunt (ut Alex Monro *l.c. Exp.* i3. p. 330.), vel per dissequam abdomen Opium applicarunt. Sed scitissime & verisimile regessit magnus Hallerus (*Elem. Physiol.* T. 5. p. 609. item in *Comment. nov. Götting.* T. 7. p. 3.), difficilium esse, portionem debilitationis animalculi distinguere, quæ Opio debetur, ab ea portione, quæ violentiæ vulneris, alioquin funesti futuri, debetur. Pugnant, contra Whyttiana experimenta, ista cl. Carminati (*l.c. Lib.* 3. p. 139, lgg.) in ranis, quibus per os Opium intratum fuit. Nam in hitce, dum adhuc viverent, incisis cordis motus æquabilior & fortior fuit, quam unquam iisdem illæsis, & tam in ranis quam in aliis quibusdam animalibus motus cordis continuavit, quum musculi & intestina jam dudum motus potestate orbata existerent. Hæcce optime convenient cum præviis ill. Halleri observationibus (in *Comment. Götting.* T. 2. p. 147. item *Element. Physiol. l.c.*), & novum fulcrum ejus sententiae subdunt, quod Opium, dum sensum nervorum debilitat, una simulque cordis motum excitet.

Quanta sit vis consuetudinis in naturæ legibus evertendis, vix alio exemplo manifestius redditur, quam Opio. Hoc enim Persis, Arabibus aliquique Afriæ populis, uti & Africæ, præcipue iis, quos Mahumedis religio tenet, vini usum interdicens, in quotidianum delicium cedit. A magnitudine capitis acus incipientes sensim ascendunt dosi, donec portionem pisu magnitudinis ferant (*Chardin Voyages* T. 4. p. 203.). Sunt tamen inter orientales gentes, qui drachmam integrum (*Belon Observ.* p. 404. *Kaempf Amoen. exot.* p. 644), imo tres (*Alpin Mel. Aegypt.* p. 255.) impuneingerunt. Maxima quantitas memoriarum prodita est stupenda ista drachmarum decem majorque, quam homo quidam singularis diebus ingesit, (*Garcias Ab Horto l.c. p. 22.*) Mora aliqua post (horam significat Chardin *l.c. Vol.* 4. p. 204.) captum Opium, hi ipsi hilaritatis sensu afficiuntur gratissimo, ad omnia munia aptiores se existimant, quidam inebriati in rugas & petulantiam erumpunt, imagines gratas varias observantes oculis mente concipiunt, omnem mortis timorem deponunt, ferociores ad pugnas subeundas evadunt, nec minori impetu ad veneris castra sequenda pelluntur. Deservescit autem intra quatuor vel quinque horas hæc virtus (*Chardin l.c.*) citius serius pro copia ingesta, hancque excipit langor, morositas, fastidium omnium,

somnolentia, donec redeant ad pristinum suum delicium. Quod successu temporis res tantæ necessitatis fit, ut Opii defectus ipsam adeo mortem post se traxerit (Hasselquist's *Resa p. 183. sq.*) Ex largiori tamen diuque continuato Opii uero multa mala enascuntur, emaciatur corpus, vires conteruntur, taciturni, tristes, stupidi, somnolenti sedent, nec vix in publicum locum prodire audent, nisi viribus novi Opii portione restauratis (Chardin, Kaempfer, item Kerr. in *med. Observ. and. Inquir. T. 5. p. 320.*). Moderatores tamen hodie Arabes sunt in ingerendo Opio, quam olim, ita ut cel. Niebuhr nulla abusus documenta occurrerint, an quod spiritus vini destillatio sensis magis, et si clam invaluerit (V. Ejus. *Beschreibung v. Arabien p. 57.*)? Chinensibus haud mediocrem voluptatem parit, fumum Nicotianæ Opio mistæ hauirire (Kerr. l. c. p. 321.).

Inter ista igitur consuetudinis blandimenta, narcotica tamen Opili natura vim valetudini inferens satis superque elucent. Hisce si addis, inassuetis exigua adeo dosi nocere posse, majori necem inferre: venenis annumerare illud licet, tanto magis timendum, quum sub specie salutaris effectus lento damno infestum sit (*Young Treatise on Opium Pref. p. 6.*). Delit tamen nostro præprimis ævo veneni nomen terribile esse, & multa, quæ deleteria olim habita, hodie tanquam dona pretiosissima in vindicias sanitatis divinitus data veneramur. Horum e numero omnino Opium est, modo in conditionum dijudicatione non hallucinemur. Nec nimium est Sydenhami (*Oper. p. 186.*) de Opio judicium, sine illo in hominis periti manu mancam esse & claudicare medicinam, quum pluribus malis debellandis par sit, quam quis ab uno remedio facile speravit.

Ad vires Opii in numerosis ipsis & gravissimis morbis intelligendas & novas contra alia mala explorandas, effectus ejusdem generales præmittere quam maxime juvat. Hi, utut multiplices, duplicum tamen Opii potentiam spectant, alteram, qua stimulum exercet, alteram, qua sensum obtundit, motusque fibrarum pacat. Præcedit illa plerumque hanc posterius dictam. Attamen pro natura morbi, & pro diversa Opii dosi, altera virtus præ altera magis sese effert. Rationes horum assertorum ex sequentibus satis elucidecent. Duplex ista Opii facultas aniam olim litigandi præbuit, an Opium frigus corpori afferret, ut Galenus sentit, an contra, ut Helmontius & secta chemica voluerunt, naturæ eset calidæ. A qua controversia non multum differt recentius ista mota, an ne Opium, prout nervi sensum obtundit, ita & sanguinis motum frangeret, an e contrario ab Opio sanguinis motus concitaretur. Utramque sententiam conciliari posse experientia in hominibus, iisque

& gro-

ægrotis capta, arbitrator, quæ omnino plus pondēris habet, quam scrutinia in ranis aliisque animalibus instituta, unde & hæcce separatim significavi. Eadem duplex vis, suapte natura diversa, aliis stirpibus quibusdam inest, quæ acre virus cum stupefaciente conjunctum habent, ut Cicutæ virosæ (Vid. Appar. medic. T. 1. p. 177. sq.), Belladonnæ (l. c. p. 279. sq.), Stramonio (l. c. p. 299. sq.), licet omnino quædam Opio competant, ab hisce & affinibus diversa. Ad utrumque effectuum genus seorsum cognoscendum aptissima mihi videtur, inter aroma quoddam fortius vel vinum & plumbum, comparatio.

Cordis motum Opio incitari & consequenter circuitum sanguinis eodem, cum fortiori impulsu, accelerari, ex sapore acri calido conjicere jam datur, luculentius vero arteriarum ictibus velocioribus & durioribus & amplioribus, & sequelis inde oriundis, cognoscitur. Quum pulsuum frequentia observationibus in hominibus aestimari facile posse videatur, dolendum maxime, quod hæc ipsæ tantopere inter se se dissentient. In homine scilicet ex nimia Opii dosi convulso pulsus una cum respiratione valde latus fuit. (Mu-zell's Wahrnehm. P. 2. p. 131.). Quidam (Sam. Bard in Diss. de viribus Opii, Edinb. 1765. V. censura in Göt. Anz. 1769. p. 1367. &c cel. Tode med. chir. Bibl. T. 4. p. 247.) ex sequialtero Opii grano ingestu arteriæ ictus a 71. post horam unam ad 69. & post horas quatuor ad 57. in minuto temporis primo decreuisse in se notavit, & alio tempore a 70. ad 62. Similis fuit eventus in amicis auctoris, qui eadem experimenta subierunt; quorum tamen unus Opio vesperi sumto mane 30 ictibus auctam fuisse celeritatem arteriarum intra minutum pr. observavit. Non capio igitur, quo jure alius (Wirtensohn Diss. cit.), licet in semperioso & amico granum unum Opii pulsus 76 & 71 post minuta pr. novem ad 86 vel 84 attolleret, vel in ranis, quarum cor relictum in suo cum nervis & vasis nexu, hoc ipsum Opio velocius se moxaret, fibras cordis debilitari Opio concludat. Addo unice exemplum summi Halleri (Comment. Gott. nov. T. 7. p. 13.) qui, postquam ob longum & dolorosum morbum Laudanum liquidum larga quantitate in elysmate injici sibi curasset, pulsuum 75 vel 80 numerum (is enim manu fuit), binis post applicationem horis ad 86, & plures a pastu, imo si constipata esset alvus, ad 100 ascendere sensit. In hisce porro, quorum pulsus per excretiones nimias valdopere torpuit, fortiorum illum & celeriore ex Opio se animadvertisse semper, alius vir gravis testatur (Tralles l. c. Sect. 1. p. 64.). Ob hanc vires vitales servandi & augendi potestatem ad efficacissima cardiaca, tam ab eo (l. c. & Ejusd. Disquisitio de vi Opii cardiaca 1771.) quam aliis

multis refertur. --- Quod vero tot alii languescere numero & vi cordis motus statuant, vel inde provenit, quod palparent arteriam, quum jam defervisset cordis impetus, huncque solitus ejusdem languor exceperisset, qui ipse tanto intensior sit necesse est, quo major copia Opii antea corpus intraverit; vel & quod Opium appropinquante morte datum fuerit, quo stadio sponte sua pulsus rarus debilisque existit; unde & pulsus debilior ab Opio sumto mortis signum habatum (Waldschmidt invent. circa Opium). Manifestum autem est una cum velocitate pulsum arteriam magis ab Opio expandi (Bourdeu in *Recherches sur le Pouls* T. 2. Ed. 2. p. 107. sqq.).

Citior hicce sanguinis circuitus non potest non caloris augmentum creare. Idque vere contingere & sensu caloris, quem ipsi homines indicant, & siccitate linguæ fauiciumque siti & saturatori emissi lotii colore, extra dubium ponitur. Calore rarefit sanguis, saltim dum adhuc ille perdurat, unde turgescunt vasa. Ab utraque causa rubedo & intumescentia enascitur faciei, gravitas capitis, vertigo, tinnitus aurium, & accumulatio sanguinis in cerebro, ut in enectis Opio observatur. Et utrique junctim tribuas celeiorem simulque difficiliorem respirationem. Fuit tamen cassus, in quo Opio licet largius ingestu, respiratio non labefactata apparuit (Lettom's *medical Memoirs* p. 150.). Gentes orientales ad exhilarandum animum & conciliandam sibi audaciam ingerere solent Opium supra indicatum: sed pari successu ægris exhibetur, ut tranquilla & hilaris redatur mens; unde & quidam, timoris abjiciendi causa, ante encheires chirurgicas difficiliores, Opii usum commendant. Majori vero copia ineberiat Opium, imo deliria vel insaniam parit. Alius accelerati sanguinis rursus effectus est excitatus vel auctus ad venereum stimulus cum tentigine, qui qui tantus est, ut nec senes ab hisce deliciis alienissimi (Hall. in *Comment. Gött. nov. I. c. p. 16.*) excludantur, & erekcio penis etiam in trucidatis militibus Turcis post prælia persistiter (Eph. N. C. Dec. 1. Ann. 2. Obs. 69. p. 127.), & noctu pollutiones sub imaginibus lascivis insequitæ (Tralles I. c. Sæt. 1. p. 131.). Nimia contra dosis ad venereum exercitium ineptos viros reddit (Garcias Ab Horto I. c. p. 22. Stalpart Van D. Wiel. *Observ. Cent.* 2. n. 41. a drachma dimidia Opii).

Mirum sane, quod idem remedium, quod viribus vitalibus tantum calcar subdit, nervorum tamen sensum & irritabilem fibrarum muscularium vim infringere quin subflammare posit, & quod saepè uno eodemque tempore uterque effectus fese exierat. Imminutio vel jactura sensus fese extendit ad universum nervorum imperium, ita ut tactus,

visus, olfactus inde sublati exempla legantur. Animalia quibus Opium uberioris intruditur vel in venas transfunditur, sensu eousque orbantur, ut partes discindi possint, lacera-ri, alias valde sensiles, absque ulla doloris significacione (V. Sprögel *Exper. circa venena* §. 20.). In solatium vero sumnum experiuntur hanc virtutem in morbis, qui dolorum tormentis afflicti sunt. — Quod irritabilis musculo-rum natura labem ex Opio contrahat, patet ex abolito ven-triculi & intestinorum motu peristaltico apud animalia (ut etiam expertus est cl. Io. Viventius in Hall. *Epist. Vol. 5. p. 75.*), ex paralysi crurum, vel tremoribus, quibus ista affi-ciuntur (V. e. gr. experimenta Sprögel. Whytt. Alston.), & similibus in hominibus prænomenis. Hinc ista in hisce iridis ad candelam ante oculos retentam immobilitas, flatu in ventriculo & intestinis collecti, appetitus cibi potus-que prostratio, vomitorum etiamsi fortiorum inertia, tor-por ad motum, spasmorum & convulsionum resolutio, hinc & sine dubio alvi tarditas Opio utentibus adeo molesta, & excretionum serofarum per lotii vias vel glandulas saliva-les, item muci ex naribus & larynge (Halleri *historia pro-prii morbi in Comm. Gott. nov.*) cohibitio. Tanto vegetius autem diaphoresis vel sudoris eruptio succedit etiam a par-vis dosibus, (sive hoc contingat a paralytica cutis relaxa-tione, sive ab impulsu cordis nimio) ita, ut & sæpe sudor Opium redoleat (ut in Hallerio) & pruritus cutis cum exanthemate comitem se adjungat. Non minus vero vis se-dativa Opii cerebrum ipsum petit, quam altera stimulans, ut ad effectus consuetos somnis inséquens sit referendus, qui tamen sæpe insomniis mox gratis mox terrificis turba-tur, & ex justo majori dosi vel frequentioribus præbiis fa-cile in soporem degenerat, quin in apoplectican mortem in convulsionum sodalitio. Addi debet languor iste, displi-centia rerum circumstantium, & somnolentia, quæ solet incidere, postquam Opii vis deferuit (quod in Hallero post horam circiter 26. accidit; *Comment. Gott. nov. l. c. p. 12.*) & fatuitas ista, stupor, tristitia, memoriæ labes, in quam orientales gentes protractiori & copioso Opii usu sensim transeunt, haud sine præmatura morte. Hæc omnia obser-vationibus & experimentis indubio creberrime factis nitun-tur, quæ vero ad singula quævis momenta citare, ne aida agerem, neglexi, quum in plerisque hujus rei momentis satisfecerit ill. Trallesii de Opio *Sect. 1. inde a p. 56.*) & ill. Halleri (*Element. Phys. T. 5. p. 606. sq.*) tollertia.

Et multi horum effectuum fæse exierunt non solum Opio per os ingesto, sed eodem cuti admoto (Lorry in *Recueil périod. i 756. p. 74.*), prout emplastrum opiatum largum tem-poribus applicatum furorem spasmosque cris creavit, (Cfr.

Mon-

Monro jun. in *Essays & Obs. phys. & lit. vol. 3.* p. 297. (q.), vel Opio apud animalia in abdomen sive tellam cellulosa, (Lorry, Monro) vel venam apertam injecto, item eodem naribus intruso, vel fumi instar cum Nicotiana hausto (V. supra p. 123.), item in clysmate (Experimenta Whyttii & Monroi n. 3. 4. in ramis, Lorryi l.c. p. 77. in cane), quo adminiculo in praxi medica non raro corpus humani intrat. Velocius tamen & efficacius effectum suum eadem dosi Opium interne sumtum praestat, quam extrinsecus cuti applicatum (Monro l.c. p. 306.). Nec reticendum, Opium nervo immediate admotum sensu eum non privare (Monro l.c. p. 327, Exper. 12. sq.), quin adeo, de quo infra pluribus, dolorem augere. Contra ea musculo admotum irritabilem vim ejus paullo post destruit (Monro l.c. Exper. 6. p. 309.).

Multa omnino momenta sunt, in quibus Opium cum vi-
no aliisve spirituosis conveniat. Boerhaavius (*Hist. plant. p.*
362.) ideo eadem illud exigua dosi, quod hoc magna effi-
cere sibi persuasit. Huicque analogae etiam subscripserunt
Hallerus, Alstonus, Trallesius, Ludwigius (*Advers. med.*
præt. vol. 1. P. 3. p. 510. sq.) pluresque alii. Vinum pariter
mentem exhilarat, sanguinis motum accelerat, calorem cor-
poris auget, vasa expandit, ad venerem sollicitat, sudorem
pellit, ultra modum ingestum inebriat, deliria, somnolentia,
soporem, stupiditatem, artuum languorem parit,
quoniam apoplexiā post se trahit. Eadem jactura virium ven-
triculi & reliqui corporis, efficacia vini discussa, superstes
est, & eadem bibonibus ad redintegrandas vires redeundū
ad pristinum suum solatium necessitas. Nec Opii defectum
in gentibus illo abutentibus aliud æque apte ac vinum
(Acosta *Droghe medicinali* p. 317.), vel quod adhuc praestat
vinum aromate stimulatum (Alpin. l.c. p. 256.) supplet. ---
Nihilominus vereor, ne isti inter Opium & spirituosis co-
gnationi justo plus tributum fuerit. Nam non appetet ex
spirituosis ista excretiones varias suppressimē efficacia, &
licet omnino in pedibus reliquisque partibus musculosis ali-
quid paralytici sese ex spirituosis nimium potis manifestet,
dubito tamen, an vere irritabili sua natura iisdem priven-
tur, donec experimenta id edoceant. Nec haec, salva men-
te, doloris sensum, instar Opii, sedare queunt. Recensetur
& maniaci exemplum, per Opii usum in summum furorem
delapsi, cui contra ea vinum quietem conciliavit (Lorryi
in *Rec. period. l.c. p. 73.*).

Haud ignobilis quæstio est, Opium vim suam unice ex-
serat extrema nervorum ejus, cui applicatur, loci deinde
per communionem ipsum cerebrum afficiendo, an potius
non nisi vel integre vel quoad partem in sanguinem resor-
ptum

ptum humoribusque mistum virtutem præstet. Celeritas effectus & exigua, qua hunc exhibit, dosis prius videtur extra dubium ponere; nam subinde pilula Opii post plures horas, dum jam voto satisfecerit, vomitu nondum soluta excutitur, absque decremento ponderis notabili; prout in cane drachma dimidia in pilulam formata post somnum sex horarum vix grani jacturam fecerat, quod incisione sopiti animalis constitit (Kaav Boerhaave *imper. fac.* p 407.). Et novimus, colluvie in primis viis stabulante, cephalalgiam dirissimam, deliria, furorem, somnolentiam rel. haud raro enasci, quæ vero mala somite per vomitorium ejecto mox disparent. Experimentis ingeniosis rem evincere voluit Whyttius (*Works* p. 310. *Sq.*); nempe evulso ranis corde & que cito vidit sensus motusque facultatem ex Opio periire, ac eo relicto, abscisso contra iis capite & medulla spinali destructa, languidius Opii duplarem istam vim contingere. Contrarius vero eventus in corde evulso obtigit Monroe (*I.c.* p 321.), ita ut separato corde impressionem Opii etiam in nervos difficiliorum reddi cognosceret. Quod in venas ejusdem infusione eadem phænomena emergant, ac alia applicatione, a contactu nervorum, quorum extrema in cavis vasorum reperiuntur, repetendum esse videtur. Ita poterant convulsiones in parte enasci, et si hujus nervi vel in origine vel progressu suo discissi fuerant, sola Opii translatione in sanguinem (Monro *I.c.* *Exp.* 14. p. 334.). Laqueorum nervorum circa arterias constringione explosa istorum in hasce imperium tenebris spissis offunditur: nihil tamen prohibit, quin & pars Opii, utpote acris & halitus edentis corporis, largius ingesti vel applicati ab ostiis vasorum inhalantium resorbeatur, & vel vasorum sanguiferorum nervos afficiendo mutationes in primo contractus loco factas ulterius hic imprimit, vel ad cor cum sanguine delatum hoc ipsum immediate stimulet, item crasin sanguinis mutet, & in ultima adeo ejus colatoria pertingat. Certe resolutio sanguinis putrida in cadavere hominis nimia Opii copia enecti (V. supra p. 121.) & odor sudoris viscus, item lotii (Ione's *Mysteries of Opium* cap. 12. p. 93. *Sq.*) probant, Opium per os ingestum non unice inter primas vias coerceri.

Subsunt vero subinde quædam corporis conditiones, quæ salutiferum alias Opium in timendum venenum vertunt. Si ingeritur pleno ventre, nauseam initio creat, quæ pergit, donec una cum contentis ventriculi vomitu excutiatur. Necet, si primæ viæ sordibus scatent, ut quas retinet, unde acrimonia sua irritant & febrem vel accedunt, vel augent (Young on *Opium* p. 35.). Liquet inde, quantum officiat, ingestio emetico vel purgante acri motus effrænos Opio so-

pire velle. Abesse etiam debet plenaria ob stimulantem causa lidamque Opii naturam. Eaque de causa cayere ab eo in inflammatoris morbis plerique practici cautiores nervosè injungunt (e. g. L. B. Van Swieten *Comment.* T. I. p. 372. Young on *Opium* p. 140. sq. Tralles *de Opio* Sect. 2. p. 80.): laxari vero & posse & debere hanc admonitionem sub quibusdam conditionibus infra docebitur. In debilitate praeterea systematis nervosi nimis provide est usurpandum; unde in jactura virium post exinanitionem vasorum insigne prægressam, v. c. haemorrhagiam (Ludwig *Advers.* Vol. I. Sect. 3. p. 516.) non confert. Dissuadet etiam Opium excretio quædam critica ingruens, ut diarrhoea critica, ptyalismus vel diurefis. Quoniam inluper Opium alvum stringit, eo continuato clysmatibus vel catharticis opus est, ut hæc aperta servetur.

Jam ad varios istos morbos transeundum, quibus auxilium Opium affert. In hilice nominatim virtutis ejus somnum inducendi, dolores mitigandi, spasmos delendi, & excretiones omnes nimias, præter sudorem, sistendi ratio habenda est. Latus igitur tam acutorum quam chronicorum morborum patet campus, in quibus ob horum vitiorum aliquod Opii exhibendi necessitas subsistit.

In febribus acutis continuis generatim, utrum Opium conferat, an noceat, constitui non potest, quum sua natura multis modis differant, item pro stadiorum diversitate effectus non variare non possit. Provide tamen & circumspecto in hisce omnibus adhibere, & ratio & experientia nos iubet. Veteres usum Opii ad chronicos unice morbos restrinxerunt. Sed a recentioribus sæculo potissimum superiori usurpari coepit, nascente malignitatis in morbis idea, quod viatum alexipharmacis & bezoardicis subigere & eliminare conati sunt, in quorum miscela temper fere Opium delituit. Alii effervescientiam, quam sibi in febribus finixerunt, compescere eodem studuerunt (V. Tralles l. c. Sect. 2. p. 173. sqq.). Meum non sit, horum caulas agere, ut qui refrigerantis & motus febries sedantis virtutis opinione, quam perperam de Opio sibi conceperunt, occæscati fuerunt, vel sudoriferæ ejusdem vi nimium dederunt. Præter rem in hisce datum non potest non, accelerando circuitum sanguinis eumque una cum vasis expandendo, effrænos, qui sponte jam adflunt, motus augere, & stagnationes tam novo impulsu quam exsiccantæ sua & liquida per sudores abliguriente potentia gignere, jamque natas magis compingere. Ita coctiones, crisesque turbantur, symptomata bene multa intenduntur, exanthemata varia, petechialia, erysipelacea, phlegmonica pullulant. In putridis & biliofis febrius nocet tanto certius, quam corruptelam humorum augeat, & eva-

uationes requisitas per alvum sistat. Febris nervosa ob vi-
ri m dispendium non facile Opium admittit, & exigua hu-
jus dosis in ista sedativam suam vim jam declarat (Huxham
Oper. Ed. Reich. T. 2. p. 84.).

Pervigilia, dolores & excretiones nimiæ vulgatissima in febribus symptomata sunt, quarum de causa hodie ad Opium configitur. Sed cum tot aliis & ipse pluries expertus sum, in pervigiliis diu protractis sæpiissime nos scopo excidere, & vel nullum somnum vel somniis turbatum vigiliisque interpellatum, quin majorem lassitudinem postea reliquentem, esse insequutum. --- Par doloris febrilis est ratio, increscit hic sæpe Opio dato, cessat vero causa febris ipsa sublata. In hominibus ramen sensili & irritabili nimium corpore instructis, ut hypocondriacis & hystericis, in quibus sæpe spasticis stricturis hæc duo mala originem suam tribuunt, remissius de noxa Opii sentiendum, non neglectis tamen venæ sectione & evacuantibus præviis. --- Indigent etiam subinde alvi dejectiones, ante tempus criseos absque fomite primarum incidentes eodem auxilio, ne pervertatur decursus febris, vires sufflamentur, vel exanthema, quod crisin constituit, cohibeatur, vel retrahatur. --- Instar catdaci sæpius profuit versus vigorem febris, quando vires diu turnitate febris, pervigiliis, doloribus, excretionibus copiosis consumtae valde fuerunt (Young *I.c. p. 162.*).

De administratione Opii in inflammatoriis febribus separati hic agere convenit, idque vel ideo, quod novissimo tempore pristina ejus commendatio aucto strepitu resonet. Officere in inflammationibus internis plures fama & experientia conspicui viri nobis reliquerunt (*e. c. V. Swieten Comment. T. 1. p. 372. Young on Opium p. 140. sq. Tralles de Opio Scđ. 2. p. 80.*). Argumenta vituperationis desumpta sunt a damno ex motu sanguinis Opio accelerato, stateos augmento, sudoris intempestiva excitatione, morbi ex somno quin naturali exasperatione, & pergente causa inflammationis destruendi yi, etiam si dolor, contra quem præcipue Opium dirigitur, sopiatur. Generalis igitur normæ instar inculcat heic Anglus celebris (*Pringle Disens. of the army p. 264.*) abstinentiam ab Opio, in quod dolorum vehementia diarrhoea & inquietudo ægri juniores medicos tam facile alliciat, nec illud, nisi plurimis inflammationis signis jam sublati, capite libero & post pervigilia nimis protracta concedit. Sunt tamen, qui primum inflammationis stadium in irritamento quadam, quod doloris vehementia declaratur & ab hoc dependente spasmus valorum & agitatione præternaturali liquidorum collocant. Hunc stimulum si tempestive Opio infringas, tollas, inquiunt, alteri stadio, quod insipillatione & stagnatione liquidorum contipetur, præver-

titur. Ita Sarcone, vir alias gravis judicio & experientia (*Geschichte d. Krankh. in Neapel T. t. inde a p. 141.*), ad pleuritidem sermonem restringens; ita generatim de quavis inflammatione loquentes Remmett (*Diss. de Opii usu in morbis inflammatoriis*, recens. in *méd. Comment. of Edinb. Vol. 2. pag. 19. sqq.*), Wirtensohn (*Dissert. Opium vires fibrarum Et. p. 32.*) & novissime cl. Haale (*Diss. de usu Opii salubri & noxiō in morbis inflammatoriis Dissert. I. p. 23. Lips. 1777.*) alii. Quod ad pleuritidem speciatim attinet, praeconum Opii insignis copia exstat (V. Trilleri *Diss. de suspecta Opii ope in pleuritiide p. 4.*). Inter recentiores Huxhamus (*Oper. Ed. Reichel P. 2. p. 228. sq.*) citari meretar, qui prudenti Opii usū post largas venæ sectiones, ad extingendum stimulum doloris, qui febrem ipsam excitet, mififice favet. Haenius (*Rat. med. P. 1. p. 24.*) etiam monet, sævitiam inflammationis subinde non nisi unciis quinque vel sex Olei Lini cum grano Opii aut uncia una syrapi Diacordii datis silvisse. Cl. Sarcone (*I.c. inde a p. 151. sqq.*) de Opio laus ad eam pleuritidem nominatim spectat, cuius præcipuum symptoma dolor vehemens lancinans est, quem casu, de quo loquitur, pro causa non vero effectu inflammationis habet. Ab hoc initium morbus sumit, moxque sub respiratione difficili & valde celeri, pulsū exiguo vel molli & quasi sepulto, anxietate, sudore frigido, tuisis incidit adeo molesta, ut convulsionum metus subesset; plurima igitur affectorum nervorum & spasmorum indicia adfuerunt, quæ postea alia veræ inflammationis exceperunt. Primo isti stadio unice Opium opposuit, sed venæ sectione repetita, epithematibus externis emollientibus, item emulsionibus & potulento mucilaginoso nitroso, præmissis. Opiatorum vero vis tanto major fuit, quo maturius adhibita, unde vena intra paucas horas bis secta, mox ad Opium confugitur, cuius granum unum in uncia una aquæ solutum in tres doses dividitur, quarum una singulo trihorio ingeritur, eo levamine, ut quarta raro opus sit, nisi sub dolore nimis atroci & febre spasmus mox insequente, sub qua conditio ne ad venæ sectiones redeundum, vel cucurbitæ sive hirudines pectori applicandæ. Ita ille; sicque in ipso germine suffocari morbum posse sibi persuadet. Id quod vero summam difficultatem parit, etiamsi intelligenti & experto medico assentum renuere nolim, est, distinguere limitem inter utrumque stadium, dum ipsi Opii in hoc morbo patroni summam prudentiam requirunt, & altero stadio administrative illud temerarium judicant. Imo testantur veterani practici, fide dignissimi, se methodo Sydenhamiana & Boerhaaviana distillimas & numerosas pleuritides, ne uno qui-

Rheades.

152

dem Opii grano dato, sanasse (Tralles *l.c.* *Sect. 2.* p. 210.
Triller. *Diss. cit.* p. 36.).

Dolor spasmique, qui intestinorum inflammationem vel præcedunt vel comitantur, non admittunt modo, sed exponscunt sæpe Opium. Videtur hoc etiam motum peristalticum languescendo conferre ad finem destinatum, quum in inflammatis partibus quies maxime necessaria sit. Tutius tamen exhibetur ante inflammationem, quæ ipsa tum Opii vi sæpe avertitur, quam ea jam vere exorta. Sed & hic prudentia jubet venam prius secare, & emollientibus clysmatibus alvum probe eluere (Sydenham. p. 533. Swieten *Comm. T. 3.* p. 964. Tralles *de Op. Sect. 2.* p. 248.). Affine malum ex inflammatione intestinorum sæpe oriundum, vel successu temporis illam post se trahens, ileus, Opio pariter opus habet, tantoque magis, quum purgantia ad curationem necessaria sæpe absque hujus adjumento mox evomantur. Miscela tum utriusque opus est, donec alvus aperiatur, quibus factis alterna præbia singulorum pro necessitate exhibenda (Mead *Mon. & prac. med.* p. 64. Pringle *on the Dis. of the Army* p. 152.) vel &, quod quidam præferunt, quodlibet horum seorsum datur (Haen *Rat. med. P. 2.* p. 94. *P. 9.* p. 137. Rosenstein *Barnsjukd.* p. 256.) præmisso Opio, & paucis horis elapsis, antequam deforbuerit vis ejus, cathartico subiuncto (Sydenh. *Oper.* p. 209.). Hinc & herniæ incarcratæ, mox ab initio vel paullo post inflammationi juncæ, pereximum remedium, quæ ipsa ex causa spastica plerumque proficiunt videtur & spasmorum sodalitium habet. Hisce sopitis repositio facilior redditur, dolores vomitionesque sedantur, & inflammatione vel tollitur, vel cum metuenda grangræna avertitur, non neglectis tamen aliis solitis subsidiis (V. Swieten *Comment. T. 1.* p. 743. Tralles *l.c.* p. 265. Wirtensohn *Diss. cit. §. 6.*).

Inflammationis in vulneribus vel casu vel chirurgia inflatis ex stimulo & spasmis natales multo adhuc quam internæ inflammationis manifestiores sunt. Quæ in bellis vel inter rixas vulnera fiunt, nonnisi sub vehementiori mentis commotione recipiuntur, in operationibus chirurgicis metus de futuro eventu spasmos non obscuros generat. Plagas illatas insequuntur paullo post languor, alternum frigus calorque, mingendi frequentia, celeritas & inæqualitas pulsus; borborygmi aliaque spastica signa, dolorque, qui quo vehementior, eo & validior febris subsequuntur evadit. Atrociorem inflammationem tam in cæsis quam contusis vulneribus Opii usu potissimum arceri, & hunc venæ sectione longe efficacius auxilium præbere, Anglorum præcipue experientia compertum (Bromfield's *chirurgical Observations*

*Sions & Cases Vol. 1. p. 9. spq. Ranby on gun-shot wounds 1. &
25.).*

Non minus acriter disputatum est de Opii, quorsum & refero syrupo Diacodii & Meconii, in variolis utilitate. Multi in paregoricorum laudibus fuerunt Sydenhamus, Mortonus, Wedelius, Boerhaavius, Freindius, Huxhamus, Werlhofius, Swietenius, Haenius aliique numerosi viri, quorum haud pauci methodum variolis per antiphlogistica medendi exercuerunt, & tamen ad paregorica tanquam ad unam ex præcipuis curationis partibus conseruerunt. Suam simulque fere reliquorum Opii in hoc morbo fautorum sententiam expressit Haenius (*Rat. med. P. 2. cap. 3. p. 42. & Rat. med. contin. T. 2. inde a p. 84.*), referens (*i. proxime cit. p. 87.*), si uspiam Opii ac paregoricorum immensa laus sit, esse saltem in variolis, exhibuisse se illud æque leviori in morbo quam in graviore, æque in levissimo quam gravissimo, idque a prima eruptione ad exsiccationem usque bis nychthemero, experientia se edoctum, si ob morbi levitatem non daretur, graviora symptomata iti morbi progressu prodire, quæ dato a principio Opio rarius comparent. Variolæ, pergit, itaque si exspectatae non prodeant, fere ab uncia una vel duabus syrapi Diacodii, ab uncia una syrapi Papaveris albi, ab Opii grano se prodere in apicum solent. Si inflammationis suppurationisque statu subterfugiant, paregorico tali bis ter quaterve intra nychthemerū tempus repullulant. Si anxietudines, si peripneumoniam, si anginam minitentur, has una cum aliis auxiliis mitigant & curant. Ex quamvis horum nihil contingat, arbitratur, ad solum tamē somnum, qui ad facilem morbi tam tolerantiam, quam maturationem eximie faciat, blande conciliandum mereri laudem, sic ut non nisi damno ingenti variolosis denegetur. Atque hæc Haenius in ultima ætatis linea, quæ confirmatam maxime experientiam supponere sinit, post tot antea ab aliis expertissimis viris mota contra Opium in variolis dubia. In benignis igitur æque ac malignis variolis illud exhibuit, stadio suppurationis pariter ac reliquis, & ipsa suppurationis febre. — Paregorica in universum in hoc morbo nociva esse vel superflua qui pronunciet, in observantiam tantis hominibus debitam peccat, eodemque jure, an ulla unquam in praxi medica fides existat, dubitabitur: ast in quolibet genere variolarum & quolibet stadio & vatietae adhibere velle arrogantis est. Quotne variolosi absque Opio feliciter emerserunt! nec dubium, reliqua auxilia simul adhibita, refrænasse sœpe mala ex eodem indiscriminatim dato alias redundatura. Tantum illi tribuit Sydenhamus (*Op. p. 371.*) in confluentibus, ut æque dignum titulo specifici in hisce judicaret, ac corticem Peruvianum

in febribus intermittentibus. --- Lectu dignissimæ sunt restrictiones aliorum præstantissimorum virorum, Simsoni (in med. Essays of Edinb. T. 6. p. 579), Youngii (on Opium p. 35.), Tralleſii (de Op. Sect. 2. p. 125. sqq.) & Tiffoti (Enj. med. præst. Ed. 2. inde a p. 186.), qui omnes in febre suppuratoria nominatim infestum esse agnoscunt (Vid. speciatim de noxa ejus in hocce stadio ill. Tralles Diff. epist. de methodo medendi variolis cognita insufficiente p. 95. sqq.). Ad Rosensteinii (Barnsjukd p. 138.) mentem in hacce præstat omittere, ejusque loco Vitrioli spiritum capere, licet ille in secundo stadio, ad dolores lumborum eruptioni obstantes levandos, Opium adhibuerit (l.c. p. 137.). Non confert igitur illud porrigerere, quando febris nimis valida est, nimia vel tenuitas vel inflammatoria spissitudo humores tenet, vel cutis nimium tensa est. Nocet sæpe, quoniam somnum intempestive conciliat, ptyalismo & aliis crisiis remoram parit, cutis dolorosam tensionem & inflammationem auget, unde ne transpiratio quidem cutanea libere succedere potest, alyum constipat, quam per totum decursum morbi ritte apertam esse convenit, & in stadio præfertim suppurationis corruptelam putridam auget. --- Non defraudandum tamen sua laude in variolis sub varia conditione: dolore nempe ex pustulis nimis urgente lenimen affert temporarium (Simson. l.c. p. 584.), vix tamen in febre suppuratoria vehementiori; vires vitales debilitas vel subito subdentes, calcar subdendo necessariæ febri, erigit; variolas depressoſas crudas attollit, ad coctionem perducit, & interstitia pallida læto rubore suffundit; tumorem faciei manusque restaurat, & salivæ profluvium jaſtura virium retardatum restituit; diarrhoeam denique tempore eruptionis vel & serius viroſe incidentem, coercet (Young l.c. p. 147. Tralles de vi card. Opii p. 35. Huxham Oper. Ed. Reich. T. 2. p. 138. sq.).

In morbillis tuffis vehementia & diarrhoea intempestiva Opium interdum requirit. Tuſſime tamen in tufsi ea præmittuntur, quæ febrem mitigandi vim habent, unde non sub initium locus illi est (Young l.c. p. 155.). --- Diarrhoea symptomatica primo vel secundo stadio ingruens hic præcipue intelligitur, ut quæ vires dilapidat, morbillorum eruptionem turbat, vel retrocedere eos cogat. In hisce, quod transpirationem promovet, tanto majori commodo est. Sed & illud alui profluvium, quod critice tertio stadio erumpit, si absque levamine fit & cum dispendio virium in diuturnum degenerat, inter alia consilia Opio indiget.

Varia opia, Theriaca, Mithridatium, Philonium & serius Diaſcordium, præ ceteris autem Theriaca, tanquam potentissimum in peste remedum, inde a vetusto tempore

celebrata fuerunt. Et horum plerique in id præcipue curationis sollertia intendi voluerunt, ut miasma pestis per sudores largos ex corpore eliminaretur; nonnulli a veri specie magis abludentes ipsi virus pestiferi naturæ antidoti instar adversari crediderunt. Errant vero, qui contra miasma unice pugnant, pugnandum enim quoque contra noxas corporis, quæ, antequam hocce ingredetur, extiterunt, & novas istas vi morbi enatas, & expulso licet contagio operari pergentes. Stimulantum e genere quium sint, locum non habent, præsertim si, ut ex præjudicio solitum fuit, absque commodo vehiculo exhibentur, sanguine sponte jam exagitato & æstuante. Sæpe febris pestilens inflammatoriz naturæ est, sæpe putridum inquinamentum sub ea latet, vel in progressu morbi concitatur. In neutro casu Opium opportunum est. Largus præterea sudor nimiam virium jafluram parit, imo utut copiose prolicitus non ita evolvere & evertere miasma valet, ut ne bubones & carbunculi prodirent. Expelli vero sudoribus non potest miasma, nisi adhuc mobile, vagum, ut est in ægro, cuius solida flexilia, humores meabiles, blandi, copioi, corporis puri. Quo fine diapnoë sufficit. Opiata rite temperata hoc scop, concedi possunt. Sed & eadem commendant affectiones spasmodicæ & spirituum ataxiæ, quæ plerumque in peste sese associant (*Chenot de peste* p. 121.) & sæpe præ metu sub initium contingunt. Theriacæ parva dosis combinata antiphlogisticis insignis sæpe præstantiæ est. Ita & ad drachmæ pondus commodo vehiculo propinata prophylætico fine, prodromis morbi jam sese exserentibus, solatium afferit (*I.c.* p. 134.). Diarrœa quoque pertinacior, vires profundens opiate aliquando fibi vindicat (*I.c.* p. 155.) & si dolor lumborum nimium vexat, Theriaca emplastri instar applicata omni subinde scopo satisfacit (*I.c.* p. 175.).

In phthisi pulmonum tussim tolerabiliorem aliquando reddit Opium. Præcipuum adeo opem ab anodynis circa vesperam datis pendere declarat Swietenius (*Comm. T. 4. p. 104. sq.*), inde somnum blandum conciliari, vires refici, & mane spuma cocta sub pure bono, lenique tussi facillime educi, imo motus pulmonum effrænos pacando ad consolidationem ulceris facere. Non fudit autem apparenti solamini Youngius (*I.c. p. 92. sq.*), sed dum stimulum ulceris Opium minuit, obstrunctiones simul pulmonum augere observavit, inflammationi pabulum præbere, effectum ejusdem licet recondat, tolerabilem quidem reddere tussim, sed accumulare ejusdem causam. Hinc, quum pauperiores absque Opii usu viribus animi & corporis exhausti vita deceidunt, ditiores post inducias eodem conciliatas deliriosi moriuntur. Id tamen, dum ad diarrœam colliquativam mor-

bus jam pervenit, commodi præbet, ut aliquando fatalem horam per tempus differat, sive per os sumatur, sive clysmatis forma injiciatur, ita e. c. ut Theriacæ uncia una tribus vel quatuor unciis lactis diluta in anum feratur, id quod pro necessitate repetendum cures (Swiet. *Comm. T. 2. p. 394.*). --- Imo præcavendæ phthisi sufficere Opium post Ludovicum cl. Sal. Theoph. De Meza (in *Collect. Hafn. med. T. 2. p. 309. sqq.*) affirmat, sæpenumero se expertum; nempe ejus ope in dispositis hæmoptysi occurri, dum si tussis per quatuor hebdomades duravit, prægressis venæ sectione cathartico & diætæ observatæ rigore, pro dosi granum dimidium Opii bis de die capitur, donec tussis omnino cesset, minuendo dosin pro re nata. Redeunte tussi iterare idem remedium suadet.

Non nova res est, Opium adversus febres intermitentes usurpare. Antiquissimo adeo tempore narcoticæ variæ stirpes & præparata, quæ intrat Opium, in hisce arriserunt (V. Schulz *Diss. de intermitt. curationibus antiquis*). Seriores vero varii medici Paracelsus, Horstius, Ettmüllerus, Wedelius consultius duxerunt in solo Opio acquiescere eoque paullo ante paroxysmum vel ipso algoris stadio ingestum. Quo jure igitur illud cl. Berryat (*Mémoires présentés à l'Ac. R. d. Sc. 1755. T. 2. p. 254. sqq.*) novum remedium antifebrile nuncupet, liquet. Hic ipse Laudanum liquidum Sydenhami in dimidio vel integro vitro infusi Centaurii minoris una circiter hora ante accessionem febris propinavit, & quidem infantibus trium ad quinque annorum Laudani quinque ad sex vel octo guttas, infantibus decem vel duodecim annorum decem aut duodecim guttas, adultis autem ab octodecim ad triginta; sive valde rara repetitionis necessitas adfuit. Cl. autem Lind (*Dis. in hot Climates p. 316. sqq.*) convenientius deprehendit, semihorium post caloris initium opiatum exhibere, sive aliquot centenis auxilio fuit. Ingestum tempore apyrexiae nihil præstitit; stadio exhorrescientiæ autem datum semel modo vel bis illud levavit. Ad definito stadii caloris tempore captum breviorem & mihiorem reddit paroxysmum, & certius, ut refert, quam uncia una corticis Peruviani, caput liberat, æstum vincit, sudorem profusum excitat gratumque somnum ciet. Nunquam hydrops vel icterus hac medela usurpata febres exceptit. Eo tempore majorem solito dosin ægri tulerant, nec nocuit delirio jam orto, licet differre Opium tum consultius sit. In iis, quibus Opium non immediatum symptomatum lenimen attulit, eum tamen usum habuit, quod intermissionem plenariam efficeret, & ob sudores excitatos corticis Peruviani dein longe minori copia opus esset. Haustu quodam Opium continente usus est auctor in hisce curatio-

nibus, quem, utpote ad pharmacopœam Londinensem sp̄tantem, per partes describere prolixum nimis foret. Id quod vero miror, evacuantium præmittendorum nulla fere mentio injecta est. Aliquoties sibi Opium sub ipso caloris stadio datum successisse, mihi ill. Dalbergius (*Litt. m. Septembr. a. 1778.* Vid. liber meus *med. pract. Bibl. Vol. 3. p. 321.*) retulit, & reliquis omnibus palmam præripere ad sedandam cephalalgiam diram quibusdam epidemiis familiarem, & ad febrem ipsam tolerabiliorem reddendam, effectum præterea esse omnino securum. Secundum experientiam cl. Gregory præstigit quidem Opium ingerere calore sicco ingruente, sed scopo etiam satisfecit ante paroxysmum vel sub horrorem captum (*Ioh. Brandreth Diss. de febr. intermitt. Edinb. 1770.*). — Spastica febrium intermittentium natura & crisis harum solita per sudorem, quin suscepta saepe per sola sudorifera curatio, facile ad Opium tentandum invitare poterat. Nec caruisse successu ex dictis patet, etiam tum, quum tempus illud dandi theoriæ vulgari non satis accommodatum esset. Non in qualibet tamen febre intermitte sudorifera admitti possunt, nam saepe manifeste illa nocent, jugulatur quidem inde febris, sed obstructions generantur vel aluntur, quas abigere studuimus, & saepe haec febres inde in continuas, inflammatorias, irregulares, malignas commutantur. Sunt & haud pauci, qui frustra iis usu sunt. Idem de promiscua Opii administratione valere, aduersa quædam experimenta testantur, præprimis si sub ipso paroxysmo oblatum fuerit. Quod nominatim ad cl. Berryat methodum attinet, inter multos ægros, quibus illam adhibuit, duos modo affirmat ill. A Störck (*Ann. med. t. p. 77. sq.*) post profundum somnum a febre fuisse libera-tos, dein vero mansisse debiles, stupidos & appetitu orhos, in unico ægro paroxysmos mitigasse, non vero febrem integrum fugasse, reliquis omnibus temulentiam induxisse, paroxysmos prolongasse, & alvum constipasse. — Ut vero commoda Opii in hisce febribus una complectar, sic habeto. Cunducit illud, quando febris ex pathemate animi, ut terrore vel nausea nata (*Tralles de Opio Sect. 2. p. 70.*). Compescit nervosos varios affectus sub ipso paroxysmo oriundos; item tollit febres mere nervosas, quales apud hystericos & hypochondriacos, doloribus colicis, pleuriticis, clavo hysterico, asthmate, cordis palpitatione &c. sese manifestant, ante paroxysmum ingestum (*Störch l.c. p. 78.*). Alibi & significavi (*Appar. med. T. 1.*), quam egregiam vim habeat cortice Peruviano mixtum, ad compescendum vomitum vel alvi profluvium, si præter confuetudinem incidunt & beneficium corticis frustrantur. Denique sudorem pellen-do,

do, saltim ad multorum mentem, ut illam cl. Lind, corticis efficaciæ subvenit.

Transeo ad vim Opii in doloribus sopiendis. Generatim in horum curatione ad causas semper respiciendum est, quæ in tensione vel pressione nervorum varia, veluti a luxato vel fracto osse, calculo, inflammatione, tumore, & dilaceratione ejusdem quoad partem, denudatione ejus, ratione per acria vel acuta corpora, & sympathica saepè affectione consistunt. Hæc antea removendæ, nam etiam si sensus mitigetur vel pereat, causa tamen operari pergit. Hinc dolor sopitus, defervescente remedii potentia, saepè recrudescit. Nocet aliquando causam ipsam doloris magis intendendo, ut, si plethora urget, orgasmo sanguinis, quem excitat, item congestionibus ad partem affectam; nocet & subinde excretiones omnes, præter illam per cutem cohendo, unde remanet interdum pars ejus, quod dolorem creavit. Nihilominus tamen saepè, causa ipsa doloris et si nondum devicta, vehementia ejus, vigiliae protractæ, & metus, ne graviora adhuc mala, febris intensa, convulsiones, quin ipsa mors inde consequantur, necessitatem Opii dandi præbent, præcipue si ex spastico fonte dolor provenerit. Sed inter hæc de causa doloris superanda sedulo dispiciendum. In iis demum casibus, qui veram morbi curationem non admittunt, ut calculo, cancro, forsitan & tussi phthisicorum, saepè unicum lugendæ vitæ solatum conciliat. Adeo vero pertinax interdum est dolor, ut nec ingens Opii dosis eum sedare possit. Ita Laudano liquido, licet ad guttas quinquaginta pro dosi & ad ducentas vel trecentas guttas intra nychthemerum capto, non cessavit dolor nephriticus (Baine in *med. Obs. and Inquir. Vol. 2. p. 156.*). Hisce generatim de utilitate Opii in doloribus animadversis, non opus erit, in specialem ejus in singulis dolorosis morbis, cephalalgia, odontalgia, otalgia, cardialgia, colicis, variis vesicæ urinariæ dolorosis affectionibus, arthritide, rheumatismis &c. descendere. De quibusdam insuper suis locis jam actum. --- De colica pictonum autem, morbo, in quo dolor una cum spasmis infestat, quedam adhuc seorsum monere non superfluum est. Plurimam in hac opem exspectes ab Opio, copia olei commixto, interne & extus adhibito, quo sit, ut non modo involvatur acris stimulus & fibræ laxentur, sed & nervi sensitilitate preventur, spasmi intestinorum, qui feces & flatus intercipiunt, solvantur, & motus peristalticus restituatur (Haen *Rat. med. F. 3. p. 79.*). Eadem ope paralysi efficacissime præcavetur (*I.e. p. 94.*). Scite & in hoc morbo cum Opio copulantur purgantia, quorum vis absque illo alias futura esset nulla (Huxham *Oper. T. 3. p. 79.* Haen *I. 6.*)

1.). Quodlibet horum etiam seorsum capi potest, ita ut præcedat Opium, quod si mitigaverit dolores, purgans lene infequatur (*Hillary Disseaf. of Barbador p. 191. §q.*). Ad Opium reverio fiat recrudescientibus doloribus. In hoc vero malo exiguae ejus doses nullum effectum exserunt. --- Quod ad rheumatismos attinet, quorum obiter modo mentionem feci, non reticenda est Opii præstantia in dolore effræno ischiatici mali pacando, (quod expertus in se est cl. Kaau Boerhaave, *Imperum faciens p. 411.*) nominatum ista hujus mali specie, quæ in affecto ipso nervo ischiatico consistit. Granulum ejus id præstat sub vesperam deglutitum vel clystina opiatum. Non augenda autem Opii dosis, si vim ejus amplius non persentiat æger, ne molestus nervo torpor inducatur (*Cotunni de isch. nerv. §. 42.*). Pacat præcipue dolores ischiaticos a venerea causa ortos (*I. c. §. 44.*). In morbis convulsivis & spasticis pariter non absque causarum scita diludicatione locum habet. Nam **convulsiones** spasmisque quandoque adeo excitat, non magna unice dosi, sed intem pestive usurpatum (*V. Rosenst. Barns. p. 61.*). Nocet, si qua accumulatio vel sanguinis vel pituitæ vel serri vel corrupti humoris, alias per ulceræ vel fonticulos excerni soliti, in causa horum malorum sunt. Nec admitti potest, si a jactura sanguinis vel aliorum liquidorum vel dispendio virium ex vigiliis vel curis nata fuerint. In hominibus irritabili nimis corpore instructis infantibus præcipue foeceminis exiguum stimulus fibrarum muscularium turbas saepè insignes excitat; ut vermes, acre primarum viarum, dentitio difficilis, exanthemata eruptioni intenta. An in hisce ad Opium confugies, & sedando unice turbas hostilem stimulum insidiari vitæ impune sines? Incident etiam casus adeo immotigeri ut nonnisi doses eæ motus effrænos pacent, quæ ipsam vitam suppressunt. Unde nisi solito multo liberalior dosis spei satisfaciat, præstat abstinere, quam continuatione vel augmento vitam in discrimen vertere (*Lettom's med. Memoirs. p. 129., item Cas. 1. p. 135.*). Saepè tamen si ex diathesi peculiari irritabili absque materiali causa homo convellitur, sive spasmus corripitur, vel causa etiæ subiecta malum pergit pristina sua ferocia, Opium efficacissimum auxilium erogat.

Agmen ducat spasmus ille universalis, qui vel corpus in lineam rectam tendit rigidumque reddit, vel antrorsum vel retrorsum vel ad latus flectit, tetani, emprosthotoni, opisthotoni & pleurothotoni nomine, cum quo saepè trismus, sive maxillæ inferioris spasmus jungitur, quod genus malorum in utraque India intra tropicos apud eos, qui subiectæ caloris frigorisque vicissitudini obnoxii sunt, endemium est, in Europa autem ex punctura vel dilaceratione nervorum per cla-

clavum, acum, festucam ligneam infixam, globulum plumbum sclopeto injectum, vel ex pressione fortiori prægressa aliquando sed valde raro oritur. Sponte patet, si corpora ejusmodi aliena intrusa in causa sint, hæc sine mora evelli debere. Maxime & interest, nervum haud procul a vulnere omnino discindere, ne stimulo suo alios nervos in consensum trahat. Sed sæpe suppetiæ hæc non sufficiunt. Opii sive extrinsecus sive per os adhibiti in hisce angustiis præstantiam jam dum medici agnoverunt, sed veram eo utendi methodum recentioribus quibusdam debemus, ut fere hodie nulla medicina contra hæc mala efficacior judicetur; inunctio enim mercurialis, de qua alio loco, paucis hactenus exemplis comprobata est. Quidam Opium cum balneis calidioribus junctim usurparunt. Secundum hanc normam Opium vel in balneo vel paullo post exhibeatur; nam absque illo præmisso vix deglutire æger potest. Subinde balneum, in quo ipse æger leniter perfricitur, quinques vel sexies per diem repetere opus est. Opium vero iteretur quavis hora dimidia vel aliis intervallis, donec spasmus sub sterno cesset, & postea defectus doloris ulterioris significet plane devictum esse malum. Induciis apparentibus vero cave ne statim fidas sed recrudescente dolore ad Opium iterum revertre. Larger autem longe dosis Opii requiritur in hoc, quam in alio forsitan ullo morbo, & ferri potest sine vel sopore vel sensuum turbatione: initium tamen parciori fiat & minuenda pariter majoribusque intervallis præbenda, si curatio succedit. Ad deglutiendi facultatem restituendam clysmata Opio commista faciunt. Insuper eximie distortum efficaciam adjuvant clysmata emollientia cum multo oleo, vesica aqua calida semirepleta & ventriculo imposita, & fomentationes cum oleo, cui Opium additum, cum levi frictione, vel fomentationes, ex decoctis emollientibus (Chalmers in *med. Observ. and Inquir.* Vol. 1. p. 101. sqq. Cfr. De Haen *Rat. med.* P. 10. p. 182. sqq.; Macaulay in *med. Obs. and Ingr.* Vol. 2. p. 130 sq. recensens trismum cum emprosthotono fæminæ absque vi externa ortum; White *I. c.* p. 382. sqq. agens de trismo cum aliis convulsionibus a dígito vulnerato; Gloster in *Transactions of the Society in Philad.* Vol. 1. p. 317. de tetano cum trismo æthiopis aere frigido post infusationem dormientis). In balneorum horum locum, si qui hæc reformidant, ut sæpe fit, vaporum calidorum applicatio surrogari potest (Chalmers in *Account of the Weather and Dif. of South-Carolina*, Vol. 2. p. 23.) Imo sunt qui absque calidæ beneficio Opio solo potissimum sanati (Silvester in *med. Obs. & Inqu.* Vol. 1. p. 1. sq.; Clephane *I. c.* p. 51. Sibbern in cel. Tode *med. chir. Bibl.* T. 2. P. 1. p. 160.; Winslow in *Collect. Haun. med.* Vol. 1. p. 304. sqq.).

In hisce casibus trismus violenta causa ortus una cum aliis muscularum tensionibus vel contorsionibus adfuit, & vel primarium morbum constituit vel tetano demum accessit. Visa quoque est miscela Opii & moschi effectum & potentius & citius præstare, quam Opium solum (Hillary *Diss. of Barbad.* p. 233. Huck. *med. Obs. and. Inqu.* Vol. 3. p. 326. *sqq.* mentionem injiciens trismi opisthotono juncti apud vulneratos, qui post plagas inflictas frigido aeri lacustri expositi fuerunt). --- Largam dixi dosin Opii in hice malis requiri. Absque noxa & probo successu intra nychthemerum gr. centum & viginti capta (Don. Monro *Prælect. in Cronii instituo rec. in Gott. gal. Anzeig.* 1778. n. 45.). Datae adeo tincturæ Opii guttæ ducentæ una dosi, & quidam ultra hujus liquidii unciam intra nychthemerum absque stupore ingesserunt (Chalmers *med. Obs. l. c. p. 105.*). Nemo vero audacior fuit q am auctor quidam anonymous *Pract. Remarks on West. India Diseases* p. 106. *sqq.*), qui homini tetano correpto, inter nychthemerum Laudani ultra uncias viginti propinavit, quæ enormis quantitas autem neque spasmus neque per vigiliū mitigavit; succedente tamen per continuatum Opii usum, cui cortex Peruvianus interpolatus, sanatione. Proxime huic exemplo temeritate accedit aliud quo mille quingenta grana intra septendecim dies ab æthiope Antinguæ capta (Gloster *l. c.*). Alius Opii puri granum unum omni bihorio sumvit, vel grana viginti octo intra quadraginta octo horas, vel grana circiter nonaginta intra dies viginti duo; inde nec torpida evasit alvus, nec iensuum usus turbatus, & vix somnus noctu ultra sesquitoriam horam perdurans successit (Clephane *l. c.*). Alius intra triduum grana triginta tria ingessit (Sibbern *l. c.*). Item fuit, qui hebdomadibus circiter quinque grana trecenta & septendecim Opii præter potionē anodynās ingessit (White *l. c. p. 386.*). --- Queritur tamen cl. Rowley (*Med. Advise for the use of the army ad navy* p. 39.), se ne unicum quidem spasmo maxillæ correptum Opio, moscho & balneo calido servare potuisse. --- Ut quoque in caloris balnei gradu nihil vitii committatur: sciendum, si tempestas calida & pulsus celer cum præternaturali calore cutis contingit, calorem aquæ non excedere gradum nonagesimum sextum vel octavum thermometri Fahrenh. debere, conditionibus autem contrariis ad gradum centesimum vel centesimum & secundum augeri (Chalmers *l. c. p. 102.*).

Minus quidem in oculos incurrit spastica hydrophobiæ natura, sed deglutiendi liquida impotentiam ipsimo unicæ fauicium & œsophagi contineri, observationibus constat. Unde efficaciaz Opii in hoc rabiei caninæ symptomate probabilis conjectura. Sistit cl. Nugent (*Essay on the hydrophobia*)

bia) documentum singulare hujus auxilii, in quo tamen præter Opium & moschus aliaque simul administrata fuerunt. Idem faustus eventus contigit alii in Northumbria commorso & methodo cl. Nugent tractato (Whytt's Works p. 679. sq.).

In asthmate spastico, quod obstructionibus pulmonum & pituita illos gravante caret, Opio (juncta venæ sectione, si pletorici est habitus æger) insultus optime tollitur, sive ipsi nervi pulmonum affecti sint, sive sympathice ex ventriculi vitio malum enatum fuerit. Dicta vero vitia si insint pulmonibus, nonnisi post eadem devicta Opium conductit (Whytt l. c. p. 701. sq. Young. on Opium p. 115. sq.) Senes nominatim asthmatici ob collectam, ut vulgo fit, intra pulmones pituitam ab Opio arcendi sunt (Young l. c. p. 133.).

Præstantissimum est palliativum ad sopiendam nimiam nervorum sensilitatem & inde dependentes motus irregulares. Hinc hypochondriacis & hysterics tam frequens solatum, dum spasmi urgent & flatus excruciant, ex quibus fontibus tot aliæ molestiæ, palpitatio cordis, asthma, anxietas, suffocationis sensus, dolores & calores vagi, obnubilatio mentis, labes memoriarum temporaria, pervigilium rel. proveniunt. Frequentem quoque mictum lotii pallidi apud hosce ægros egregie sedat, modo dein in subsidium trahantur, quæ renes roborant (Whytt l. c. p. 707.). Quidam tamen horum ægrorum Opium non ferunt, sed languorem, debilitatem, nauseam, vomitum, spasmos ventriculi, pruritum, delirium, quin maniam inde patiuntur. Nec confert apud hosce in nimia virium dejectione, nam etiam si ad tempus lenimen inde persentiant, exspirante tamen efficacia magis quam ante vires deprimuntur. Nec capi debet nimis copiose vel protracto nimis usu, ne torpeat sensus & vigor systematis nervosi, vel ipsa animi vis (Whytt l. c. p. 644. sq.).

Haud pauci illud contra epilepsiam commendarunt: Varietatem aut causarum, unde hæc proveniat, considerantes facile perspicient, non cuivis speciei coercendæ par esse. Multa promittit in ea, quæ a sensilitate & mobilitate nimia corporis, vel pathemate animi proficiuntur. Ita &, causa quadam materiali morbi superstite, aliquando nervos cum systemate nervoso ita mutat, ut irritamentum non sentiatur. Sic siliuit epilepsia sexennis ex terrore nata & quotidie fere erumpens (Haen Rat. med. P. 5. p. 126.). Prævertit Opium aliquoties convulsionibus mitioribus fixo diei tempore revertentib: & hora una vel remotius ante paroxysmum captum. Quidam tamen epileptico nec largior dosis guttarum quadraginta Laudani liquidi subvenire valuit (Whytt's Works p. 680.). Alias & convulsiones difficilio-

res instabili tempore incidentes Opium compescit. Hocce ad decem grana intra nychthemerum ingestu senex, convulsionibus primum muscularum oculi dein faciei tum totius corporis quater, quinquies vel sexies per diem correptus, post irrita cum igne electrico, floribus Zinci aliisque ceteroquin commodis capta tentamina, convaluit (Lettom's *Medical Memoirs* p. 143.).

Ex dictis facile eruitur, sub quibus conditionibus in aliis hic, ne prolixitate nimia peccem, reticendis spasmis & convulsionibus, vomitu, singultu, tussi, palpitatione cordis &c. conveniat. — Sequatur morbus duplex, in quo pariter ataxia spirituum animantium in vitio est, quæ vero ipsam mentis officinam turbat, melancholia & mania. Rarissima sunt exempla, quod malum solo Opii usu fuerit subactum; nec hoc accidit, nisi recente eo, & a commotione animi fortiori ira vel terrore profecto (V. Riedlini *Lin.* 1700. *De Ob.* 12. & Yotungii *on. Op.* *Sect.* 23. duo casus). Quin ne hoc quidem omnibus corporibus tutum satis videtur. Præcipue animo irquieto pacando & somno arcessendo heic destinatur. Sed saepe doses insignes hisce scopis non satisfaciunt (Mead *Oper.* T. 2. p. 187.), ut vel maxime elucet casu feminæ, quæ per aliquot vespertas duodecim, viginti ad viginti quatuor grana Opii sine somno expectato ingeserat (Haartman in *K. Vet. Acad. Handl.* 1762 p. 268. sq.). Alii ægri etiamsi in somnum ejus ope cadant, turbulentio tantummodo terrificisque imaginibus tentato fruuntur, & expercibunt vel insanire pergunt, vel longe inquietiores sunt, quam antea, vel si quietiores inde evalerint, in perpetuam & immedicabilem fatuitatem, redeunte per intervalla, furore, incidunt (V. Tralles *de Op. Sect.* 4. p. 68.). Sunt &, quorum exasperat (Fr. Hoffm. *Med. Syst.* T. 4. P. 4. f. 197. Lorry in *Recueil period.* T. 4. p. 73.). Non ideo quidem illud damnaverim, quod insaniam adeo gignere in sanis poscit, nam tum neque in convulsionibus, neque in aliis bene multis malis conduceret, quum abusu eadem in sanissimis creare valeat. Sed nocet omnino in homine plethorico, pulsu duro, forti vultu rubicundo, instructo, vel illo, qui crassum a Veteribus atrabilarium dictum sanguinem, obstructionibus plerumque injunctum vehit; item si ex acris quadam materia retenta vel retropulsâ, ut arthritica impetiginosa, provenit, vel causa in ipsum cerebrum vim suam exferit. Proficuum e contrario est, si turbatio ista mentis sine materie contingit, quod valet de illa ex animi affectibus vel dolore nimio. Exhaustis etiam bonis humoribus, modo non nimia fuerit inanitio, parca dosis in connubio nutritum & roborantium instar cardiaci concedi potest (Conf. de hoc arguente Lorry *de melanchol.* T. 2.

2. p. 131. sq.). Quæ de venæ sectionis & primas vias evacuantium necessitate generatim monui, ad hæc quoque mala attinent, horumque juncto usu & in speciebus, in quibus alias minus commodum Opium est, levamen ægris conciliare potest. Liberali etiam in dictis morbis manu exhiberi debet. Ad mærem & anxietatem melancholicorum sopiaendam aliquando ad quindecim ejus grana una vice dare opus fuit (V. Swieten Com. T. 3. p. 517.). Laudani liquidæ trecentas ad quadragesimas guttas per diem melancholica fœmina ingessit, ut disperleret animi tristitiam, sicque & specie sana evalit (Young l. c. p. 103.). In maniaco similiter subinde quindecim grana Opii pro una dosi requirebantur, antequam deliratus effectus insequeretur (Wepfer hist. apopl. in App. p. 687.).

In dysenteria nonnisi summa cautione adhiberi debet, licet non defuerint etiam inter celebratores viros Sydenhamus, Sennertus, Bontius, Brunnerus, Wepferus, Ramazzini pluresque alii, qui valde necessarium illud in hujus mali curatione habuerunt, quin quoad partem, ut Sydenhamus, justo liberalius eo usi sunt. Etenim intempestive datum alvum coercendo acrimoniam vellicantem, quæ ipsius morbi causa est, retinet, quæ accumulata redit inflammatio intestina, & nisum in inflammationem, qui sponte jam adeat, auget. Hinc etiamsi inducæ blandæ ejus ope concilientur, fallaces hæ maxime suat, suppressus enim fluxus vel tanto copiosius redit, vel inflammatione correpti ægri pereunt (Degner de dysent. bil. p. 183. Pringle Dis. of the army p. 264 Young. l. c. cap. 7. Zimmermann v. d. Rubr. p. 96. 101. 105. 106.). — Doloris tamen vehementia, tenesimi molestia, spasticae intestinorum contractions, quin ipsa dejectionum copia vires subito sufflaminans, interdum ad Opium confugere nos cogunt. Prodestque vel ideo quod rivulum alluentium humorum ad cutem diaphoresi divertat. Præcedere autem debet evacuantium per os vel alvum sollicita administratio. Vel nisi huic tempus obtigerit, symptomata tamen urgent, brevi post Opium datum, evacuatio fuggerenda, & in intervallo tranquillo mucilaginoſa, demulcentia, diluentia non negligenda sunt (Trall. l. c. Sect. 3. p. 201.). Plethora si subest, vel febris valida pulsu duro stipata, antea minui debet. Minus conductit, si morbus jam febrem excitavit, quæ vel putridæ vel inflammatoriae indolis est. Placet maxime ad consilium ill. De Haen intra reliquias suppetias Opium cum oleosis dare (De Haen Rat. med. T. 2. p. 4 item T. 3. c. 2. p. 91.). De connubio Opii cum Ipecacuanha in hoc morbo alibi jam differui (Appar. med. T. 1.).

Diarrhœa pariter nonnunquam Opium sivi vindicat: sed &

& in hac nihil temere agendum. Cave ne sistas eam, quæ subinde & in sanis oritur absque notabili vitio & præcavet difficiliori morbo, modo non diurna fiat, nec vires energet. Tanto magis apparer noxa, si ingluvies ejus causa fuerit quum in beneficium ægri incidat, & sopita ipsam maslam fanguineam inquiet. In critica diarrhoea pariter nocet, & illa, quæ a superioribus partibus humorum abundantiam ad alvum derivat, prout in dentientibus salutaris omnino est. Roborantia & adstringentia, non opiate, conducunt in isto profluvio, quod a relaxato nimium tono intestinorum, sine omni stimulo provenit, ut quæ paralyticum eorum statum magis augent. Symptomatica autem diarrhoea totius morbi decursum turbans vel justo protractior, quæ nimium relaxat intestina & probis humoribus corpus privat, compesci debet. Quid in reliquis alvi profluiis Opium valeat, solide excusit cel. Tralles (*Op. Sed. 3. p. 230.*), ut ad hunc remittere oporteat, quibus dicta non sufficere videantur.

Aliud jam profluii genus, hæmorrhagia, considerandum, in quo Opio, ut affinibus vi Hyoscyami seminibus, nimium pretij a multis tributum. Quidam horum ex perperam assūpta hypothefi, quod effrænum sanguinis motum moderaretur, alii, quod coagulum illi induceret, alii aliis ingenii ludibriis ducti illud deprædicarunt. In ea autem hæmorrhagia, quæ ab aucto sanguinis motu & expansione in corpore plethorico erumpit, Opio non esse locum, sed augere illam potius, quis non videt? Nocere similiter in ea, quæ a resolutione putrida sanguinis oritur, palam est, quum illud ipsum putredinem intendat. Restrингenda igitur unice Opii laus ad eam est, quæ vel a spasmis remotarum partium, sanguinem aliorum urgentium, vel a stimulo in loco labefactato nascitur, vel dolorem aliquem secum juncitum habet. --- Spastica causa in hæmoptysi ex hypochondriis & ista fœminarum alias cuiuslibet vitii pulmonum expertum locum habet. In hoc morbo in universum ad stimulum, qui ad tuſim vellicat, post præmissa alia sopiendum apprime valet, qui nisi obtundatur, sustentat profluvium & cessans recrudescere facit. --- In fluxu nimio mensium vel hæmorrhagia post abortum, quæ in connubio doloris dorsi vel abdominis non inflammatorio incidit & revertitur aucta vehementia, quoties vel dolor redit vel increscit, Opium adstringentibus omnibus est præferendum (*Whytt's Works p. 661.*). Abortum quoque avertit in nimium sensilibus fœminis (*Id. p. 540.*). Hæmorrhagiæ uteri prope finem gravitatis obortæ vel isti parturientium succurrit, ut palliativum egregie irritationem doloresque uteri sedando, item spasmos abdominis, si qui subsunt, sanguinem ad inferiora determinantes pacando. In hisce hæmorrhagiis cl. Gartsho-



re (*Diss. de Papaveris usu in parturientibus ac puerperis* p. 36.) apta visa est Opii cum spiritu vitrioli conjunctio, cuius commodum in hæmorrhagiis gravidarum cl. Aaskow (in *Aet. Societ. med. Havn. Vol. 1. p. 51. sqq.*) documentis allatis nuper confirmavit. Sistitur etiam Opio feliciter immodica ista hæmorrhagia & periculosa, quæ partui non nunquam statim supervenit, sive hæc fiat a residuis placentæ portionibus vel grumis sanguineis post infantem natum, sive contigat post uteri contenta omnia jam exclusa (*V. causus memorabilis in Gartshore l. c. p. 51.*). Imo si metus futuri sub partu affræni fluxus incidit, sæpiissime periculo, antea Opio capto, obviam ire licet (*Conf. Smellie on Midwifery Vol. 3. p. 421. sqq.*). Opportunitatem vel noxam Opii in aliis hæmorrhagiis exhibendi definiunt regulæ præfixæ generaliores & addita exempla.

Quum Opium inflammatis locis applicatum gangrænam non arceat, sed contra ea advocet, dubitaret merito quis, an in ulla gangrænæ specie condiceret, nisi experientia id exploratum reliquisset. Omitto Hecqueti vagas laudes: novissime vero (*Pott chirurg. Observ. inde a p. 189.*) insignis ejus præstantia in ea specie constitut, quæ in digitis pedis incipiens sensim ad pedem ipsum & malleolum, quin tibiam ascendit, & ægrum plerumque trucidat. Extracti nominatim thebaici tria vel quatuor grana ad minimum intranychtherum capta. Nec opus fuit simul alio externo re medio, quam pulte ex farina semenis Lini & bulliente lacte vel aqua, mixta unguento sambucino vel butyro recenti absque scarificationibus, quæ sæpe inanes, sæpe exitiosæ apparuerunt.

Pauca hucusque modo exempla externi Opii usus memoriavi. Sed multiplex olim invaluit, ut vel ex formulis linimentorum, unguentorum, emplastrorum, in libris pharmaceuticis obviis constat, & ulterius elucet, si practica cuiuslibet fere ævi monimenta evolvimus. Scopus fuit idem plerumque ac Opii per os ingesti, frequentissimus ad dolores sponiosos in arthritide, reumatismi, odontalgia, hæmorrhoidibus aliisque dolorofis affectionibus, item in vulneribus & ulceribus; porro ad somnum conciliandum & convulsivos vel spasticos motus sedandos. Falli nos vero in spe dolores compescendi Opio extrinsecus applicato, experimenta bene multa docent. Nunquam stuporem partis ab applicatione opiatorum se observasse profitetur Wedelius (*Opiol. l. 2. §. 3.*) nec Alstonus (*l. c. p. 159.*) emplastro opiatu per noctem circa digitum annularem vel brachium imposito effectum ullum percepit. Approbavit & academia chirurgica Parisina, Opium cuti appositum dolorem partis non minuere (Louis in *Rec. des pieces, qui ont concouru pour le Prix Tom. 2. p.*



127. *Sqq.* Guiot *ibid.* p. 205.). Contra ea nervo nudo applicatum ut acre calidumque remedium irritat. Manifeste hoc contigit solutione aquosa partibus excoriatis & vulneribus superficialibus admota, ut in quibus ardorem & irritacionem excitavit, dolore per aliquot minuta temporis prima continuante (Alston *in med. Essays* l. c. p. 159.). In cancro pariter dolorem auxit (Munfaulz *chir. Gesch.* p. 264.), quin adeo ut quum ulceri cancroso parotidis dextræ illud imponerent, præ dolore æger convelleretur (Plenck *Mat. chir.* p. 388.). Odontalgiae ex carie consumendo ipsum nervum, ut acria olea vel acida, videtur unice opitulari in his, qui opiate in dentem cautæ immiserunt; sed nec in hac specie effectus semper constans est (Lorry l. c. p. 72.) in aliis aperte noxiis; & sicuti ex Opio interne sumto, post alias subinde contingentes indicias dolores postea exasperari solent. -- Ob stimulum hunc varii Opium ad discutiendos & emolliendos tophos nodosque arthriticos, scirros, scrophulas, item ad resolvendos & maturandos tumores adhibuerunt; & in tenerioribus hominibus cutis inde exulceratur, pili extirpantur, pruritus excitatur (V. testes cit. in Tralles de *Op. Sect.* 4. p. 189.) Minus igitur apta nonnullis (Alston l. c. p. 159. *sqq.*, Motro l. c. p. 283., Tralles l. c. p. 191.) visa est causticorum vel vesicatoriorum cum Opio miscela, doloris inde enascituri mitigandi causa, a quibusdam, ut Hildesheimio (*Spicil. i. de affact. cap.* p. 14.), Hecqueto (l. c. p. 194.), Guioto (*Recueil pour le Prix de l'Ac. d. Chir. T. 2. p. 205. sqq.* aliisque commenda-
ta; ut qui augmentum potius doloris inde metuunt. Hisce tamen adversatur novissima ill. Acrel (*Chirurg. Vorfälle.* T. 2. p. 445.) experientia, qui methodo cl. Else in curatione hydroceles usus, additamento Opii causticum exiguum vel nullum dolorificum sensum excitasse nobis persuadet. Ob hunc, quem dixi, stimulum in inflammatorii generis morbis valde noxiū est, ut gangræna adeo inde originem suam ceperint (Tralles l. c. p. 218. Tissot *Epist. pract.* p. 196.). Emplastrum opiatum, tempori ad sedandum dentium dolorem impositum, in foemina furorem cum spasmis creavit, non prius cessantem, quam emplastro remoto (Lorry in *Rec. period.* 1756. p. 74.). Delirium pariter succedit ex binis emplastris opiatis temporibus utrinque ad cephalalgiam in adolescenti domandam applicatis, sensim obrepente somno (Kaav Boerh *impet.* p. 405.). Ita & alia exempla docent, Opium capiti applicatum somnum subinde impetrare (Lorry l. c., Tralles p. 194.). Nec in convulsivis vel spasticis turbis externum inanem fuisse, ex usu Theriacæ, in vomitu saepe laudato (Vid. e. c. V. Swieten *Comment. ad* §. 658.), & dictis supra de spasmis universalibus liquet.

Semper vero cautionum circa usum internum Opii observandarum sub isto quoque externo habenda ratio est. Uverius de ejus applicatione externa egit cl. Plenck (Samml. v. Bermerk 1. Th. p. 143. sq.).

Clysmate autem Opium excipere, haud rara etiam hodie praxis est. Quin sunt, qui sic illud praestare reliquis exhibendi modis arbitrantur (Cotunni Comment. de Ischiadæ nervosa §. 42. Donald Monro in Praelect. med. in Crozii infit. v. Gott. Anz. 1778. Zug. n. 45.) De efficacia testantur jam experimenta de animalibus indicata. Videtur & in hominibus similis fere intestinorum ac ventriculi structura eundem effestum promittere, sive per os sive per anum illud ingeratur. Major tamen ejus semper posteriori via requiritur quantitas, quæ si modum excedat, vel extra opportunitatem porrigitur, in eadem pericula, ac Opium ore justo copiosius captum, hominem præcipitat. Hanc ut præferrent viam, quidam eo induci fuere, quod tutiorem credent, alii rectius, quando ventriculi sensilitas nimia ob naufragium vel vomitum Opium interne non fert, alii iterum ut loco affecto tanto proprietor esset medicina. Nonne & ideo clysmata opiate prærogativam habent, quod sic Opium bilis aliorumque humorum miscela non possit enervari? Nota est theriacæ in dysenteria per alvum applicatio a Sydenhamo, Sennerto, Riverio, Degnero, Huxhamo, præcepta, quæ, nisi illi addatur, quod calidam ejus naturam temperet, Opio solo nocentior habenda. Prodest eximie in pertinaci tenebroso alvi dysentericorum clysmæ ex seminibus Lini, vel amylo cum guttis quinquaginta Laudani liquidi (Clark Dis. in hot. countr. cap. de dysent.). Colliquativa phthisicorum diarrhoea a parvula Opii dosi per anum injecta constanter immixta, aucta potius per majorem ejus copiam deglutitam (Cotunni l. c.). Nec minus in insultibus asthmatis convulsivi conducit; necnon ad dolores immanes ischiadis nervosæ demulcendos; quibus scopis Opii granulum in lacris aqua diluti semiflbra solutum post elota intestina vulgaribus clysteribus e re est immittere (Cotunni l. c.). Obstructionem mensium ex spasmis vasorum uteri clyisma ex aqua calida cum triginta vel quadraginta guttis Laudani vesperi tempore eruptionis instante injectum referat. Et idem, juncto epithemate emolliente, tollit dolores, animi delicia, deliria, convulsiones, quæ nonnunquam tenellas foeminas sub eruptione affligunt (Wuytt's Works. p. 658.). Sic dolores imi ventris varii ejusope confopiti (l. c. p. 616. sq.) In stranguria molestissima clyisma ejusmodi 40 ad 100, 120, 130 guttas Laudani continens, unicum immortali Haltero Comment. nov. Societ. scient. Getting. Tom. 7. p. 7. sq. & Tom. 8. p. 12.) solatium fuit.

Ufui tam interno quam externo omnino sufficeret Opium crudum descripto superius modo ex capitulis stirpis eratum, nec alii præparationi subjectum, quam illi, qua a terra, arena aliisque peregrinis particulis vel sordibus liberatur. Ita senserunt Sydenhamus (*Oper. p. 186.*) Wedelius (*Opiol. L. 1. Sect. 2. c. 6. p. 69.*), Young (*l. c. p. 172.*) multique alii summi Opii sautores, idemque evicit innumeris vicibus capta experientia. Hocque fine peregrina uila miscela in pilulas vel in pulverem facchari similiumve inertium ope redactum, quo tanto facilius in ventriculo subigatur, vel solutum in commodo menstruo ingeri potest. In definienda ejus dosi autem sponte patet, pro norma esse non posse ingentem istam quantitatem, quæ orientalibus gentibus arri-det (*Vid. supra p.*), nec eam, quam & in Europa quidam eadem consuetudine indurati impune tulerunt; ut drachma integra, quam Rostochiensis quidem pharmacopola ad levandos arthriticos dolores deglutivit (*Sim. Paulli Quadrip. bot. p. 466.*), & eadem allo exemplo dosis, cui foemina Haf-niensis initium a granis capiendo, adeo assueverat (*Barthol. Act. Hafn. Vol. 2. Obs. 20. p. 50.*) ut iterandi illam quotidie necessitas subfet; vel mensura cochlearium parvorum quatuor Laudani liquidi Sydenhami, quam per duodecim annos homo quidam sine somno subiequente quotidie sumit (*Young. loc. cit. p. 104.*). In melancholia autem vel mania, nec non spasmis vel convulsionibus dirioribus, tantopere turbata est nervosa vel muscularis natura, ut eæ doses Opii & repetitiones ferantur, quæ apud alios ipsam vitam necessario pessimumdaturæ essent. Inassueti omnium maxime eodem afficiuntur, ut in hisce iisque adultis, quarta grani pars, granum dimidium vel integrum insignem effectum exerceat. Raro hisce grana duo vel tria concedi uno præbio possunt. Assuetis adultis grana quatuor, quinque, plura, donec exspectata vix emerget, Alstonus (*Med. Essays of Ed. Vol. 5. p. 172.*) permittit. Sed præstat, si continuazione ejus opus est, nisi mora periculosa, ut in terribili isto spasmorum universalium genere, illud partitis portionibus porrigeret, & sperati effectus ratione habita, vel iterare brevioribus sive longioribus intervallis præbia, item augere pro necessitate quantitatem, vel si sinister eventus inde contingit, omnino Opium omittere. Quoniam vero illud, si frequenter sumitur, sua vi sensim exuitur, sub continuato usu dosin adaugeat æger necesse est. Quantitas, quæ inassuetos necesse obliuvenia, varia prohibetur, drachma una, grana viginti duo, duodecim, imo septem, quatuor (*V. Hall. Elem. Physiol. T. 5. p. 612.*) Causa effectus æqualis a dispari mole in peculiari quadam corporis perversa diathesi omnino quærenda est, & sæpe sine dubio mors non a mole,

sed intempestiva ejus administratione dependit, e. c. in eo, qui, post tartari emetici grana quinque ingestā, Laudani guttas viginti ad turbas compescendas sumferat (Stedmann in med. Eff. of Ed. T. 4. p. 37. sq.).

Significanda jam auxilia, quibus succurritur iis, qui vel malo consilio vel fortuito casu vel imperitia quadam Opio abusi periculosis variis sequelis conflictantur. Causa horum saepe studiose celatur medico, quæ, nisi percuntando detegi possit, non ambigua tamen evadit temulentia, delirio, sopore vel & convulsionibus, pruritu cutis, sudoribus profusis, saepe Opium spirantibus, facie inflata rubente, sub pulsu veloci & respiratione difficiili celeri. Hæc si adsint, quantocius tentandum, an vomitus cieri poscit vel aqua tepida, in qua butyrum vel oleum disfluxit, accidente fauciūm per digitum sive plumam oleo madidam irritationē, vel tartaro emetico, vel, si ventriculus jam sensu fere & irritabili sua vi orbatus fuerit, vitriolo albo (Heberden in med. Trans. Vol. 2. p. 220.). Mora autem paralyticus sit ventriculus, ut nec acre remedium vellicet, vel spasmis ita contrahuntur pharynx & œsophagus, ut nihil deglutiri possit, quo posteriori casu per canalem metallicum demitti iubet Boerhaavius (Praedict. T. 6. p. 388.) commoda remedia. Tum vena secunda est, ut velocitas visque sanguinis minuantur & caput a nimia ejusdem mole liberetur, quo consilio & maxime interest, hirudines collo & temporibus applicare. In usum quoque vocanda, si fieri potest, purgantia vel clysmata stimulantia. Confert & revulsionis fine fricare pedum plantas scopulis, hisque sinapismos imponere. Summa vero infringendi Opium, ut alia narcotica, potestas acidis inest, quo scopo acetum aqua dilutum potare, spongia quoque illud idque calidum ante nares tenere & eodem frontem & tempora fovere e re est. Ad antidota ejus quoque referenda Ipecacuanha est, ex observationibus Anglorum, de qua vi jam antea (Vid. Appar. med. T. 1.) notabilem caulum recensi, & pulvis Doyerī mox fusius persequendus insuper indubium documentum præbet. Imo Coffæ infusum enervat vim narcoticam Opii experimento Turcarum & Arabum (Percival's med. Essays Vol. 2. p. 128.). Et licet Laudani liquidi guttae octodecim post prandium captæ in medico quedam alias somnum concirent, hic tamen prohibitus fuit tribus cyathis infusi saturati Coffæ immediate post superbitis. Rediit autem somnus sub aliо experimento, omisso Coffea (Ejed. phys. G. med. Eff. p. 269.).

PRÆPARATA PAPAVERINA.

Oleum Papaveris expressum) Ph. W. pag. 127. Ph. Paris. pag.

*pag. 114. Ex seminibus Papaveris albi. De hoc supra jam
egi.*

Syrupus Papaveris albi) *Pb. W. p. 215.* Ex decocto capsularum (nondum perfecte maturarum) cum seminibus & saccharo. Vim blande anodynām præstat; hinc in tussi, vigiliis protractis, inquietudine animi usurpatūr vel solus ad unciam dimidiām, drachmas sex supraque, item in emulsionibus & mixtūris. Semīnum additamentum superfluum, imo enervare videtur vim anodynām. Hinc præferendus.

Syrupus e meconio s. Diacodion) *Pb. Lond. p. 80.* qui semina excludit. Instar mitissimi paregorici præcipi solet, unde apud infantes crebrius usū venit, quibus Opium plerumque scrupulosius offertur. Uncia una tamen hujus syrapi grano circiter Opii (Lewis M. m. p. 430.), vel guttis sedecim Laudani liquidī (Sydenh. *Oper. p. 376.*) sufficere censetur. Atque huic in eo præferendus, quod minus calefaciat (Sydenh. p. 372.). Omnes vero ex cautelæ, quas Opii felix administratio requirit, ad hunc etiam spectant. Dosis non ægri extati sed naturæ morbi & symptomatum vehementiæ adaptanda, &, nisi prima sufficiat, iteranda alia atque alia, post comoda intervalla, donec voti compos æger fiat, & tum minuenda. Ita ad mitiganda incommoda ex dentitione diffīcili tutissimum est omni semihorīo ejus scrupulum semis infantī ingerere, & intermittere, ut primum tranquilitas restituatur; inter quæ tamen non topica emollientia negligenda, & Electuario de Manna solvēnda alvus, ne in detrimentum torpeat. In casu diriori opus majori dosi est, vel syrapi dosi gutta una vel altera Laudani liquidī instilletur (Rosenstein Bransjukd p. 36. sq.). Ad sedandos dolores infantium lactantium ab aphthis nutrix syrapi drachmas duas capiat, si vero lacte mammæ turgeant, drachmas tres vel quatuor (Idem p. 44.). Hoc nominatim paregoricum est, quod Sydenhamo (Vid. e. c. *Oper. p. 372.*) totque ejus asceclis adeo seſe probavit in variolis, cujus unciam unam ad teliuiunciam ille adultis pro dosi concessit.

Syrupus Diacodion) *Pb. W. p. 209.* Ex capitibus Papaveris, Siliqua dulci, radice Liquiritiæ aqua coctis, addito dein saccharo. *Pb. Danica p. 254.* omittit jure Siliquam dulcem, sed capita Papaveris Rhœados recipit. Tussi mitigandæ nominatim destinatur, licet omnino & alias anodynās vires exferat. Infantibus lingendus datur ad drachmas duas, adulatis ad unciam supraque. Debilior præcedente, hinc & ad uncias usque duas in variolis propinare illum non dubitavit Haenius (*Rat. med. cont. T. 2. p. 87.*).

Syrupus Diacodium crocatum), *Pb. W. loc. cit.* Est præcedens Croco mixtus. Calidior igitur magisque anodynus.

PRÆPARATA OPIATA.

Opium crudum licet omnis generis præparatis præferri mereatur, tot tamen artificiis lusit humana industria in Opio, vel, ut ipsi quidem crediderunt se efficere posse, corrigendo, vel commodius exhibendo, ut singillatim illa omnia enumerare longi temporis negotium esset, operam vix rependens. Quidam tostione vel & fermentatione, quod non inesse Opio arbitrati sunt, dispergere tentarunt; alii, resinofam partem metuentes, Opium aqua solvendum & dein inspissandum duxerunt; alii contra spirituosa emendando illi optimie inservire vel efficaciores partes eruere existimarentur. Nonnulli acidis mitigare acrimoniam ejus studuerunt, alii hanc vim ab alcalinis exspectantibus. Magna medicorum cohors, qui nescio quidnam glacialis frigoris inesse Opio fomiarunt, acria varia, aromata calidissima, resinosa, salia volatilia, Crocum, olea ætherea rel. addiderunt. Unde portenta ista pharmaceutica, Theriaca, Mithridatum, Eleutharium Diaſcordium, aliaque ſimilis fecis emerſerunt. Purgantium, diureticorum, nervinorum &c. miſcela existimarent effeſtibus quibufdam moleſtis cum commoſis ex Opio junctis obviā iri poſſe. Caſforei ſeorsum in hoc corrigen- tium putatiorum catalogo mentio fieri debet, quod jam Galeni, Tralliani, Avicennae plauſum ferens, inter ſeriores celebratores viros, Sennerto & Baglivio ſeſe approbabit, & proxime cl. Garnier (Rec. period. T. 4. p. 304.). Certiſſimum autem eſt, varia hacce præparationis follertia vel caſtrari Opium beneficia ſua virtute, vel miſcela multiplici peregrinas alias vires illi impertiri. Maxime intereſt, ſervare Opii vaporofam iſtam ſive volatiliem partem, qua dixi ſuperius illius vires præcipue contineri, cuius aliqua por- tio non poſteſt non, quamcunque Opium per ignem vel fer- mentionem præparationem ſubeat, ſufflaminari. Acidi au- tem additamento, utpote corporis contrariæ naturæ, de- bilitatur nimium. Debilitare autem medicamen, an idem eſt, ac corrigere? Qui spirituosa, aromata, aliaque calida ad- dunt, manifeſte Opii calidum & acrem genium insigniter intendent. Non perinde igitur eſt, quo opioato utaris. Ex- tractum Opii spirituofum) vel ſolutionem ejus ſpiritu vini faſtam efficaciorom eſſe Opio crudo, experimenta tam in brutis quam hominibus instituta probant, ſine dubio ideo, quod ſpiritus una cum resina plurimum volatilis portionis Opii in ſe recipiat, liberatum quoad maximam partem a gummosis & terreis compedibus. Non facile vero fert ven- triculus præparata iſta spirituosa, ſed ob acrimoniam eorūdem vonitu vel & alvi dejectionibus excutiuntur; unde

omnino fere usus eorum medicus internus hodie repudiatur.

Extractum opii aquosum). Si rite paratum fuerit, multum adhuc servat halitusæ opii partis, & tantillum resinæ ob arctam ejus cum gummi copulam. Quo minus calida est aqua pro solutione, quo blandior pro inspissatione ignis gradus, & quo angustius vas in quo ista perficiatur: eo efficacius est extractum. Ut præterea a resina, quantum fieri potest, liberetur, copia aquæ eaque frigida requiritur. Multis modis contra hasce simplices regulas a pharmacopolis peccatur, adeo ut valde disferat extractum aquosum unum ab altero, nec mirum sit, quibusdam justo imbecillius extractum aquosum videri. Extractum opii in *Pb. W.* p. 94. descriptum non satis bene aqua succo citri acidulata paratur, maleque omillum, calida an frigida conduceat. *Pb. Danica* p. 176. pariter temperiei aquæ non meminit. Secundum utramque formularum, ob aquæ copiam, resinæ notabilis jaclura efficitur. Ad Opium colatum s. Extractum thebaicum) *Pb. Lon.* p. 23. item *Pb. Svec.* p. 112. bullieitate aqua pro solutione utitur, eaque parca. Omnes hæ modico igne spissandum jubent. Duplo majori dosi, quam Opium crudum, dari potest genuinum extractum (Tralles de *Op. Sect. I.* p. 237.), soletque plerumque sub hac lege Opio cruduo substitui.

Panacea liquida opii cl. Jones) (*Mystery of Opium revealed*) est solutio aquosa colata, liquidam formam servans. Ob formam placet, etiam infantibus ad guttam unam vel alteram exhibenda.

Extractum Opii s. Opium cydoniatum per fermentationem) *Pb. W.* p. 94. Succus cydoniorum aquæ pro solutione additus, ut acidum, Opium enervat, quod ulterius facit fermentatio subsequens, præcipue in vase leviter tecto. Huic dispendio virium aliquid ex copia sacchari addas. Mirum sane, quod Pharmacopœæ dictæ auctores exaltari hac præparatione Opii vires afferentes, parciorem longe ejus quantitatatem quam extracti aquosi injungant. Rarissimi usus.

Laudanum opiatum) *Pb. W.* p. 104. Constat ex extracto Opii aquoso, Coco & Opobalsamo, quod creditum est narcoticam Opii vim utiliter infringere. Crocus hic superfluuus. Dosis a grano dimidio ad tria in *Pb. W.* assignatur; sed solidioribus medicis non amplius arridet.

Essentia anodyna officinalis *Pb. W.* p. 76. Est extractum Opii aquosum in novem partibus aquæ Cinanomi spirituosa solutum; ita ut Opii granum unum in scrupulo dimidio essentiae comprehendatur. Ratus hodie in Germania frequentatur, Convenit fere omnino cum Tinctura thebaica

go Laudano liquido) *Pb. Edinb. Ed. noviss.* p. 86. Nec multum discrepat Tinctura thebaica) *Pb. Holm.* p. 200., et si spiritui vini aqua Cinanomi seorsum pro solutione additur. Formula *Pb. Lond.* p. 67. autem Opium colatum, Cinamomum, Cary phyllos in vino albo macerari jubet; Anglis suetissima.

Laudanum liquidum Sydenhami) *Pb. W.* p. 104. Formula eadem plane illuc inserta est, quam auctor suppeditat in *Opp.* p. 185. & quæ conflatur ex Opio, Croco, Cinamomo, Caryophyllis & ea quantitate vini Hispanici, ut ejus drachma una Opii grana decem & Croci grana quinque circiter contineat. Vulgantissimum fere omnium opiatorum, & vel commoda sua forma placens, licet non careat suo vitio ob Crocum & addita aromata, quibus sæpe præter rem justo calidius redditur. Hinc & compendia ista præparationis in præcedente articulo recensita. Adultis ejus guttæ sex, octo, sedecim supraque per os exhibentur, idque commode in frustulo facchari, mixturisque crebro additur. De utilitate ejus eximia in clysteribus supra (p. 148.) exempla adfuerunt.

Pilulæ de Cynoglossa) *Pb. W.* p. 138. Crebro præcipiuntur imprimis a medicis Germaniæ, a granis binis ad quinque. Plura alibi (*Artic. de Cynoglosso, Appar. med. T. 2.*) jam de iis exposui.

Pilulæ de Styrace) *Pb. W.* p. 140. Analogæ mox dictis, et si rarer quam istæ præscriptionis. A granis quatuor ad octo capiuntur. Pluribus jam de hisce (*Art. de Styrace, App. med. T. 2.*) egi. Simplicior, uti dixi, compositio pilularum hujus nominis in *Pb. Lond.* p. 96. exstat.

Theriaca Andromachi) *Pb. W.* p. 50. Electuarii species, luxuriantis ingenii soboles, quam una cum multis efficacibus, copia partim inertium, partim superflorum ingrediuntur. Composita Neronis tempore. Nomen tulit avi illi a scripta morbus & ictus venenatorum animalium enervandi, & additis viperarum trochlearis, quos ~~ad~~ ^{ad} *Sporzus* Græci dixerunt. Admiserunt quicquid theriaco scopo commodum judicarunt; & quum simul exhilarare animum eodem cuperent, Opium, Crocum & aromata addiderunt. Nova vero accessit farrago ob correctionem, qua Opium illic indigere visum est. Sensim in lugendum tot hominum cladem ad miasmatata morbosa extensa est ejusdem virtus, & commune malignitatis remedium est reputata. Sic ex uno errore in alterum sæpe deviat humana mens. Plebis panacea in acutis, sed ob calidam & sudoriferam naturam in hisce valde noxia. Potior vis ab Opio, cuius grana sex unciae euilibet insunt. Drachmæ duæ vel tres assignantur pro dosi. Uius interni varia jam hinc inde exempla suppedita-

ditata sunt. Crebrius a medicis extrinsecus applicatur, circumspectione debita observata, ad sedandum vomitum, tortina, diarrhoeam, dysenteriam, dum supra alutam extendetur, vel in profluviis dictis alvo injicitur. Carere vero in universum potest solidior medicina monstro hocce pharmaceuticæ artis. Sicco hinc pede transeo correctionem s. Theriacam Cœlestem Quercetani) *Pharm. dogm. refit.* p. m. 528. sq. item in *Pb. Brand.* p. 201. repetitam, qui aucto^r reſcindens mellis ubertatem tanto liberalius pro more ſæculi terrea varia aliaque vix a corpore noſtro solvenda adjecit: item Theriacam Cœleſtem Wurtenberg. (*Pb. W.* p. 222.) compositionis arcanæ. Simulacra modo grandævæ illius Andromachi compositionis ſunt Theriaca Edinensis) *Pb. Ed.* p. 78. & illa *Pharm. Svec.* p. 193. ut quæ ad octo modo ſymbolas formulaſ contraxerunt, ambæ tamen inter ſe in quibusdam diſcrepantes.

Mithridatium Damocritis) *Pb. W.* p. 47. Similis noſtræ formula a Mithridate, Ponti rege, profecta fertur, quam inter arcana ejus victorem Pompeium inveniſſe narrant. Superiori paſſo tempori, nempe Damocritis, Neronis Architatri, tribuas adhuc ſuperftitem. Simili farragine hoc eleſtuarium, ut Theriaca conſtat, ſimilisque efficacy opinio- nēm p̄r̄ ſe tulit. Opii autem tertiam modo partem con- tinet, ſcilicet uncia una grana ejus tantum duo. Dofis, drachma una ad unciam ſemis (*Pb. W.*). Cenſura vero prior huc redit.

Philonium Romanum) *Pb. W.* p. 48. Antiquissimum om- nium opiatorum, quæ Philonem Tarsensem, Asclepiadeæ gentis medicum, aucto^r agnoſcit. Non tam en hodierna genuina formula eſt. Brevior, quam reliquorum eleſtuariorum opiatorum. Veteres plurimum virtutis illi tribuerunt, hodie fere omnino neglegitæ. Cuilibet ejus drachmæ gra- num unum & ſemis Opij inefſt, unde doſis coſtitui poterit.

Eleſtuarium Diaſcordium Fraſaſtorii *Pb. W.* p. 46. De hoc vid. *Artic. de Scordio* ſupra.

Orvietanum) *Pb. W.* p. 133. Omnia dicitorum eleſtuariorum ſtolidiſſimum, uam compositionem largam & incon- cipiā adhuc auget Theriacæ & Mithridati additamentū. Dignum igitur circumforaneo, Hieronymo Ferrante, ex urbe Oryieto, monumentum. Etiam hoc verſipelli alexipharmacī titulo honoratum. Pro doſi drachmæ duæ ad unciam dimidiā indicantur.

Pulvis anodynus Doveri), *Dr. Dover's Powder.* Frequens Anglorum tam in nosocomiis, quam pivata praxi, ejusdem uſus injungit, ut p̄r̄pter pauca iſta, antea de eo dicta (*V. Appar. med. T. I.*), uberioris illum hic perſequar. Formula ejus

ejus hæc est: R. Nitr. Tart. vitriol. ana unc. iv. In crucibulum candens injecta agita donec deflagratio & scintillatio desinat, adde Opii concis. unc. j & in pulverem redige adjicendo Rad. Glycyrrh. Ipecac. subtiliss. pulveris ana unc. j. M. probe. Ita variis locis describitur in Monro's *Account of the milit. diseas* p. 299. *Chirurg. Pharmacy* p. 344. *Med. Pract. of Lond. Hosp.* p. 18. Dosis ibidem a gr. decem ad drachmam dimidiā, scrupulos duos imo ad drachmam unam, permittitur. Paullum differt formula in nosocomio St. Thomæ Lond., sub nomine *Sweating Powder*, usitata, scilicet: R. Opii Ipechac. ana gr. iiij Tartar. vitriol. Nitri ana gr. viij. MF. pulvis, dandus pro uncia dosi (*Lond. Hosp.* p. 69.); quæ miscela tamen sub Doveri nomine in nosocomio St. Georgii usu venit. Opium & Ipecachuana præcipue sunt, quæ posterior prioris vim ita mitigat, ut pulveris ampla dosis innocue ingeri possit. Doveri pulvis est efficax valde sudoriferum & anodynum (*Lond. Hosp.* p. 128.). Sudor stragulis in lecto & potionē diluente calida copiosa ali & aegeri solet. Insigne levamen afferre in inflammationibus topicis magno calore & tensione stipatis traditur (*Chir. Pharmacy* p. 345.). Rheumatismum chronicum egregie dissipat vesperi data ad grana viginti vel viginti quinque (Pringle *Dis. of the army* p. 162.), vel ad gr. triginta (*Lond. Hosp.* p. 18.), quæ dosis adeo bis de die hebdomadis spatio exhibita (Brocklesby *ac. and med. Obs.* p. 131.); alterna quavis vespera porrigitur secundum formulam dictam nosocomii St. Thomæ. Dosi omnium maxime prodigus fuit cl. Brocklesby, qui subinde intra nychthemerum ejus drachmas duas exhibuit, quæ Opii grana sex & subinde plura comprehendenterunt. Porro ad finem dysenteriæ quibusdam ægris profuit excitando sudores, & dolores sopiendo, alli tamen male inde fese habuerunt (Monro *on milit. Diseas* p. 84.). Hydropon quoque aliquando sustulit ad scrupulos duos cæptus sudore, qui adjutus decubitu inter stragulas per complures horas fuit (Brochlesby *I.c.* p. 278.).

Numerosa, præter dicta, composita in officinis Germania Opium recipiunt, quorum vero pleraque exoleverunt. Non minibus ideo solis acquiescere licet, idque eorum, quæ Pharmacopœa Wurtenb. recenset: Laudanum hystericum) *Ph. W.* p. 204.; Laudanum diureticum) *I. c.*; Extractum anodynum) p. 39.; Requies Nicolai) p. 49.; Balsamus odontalgicus) p. 30.; Essentia anodyna Ludovici) p. 76; Tinctura bezoardica Ludovici) p. 224.; Tincturæ aliæ bezoardicæ) *I. c.*; Tincturæ odontalgica) p. 229.; Aqua theriacalis simplex) p. 23. Composita) p. 23.; Spiritus theriacalis) p. 199.; Spiritus theriacal. camphoratus) *I. c.*; Pulvis anodynus

Ludovici) p. 144.; Pilulæ polychrestæ Starckei) p. 140.; Pilulæ solares Wildegansii) l. c. Trochisci de Carabe) p. 235.; Emplastrum odontalgicum) p. 69.

Ex Anglicis Pharmacopeis addenda Elixir paregoricum) Ph. Ed. p. 44. Pilulæ saponaceæ) Ph. Lond. p. 95. Pilulæ pacificæ) Ph. Ed. p. 85. Balsamus anodynus s. Bateanus) l. c. p. 94.

CHELIDONIUM.

Linn. Syst. veg. p. 406. Gen. plant. pag. 262.

Pharm. CHELIDONII MAJORIS Herba, Radix.

279. *CHELIDONIUM MAJUS*; pedunculis umbellatis Linn. Spec. pl. p. 723. Chelidonium majus vulgare C. B. *χελιδονίου μεγάλη* Diosc. & aliorum Veterum: Icon: Fl. Dan. Tab. 542. Regnault Botan. la Chelidoine. Pl. perennis, locis ruderatis & ad sepes copiosissima.

Odor totius stirpis recentis ingrate gravis, præcipue radicis, quæ eo refert Mucorem septicum L. Insidet plantæ amarities cum acrimonia juncta, tenax, ut a contrectantibus digitis lotione difficile abstergatur. Scatet succo crocei coloris, qui saturatior est in radice. Sicando vel extractione acrimonia ejus mitigatur insigniter, odorque herbæ in integrum perit. Olim frequentioris in praxi medica usus, quam hodie, commendatione tamen dignissima stirps. Vires Herbæ & Radicis similes, modo agnoscas huic esse potiores.

Radix ramosa, dum recens, bruno-rubicunda, siccata nigra. Utraque pars resolvit aperitque & abstergit efficaciter, ita ut in obstructione varia viscerum, morbisque ab ea provenientibus, necnon in cutis variis vitiis opem haud mediocre eroget.

Icteri remedium jam antiquitus reputatum, sed restringendum ad eum, qui absque inflammatione est. Radicem cum Aniso ex vino albo potatum illi mederi notat Discoides (M. m. Lib. 2. cap. 211.), absque Aniso autem Galenus (de simpl. Lib. 8.) memorat. Eadem Foresto (Obs. & Curat. Lib. 19. Obs. 40.) placuit, sed ex cerevisia decocta. Arcanum in ictero vocat Lentilius (Miscell. med. pract. p. 229.). In hunc quoque finem vel radicis vel foliorum infusum aquosum vel radicis pulvis ad drachmam dimidiad supraque exhiberi potest. Suadetur & serum lactis, in quo folia frigide macerata, cum cremoris tartari tantillo cape-re (Chom. Usuelli. T. 2. p. 80.). Commodissime extractum eius,

ejus, vino ad mitem ignem paratum, offertur a scrupulo uno ad duos per diem, aqua destillata solutum. Sicque tam in ictero quam aliis morbis ex obstructione viscerum, glandularum mesenterii, vel lymphæ spissitudine prævenientibus, per aliquot hebdomades continuatum, voto satisfacit (Lange de med. Bruns. dom. p. 124. 19.). Hocce extractum aceto scillitico solutum infarctos pulmones post screatum pituitæ prægressum liberavit (Idem.). Lienem dolentem & tumidum succus ex tota planta expressus & vino vel cerevisia & saccharo temperatus sanavit (Seinert. Epist. Cent. I. Epist. 36.).

Transeo ad efficaciam in febre intermitente. Hanc tollere fertur præmisso emetico succus herbæ expressus ad guttas tres vel quatuor aliquot cochlearibus vini fumtus, vel & infusum radicis ante paroxysmum ingestum (Wagner in Eph. Nat. Cur. Dec. 2. Ann. 9. p. 60.). Vereor, ne guttæ istæ paucæ succi parum effectus præstent. Quantitatè autem cochlearis dimidii vel integri cum vino capiendam (Hünerwolff in Eph. N. C. Dec. 3. Ann. 2. p. 120.) vix præterquam robustis exhiberem. Binis exemplis ejus cochleari dimidio bis per diem dato tertianam profigavit ill. Linneus (in Tillaei Diss. de varia febr. interm. curat. p. 29.). Plebs Brunsicensis eodem fine vel pulvere radicis ad drachmam circiter unam cum aceto vel & succo herbæ aceto similiter remixto utitur (Lange l.c. p. 122.). Sudor post usum erumpit copiosus, qui sollicite lecti fotu alendus (Wagner, Lange). Præbium repetatur bis vel ter prænecessitate.

In hydrope, contracto ex abuso spiritus vini, Warsavientes herbæ & radicis ex cerevisia infusum potant, unde lotum copiose manat (Erndtel Warsavia phys. illuſtr. p. 190.), & sæpe emersisse feruntur.

Podagrīcis & calculosis commendatur instar Thææ (Cramer in Aet. Berol. Dec. 2. vol. 8. p. 45.).


Sunt & externi morbi, quibus Chelidonium dicarunt. Horum ex censu sunt inde a vetusto tempore oculorum affectiones. Succum cum melle in æreo vase coctum adjuvare oculorum aciem Dioscorides (l.c. Cfr. Rhæses) monet. Nec minus contra initia suffusionis valere quidam fibi persuaserunt; quo fine extracti quantum æquaret magnitudinem capitis aciculæ mane oculo immisit, item aquam destillatam applicavit Hildanus (Cent. Epist. n. 59. in Oper. p. 1003. Fateor, me non satis fidere topicis istis contra cataractam jaçatis, & vereri, ne confundendo vim immunatum a suffusione cum illo, qui a maculis levioribus corneæ oriantur, varia remedia immeritis encomiis cumularint. Addeendum oculorum pannum vel nubeculas, extractum pariter

applicatum (Hildan. l.c.), vel succus aliquoties de die oculo instillatus (A. N. C. Vol. 2. Obs. 77.) profuit. Audiendi tamen & ii, qui frustra hocce remedium aliquando tentarunt (Lange l.c. p. 125.) Vim humores oculi effusos resarcendi, quam Burrhus de succo hocce jaicitavit, justius unice aqueo humoris, sponte naturae beneficio perfoissa cornua confluentia, acceptam referimus, (Cfr. Th. Barthol. in Act. Hafn. Vol. 1. Obs. 132. 133.), ut manifeste docet catarractæ extractio. Aqua ejus destillata passim pariter ophthalmica deprædicatur (Ludovici Oper. p. 208.). Unde & collyria intrat, ut aquam ophthalmicam St. Yves; sed, quantum eidem teneo, irrita spe. --- Pauci in recensione virtutum efficaciam succi vel herbæ contusæ & extrinsecus applicatae in herpete omittunt. Existimo convenire in ea modo specie, quæ topico vitio ab humoris acri, cui per vesicantia exitus parari potest, nec labore humorum universaliori consistit. --- Nempe adeo acrem succum vehit, ut verrucas molliores, iis illitus, exedat (Heist. & Platn. Chirurg. in capp. de Verrucis). Laus ejusdem in depurandis sanandisque ulceribus ad vetustiora pariter (Arnoldi De Villanova L. 5. Brev. præf. c. 21.) ac seniora tempora pertinet (Lange l.c. p. 124.).

PRÆPARATA ET COMPOSITA.

Aqua Chelidoniae majoris) Pb. W. p. 6. Vix præ simplici aqua destillata ullam prærogativam habet.

Decoctum ad istericos) Pb. Ed. p. 54. Inter alia radicem cum foliis stirpis recipit.



ORDO XXII.

PUTAMINEÆ.

CAPPARIS

Linn. *Syst. veg.* p. 405. *Gen. plant.* pag. 261.

Pharm. CAPPARIDIS Gemma conditæ, Cortex.

280. *CAPPARIS SPINOSA*; pedunculis unifloris solitariis stipulis spinosis, foliis annuis, capsulis ovalibus, Linn. *Spec. pl.* p. 720. *Capparis spinosa fructu minori, folio rotundo C. B. Kunthapic* Diosc. *Icon: Blackwell T. 417.* *Fruit ex fermentosus, crescens in muris petrisque Europæ australioris, nominatim Gallo-Provinciæ, Hispaniæ, Italiae, uti & Orientis. Colitur in Provincia circa Telenem Martium.* Plantæ horti botanici nostri inermes sunt.

Gemmæ (des Capres) virides, h. e. flores nondum expansi, qui igitur constant ex calyce tetraphyllo, corolla tetrapetala, staminibus numerosis & pistillo uno, lenti vel pisi magnitudinis, maxime hanc stirpem celebrarunt, siquidem rite præparatæ intinctibus carnium pisiumque interviunt. Quo minores, eo magis placent tantoque carius veneunt. Differt vero magnitudo pro ætate gemmarum varia. In Provincia sine delectu majores minoresque colliguntur: sed conditæ jam per cribra transmittuntur, ut dispensantur secundum magnitudinem diversam (*Duhamel Traité des arbres T. 1. p. 121.*). Ita vero coniduntur: decerptæ in umbra per tres vel quatuor horas reponuntur, donec flaccescere incipiunt, dein aceto per octo dies macerantur, quibus exactis eximuntur leniterque premuntur, & iterum aceto perfunduntur per idem spatum, quod & dein tertium fit; tum in dolii servantur cum aceto, cui quidam salem adjiciunt. Hac ratione per triennium servantur integræ (*Raii Hist. pl. Tom. 2. p. 1629. item Geoffroy M. m. Traité T. 5. p. 431.*). Noxio valetudini artificio, ut graviori viredine tingantur, aliquando vase cupreo macerantur. Conditæ etiamsi fuerint, acrimoniam tamen & am-

rican-

ricantem saporem retinent, nec cuilibet palato in deliciis sunt. Dabo, ad ciborum appetitum augendum & concoctionem facere. An obstrunctiones hepatis & lienis vere resolvant, ulteriori experientia dirimi debet. Capparidibus unice & aqua, in qua faber ferrarius saepe ferrum candens extinxit, septennis induratio & tumor lienis dissipatus (Benvenius c. 105. de abditis in Schenckii Obs. med. p. 427.). Non male pro usu cibario hodie gemmæ similes Tropæoli substituuntur.

Cortex ex radice deglubitur, quæ ipsa ampla lignosa. Ille vero crassus albidusque est, convolutus, calami cynei amplitudinis, saporis nonnihil aromatici, subamari & subacris. Adstringere auctores tantum non omnes, ut Forestus (Oper. Lib. 20. Obs. schol.), Sim. Pauli, Hermannus, Linneus affirmant: solutio tamen vitrioli martis inde non nigrificat (Alston M. m. Vol. 1. p. 371.) Et quæ Veteres, quibus insigni in pretio fuit, de eo recensent, ad aperiendi vim potissimum & abstergendi pertinent. Nempe præcipue in obstructionibus lienis, in mensium suppressione, malo ischiadicō, in strumis discutiendis, porro in ulceribus expurgandis præceperunt (Dioscor. M. m. Lib. 2. cap. 204. Galen. de simplici. L. 7. Plin. Hist. nat. Lib. 20. cap. 15.). Humores depravatos ejus ope per lotium eliminari, quin interdum per dejectiones sanguinolentas (Dioscor. Galen. loc. cit.). Seriores varii medici lieni obstruendo resermando nominatum illum dicarunt, ut videre est apud Forestum 1. c. Obs. 2. & 3.) & Sennertum (Pract. Lib. 3. P. 4. c. 2. & 3.), sed inter tot alia sesquipedalibus forimulis. Despicitur hodie.

PRÆPARATA ET COMPOSITA.

Oleum Capparum) Fb. W. p. 122. Complectitur corticem hunc aliaque aperientia, ut creduntur, vino infusa, dein oleo olivarum cocta. Resolvere, præcipue lienem induratum, perhibent.

Radicum quinque aperientium minorum) numerum radix capparidis intrat.

ORDO XXIII.

SILIQUOSÆ s. CRUCIATÆ.

a) SILIQUOSÆ proprie sic dictæ.

SISYMBRIUM.

Linn. *Syst. veg.* p. 497. *Gen. pl.* p. 338.*Phar. NASTURII AQUATICI Herba.*

281. **S**ISTYMBRIUM NASTURTIUM; siliquis declinatis, foliis pinnatis, foliolis subcordatis Linn. *Spec. pl.* p. 916. Nasturtium aquaticum supinum C. B. *Kardamine* f. *Stor* *Icon: Flor. Dan. Tab.* 690. Pl. biennis, ad rivos certe in Germania copiose crescens, per totam hiemem viridis. Cave, ne confundatur cum *Cardamine amara* L. s. Nasturtio aquatrico majori & amaro C. B. *Prodr.* p. 45. c. ic. quod tanto facilius, quum saepe mixtim cum altera occurrat. Sed in *Cardamine* dicta caulis elatior, corymbus ultra folia prominens, folia magis oblonga & angustiora, petioli erectiores, flores majores, sapor herbae magis amarus. Linnaeus addit axillas stoloniferas,

Displacet mihi, pharmacopolas Svecos substituere *Cardamine* pratensem L. longe mitiorem, licet perinde existimat cel. Bergius (*M. m.* p. 561.).

Herba recens saporem moderate cum amaritie pungentem habet, trita autem digitis odorem volatilem spargit. Sapori pariter ac odori aliquid specifici inest, cum variis tanen Stirpibus affinibus; uti & cognatione disjunctissimo Tropæolo. communis. Tribuerunt hisce multi eximii chemici, ut Boerhaavius (*Chem. Tom. 2. Proc.* 33.) : Hiärne (*Aet. chem. Holm.*), Spielmannus (*Chem. p. 202.*) rel. sal alcalinum volatile, idque non ignis vehementia vel alia vi proditum, sed innatum, arte tantummodo separandum. Et huic quidem volatilem & nares vellicantem odorem simulque & vires harum Stirpium tribuerunt. Post Cartheusserum (*Mat. med. T. 1. p. 294.*) autem cl. Altmann (*Diss.* de

de analysi plautarum antiscorbuticarum, Vienn. 1756. inde a. J. 10.) item nuperius cl. Wieglob (*Versuche üb. d. alcal. Salze p. 199.* & antea), alios ut taceam, experimentis (Vid. infra *Cochlearia sub. n. 294*) evicerunt, acre istud olfactus organon vellicans alii cuidam hæc vegetabilia intranti parti adscribendum esse, quam ille (Altmann *I. c. p. 40.*) spiritum rectorem vocat, hic (Wieglob *I. c. p. 149.*) nondum definire audet, utrum sit acidæ, an potius oleosæ naturæ, licet omnino hic ipse in illis alcali volatilis indicia mox evidentiora mox obscuriora detexisse sibi visus fuerit, experimentis cum aqua ex stirpibus istis & portione cinerum clavellatorum destillata nixus. Ad oleosam naturam accedere cl. Nose (*Versuch ein. Beyträge zur Chemie, Wien, 1778. p. 131. sq.*) arbitratur, argumenta etiam producens ex phænomenis in corpore animali sub usu horum stirpium obvia, salis alcalini volatilis genio contraria. — Quod ad Nasturtium aquat. nominatim attinet, ex larga ejus, aqua destillatæ, copia, pauxillum olei essentialis subtilis, volatilis valde pungentis eruitur (Lewis *Hist. of M. m. p. 396.*). Acre volatile diffatur plane fere siccatione herbae vel insipiatione succi sive menstruorum, quibus illud elicetur. Expressione autem una cum succo evolvitur, item destillatione aqua vel spiritu vini facta (Id.).

Acetarii instat herba cruda verno tempore præservativo fine editur, præcipus in Germania.

Mitior paulo est, quam Cochlearia, cui & proxime accedit contra scorbutum virtute, ob quam præcipue communi medicorum laude condecoratur. (V. e. gr. Eugalen *de scorb. Obs. 54.* & alibi, Linn. *Fl. Svec. n. 592.*) In juseculis herba uti, ut quidam suadent, improbo, tam ob mensuram incertam, quam ob virium per calorem dispendium. Plus præstat acetarium inde paratum, plurimum succus expressus, qui, ut succus Cochleariae, Lepidii, alii calidiorum vegetabilium, apte mitigatur frigidioribus succis ut Acetosæ, Beccabungæ, Aurantiorum rel. Pro dosi ejus binæ unciae ad quatuor esse poterunt. Laetè mistus curavit scorbutum in cœnobio Bethlehemensi (Hasselquist's *Resa p. 154.*).

Eminet præterea attenuante sua & resolvente potentia. In caro pituitoso frigido usum Nasturtii cocti vel in acetario impense commendat Forestus (*Opp. L. 3. Observ. 39. in Schol. p. 366.* item Rondeletius *Method. cur. morb. c. 19. Oper. Ed. Crocqu. p. 49.*) Succo ori infuso in febre tertiana soporosa puerο scorbutico succurrit Eugalenus (*I. c.*). Tentantis in hac febre Werlhofii (*de febr. p. 80.*) spei, quamvis non omnino satisficerit, forsitan ob defectum diatheseos scorbuti exquisiti: proficuum tamen illi visum, sub paroxys-

mo succum vel solum vel spiritibus salinis volatilibus acidis vel mediis commixtum sub paroxysmo in os infundere. — Diurno usu obstrunctiones viscerum referare compertum (Hall, *Hist. fl. helv. n. 482.*) Ita cessavit rebellis tussis juscule, cui succus herbæ fuit additus (Zwingeri *Diss. de plantis nasturc.* p. 49.). In ipsa phthisi purulenta pulmonum solatium attulit planta (Bonet *Sepulchr. T. 1. Ed.* Mang. p. 686.). Huc pertinet calus curationis phthiseos solo Nasturtio aquat. jejuno stomacho sumto, cui superbibitum lac ebutyratum, peractæ (Eph. n. Curios. Dec. 2. A. 8. Obs. 142. p. 302.). Exemplum vero restauratæ pulmonum substantiæ, quod narratur (a Boneto l. c. p. 693.), multis momentis dubium redditur. Quæ de vi in calculo hinc inde memorata, pondus aliquod nanciscuntur ex historia feminæ nephritide calculosa laborantis, sed juscule, Nasturtio aquatrico & Cerefolio cum grani viginti seminis Nasturtii hortensis remixto & per aliquot dies sumto, sanatæ (Zwinger. *Diss. cit.* p. 49.).

PRÆPARATA ET COMPOSITA.

Aqua destillata). *Pb. W.* Iners, prout vulgo habetur.
 Conserva) *Pb. W.* p. 39. Eximia.
 Succi ad scorbuticos) *Pb. Ed.* p. 67. Edit. noviss. p. 52.
Pb. Lond. p. 26. Differunt formulæ, sed ubivis stirps nostra consortium ingreditur.

Phar. SOPHIE CHIRURGORUM Herba, Semen.

282. *SISTMRRIUM SOPHIA*; petalis calyce minoribus, foliis decomposito pinnatis. Lipp. *Spec. pl.* p. 920. Nasturtium sylvestre tenuissime divisum C. B. Icon: *Fl. Dan.* Tab. 528. Pl. annua, vulgarissima in maceriis, ruderatis & arenosis.

Exolevit in seniori praxi. Herba) tamen olim claruit, ut vulneraria, unde nomen superstes. Tota stirps conqualata & applicata vulnera sanare & ulceræ purgare fertur (Chomel *Pl. Usuell. T. 2.* p. 295.). Gotlandi in malo hysterico utuntur (Linn. *Fl. Svec.* n. 595.) In decocto vel infuso alvi profluviis opposita, prout varia forma contra hæmoptysin, fluorem album & hæmorrhagiam uterinam, ptacepta (Chom. l. c.).

Semen) exiguum, ovatum, glabrum, rufum, saporis acris Non omni igitur virtute cassum. Diarrhoeam sistere ad drachmam unam oblatum (Raii *Hist.* pl. T. 1. p. 812). Nerii eodem dysenteriam tam hominum quam boum curant (Linn. *Fl. Svec.* l. c.). Afflictibus nephriticis & calculosis subvenire, Robinson (apud Ray l. c.) memorat. Ad lum-

bri-

bricos necandos laudatum (Cæsalpinus nomine Accipitri-
nae in Lib. 16. de plant. p. 361.); imo semini Santonici
hoc scopo substitutum (C. Hoffm. offic. p. 101.).

ERYSIMUM.

Linn. *Syst. veg.* p. 499. *Gen. pl.* p. 339.

Phar. ERYSIMI Herba Semen.

283. *ERYSIMUM OFFICINALE*; filiisque spicæ adpressis
foliis runcinatis. Linn. *Spec. pl.* p. 509. *Erysimum vulgare*
G. B. *Eeroum* Græc. *Icon: Fl. Dan. Tab.* 560. *Regnault*
Botanique, le Velar ou la Tortelle. *Pl. annua*, ad vias cre-
berrima.

Herbæ) sapor nonnihil acris, præcipue summittatum flo-
rentium; vix vero odora est, Efficacius semen est, quo
præcipue usi sunt Veteres, æmulans sapore & rubefaciendo
cutem Sinapis semen. Contusa tamen & applicata
herba quoque legitur vesicas provocasse. Hæc in
tussi inveterata, asthmate, item raucedine ex nimia vo-
cis contentione, incidens & expectorans efficax celebratur,
& hodie ea unice acquiescunt. Ad hanc præcipue partem
existimo referendas esse laudes nervosas Lobelii (*Advers.*
nov. flirp. p. 69.) qui fidem fere omnem in dictis malis eam
superare edisserit, præeuntibus Rondeletio aliisque præ-
ceptoribus suis. Plerique nostro tempore syrumpum unice ad-
hibent. Pulyis tamen etiam recentius in pituita pulmones
vel viscera imi ventris gravante, usu longiori profecit (*Len-
tin Obs. med. Fas. 2. p. 29.*). Nec nocuit præsente febre
miti vel transitoria (*Idem.*). Confert quoque, in vitiis i-
stis pectoris instar Theæ cum melle eam exhibere (*Boerh.
Hist. pl. hort. L. 3. T. 2. p. 428.*). Lotium præterea sup-
pressum herba liberat (*Boccone Mus. di fisic.* p. 216.).

Pellit hoc etiam Semen) ad drachmam unam pro dosi in-
gestum (*Fonfeca Consil. I. 2. n. 96. 100.*). Cum melle de-
linctum in thoracis fluxionibus & ipso screatu purulento pro-
cesso, *Dioscorides* (*Mat. m. Lib. 2. cap. 188.*).

C O M P O S I T U M .

Syrupus de Erysimo Lobelii) *Ph. W.* p. 210. Inter alia va-
ria pectori opportuna, partim quoque inania, *Erysimum*
quoque comprehendit. *Ph. Danica* p. 254. Præ ceteris ta-
men mihi placet simplex iste ex succo & melle (*Geoffroy*
Mat. med. Traité T. 6. p. 277.), quem & præfero isti *Ph.*

Paris. p. 30. qui infusione fervida aquæ paratur, sub qua, ob calorem, jacturam volatilis partis nasturcini communis metuo.

ERYSIMUM ALLIARIA.

Pharm. ALLIARIAE Herba.

284. *ERYSIMUM ALLIARIA*, foliis cordatis Linn. *Spec.*
pl. p. 922. Alliaria C. B. Icon: Regnault *Botan.* l' Allaire.
Pl. annua, ad sepes & locis umbrosis frequens.

Exoleta. Odor Herbae recentis contritæ idem ac Allii sapor similis modice acris, subamarus. Sapor alliaceus ipsum adeo lac vaccarum, quæ plantam devorarunt, inficit (*Vet. Acad. Handl.* 1750. p. 103.). Siccando perdit plurimum odoris & saporis nonnihil. Succus expressus efficaces partes continet quæ vero inspissatione ejus diffiantur. Distillatione herbae recentis cum aqua tantillum olei essentialis ascendit saporis odorisque fortis. Elicit quoque spiritus vi- ni virtutis plurimum (Lewis *M. m.* p. 27.).

Olim recentia folia ad condimenta ciborum, intinctus & salsa menta, Allio substituta, item embammata introive- runt. Sed desuevit hic usus non minus, quam ille medicus. Nec curamus amplius decoctum herbæ in asthmate (Camer ad Matthiolum), nec semina (Tabernaem.) ad pituitam pul- monum incidentam. Quidam pro externa applicatione Scordio supparem agnoverunt, quo in numero fuit Hildanus (*Cen. 2. Obs.* 94. in *Oper.* p. 172. Cfr. *Oper.* p. 1038.), Scordio tamen prærogativam concedens. Sed succum ejus vel liqui- dum vel inspissatum unguentis item cataplasmatisbus referunt summo cum fructu sese ad coercendam gangrænam & ulcera mali moris abstergenda & a putredine vindicanda addidisse. Historiam curatæ pariter gangrænæ ex tibia cum fibula fra- ña & conquaflata per herbam contulam cum vino narrat Boerhaave (*Hist.* pl. T. 2. p. 437.). Contra ulceræ cancerum minantia adeo extendit Camerarius ejus efficaciam; & ulceribus carcinomatosis folia contusa applicuisse probo successu testatur Chomel (*Pl. Uſuell.* T. 2. p. 378.). Præ- cipua momenta de pristino Alliariae usu concessit C. Bauhi- nus in *Respons.* ad Hildanum *Obs.* cit. addita. Utinam in universum vera essent, quæ de singularibus casibus in du- biūm vocare cell. horum virorum auctoritas non finit.

Pharm. BARBARÆÆ Folia.

285. *ERYSIMUM BARBARÆÆ*; foliis lyratis extimo sub-
 107

rotundo Linn. *Spec. pl.* p. 922. Eruca lutea latifolia s. *Barbaræa* C. B. *Icon. Regnault Botan.* l'herbe de St. Barbe. *Pl. perennis copiosa ad margines fossarum.*

Similis est *Sisymbrio Barbarææ* Linn. (*Spec. p. 921.*), sed huic folia non pinnatisida, vel, ut Linnæus mavult dici, lyrata, sed indivisa, oblonga, acute dentata competunt, & duratio tantum biennis.

Nostra non inefficax, et si rarioris usus. Folia ingrate amara & leniter acria, ut cognitionem cum nasturcinis agnoscas, odoris herbacei. Viret tenella planta etiam hie-me. Apud Anglos in hortis seritur, solisque vere & hie-me pro acetario, vel crambis instar vescuntur: culta stirps nisi suppetat, feram colligunt (*Kalms Resa. T. 1. p. 407.*). Recens herba inter antiscorbutica meretur locum, tanto-que justius, quum deficienibus ob anni tempus aliis succo-
sus praesto sit.

C A R D A M I N E.

LINN. *Syst. veg. p. 496. Gen. pl. p. 338.*

Pharm. GARDAMINE Flores.

286. *CARDAMINE PRATENSIS*; foliis pinnatis foliolis radicalibus subrotundis, caulinis lanceolatis Linn. *Spec. pl. p. 915.* *Nasturtium pratense magno flore* C. B. *Σιρυμβενης* *et refor* Diofc. *Icon. Regnault Botan.* le Cresson des Prés. *Pl. perennis*, in pratis uidis copiose vere florens, flore vel albo vel pallide purpureo.

Herbam male surrogari aliquando *Nasturtio aquatico*, supra (sub n. 281) jam conquesitus sum, et si omnino odore saporeque quadantenus illud referat.

Medicis vix notata, donec ante decennium fere fama ^{de} efficacia Florum in spasticis & convulsivis affectionibus enaseretur. Amari hi & acres sunt. Binis modo verbis laudari in convulsionibus ex schedis Tancredi Robinson manu scriptis retulerat Dale (*Pharmacol. p. 225.*). Sed cl. Baker (*medic. Transactions T. 1. inde a p. 442.*) teste fidem suam probarunt foeminae hystericae in asthmate convulsivo & muscularum abdominalium spasmo, reliquis omnibus fru-stra tentatis; item pueri & puellæ in chorea St. Viti; nec non foeminae convulsionibus artuum cum deglutitione diffi-cili laboranti. Alii foeminae, spasmis & contorsionibus pedum paralyzin excipientibus, initio modo auxilio fuerunt, nam vehementia mali, cuius intra cranium variae causæ post mortem apparuerunt, succubuit. Intra quadriennium

post primam editionem observationum nova colligere doctrinæ eorum præstantiæ in convulsivis morbis cel. viro datum fuit (I. c. p. 459.). In pulvere mane & vesperi capti a scrupulo uno ad drachmam dimidiā vel sequialteram. In epilepsia autem tollenda nec Bakero duobus vel tribus exemplis (I. c. p. 443.), nec cl. Lyfsons (practical. Essays p. 173.) in singulari caiu sufficerunt, in quo ipso quælibet dosis sūdorem copiosum movit; in uno hujus generis ægro levamen cl. Greding præstiterunt, in omnibus reliquis autem iisque numerosis spēm ejus, etiam si diu & large exhibiti, sefelle-runt (Ludwig. Advers. medico-pract. Vol. 3. p. 564.).

R A P H A N U S.

LINN. Syſt. veget. p. 504. Gen. pl. p. 343.

Phar. RAPHANI HORTENSIS. h. e. α , RADICULÆ β , RAPHA-NI NIGRI Radix.

287. *RAPHANUS SATIVUS*; siliquis teretibus torosis bilocularibus Linn. Spec. pl. p. 935. α , Raphanus minor oblongus C. B. Pl. annua. β , Raphanus niger C. B. Pl. biennis. Utraque in China sponte crescens, in Europa ubivis in hortis colitur.

Radices) hæ succosæ quarum α , subglobosa epidermide alba, rubicunda, vel subnigra, β , fusiformis epidermide nigricante, frequentius a sanis, quam ægris, usurpantur. Nempe lotæ in orbiculos recens dissectaæ taleque conspersæ ingeruntur, idque plerumque in mensa secunda; sicque non solum grate linguam vellicant, sed & ventriculum stimulant, pituitam ejusdem solvunt, appetitum augent. Labefactato tamen ventriculo flatulentia infestæ sunt. Sapor iste acris nasturcius cortici præcipue radicum inhæret. Medico scopo Raphanus niger magis idoneus est, utpote acrior. Hujus aqua destillata alcali volatile latens reagentibus, quæ vocant, prodit (Wieglob v. d. alcal. Salzen p. 196. Exper. 78).

In calculosis affectionibus succus prodest. Hicce calidus, vel & decoctum radicum calidum calculum immissum in arenam dissolvit (Lobb de dissolv. calc. p. 88. sqq.). Nec inconcinne miscella succi unciarum trium vel quatuor & mel-lis unciæ dimidiæ calculosis offertur (Chom. Pl. usuel. T. 1. p. 292.). Levata & incommoda calculosa succo ad semicochleare quotidie cum oleo olivarum sumto (Haen Rat. med. P. 6. p. 205. 292.). Diuresis insuper, quam excitat, dignam eum tentamine, fabulorenun præsente, reddit. —

SUC-

Succus in syrum redactus raucedinis remedium est (Lanzoni *Oper. T. 2. p. 416.*). Idem ille saccharo vel melle mitigatus (Ettumll. *Oper. Ed. Mang. T. 1. p. 683.*) asthma pituitosum solvit. Simile sine dubio asthma fuit, quo infans ex usu orbiculorum Raphani sale & conspersorum liberatus fuit Schroeck *Eph. N. C. Dzr. 2. Ann. 4. p. 345.* --- Scorbuticos solatur ut familia, cui adscribitur, quantum vero sentio, prævertendo potius quam curando malo patet existit.

Orbiculi saliti, cuti applicati, instar sinapis illam rubefaciunt & revellunt.

P R A E P A R A T U M .

Aqua Raphani hortensis (*Ph. W. p. 6.* Hæc pariter calculosis commendat (Rulandi *Cent. 6. curat. 44.* & *Cent. 4. curat. 63.*). Vires statione facile perdit.

S I N A P I S .

Linn. *Syst. veget. p. 503.* *Gen. pl. p. 342.*

Pharm. SINAPI NIRGI Semen.

288. *SINAPIS NIGRA*; siliquis glabris racemo appressis Linn. *Syst. veg. l. c.* Sinapi rapi folio C. B. Σινάπι; Græcorum. Icon: Regnault *Botan. la Moutarde, Pl. annua locorum ruderatorum & aggerum; copiose colitur.*

Sinapis alba L. ejusdem virtutis est, et si rarius adhibetur (Alston *M. m.*).

Semen) nigræ exiguum, rotundum, non nihil compressum, rubicundo-brunum, striis concentricis notatum, saporis subamari, acris, in pulverem redactum nares non nihil feriens. Contusum & ferventi lacti additum, illud coagulat, & serum sua acrimonia imbuīt. Contritum aceto acerrimo effervescente Boerhaave observavit (Chem. *T. 2. Proc. 34.*), sed non successit experimentum cl. Altmann (*Diss. de pl. antiscorb. p. 34.*), quamvis acetum vitrioli acidu acueret. Potuit facile quibusdam ebullitione dictam statuentibus imponere copia bullarum, quæ ex pulverulentis porosisque substantiis affuso liquido alias quoque erumpere solent.

Destillatione sicca erogat particulas, quas simili encheirisi tractatum Cornu cervi (Boerh. *Chem. T. 2. Proc. 33.*), scilicet spiritum, oleum & salem volatilem. Ill. Spielmannus (*Chem. p. 202.*) eruit circiter $\frac{1}{3}$ spiritus alcalini, $\frac{1}{3}$ olei, $\frac{1}{2}$ salis alcalini fixi. Non mirum igitur spiritum hunc abul-

ebullire cum oleo vitrioli (Waller ad Hilärne II. p. 63.). Sed magis ad veram ejus naturam investigandam facit analysis mitiori igne instituta. Scilicet semen destillatum aqua largitur oleum æthereum aqua specificē gravius, intense acre naresque valde afficiens; reliqua ejus pars extractum subdulce mucilaginosum erogat. Extractum spirituosum amaricans & oleosum est. Differt ab oleo dicto aliud expressione eliciendum, ut quod blandum & insipidum, remanente acrimonia in pasta (Lewis M. m. v. 544.). Vera tamen etiam vestigia salis alcalini volatilis seminis inesse visa, quæ mitiori igne per destillationem ejusdem cum cineribus clavellatis & aqua sele declararunt (Wieglob v. d. alcal. Salzen. p. 197. Exper. 79.).

Notissimum ciborum, carnis præcipue & piscium, ad intinctus condimentum est; quo fine Anglicum semen, in pulvere transmissum, reliquias præfertur, acrius longe, ut & in os receptum titillationem narium excitet & lacrymas excutiat. In pulverem post cautam siccationem contritum vulgo solet aceto commisceri, sed inde Sinapi non mitescit. Sufficit illud aqua fervida vel & jure carneo calido, vel & quod multi præferunt, musto compistum, per aliquot horas seponere. Si brevi modo ante usum mora sic præparatum fuerit, amaritie sua displicet. Ita adjuvat cibi concoctionem, ventriculo sensum gratum impertit, mentique, certe in memet hilaritatem haud mediocrem, forsitan ex aere fixo qui extricatur, conciliat. Frequentiorem Sinapi usum ad naturam putridam disponere humores, & morbos acutos perniciosiores reddere arbitratur ill. Hallerus (Hist. pl. belv. n. 465.); an præceptoris sui, Boerhaavii, placitis de harum stirpium natura alcalina ductus?

Sed non recreat modo sanos semen, verum etiam in vario morborum genere opportunum est. Scorbutus horum e numero est, cuius curati memorabilis narratio legitur de obſidione Rupellensi, in qua multis centuriis hominum languentium, & oris foeditate dirisque aliis morbi symptomatibus correptorum, semen tritum & cum vino albo mixtum subvenit (Raai Hist. pl. p. 803.). Hinc & lege nautis Belgicis injunctum, sibi sinapi debita quantitate proficer (Traité du Scorbut p. 115.).

Veteri (Diosc. M. m. L. 2. c. 184.) laude a recentioribus quibusdam repetita ad febris intermittentis curationem facit semen hocce integrum deglutitum. Cochleara adeo ejus alternis horis vel quater s. quinques de die sub apyrexia absque masticatione deglutiri jubetur (Faxe in Odhelii Tal om K. Lazar i Steckb. p. 25 & Bergius M. m. p. 581. Experti & illud inter Svecos coll. Fagræus item Odhelius.) abstinerique postea a potu. Quartanæ vero autumnali sistendæ

dæ non sufficit. In protracta & recrudescente intermitente corticis Peruviani cum hoc semine connubium proficuum (Bergius *I. cit.*). Male vero cessit in robustissimo rustico quartana laborante experimentum, dum magnam copiam feminis contriti & spiritu juniperi diluti, tribus horis ante paroxysmum ingereret, unde in febrem ardentissimam lethalem incurrit (Swieten *Comm. T. 2. p. 31.*). Causa tam diversi eventus an temporis, quo semen ingestum, diversitati, an potius nimiæ quantitatæ & vehiculo spirituoso tribuenda? Sudoriferis obviam ire paroxysmo, ambiguam praxin esse, alia documenta edocent.

Plura itidem tertamina caute capta requiruntur, antequam de ejus in hydrope efficacia rite statuatur. Domesticum esse hinc inde, novi. Fuit foemina nobilis ex hydrope ovarii ascitica, quæ post frustra tentata purgantia & diuretica, & post ter institutam abdominis puneturam, suafu aniculæ manæ & vesperi cochleare feminis Sinapi non contusi ingessit, superbibita decocti summitatum viridium Genistæ semilibra, unde & alvus soluta & lotium ad aliquot libras manavit, eo successu, ut persistens in hisce per annum valitudinem perfecte recuperaret (Mead *monit. & præc. med. p. 77.*).

Masticatum hocce intra linteum semen humores ad os potenter allicit.

Omnium vero suetissimum est, illud pro *Sinapismo* s. cataplasmate epispastico adhibere. Simplicissime ex semine trito cum æquali quantitate micæ panis & aceto vini q. s., ut cataplasma inde fiat, paratur. Non opus est, Allium contusum addere, ut in *Pb. Ed. p. III.* suadetur. Conducit & illud ex fermenti panis acerrimi uncias quatuor, feminis Sinapi contusi & aceto macerati uncia una & aceto vini quantum ejus pro justa spissitudine opus est, parare, addito, si majori adhuc stimulo æger indiget, salis gemmæ uncia dimidia; hoc, linteo junctum, applicetur, & cataplasma aceto humectetur. Inde rubescit, inflammatur & exasperatur cutis cum leviusculo dolore, quin ex diutius ibidem relicto in vesicam attollitur. Eximie stimulat torpescientibus viribus & efficaciter revellit. Præ vesicatoris saepe prærogativam habent sinapismi; nam illa sanguinis circuitum longe magis accelerant cum augmento caloris, putredinem humorum, si qua adest, augent, & ulceta vitio humorum subinde gangrenosa gignunt. Valet igitur sinapismus languente eruptione variolarum & morbillorum ex febris inertia; vel & iisdem exanthematibus retrouplis. Felici ausu ad arcendas variolas a facie plantis sive suris pedum vel brachiis sinapismus imponitur; quod b. Equit. A Rosenstein (*Barnsj. p. 128.*) consilium male quidam (Vogel *Mat. med. p. 169.*

p. 169. Cranz *Mat. med.* P. 2. p. 84.) ita interpretati sunt ac si ipsi faciei imponendum jusserit. In angina, pleuritide aliisque inflammationibus internis loco affecto ex adverso utiliter applicatur. Alias si stimuli ratio habeatur, plantæ vel suræ vulgatissima applicationis loca constituunt. Tam diu autem relinquendum cataplasma, donec cutis rubescat & aspera fiat, & iterandum pro necessitate.

Suppuratio tumorum si ægrius succedit, stimuli causa Sianpi semen illis imponitur. --- Farinæ ejus aqua cocta lavare perniones proficuum (Tissot *Avis au peuple* p. 570. Cfr. Chom. pl. usuall. 17. 1. p. 187.). --- Balnea hoc semine imprægnata arthriticos dolores mitigant (Ex ore ill. & meritiss. A Berger cl. Tode in *Collect. Haun.* Vol. 1. p. 285.)

P R æ P A R A T A:

Confectio) Pb. W. p. 38. inusitata. -

Oleum) Pb. Lond. p. 30. Edinh. p. 92. Est expressum illud, de quo supra egi.

B R A S S I C A.

Linn. *Syst. veget.* p. 502. Gen. pl. p. 342.

Pharin. 1. BRASSICA CAPITATA ALBA. 2. - - - RUBRA.

289. *BRASSICA OLERACEA*; radice caulescente tereti carnosæ Linn. *Spec. pl.* p. 932. Κεραβην Diosc. πρωτα; Theophr. i. *capitata* L. Brassica capitata alba C. B. Nominé *rubra* apud autores intelligitur Variet. 2. *rubra* L. Brassica capitata rubra C. B. uti & Var. 3. *sabellica* L. Brassica fimbriata C. B. Planta biennis. Marittima Angliae Brassicæ patriam ill. A Linné assignat.

Omitto copiam Varietatum (etenim secundum ill. præceptoris mentem hoc unice nomine dignæ sunt), quarum vel folia vel caules vel efflorescens corymbus, vel in Napobrassica radix, gratum cibum constituunt, quoniam non de cibaria, sed medica unice penu scribo. Facile computretscit Brassica cruda cum intolerabili foetore, in primis capitata alba, & cocta in tricliniis, ubi per prandium comedta, foetoris speciem pertinacem relinquit. Nec minus teter fuit odor, qui ex succo, post stationem sub calore gr. 59. Fahr. per noctem in vitris servato, subere demto emersit, & qui in miscela succi cum oleo tartari per deliquium ad raphanaceum sive illum spiritus salis ammoniaci

ei accessit (Rosenblad *Diss. de viribus Brassice in sanitatem humanam*, Lond. Goth. 1776, p. 33, Aqua quidem cum Brassica cocta mercurium, acido nitri solutum, albo colore dejectit, quod idem aqua ejus destillata efficit; & Brassica per se destillata spiritum ammoniacalem transmittit (Spielm. M. m. p. 46.). Non obscura haec alcali volatilis latentis vestigia videntur esse. Interim ebullitio fit succi neque cum acido nec alcali, nec mutatio syrapi Violarum eidem affusi ulla (Rosenblad l. c. 32. sq.), nec decoctum aliam praeter dictam alcalium notam præ se tulit (Spielm. l. c.). In vitris putredinem carnis non accelerat Brassica, sed retardat (Pringle *Dis. of army App. Exp. 20.*).

Succo omnes subdulci aquoso, refrigerante, saponaceo, inodoro scatent. Nec ingratum cibum, jam a Pythagora deprehendit, praebent, sed parce, ob inopiam gelatinosarum partium, nutrientem. In debilibus hic fatus & tormina facile parit; hinc hominibus durioris compagis & exercitio corporeo assuetis convenientior, quam aliis; hinc & aromatnm additamento non palati unice, sed & ventriculi causa opus habet. Quo tenerior est Brassica, eo facilius concoquitur; unde palmam reliquis præripit tam hac de causa, quam ob saporis gratiam, *Br. Botrytis* (Blumenkohl.), Difficillima est concoctu *Br. Sabellica* (Svec. Blåkahl, Germ. Braunkohl), nisi gelu tenerefcatur.

Brassica capitata L. omnium usitatissima vel cocta, vel *muria condita*. Haec posterior Svecis nomine Surkahl & Germanis nomine Saver-Kraut ferculum frequens constituit. Paratur capita ejus, remotis caulis crassis, vel cultro vel dolabra peculiari multiplici acie instructa, concidendo, sive comminuta alternis cum sale vesco stratis in dolium immittendo, & violentis pistilli lignei iictibus ardore compingendo, donec dolium repleatur. Quidam Anethi umbellas & Carvi semina gratiae causa addunt, quæ proxime dicta & fermentationem adjuvant (V. App. med. T. 1.). Brassica tum orbe ligneo, cui saxum imponitur, testa loco moderate calido (ultra gr. 50 vel 60 Fahr.) servetur, donec ex bullis emissis & sapore grate acido (,, Et cum Brassica corrumpatur in dolio vini sapor,, Plin. Hist. nat. Lib. 19. c. 7. p. 913. Ed. Dalech.) fermentationis indicia apparent. Quo lentius haecce succedit, ad tres vel quatuor hebdomades usque, eo melior fit hic cibus. Si dolium adhibendum antea vinum vel spiritum vini vel acetum comprehendit, tanto facilius fermentescit Brassica, & tanto magis vinorum saporem acquirit. Dein transferatur dolium in cellam probeque curetur, ut succi justa copia superemineat, ne aeris accessus Brassicam mucore & putredine perdat. Si longis itineribus maritimis destinatur, exi-

men-

menda ex succo suo & in dolis arte compingenda. Ita seculum grato quidem acore multis placens paratur, sed difficilis tardiusque adhuc, quam alia ex Brassica, digestu, ut & tormina, anxietates, vomitus aliqua mala subinde contrahat, & aliquando supra triduum in intestinis immutatum permaneat (Rosenblad l.c. p. 32. -- Et eadem ad efficacissima medicamina pertinet, quæ contra scorbutum in itineribus marinis tuetur, & enatum jamjam mirifice coeret. Tanto vero magis commendabilis, quum ultra octo menses in navi integrum servari sese passa sit (Lind on the Scurvy p. 172.); imo per annos aliquot, ut constituit explorata ista medio a. 1775. Brassica, quæ Octobri a. 1771. præparata fuerat (Iohn. Reinhold Forster's Observations during a Voyage round the world p. 631.). Virtus ejus, tot exemplis extra dubium posita, comprobata etiam fuit in itinere inclyti ictius navigatoris Cook circa terrarum orbem, cum Foresteris suscepto, in quo libra ejus una singulo nautæ bis vel pluries per hebdomadem multum contulit, ad vitam hominum, (mirabili exemplo!) centum & novendecim per triennium servandam (Pringle's Means for preserving the health of mariners p. 29. sq.). Consumta vero per iter hoc sexaginta dollia, Brassica hac repleta (Forster l.c. p. 630.). Similis efficacia manifesta fuit, scorbuto exercitum Anglicanum in America ante biennium devastante, donec ex Anglia remedium hoc genus adveniret. Hoc enim tam instar acetarii cum aceto vini vel & cum alia esca coctum copiosissime ingererunt. Sicque tam avertit morbum eximie, quam præsentem devicit (Medical and. phil. Comment. Vol. 4. p. 237.). In explicanda virtute hac antiscorbutica respectus non solum acrius ejusdem habendus, sed vel maxime aeris fixi, qui ex Brassica sub esu extricatur.

Succus vel decoctum Brassicæ vulgaris (intelligo capitatem) emollit calculos, qui iisdem immurguntur (Lobb de dissolv. calculum p. 62. sq.). Folia hujus vel alias Brassicæ conquaßata ulceribus subinde imponuntur, ad eadem abstergenda. In locis vesicatorio erosis profluvium serosum alunt. Tepide forma cataplasmatis mammis puerperarum applicata, coagulis lactis prævertunt & effluxum nimium lactis arcent. Nec minus calida applicatione ad dolores in pleurite mitigandos faciunt (Buchan domestic. medicine, Vers. Germ. p. 272.).

Brassica rubra (Sabellicæ Linn.) caules versus autumnum secundum longitudinem incisæ & loco non calido repositi exundant succum mellum (Hoffm. Diff. de med. domest. §. 17.), qui vim blande laxandi habet. Decoctum foliorum hujus raucedini & tussi medetur, imo ad detergendum ulcus pulmonum commendatum. Quosdam calculos urinarios

non

non omnes sub experientia extra corpus humanum solvit (Lobb. I. c. p. 63. sg.). — Similiter in tussi a siccitate, ut apud senes, item phthisi purulenta, succus ex capitibus Brassicæ rubræ contulsi, clauso vase in cibano pistoris per quadrantem horæ, exstillance & cum addito melle vel saccharo gelatinam formans, proficuus est. Decocti ejusdem non minus in eundem scopum magna vis est, ut singulari historia pectoris utrinque perfossi & suppurantis Boerhaavius exponit (Hist. plant. Hort. L. B. P. 2. p. 423).

Pharm. RAPÆ vel RAPI Radix recens.

290. *BRASSICA RAPA*; radice caulescente orbiculari depressa carnosa Linn. Spec. pl. p. 931. a, Rapa sativa rotunda C. B. Icon: Blackwell Tab. 231. Pl. biennis, in Belgii & Angliae arenosis sponte crescens, copiose in arvis cultur.

Radix) odorem singularem fortem habet, saporem initio amaricantem; dein adulta dulcem. Hic ipse se communicat cum carne animalium ea pastorum. Cocta radix vel sub cineribus assata cibus est hominum robustiorum, quod stomachus & difficiliora digestu & flatulenta concoquere vallet. Succum vehit leniter resolventem & detergenter. Quod in aphthis, etiam iis, quæ febris progenies sunt, constat, in quibus vel decoctum raparum saccharo edulcatum (Ketelaer de aphthis p. 32.) eximie prodest; vel & succus expressus modice coctus & melle dulcefactus, qui ipse tanto efficacior, si rapæ cortice, ut qui acrior magisque detergens est, adhuc vestitæ radantur (Swieten Comment. T. 3. p. 213.); vel succus raparum assatarum expressus & tantillo mellis rosacei commixtus (Rosenstein Barnsjukd. p. 45.). Hicce sæpius os tepide collutatur vel horum aliquod cochleatum in aphthis internis deglutiatur. — Decoctum tussim & asthma sanavit (Lanzoni in A. N. C. Vol. 1. Obs. 62. p. 116.).

Pernionum medela raparum decoctum calidum celebratur. Meminit ejus jam Celsius (Cap. 28. p. 323. Ed. Kraus.) & repetita ejusdem laus etiam hodie (Chomel Pl. usnelli. T. 1. p. 133.). Quidam corticem unice decoquunt (Tissot Avis au peuple p. 569.). Pluries huic decocto per diem immergere suadetur membrum, idque tanto majori successu, si decima sexta pars aceti vini assunditur (Tissot.). Fateor me reformidare ejusmodi calidas in pernionibus applicaciones, quæ relaxata jam antea vasa non possunt non magis adhuc relaxare.

Pharm. NAPI vulgo, BUNIADIS Ph. Paris. Semen.

291. *BRASSICA NAPUS*; radice caulescente fusiformi Linn. sp. pl. p. 931. α , *Napus sylvestris* C. B. β *Napus sativa* C. B. *Icon sylvestris*: Blackwell T. 224. Regnault *Botan. le Navet*; sed superior modo pars plantæ depictæ hic pertinet. Pl. biennis crescens in insula Gotlandia, Anglia, Belgio in arena littorali. Colunt copiosissime eam Belgii, Angli, Galli, Germani.

Culturæ modum describunt cl. Liedbeck (in *Vetensk. Acad. Handl.* 1756. p. 27. sqq.) & cl. Rozier (*Traité sur la meilleure maniere de cultiver la Navette & le Colsat*, à Paris 1774.), qui & varios modos exprimendi ex seminibus oleum tradunt.

Semen) rotundum est, brunum, nucleum album oleo farratum includens. Olei præcipue causa colitur (nomine *Rofolia Svecis*, Rübenöhl Germanis notissimi). Quomodo exprimatur, ex indicatis fontibus petas. Vilius & parcus eruitur, nisi semen probe maturuerit. Nec ultra dimidium annum differri debet expressio, ne mucilago, quæ ineft, siccescat. Frigida pressio præstat omnino, rancoris evitandi causa, (Rozier f. c.) calidae. Maxime hoc oleum in usum lampadum a plebe consumitur, sed ardens fuligine sua gravat peftus & inquinat suppellefitem, stupaque dum extinguitur, graviter foetet. Saponi insuper viliori & opificiis laneis interficit.

Sylvestris stirpis semen magis acre altero, unde a Parisiensibus præfertur. Sine damno vero utrumque ex appara-
tu medicaminum exulat. Exolevit merito ejus grassantibus variolis & morbillis usus, quo virus eorundem in aqua Cardui benedicti vel alia avertere olim tentavit plebs Danica (Sim. Paulli *Quadrip. bot.* p. 451.). In enervandis venenis, quibus illud opposuit Antiquitas, nihil præ aliis oleosis prærogativæ habet.

Radices Napi sylvestris in Gotlandia sponte edules & sapidæ, et si graciliores, quam cultæ, modo evellantur, antequam caulis emergat (Linnei *Gotbl. Reſa* p. 238.). Alibi cultura esculentæ fiunt. Ex densius fatis seminibus exiliores fiunt, & sic quidem ad quorundam palatum sapidiores. Ob dulcem succum levare tussim, non absimile vero est.

Pharm. ERUCA Semen.

292. *BRASSICA ERUCA*; foliis lyratis, caule hirsuto, siliquis glabris Linn. Spec. pl. p. 932. *Eruca latifolia alba* C. B. *Eruca var. Dioc.* Icon; Regnault *Botan. la Roquette des*

des Jardins. Pl. annua Helvetiæ calidioris, ad vias & in scrobibus crescens.

Folia recentia contrita fœtent instar adusorum pilorum, & acris saporis sunt, unde inter condimenta ciborum & acetaria apud Italos (Raii *Hist. pl.* p. 806.).

Semen ovale & nonnihil compressum, coloris rubicundo lutei. Saporis acris & amariusculi, ut referat Sinapi, et si debilius. Simili ratione ad condienda obsonia antiqui illud adhibuerunt, & in pastillos cum aceto lacteque subegerunt, ut diutius servari posset (Diosc. L. 2. c. 170. p. 146.). Salivam prolicit masticatum & cuti applicatum eandem rubefacit. Sparsim memoratur vis ejus in scorbuto, pituita humorum & hydrope incipiente. Semen præterea, ut folia, veteres Veneri dicarunt, ad salacitatem existimantes idoneum, (Dioscorides, Columella, Martialis). Unde serius Confectionem magnanimitatis Mynsichti, Confectionem Diasatyrii, aliaque id fecis plura, semen intravit. Sed non alia a semine exspectari potest vis aphrodisiaca, quam ab aliis plantis acribus volatile vehentibus, quæ, ut stimulantia quævis, nihil valent organismo ipso generationis partium labefactato. Superfluum medicis.

CHEIRANTHUS.

Linn. *Syst. veg.* p. 499. *Gen. pl.* p. 339.

Pharm. CHEIRI Flores.

293. *CHEIRANTHUS CHEIRI*; foliis lanceolatis acutis glabris, ramis angulatis caule fruticoso Linn. *Syst. veg.* p. 500. *Leucoium luteum vulgare* C. B. *Icon: Regnault Botan.* le Giroflier jaune ou Violier. Pl. biennis, in ruderibus & ageribus australiorum Europæ regionum spontanea. Crebro in hortis colitur.

Flos) recens grato odore suo & fragrante violaceo recreat, & Varietas ejus colore aurantio, præcipue si plenus est, oculos oblectat. Sapor ejus ingrate amarus & subacris, odor vero siccando perit. Destillatione aquæ odorem impertit; decoctum, odorifera parte dispersa, præter amarorem, salinas partes manifestat (Lewis *M. m.* p. 210.).

In oblivione fere sensim apud medicos stirps transiit, licet tam flos quam aliæ ejus partes veteribus Græcis in pretio fuerint. Vim nervinam a multis flori adscriptam frustra a sicco isto exspectes, quuin odora pars figi non possit; rectius resolvens potentia & pellens in censum venit. Nam reserare menstrua & lochia pellere ubivis notatur, non dis-

sentiente ratione, pellere etiam partum perhibuerunt (Welsh. *Microm. p. 43.*). Viscerum itidem obstruktiones & humorum coagula subegisse, & ipsam maniam, vicio hujusmodi hepatis ortam, curasse in feminis, lego (Schulz *Diss. de ment. alienat. p. 11.*). Huic quidem succus ex floribus expressus vino dilutus, & syrupo Capillorum veneris gratia causa permixtus, ingestus fuit, juncta simul Emplastris resolventis ad regionem hypochondriacam applicatione.


Potest exhiberi flos in pulvere vel in infuso aquoso, instar Theæ, vel in vinoso, item in succo expresso, quæ forma fine emmenagogi præprimis placet Fr. Hofmanno, prout ad obstruktiones hepatis in inveterato etiam ictero recludendas præstantius nihil novit, quam hunc succum bis de die cum cerevisia calida potum (Vid. El. *Diss. de præstania remed. domest. §. 26.*).

PRÆPARATA.

Aqua Florum Keiri) *Ph. W.* Obsoleta.

Oleum) *I. c. p. 123.* Coctione paratur. Extrinsecus in uterini sanguinis emanatione & doloribus post partum inunctum.

b) SILICULOSÆ.



COCHLEARIA.

Linn. *Syst. veg. p. 491. Gen. pl. p. 334.*

Pharm. COCHLEARIAE HORTENSIS Herba.

294. *COCHLEARIA OFFICINALIS*; foliis radicalibus cordato subrotundis, caulinis oblongis subsinuatis Linn. *sp. pl. p. 903.* *Cochlearia folio subrotundo C. B. Icon: Flor. Dan. Tab. 100.* *Regnault Botan. l'herbe aux cuilliers.* Pl. biennis ad littora maris Angliae, Belgii & regionum Europæ magis septentrionalis, crescens, sed & alibi a mare remotius, ut in rupibus paludosis & aggerum fossis Helvetiæ (Hall. *hist. pl. belv. n. 503.*). Colitur vero in hortis pharmaceuticis facilis negotio, sponte quoque sese disseminat.

Et hacce culta acquiescere plerumque oportet extra solum natale stirpis, idque fit absque ullo virtutis dispendio. Nam quæ Hafniam in conserva ex Grönlandia transfertur (V. cl. Lange versio Germ. libri Lind's *Essay of preserving the*

the Health of Seamen pag. 152.), paucis modo sufficere potest. Differt tamen a praefixa specie ad mentem quorundam illa, quæ remotissimis septentrionis regionibus in Spitzbergen (Martens *Spitzb. od Grönland. Reise-Beschr.* p. 45.), Grönlandia (Egede *gantla Grönland* p. 48.), crescit, & gratior sapore, amaro-dulcis atque mitior describitur, ut et in istar acetarii oblectamenti causa ibidem ingeratur.

Herba) recens nostræ, h. e. folia cum petiolis decerpta, acris cum amaritie, &c, si conteritur, naribus volatile aliquid offert, ut affines. Oves avide quidem in Islandia herbari devorant, indeque valdopere pingueescunt, sed caro inde acquirit ingratum saporem (Olafsen *Reise durch Island* T. 1. p. 257.). Expressione efficaces partes una cum succo eruuntur. Transiunt haec in aquam & in spiritum vini maceratione pregressa. Sed siccatione foliorum vel evaporatio ne menstruorum dissipantur. Opus igitur recente stirpe, quod optimum, vel præparatis postea significandis. In oleo autem essentiali latet volatile istud fugaxque, a quo tota fere stirpis virtus dependet. Hoc exigua quantitate destillatione cum aqua surgit. Adeo subtile est, ut unica ejus gutta spiritu vini soluta vel saccharo excepta uncii sexdecim vini vel aliis liquidi odorem & saporem Cochleariae imperviat. In aqua autem fundum petit (Cartheus. M. m. T. 1. p. 473. Lewis M. m. p. 225.).

Quæ supra (sub n. 281.) adversus alcali volatile, cui adscribunt multi virtutem stirpium nasturcini saporis odorisque, monui, ad Cochleariam etiam pertinet. Nam aqua ejus destillata concentratissima syrapi violarum colorem nullo modo mutat, succus ejus expressus hunc obscure rubrum reddit; nulla ebullitio ex aqua ejus destillata cum acido quodam minerali vel aceto mixta enascitur; nec cornu cervi ustum spiritu vitrioli solutum ex affusa aqua destillata præcipitatur, affuso licet aquæ spiritu salis odor pristinus fervatur; ita & solutio mercurii sublimati corrosivi ex instillata aqua nullam mutationem subit, Altmann *Diss. de pl. antiscorb.* Exp. 1-8.). Imo Cochlearia cum carne bubula mixta intra quinque horas fermentationem eti modicam subit, quin triginta horas post mixtionem & diutius fervat acorem, qui coagulo laetis quod inducit extra dubium ponitur, & carnem diu a putredine tuetur (Pringle *Diss. App. Exp.* 35.). Hoc tamen acidum, fugax, nuncupat ill. De Haen (*Rat. med. P. 8. p. 235.*) in alcali mox degeneraturum.

In scorbuto primaria stirpium omni confitit est. Multæ in itinerariis ell. V. Linschoten, Maartens, Egede, Anson rel. leguntur historiæ hominum teterrimo scorbuto per longinas peregrinationes marinas correptorum, sed eorumdem, postquam in terram delati fuerint, sanatorum. Pu-

riori aerî, quo in terra gavisi sunt, merito partem curationis tribuas; sed hi copiosissime simul stirpem comedenterunt, vel potius devorarunt, vel instar acetarii ingeserunt. Mira omnino naturæ providentia, quod iis locis, in quibus scorbutus quam maxime affigit, & sub iis conditionibus, quæ illi oportunitatem præbent primariam, medicinam tanti mali ultro offerat; prout in insulis maris australis Forsteri (*Reise um die Welt p. 151.*) stirpem, Lepidum oleraceum illis dictam, supparem illi virtutem experti sunt. Fuit nauta adeo jam morbo fractus, ut, quum socii peracti consortii ejus eum in littus Groenlandiæ projecissent, ne manibus quidem Cochleariam decerpere valeret, unde pecoris instar ore depascere eam coactus, brevi temporis spatio convaluit (*Bachström de scorb. p. 8.*). Magis vero arti conforme est, succum expressum ingerere, vel solum, vel in connubio serri lactis, vel deficiente recens decerpta herba, conservam. Ad acria & callida antiscorbutica merito refertur, ut mitigare eam additis aliis, salva virtute, consultum sit. Hoc fine connubium acidorum eximum est, quæ & ipsa scorbuto adversantur; ut vel inde pateat, discrimina in scorbutum acidum, alcalinum &c. infirmo fulcro nitit. Groenlandi Cochlearia & Acetosa junctim usi sunt, invitante ipsa natura, quæ utramque mixtim inter illos copiosissime profert (*Barthol. Act. med. Hafn. T. 1. p. 35.*), sed quod minus probo, ut condimento iusculi, quod ex carne cum avenacea vel hordeacea ptisana pararunt. Placet utriusque herbæ miscela & exercitatis medicis (*V. Swieten Comment. T. 3. p. 630.*), nec minoris faciendum additamentum succorum Limoniorum vel Aurantiorum. Ejusmodique miscelas stirpis cum Acetosella vel pomis aurantiis varia forma memoriæ prodidit Sydenhamus (*Oper. p. 631.*). — Quum saepe præterea necessitas incidat, integris familiis idque egenis succurrenti, cerevisia commendabilis, cuius dolio aliquot Brassicæ rubræ capitatae minutim concisæ, Nasturtii aquatichi vel Cochleariæ manipuli duodecim & Raphani rusticani libra una immissa; & hocce quidem liquido pro potu communi utantur (*Swieten l. c. p. 625.*). Islandis ferculis genus est Cochlearia concisa & sero lactis vel latte, instar Brassicæ comesta. In aliud tempus servant herbam per strata in magnis vasis conditam (*Olafsen l. c.*).

In rheumatismo vago, sive ut Sydenhamus eum vocat, scorbutico plurimum præstítit eo auctore (*Oper. p. 278.*), Electuarium ex conserva Cochl. hort. rec. unc. ij Acetosell. unc. j pulv. Ari compos. drach. ij (vel Rad. Ari rec. Gi Arab. ana tantum, Lewis) cum s. q. Syr. cort. Aurant. ut F. Elect. cuius drachmæ duæ ter de die per mensem integrum capiendæ cum aqua antiscorbutica & aromatica.

Effi-

Efficaciam ejusdem confirmat cl. Lewis (*M. m. p. 224.*) multiplici experientia. Ad celandum ingratum saporem herbae nux moschata maxime opportuna est. --- In exulceratione oris scorbutica confert succum applicare tantillo aluminis mistum.

Verus licet scorbutus in urbibus rarer morbus sit, quam empiricorum vulgus putat, vi tamen sua aperiente, & per ipsa nervorum stamina penetrante & antisepatica, suppeditas in aliis quoque morbis fert. Nec parum potentiae in lotio pellendo habet. In paralyse nominatim & extrinsecus in gingivarum affectionibus, preparatorum varia forma, egresso auxilio est.

PRÆPARATA ET COMPOSITA.

Conserva) Pharm. omn. Hac forma stirps sine magno vi-
trium dispendio servatur.

Spiritus) Ph. W. p. 190. Destillatione herbæ recentis cum spiritu vini & aqua paratur. Recipit vires plantæ & ser-
vat, modo vasa bene obturantur, nam valde volatilis est.
In scorbuto tamen pro usu interno postponendus herbae re-
centi; calidus enim nimium est. Flatus etiam dissipat, &
urinam moveat. Triginta ad sexaginta guttæ aqua dilutæ
dantur. Ad ulcera oris melle mistus confert. Intrat varias
essentias, ut Essentiam antiscorbuticam) Ph. W. p. 77. &
Ess. antarthriticam). I. M. Hoffmann, l. c. p. 76., obso-
letas.

Spiritus antiscorbuticus f. Mixtura simplex antiscorbuti-
ca Drawizii) Ph. W. p. 198. Descriptus ab auctore in libro
vom Schmerzmacbenden Scharbock p. 159. Fit ex spiritu Tar-
tari & spiritu Cochleariae, quibus Vitriolum ad rubedinem
calcinarum irroratur, succedente digestione & destillatio-
ne. Valde volatilis est nervosque vellicans, ut olfactus ster-
nutationem moveat, & sapor vix feratur, nisi eandem quan-
titatem syrapi grati, ut Cinnamomi, admisceas. Præter vim
in scorbuto, cui auctor præcipue adhæsit, laudabilis maxi-
me in paralyse recente, contra quam & pretium assignavit
summus Werlhofius (*Obs. de febr. p. 145.*) exemplis in me-
dium prolati. Ipse in nobili juvete hemiplegia subito cum
jactura loquelæ correpto, præmissis necessariis eximium
ejus effectum vidi, ut nonnisi balbuties & levis claudicatio
pedis superesset. Prodest & in febribus intermittentibus
spleniticorum & scorbuticorum, languente digestione cibo-
rum a saburra viscida, biliosa, putrida (*Werlhof l. c.*);
item in vomitu habituali biliosæ materiæ, qui & in homi-
ne septuagenario majori, eodem supra octo menses afflito
cessavit (*Werlh. in comm. Nor. Vid. Oper. Ed. Wichm. p.*

733.). Miscelæ cum syrupo guttæ triginta omni trihorio dari poterunt cum aqua simplici. Drawizius largiorem dosim propinavit.

*Pharm. RAPHANI RUSTICANI s. ARMORACIÆ
Radix.*

295. *COCHLEARIA ARMORACIA*; foliis radicalibus lanceolatis crenatis, caulinis incisis Linn. *Spec. pl. p. 904.* Raphanus rusticanus C. B. *Icon. Regnault Botan. le Raifort sauvage. Pl. perennis, locis humidis ad fossas, piscinas, rivulos crescens.*

An sit *parvus arvensis* Diosc. nondum constat.

Radix) cylindrica, brachium crassa, ramosa, alba. Recens tam acris, ut gustata linguam faucesque moleste pungat, lacrymas excutiat, nares fortiter feriat, sed essecu fugaci; cuti imposita eandem rubefaciat. Odore instruitur volatili, stimulante. Amittit, ut communè in hac familia est, hasce dotes ficatione vel coctione, involvit & acrimonia ejus oleosis. Hinc si rasa tyrocnesti intinctui ciborum, carnis, piscium inservire debeat, mitigatur coctione, vel lutyro liquefacto vel lacte vel amygdalis. Sic crebro in menses transfertur, flatulentia sua & ructibus suballiacis imbecilli ventriculo molesta.

Acris & volatilis ejus pars tam destillatione quam infusione aquam vel spiritum vini ingrediuntur, & una cum aqua destillando ascendit olei exiguum scil. $\frac{2}{5} \text{ mo}$, sed valde acris odori & penetrantis, quod ipsum in aqua fundum petit. Aqua destillata signa alcali volatilis contenti manifestavit cl. Wieglob (*Web. d' alcal. Salze p. 196.*), eaque plura, quo saturatior fuerit.

Redevnt hic vires, incidens, antiscorbutica & diuretica, toties de affinibus laudatae.

Antiscorbutica eminet, innumeris experimentis confirmata. Sufficit illam vino vel cerevisia solam infundere Barthol. *Act. med. vol. 4. p. 130.*). Cerevisiam magis compositam paullo ante indicavi. In Svecia serum laetis inde fit, Armoraciæ rafæ & aceto irroratae lac coctum assundendo, caseumque auferendo (Linn. *Pl. Svec. n. 580.* & litt. ad cl. Lind in *Treatise on Scurvy p. 264. sq.*). --- Syrupum frigide factum in astmate thoracis scorbutico divinam medicinam vocat ill. vir (Linn. *Ioco proxime eis. p. 265.*). --- Scorbuticæ nature sine dubio fuit rheumatismus, qui suci cochleari mano capto curatus fertur (Lange *miserit. med. p. 40.*). Russi oleum ejus in rheumatismis, affectionibus scorbuticis & ulceribus pertinacibus ad guttas triginta ingerunt, & extrinsecus illinunt (Sam. Gottl. Gmel.

Gmel. *Reiss T. 1. v. 11. sg.*). — Arthriticis quoque solatio est. Decoctum ejus lacte paratum & per quatuor hebdomades in lecto potatum, ut sudor probe erumperet, dolores artuum vagos diurnos sopivit (Rayger in *Eph. N. C. Dec. 3. Ann. 3. p. 244.*). Magis discrepat a vulgari modo radicem exhibendi is, quo ejus in exigua particulas se & omni mane per mensem cochlear unum majuscum absque masticatione deglutiatur, insuper bibendo decocti summiatum Iuniperi libram dimidiam. Crebra experientia sic successisse in arthritide & scorbuto narratur. Quod metuiles, ne ventriculo rosi nisi sensum inferret, expresse negatur, nisi sub finem curationis (Auctor ejus est cel. Bergius in *Mat. med. p. 559.*).

Lithontripticis quidam Armoraciam annumerant. Non quidem huic rei favent experimenta cum decocto radicis & calculis e corpore humano exemptis a cl. Lobb descripta (*de dissolv. calculos p. 89. Exper. 96. 97.*) vitio forsitan, ut opinor, menstrui non satis commodi, vel quod ea calculi species experimentum casu subierit, quæ sua natura Armoraciæ vim eludit, nam non omnes eodem remedio subigi fese patientur. Nec magis favet experimentum cl. Hailes (*Stat. Ess. Vol. 2. p. 215.*), qui calculum in pulte ceparum emolliri vidit, licet Armoracia in alterum unius ejusdemque hominis calculum plane nullum efficeret. Casus tamen sensis calculosi huc pertinet, qui poculo vini, in quo hæc radix intra linteum macerata, mane & vel peri epoto intra triduum eo pervenit, ut nullo amplius dolore ex hacca causa vexaretur (Io. Bauh. *Hispl. T. 2. p. 852.*).

In hydrope deobstruendi sua & diuretica potentia multum valet. Confert eo fine itidem vel succus cum saccharo vel vino remixtus (*Heist. comp. meda pract. p. 212.*) vel & cervisia fortior acida Armoracia imprægnata (*Vet. Acad. Handl. 1766. p. 231.*),

Rafa demum radix recens ad unciam dimidiā cuti imposta epispastica efficacia eminet. Potest etiam eo fine cum seminibus Sinapi contritis & aceto maceratis misceri, addito fermento panis, q. s. ad consistentiam cataplasmatis. Ut similia stimulat revellitique in soporosis morbis, odontalgia, rel. Locus consuetissimus, cui imponitur, plantæ pedis sunt. — Eadem lege operatur in odontalgia rheumatica sedanda frustum radicis recentis gingivæ applicatum.

PRÆPARATA ET COMPOSITA.

Aqua Raphani rustic.) *Pb. W. p. 6.* Recens omnino efficax.

Aqua composita) Ph. Lond. p. 57. Edinb. p. 30. Diversa quodammodo utriusque compositio, utramque vero intrat Armoracia, Cochlearia, flavedo corticum Aurantiorum, digesta cum spiritu vini: ut igitur sua efficacia non careat.

L E P I D I U M .

LINN. *Syst. veg.* p. 489. *Gen. pl.* p. 333.

Pharm. NASTURII HORTENSIS Herba, Semen.

296. *LEPIDIUM SATIVUM*; floribus tetrodynamis foliis oblongis multifidis, Linn. *Spec. pl.* p. 399. α , *Nasturtium hortense vulgatum C. B.* Est hæc Varietas foliis planis *Kædæuor* Icon: Regnault *Botan. le Cresson Arenois.* Pl. annua, ignotæ adhuc patriæ; nisi fortan in insulis freti Magellanici (*V. Schoutenii novi Freti detectio*) crescat. Ast colitur in omni horto culinari.

Grate enim in mensis pungit linguam recens Herba) in Lactucæ connubio, quam per se insipidam, ut Dracunculus aliaque addita, sapidam reddit & concoctu faciliorem. Sapor odorque idem, qui in hujus familiæ plerisque, & pariter cum viribus siccatione ignisque vehementia fugax. Ea vero acrimonia illi inest, ut & inflammet & exulceret cutem: Nec discrepat a sociis vi antiscorbutica. Quin in eo præferenda hæc stirps, quod semina quovis anni tempore & facillimo apparatu germinent. Fieri hoc potest in gossypio supra aquam in vase plano tenuiter expanso, qua arte & ipsa aqua odore saporeque stirpis imbuitur & scorbuto adversa redditur (*Lind's Means of preserving the health of Seamen* p. 35.). Exoptatissimos effectus contra hunc morbum edidit in itinere Guilielmi Corn. Schouten in freto Magellanico hæc vel similis planta, quam persimilem Nasturtio nostrati vocat editor itineris Schouteniani (*novisfreti detectio* p. 35. 40. 41.) quæ fortassis fuit *Lepidium oleraceum* cl. Forsterorum. Wedelio (*Misc. Nat. Curios. Det. 2. Ann. 6. n. 39. p. 178.*) in hoc malo arrisit, herbam recentem carni vel succum embammatis addere, præprimis autem panem butyro oblithum foliis recentibus obtegere. — Pituitam præterea primarum viarum & pectoris herba solvit, & appetitum cibi comesta excitat.

Ulteriori experientia explorandum, an tineæ capitis infantum herba vel trita vel frixa cum axungia porcina sufficiat (*Paraeus Lib. 16. p. 462.*). Videtur morbus mere esse topicus, & notum, quam sœpe optima alias quævis eludat.

Semen) exiguum, rufescens, ovatum, lineatum. Acrius est herba, & emulatur sensu Sinapi semen masticatum. Vix unquam vero præcipitur.

Lepidium latifolium L. cuius icon in Regnault *Botanique*, la Passerage, præcedente specie longe mordacior, ut & inde Germanis Pfefferkraut dicatur. Plura vero licet medicinæ promittat, ad intinctus tamen unice hinc inde perennis hæcce planta colitur.

T H L A S P I.

Linn. *Syst. veg.* p. 490. *Gen. pl.* p. 334.

Pharm. THLASPEOS Semen.

297. *THLASPI ARVENSE*; siliculis orbiculatis foliis oblongis dentatis glabris Linn. *Sp. pl.* p. 901. *Thlaspi arvense* silquis latis C. B. Icon: Blackwell. *Tab. 68. Pl. annua*, vietum frequens agrorum.

Herba) Allium spirat sapitque, & hujus sapore inficit lac, butyrum, caseum, carnes bovin & vaccinarum, uti & ovium, si ea vescuntur, qui vero sapor intra triduum alio pabulo dispellitur (Hagström in *Vet. Acad. Handl.* 1750. p. 100.). Recens in cameras & lectos sparsa cimices lectularios fugat (Tiburtius *I. c.* p. 1766. p. 269. sq.). Amplius adhuc commodum præstat in granariis, in quibus servata vermes frumento infestos fugat (Gadd *systematiska Inledning i Svenska Land-skörfelen* T. 3. p. 560. sq.).


Semen) exiguum, nigrum, subrotundum, nonnihil compressum & striis concentricis notatum. Acre nonnihil & amaricans, odoris alliacei. Angli plerumque illi substituunt semen *Thlaspios campestris* L. (Miller's *Botan.* p. 437.). Carrere possunus utroque, quum prostet Sinapi semen, nec nisi in Theriaca prius dictum hodie usurpatur. Spondet tamen aliquam vim in scorbuto & ad pituitam incidentam.

Pharm. BURSAE PASTORIS Herba.

298. *THLASPI BURSA PASTORIS*; siliculis obcordatis, foliis radicalibus pinnatifidis Linn. *Sp. pl.* p. 903. *Bursa pastoris major* folio sinuato C. B. Icon: *Fl. Dan. Tab. 729. Regnault Botan.*, le Tabouret. *Pl. annua*, ubivis in ruderatis, ad vias, & in muris obvia.

Mitior licet Herba) affinibus, non dissimulat tamen cognationem. Nam manifeste extremi ramuli acres sunt callosique sensu linguæ imprimunt, recte jam annotante Lo-

belio (*Advers.* p. 76.). Non nigrescit solutio vitrioli martis ejus connubio. Cadit igitur vulgaris opinio, quod refrigeret & adstringat. Nec possum memet de adscripta isti in hæmorragiis cuiuscunque generis, uteri, pulmonum, renum narium, etiam externi corporis, parente convincere, autores et si fere omnes (e. c. Schroder *Tbes.* p. p. 544. Sim. Pauli *Quadrip.* p. 254. Boerh. *Hist. plant.* Chomel *Usuelli.* T. 2. p. 145. Geoffroy *M. m. Traité* T. 5. p. 400.) eandem referunt; quæ tanta adeo describitur, ut herba axillis subdita vel nucha applicata vel manu retenta fillicidium narium cruentum sistat. Par dubitatio animum subit circa diarrhœas & dysenterias, quas compescere iisdem fontibus traditur. Effectus in gonorrhœa (Sim. Pauli *I. c.*) eodem fine dubio fulcro imbecilli superstruitur. Itaque superflua.



ORDO XXIV.

PAPILIONACEÆ s. LEGUMINOSÆ.

LUPINUS.

LINN. *Syst. veget.* p. 545. *Gen. pl.* p. 371.

Pharm. LUPINI Semen.

299. **L**UPINUS ALBUS; calycibus alternis inappendiculatis, labio superiore integro, inferiore tridentato Linn. *Spec. plant.* p. 1015. Lupinus sativus, flore albo C. B. Icon; Blackwell *Tab.* 282. Pl. annua patriæ adhuc ignotæ, sed in areis hortorum vulgare ornamentum.

(Semen) grande, orbiculatum, compressum arillo albo, medulla flava. Sapor ejus amarus ingratus, qui vero maceratione in aqua calida perit. Tempore jam Galeni (*Alim.* 33.) & Plinii (*Lib. 18. cap. 14.*) vulgare cibi genus fuit hominum, quod hodie fere omnino negligitur. In Catalonia & Italia leguminis bobus intercivit (Chomel *Usuelles* T.

T. 3. p. 57.). Vanus itaque metus, ne interno usu noxam pariat, quem quidam aluerunt (C. Hoffm. *de offic. L. 2. c. 135. p. 403.* Sim. Paulli *Quadrip. p. 89.*), tantoque magis, quam vix ulla inter papilionaceas exstet venenata planta: flatulentiam autem gignere & copiosiori esu obſtipare alvum facile largior. Lumbricos necare intestinales in pulvrem contritum vel decoctum vel & in linimento extrinſe-
cus applicatum plures recensent; quorū & reſero Sim. Paulli (*I. c.*) historiam, quam ad probandam venenatam ejus naturam profert. Verior ejus indoles farinacea eſt, ut affinum, unde farina ejus aqua in cataplasmā cocta, vel varie mixta aceto, melle aliisque pro ſolvendis vel emolliendis tumoribus commoda. Amarities ſimul ſemen ad abſtergendum idoneum reddit. Unde & decocto ejus cutis purgatur. Sed inter tot alia ſimilium virtutum haud injuria ſuperfluum ſemen cenſetur.

D O L I C H O S .

Linn. *Syst. veg. p. 547.* *Gen. plant. pag. 372.*Pharm. *SILIQUÆ HIRSUTÆ Setæ.*

300. *DOLICHOS PRURIENS*; volubilis, leguminibus rācemosis, valvulis subcarinatis hirtis pedunculis ternis Linn. Sp. pl. p. 1219. *Syst. veg. l.c. Mant. 2. p. 441.* Phaseolus americanus folio molli lanugine obſtitis, ſiliquis pungentibus, ſemine fulvo puctiato Pluk. *Phyt. p. 214. fig. 1.* Conf. Iacq. *Hift. Stirp. amer. p. 201. Tab. 122.* & Kerr in *Med. Comment. Vol. 2. p. 202. fig.* ubi deſcriptio accuratissima Anglice con-
cinnata. Crecit in ſylvis & fruticetis Indiæ orientalis &c. Bengaliæ, item Americæ australis, ut in Guiana Belgi-
ca, item in ſulis Caribæis.

Legumen ejus coriaceum, quatuor vel quinque pollices longum, craglitie fere digiti in formam litteræ S tortum, obtegitur Setis densis & ferrugineo ſubfuscis & nitidis. Haec vento detritæ pruritum moleſtissimum et urentem cuiilibet ani mali, quod tangunt, excitant, ut & æthiopes & barbari, quorum cutis denifima, eas reformident (Iacquin, Kerr.). Hinc & Bengalensis *Cadjuet*, Gallis in Caribæis *Pois à grater*, Anglis in Bengalia *Coubage* vel *Cowitch* vocatur.

Non dubito virtutem anthelminticam ad hanc ſpeciem reſerre, nixus ill. Iacquin & cl. Kerr deſcriptionibus, quæ & optime congruent inter ſe & cum iſta cl. Bancroft (*nat. History of Guiana in Southamerica p. 53. ſq.*), qui posterior quidem ſolus inter hosce virtuteim diſtam memorat. Nec
ve-

veriti sunt auctores libri *medical Commentarij* Dol. pru-
tienti adscribere illam. Ill. Bergius autem & in *Materia
fua medica p. 605.* & in litteris ad me datis, (*m. Martio a.
1778.*) declaravit, ad Dol. urentem Linn. se judice vermes
necandi vim pertinere. Evidem pro pharmaceutico nomi-
ne elegi id, quo apud istos venit, qui sistema non curant.

Quæ cl. Browne (*nat. History of Jam. p. 291.*) de effectu
plantæ Cowitch contra vermes narrat, nullius fere usus
funt, quum speciem non definiens modo significet, in insu-
lis Americanis ad ventum ex leguminibus syrum antihel-
minticum parari. Setæ vero eorum unice adhibentur, fre-
quentissime in Guiana & alibi, præcipue ab æthiopibus, in-
fantibus non exclusis. Hæ ipsæ rigiditate & acumine suo
mechanice lumbricos, nam ad hōscē unice hic respicitur,
irritant & magna copia per alvum eliminant. Nam neque
tinctoria neque decoctum inde paratum eundem effectum præ-
stat (*Bancroft l. c. p. 393.*). Ne vero injuriam similem ven-
triculo & intestinis, quam cuti, inferant, easdem cum sy-
rupo vulgari commiscent, ad compagem electuarii liquidi
cujus cochleare pro Thea infanti bienni vel trienni, & du-
pla quantitas adulto, mane jejunio ventriculo datur, ite-
rando hanc dosin diebus subsequentibus, subiuncta demum
dosi Rhabarbari (*Bancroft l. c.*). Sunt & qui vesperi tan-
tum setarum harum infanti septenni vel octenni exhibent
cum syrupe, quantum unum legūmen erogat, & mane pur-
gans subiungunt (*Cochrane in med. Comment. T. 2. p. 83.*),
Millena vero experimenta docent, tutissime hanc medicin-
am ingeri, quod tanto magis mirandum est sub empirica
ista praxi, qua plantationum domini semel intra tres vel
quatuor menses servis suis omnibus & singulis, & infantib-
us præcipue, absque ulla necessitatis inquisitione exhiberi
dictum medicamen curant (*Bancroft l. c. p. 391.*).

S P A R T I U M .

Linn. *Syst. veg. p. 553. Gen. pl. p. 368.*

Pharm. GENISTÆ Herba, Flores, Semen.

301. *SPARTIUM SCOPARIUM*; foliis ternatis solitariis-
que, ramis inermibus angulatis Linn. *Sp. pl. p. 996. Geni-
sta angulosa & scoparia C. B. Icon; Fl. Dan. Tab. 313.* Fru-
ticulus in locis arenosis & elatis temperatarioris Europæ cre-
scens.

Hanc speciem loco *Genistæ tinctoriae*, quam officinis dica-
vit Linneus, multique alii post eum, ut Granzius, Vogel-
lius,

lius, Bergius rel. propono, praeunte Hermanno, Chomelio, Geoffroy, Spielmanno, medicis Edinburgensibus (etiam hodie in *Pb. Ed. noviss. p. 17.*), & indubia experientia cum Spartio capta. Non tamen repudio, sal utriusque incinera-
tione paratum, prout alia similia vegetabilium, earundem
virium esse.

In tæconomia non despiciendus fruticulus, pro sepibus vi-
vis, quas ornat floris elegantia, ad alliciendas apes, pro fo-
co, præter mox dicenda de floribus.

Foliis & Caulibus) sapor amarus nauseosus inest, quem
tam aqua quam spiritus vini contrahit. Et hæ quidem par-
tes lotium copiose movent, unde in hydrope aqua coctæ
valde profund (Möhring *Act. N. C. Vol. 5. p. 22.*) Meadius
casus hydropis pertinacis decocto summittatum ejus viridium,
feminibus Sinapi superbibito, curati meminit (V. supra de
femine Sinapi), quo ipso tam lotium quam alvus uberrime
mota. Sed frequentior est cinerum vel salis inde eliciti in
hydrope usus. Cinerum horum drachma una in tres doses
per diem divisa, dein ad unciam dimidiā austā, per lotii
vias hydrope anasarca magnæ molis liberavit foeminam gra-
vissime affectam (Monro on *Dropsey p. 64.*) Præstat vero
lixivium ex iisdem parare. Quod, præunte eximio Syden-
hamo (*Oper. p. 497.*), commode fit ex cinerum ejus libra
una, vini Rhenani libris quatuor, infuso pugillum unum
vel alterum foliorum Absynthii vulgaris addendo; cuius li-
quoris unciae quatuor ter de die potentur, donec tumor dis-
paruerit, sicque hydropes, pro deploratis habitu, devicti
fuerunt, qui ipsi etiam ob ægri debilitatem purgantia non
tulerunt. Inferioris fortis hominibus sufficit lixivium satu-
ratissimum aqua factum, ad libram unam vel duas per diem
potatum, quo ipso copia militum exercitus Svecici hydro-
pem eluctata est (Odhelius in *Vet. Acad. Handl. 1762. p.*
82.). Subjungenda autem hisce resolvendo & lotium mo-
vendo egregiis, vel interpolanda commoda roborantia sunt.
Quum cinerum efficacia a sale fixo, quod continet, depen-
deat, sal Genistæ purum vino acidulo solutum eodem suc-
cessu hydropicis offertur.

Flores). Obsolevit fere plane hodie eorundem usus. In
Avernia & Aquitania jam dudum acetarii instar a plebe
copiose efflati sunt, & apud Brabantios nondum explicati,
sale & aceto conditi, capparidum in modum (Lobel. *Advers. p. 407.*), item apud Noricos (C. Hoffm. offic. p. 307.). Hæc
non bene conciliantur cum aliorum efflati, quod per se in-
gesti vomitum cieant, in decocto autem alvum moveant
(Sim. Paulli *Quadrip. bor. p. 72.* Böcler in Herm., M. m.
T. 1. p. 321.). Quæ ignominia huic stirpi illata inde vide-
tur provenisse, quod eadem cum Spartio Dioscoridis habi-

ta fuerit. Nec infusum summitatum florentium copiose potum apud asthmaticos quondam aliud effecit, quam lotii excretionem & screatum liberiorem (Lewis M. m. p. 292.). Reliquas virtutes adscriptas silentio prætereo, utpote fidis testibus destitutas.

Semen subcylindricum, splendens, flavum, saporis dulcis, desit serius usurpari. In decocto blande vomitum movebat Lobelius (l.c.) auctor est.

G E N I S T A .

Linn. *Syst. veg.* p. 536. *Gen.* pl. p. 368.

Pharm. RHODIUM Lignum.

302. *GENISTA CANARIENSIS*; foliis ternatis utrinque pubescentibus ramis angulatis Linn. *Spec. veg.* p. 536. Cytisus canariensis sempervirens & incanus Commel. *Hort. T. 2.* p. 103. *Tab. 52.* Arbor Hispaniæ & Canariensem insularum.

Incertum adhuc est, ex quanam stirpe hoc lignum sit (Linn. *Diss. Observ. in Mat. med.* p. 7.), quamvis ill. præceptor Genistam dictam dubitanter in *Materia medica* Linn. (Ed. i. p. 347.), confidentius in *speciebus* pl. (p. 997.), & postea (*Diss. de Opobals.* p. 2.) ex Aspalato quadam Brownii esse, proposuerit.

Lignum, h. e. lignosa radix, ex insulis Canariis, Antilis & orientalibus quibusdam regionibus transfertur fructis nodosis incurvis duris, unius vel alterius pollicis crassicie. Extrinsicus coloris albidi, interne luteo rufescens, odoris rosei, quem rasum præcipue spargit, saporis subamari resinosi. Flammæ admotum facile ardet. Quo gravius est, & quo profundiorem colorem præ se fert, eo præstantius. Analysis chemica etiam Chambers (*De Ribes Arabum & ligno Rhodio*, Luga. 1724. 4.) præsticit. Aqua distillatione fragrante ejus odore imbuitur, & simul abripit etsi lente olei ætherei summe odori circiter $\frac{1}{2}$ (Cartheus. M. m. T. 2. p. 168.) vel $\frac{1}{3}$ (Lewis M. m. p. 354.) quod si modo lignum integræ notæ fuerit. Infusione tam aqua quam spiritus vini adscifit odorem saporemque ejus. Extractum aquosum nonnihil pungens & amaricans est, spirituosum vero & de fragrantia participat.

P R A E P A R A T U M .

Oleum Ligni Rhodii destillatum) Ph. W. p. 129. Coloris initio est aurei, sensim rubicundi. Ut destillatione elici pos- sit, lignum aliquot hebdomades antea aqua emolliatur, dein raspando super rota ferrea cuspidibus acutis instructa, & ope machinamenti, quod equus circumagit, voluta, com- minuatur (Ferbers n. *Beyträge zur Mineralgesch.* 1. B. p. 365.). Ob odoris gratiam pomatis, balsamis rel. additur. Vim analepticam conjectura promittit: nondum autem ex- perientia evicit. Inter aliam farraginem in Pulveribus ster- nutatoriis) offic. quibusdam occurrit.

O N O N I S .

Linn. *Syst. veg.* p. 541. *Gen. pl.* p. 370.

Pharm. ONONIDIS s. RESTÆ BOVIS Radix.
Herba.

303. ONONIS ARVENSIS; floribus racemosis geminatis, foliis ternatis, superioribus solitariis, ramis inermibus sub- villosis. Linn. *Syst. veg.* p. 641. Si verum esset Löselii asser- tum, cui post *Floræ Svec.* Ed. 1. subscripterunt ill. Linneus, Hallerus aliisque magni botanici, stirpem iuniorem inermem esse, adultiorem spinosam: referenda hoc essent Varietatis nomine ^a, Anonis spinis carens purpurea C. B. ^b, Anonis spinola, flore purpureo C. B. Sed Rarius, Govanus aliisque, & novissime cl. Rezius experimentis ductus (in *Phys. Säl- lsk. Handl.* P. 1. p. 128. sq.), diversas species declarant. Officiis vero speciatim dicata Ononis spinis instructa, cuius icon: Regnault *Botan.* l' Arrête-Boeuf ou Bugrande. Pl. perennis vel frutescens, vulgaris ad vias & in aridis.

Radix) pedem supraque longa, cylindrica, pollicaris cras- sitie, extus fusca, intus alba, descendens, adeo tenax, ut, quod jam antiquis notum, aratro remoram pariat, saporis subdulcis; quidam nauseosum & subfœtidum describunt (*New Dispens.* p. 171.). Cortici ejus major vis insidet (Sim- Pauli *Quadrip.* p. 224. Chomel. *Usuelli.* T. 1. p. 284.).

Rarius quidem hodie præcipitur radix, sed hinc inde ta- men seniori quoque tempore efficaciam suam, quæ in du- bium vocari omnino cœperat, probavit; quin moleste quidam ægri ex eadem affecti sunt (Phister Bergius *M. m.* p. 601.). Nempe aperiens & diuretica prædicatur, imo in calculo opportuna, præceunte veterum (*Galen. de simpl.* L. 8. *Diosc.* Mat.

Mat. m. Lib. 3. cap. 21. p. 180.) laude. Involuntarium adeo lotii profluvium ex manipulo ejus uno in vini libra una co-
sto, & casu singulari ob dysuriam capto, legitur exortum
(*Lentil. Miscell. medicoract. p. 277.*), quod nimium mihi
videtur. Vix suppar remedium in vesicæ vel renum calcu-
lo novit Sim. Paulli (*I. c.*), cui præconio etsi non adsen-
tior, non dubito tamen fabulum pellendo dolores a calculo
mitigare posse. Et memorabile, medicum experientissimum
(cel. Bergium in *M. m. p. 600.*) sœpe in ilchuria ex cal-
culo vesicæ levamen decocto attulisse, ubi alia non profe-
cerant. Efficacia, quam quidam (*Matthiolus in Diosc. L.*
3. c. 18. p. 501. Scultetus in *Obs. n. 74.* Nebel in *A. N. C.*
Vol. 2. Obs. 3. p. 12. sed hic posterior quidem in connubio
purgantium & emplastri discutientis, item Bergius *I. c. p.*
12.) pulveri tribuerunt in sarcocèle, majori jure ad hy-
drocelem referri arbitror, cum altero malo forfitan confu-
sam. Animadvertisit & in eam laudem Pfisterus (*de Hydro-*
sarcocèle §. 50.), qui non in omnibus lotium movisse queri-
tur. Hydrofarcocelen tribus casibus omnino dissipare conti-
git ill. Acrel. (*Bergius I. c.*). In pulvere igitur ad drach-
mam unam vel & in decocto aquoso conductus, præcipue
cortex ejus.

Herba) rarius adhuc decernitur. Decoctum hujus ex pu-
gillo uno & aquæ libra dimidia modico igne paratum, &
longa primum serie dein per intervalla mane potatum, ho-
mini diu calculoso tam felicem præsttit opem, ut quævis
pristinarum molestiarum silerent. An ipsa diathesis calculo-
sa eo sublata, dici nequit; certe nullum calculi vestigium
postea in cadavere exstitit (*De Haen Rat. med. P. 6. p.*
289.).

V I C I A .

LINN. *Syst. veget. p. 552. Gen. pl. p. 376.*

Pharm. FABÆ Semen, Stipites, Flores.

304. *VICIA FABA;* caule erecto, petiolis absque cirrhis
Linn. *Sp. pl. p. 1039.* *Faba C. B. Κυανος Græc. Icon:* Re-
gnault *Botan. la Féve de Marais. Pl. annua, in Ægypto*
& ad mare Caspium in confiniis Persicæ (*Lerche in Linn.*
Syst. veget. p. 554.) spontanea, colitur in hortis agrisque co-
piose.

Semen) reniforme, compressum ex arillo crasso gilvo &
medulla alba, dum siccum est, constans, callo linearis in-
sidens. Maximum est indigenarum vel apud nos hospitan-
tium

tium plantarum. Varietas semine minori mensas etiam de-
licatorum intrat. Altera vero semine majori ægrius con-
coquitur & flatulentior, præcipue arillis nondum exuta.
Utriusque semen tam ante maturitatem, quam siccatum co-
ditione prægressa editur. Praestat vero feminibus tenellis ve-
sci, utpote tenuoribus longe, & horum quidem legumina
concisa nonnulli simul comedunt. *Farina* feminum in offi-
cinis occurrit, & ut aliæ similes Lupini, Ervi, Fœnugræ-
ci, Lentium, Orobii, frumentorum, calefacta resolvit, co-
cta aqua vel lacte emolliendis & maturandis tumoribus in-
servit. Sordes abstergere cutaneas decoctam quidam volunt.
Additur Farinis nomine quatuor resolventium) venienti-
bus.

Stipites). Incineratione copiam salis fixi largiuntur, quod,
ut supra (p. 190.), sub Spartio de ejusmodi salibus genera-
tim dictum, lotium potenter pellit. Confert eo fine cine-
ribus infundere vel vinum vel aquam.

Flores). Recentes gratum, ad illum Lilii candidi acce-
dentem, odorem spirant, qui vero siccatione perit. Aqua
destillata olim inde parata, quam cosmeticam habuerunt,
sed immerito.

E R V U M.

Linn. *Syft. veget.* p. 554. Gen. pl. p. 376.

Pharm. LENTIUM Semen.

305. *ERVUM LENS*; pedunculis subifloris, seminibus
compressis convexis Linn. Sp. pl. p. 1039. *Lens vulgaris* C.
B. *Φανός* Græc. Icon: Rivin. Pl. irreg. tetrap. T. 35. Pl. an-
nua, in Gallia inter segetes, & in Valesia in vineis spon-
te crescents, alibi in Europa copiose in usum culinarem in
agris colitur.

Duplex ejus varietas: semine α , majori & β , minori
(Icon utriusque: Rivin. l. c.). Utrumque orbiculare com-
pressum margine acuto, arillo cinereo bruno, medulla fu-
lca. Pisorum instar coquuntur lentes, non ingratu quidem
saporis, sed flatibus molestissimæ & difficillimæ concoctu,
ita ut iis, quos debilitas primarum viarum tenet, inte-
græ secedant, hinc nonnisi laboriosæ vitæ hominibus con-
cedendæ. Flatulentia adeo equos necasse legitur (Ellis apud
Hall. fl. helv. n. 421).

Abesse possent lentes commode ex foro medico. Merito
hodie rideamus Arabum & sequiorum quorundam in pellen-
dis variolis, & morbillis laudem, quæ si quid veri involvit,
hoc decocti unice calore, quantum capio, continetur. Plus

omnimo interest, ad foedas post variolas cicatrices a facie arcendas, hanc decocto lentiū, dum siccari incipiunt, crebrius fovere (Chomel, *Ujuell. T. 3. p. 61.*).

Farinae seminum pretium sub n. 197. jam statui; sed vix unquam hodie curatur.

Pharm. ERVI s. OROBI Semen.

306. *ERVUM ERVILIA*; germinibus undatoplicatis, foliis impari-pinnatis Linn. sp. pl. p. 1040. Orobis siliquis articulatis, flore majori C. B. Icon; Rivin. fl. irreg. tetrapt. Tab. 61. Pl. annua australiorum Europæ regionum & Orientis.

Alimentorum pro hominibus numerum olim auxit, sed vetat ejus insalubritas, nam panis ex semine vel solo vel cum Tritico coctus crurum imbecillitatem produxit, ut scorpionibus binis inniti opus esset, vitio extensoribus musculis inducto (Binninger Obs. & Curat. med. Cent. 5. Obs. 70. p. 571, sqq. Conf. Vallisnieri in Galer. di Minerva T. 4. p. 240.). Ipsos equos, qui plantam integrum devoraverant, tanta crurum & tibiarum imbecillitas corripuit, ut vix insistere pedibus possent, sed per longum temporis intervalum contremiserent (Binninger l. c. p. 574.). Gallinas distensione ingluvici semen necat (Rossi de plant. venen. p. 39.). Nihilominus in Helvetia cum Lentibus & Viciis fertur (Hall. Stirp. helv. n. 420.).

Superfluum inter medicamina, ut tamen *Farinae* ejus virtus secundum n. 197. pariter djiudicetur. Hæc similiter Farinis quatuor resolventibus) adscripta.

C I C E R.

Linn. Syst. veg. p. 554. Gen. plant. pag. 377.

Pharm. CICERIS Semen.

307. *CICER ARIETINUM*; foliolis serratis Linn. sp. pl. p. 1040. Cicer sativum C. B. Effig. & Græc. Icon: Regn. Botan. le Pois Chicke; item in Clewbergii Diff. de variis frumentorum & leguminum speciebus vet. test. Ups. 1760. Pl. annua, in agris Palæstinæ, Hispaniæ, Italiae spontanea.

Arilli Seminis) color variat; unde distinctio inter Cicer album, rubrum, nigrum; ad quam non video in usu respici. Est subrotunde-nodosum, cuspidé incurva, magnitudinis pisii, medulla flavicante. Tam elcae nomine, quam medelæ, jam antiquitus cognitum. Sunt (Bochartus in Hieroz. P. 2.

p. 46. Shaw *Travels* p. 222. item Clewberg *I. c.* p. 38.), qui per vocem Kali in 2. libro Samuel. cap. 17. v. 28. secundo loco memoratam Cicer tostum intelligunt; nam in universum illa in sacris litteris tostum frictum sive torrefactum esculentum quoddam significat (10. Gesner *Diss. Phytoogr. sacr. Spec. P. 2.* p. 10.). Quicquid sit, fricti Ciceris tam Græci varii quam Romani meminerunt, tanquam cibi speciei (Galenus. Bochart *loc. cit.*). Et adhuc hodie in plateis orientalium urbium copiose in cupreis sartaginibus & furnis semina hæc torrentur (Shaw *Travels I. c.*); nam conquendo non sinunt sese in pulpam redigi. Toffa Coffeæ non dissimilem potum suppeditant (Reichart *Gartenſchätz T. 5.* p. 163.). Farinam quoque eorum in lacte elixatam, vel Ciceræ in aqua elixa vel alio modo præparata antiqui comederunt; valentius adeo nutrire, quam fabas, Galenus (*de alim. facili.*) affirmat, sed itidem flatulenta. Tum quoque jam moris fuit, immatura & virentia ingerere, qui & hodie in Italia obtinet, ubi, ut in aliis Europæ australis regionibus, pro usu cibario ferit. Præstant vero omnino in juculis decocta. — Lotium pellere semina notatum, ut & exulceratam vesicam renesq; e lædant (Dioſc. *M. m. Lib. 2.* p. 126.). Haec vi unice niti videtur illis adscripta, sed non experimentis fidis confirmata, in calculo frangendo potentia. Nec illam evincit Augerianum remedium (Vid. Schultz *Dissert. an dentur medicamenta calculus &c. p. 24. sqq.*), quum decoctum Cicerum non solum, sed instar vehiculi efficacioris remedii captum fuerit.

Farina seminum, ut similes aliæ, pro diverso externe applicationis modo resolvit, maturat. Sed obsolevit fere omnino in medica praxi.

GLYCYRRHIZA.

Linn. *Syst. veg.* p. 557. Gen. *pl.* p. 380.

Pharm. GLYCYRRHIZÆ s. LIQUIRITIÆ Radix.

308. *GLYCYRRHIZA GLABRA*: leguminibus glabris, stipulis nullis, foliolo impari petiolato Linn. *Syst. veg. loc. c.* Glycyrrhiza filiformis & germanica C. B. Γλυκυρρίζα Theoph. Γλυκυρρίζα rel. Græcorum. Conf. descriptio amplior ill. Pallas in *Reise durchs Russ. Reich T. 1.* p. 498. n. 120. Icon: Regnault *Botan. la Regliſſe.* Pl. perennis in Franconia, Hispania, Gallia inferiori, Italia, item in australiori deserto ad Iaikum Rutheniam sponte crescens. Sed in Anglia, Lotharingia aliisque locis copiose colitur. In horto nostro botanico florat quidem quotannis, sed raro legumina format

Translatio ejus difficulter succedit ob fibrarum paucitatem. Quum fructum referre Platani pilulas & asperiorem significet Dioscorides (*Mat. m. Lib. 3. cap. 7.*) : de *Glycyrrhiza echinata* Linn. eum loqui vero simile est, & hanc nominatim veteribus usitatam. Cujus etsi radicem alterius vinci dulcedine & gratia Lobelius (*Advers. p. 405.*) affirmat, copiose tamen ad Volgam effoditur, ac ex eadem in pharmacopolio Astrachanensi tanta copia succus paratur, ut imperio toti Ruthenico sufficiat (Lerche in Gmel. *Fl. Sibir. T. 3. p. 32.*) Litteris d. 10. Nov. a. 1778. etiam L. B. De Asch certiore me fecit, utramque in Russia jam pari passu & præscriptionibus medicis & effectu ambulare. Quod & confirmat, quæ novissime in lucem prodiit, *Pharmacopœa Russica p. 25.*

Radix Gl. glabræ repens, sed profunde descendens, tenax, pollicem vel infra crassa, extrinsecus bruno fusca &, dum sicca est, rugosa, interne slaveſcentis coloris. Transversim ſecta, etiamſi ſicca, radios & vasa ſuccoſa prodit, quæ majora & diſtinctiora ſub microſcopio in Hispanica radice, quam Franconica, apparent. Unde argumentum capitūr haud improbable, iſtam huic præferendi (Wedelii & Schmidii *Difſ. de Glycyrrh. p. 9. ſqq.*) quæ, ſive Hispanica, & dulcedine reliquis autiſtat (Spielm. *M. m. p. 456.*). Sapor radicis dulcis, imprimis parte corticali, & nonnihil mucilaginosus; diutius gustata levem amaritatem præſe fert. Coctione ingrate amarescit. Aqua extractum dimidiī fere ponderis radicis eruitur; ſpiritu vini autem extractum, quod modo quartam circiter ejus partem conſtituit; quod iſpum prius dicto dulcius longe eſt, utpote non insipida mucilagine commiſtum (Lewis *M. m. p. 297.*). Ab aliis dulcibus Glycyrrhiza in eo diſſert, quod diſſicile fermentationem ſubeat. Ore retentam ſedare ſitim vetuſtissima obſervatio eſt (Theophr. *I. 9. cap. 13.*), ut ideo *ad i. 40.* diſta. Succum eliquatum idem facere (Dioſc. *I. c.*). Unde hydropticis graviter ſitientibus eximiū ſolamen radicis mafſicatio affert, vetuſta pariter experientia (Plinii *Lib. 22. cap. 9.*), quam hodierna læte conſirmat. Stimulos præterea acres involvit, fibras relaxat, exulcerata abſtergit, & aliorum dulcium in modum blande reſolvit. Frequens igitur ejus uſus eſt in tuſſi, rauſitate, ſcreatu, in affectionibus pectoris imo inflammatoriis languente, in nephritide, stranguria, erosionibus fauſcum. Pro hiſce ſcopis vel pulveri locus eſt, vel conciſa radix in iuſfuſo theaformi cum aliis propinatur. Si decoquenda, nonniſi ad finem coctionis reliquorum addenda, ne amarities fastidium pariat. Proſtat & copia præparatorum, in quibus crebrius, quam per ſe, ægris offeruntur. Additur ſubinde radix aliis ad celandum ingrātum eo-

tundem saporem, prout pilulis pulvis vel eo fine inspergitur, & ne inter se cohæretant. Quantum conferat, ut cortex Peruvianus gratius ingeratur, alibi jam significavi (App. med. T. I.).

PRÆPARATA ET COMPOSITA.

Succus vel Extractum) Pharm. omn. Isti in Hispania parato prærogativa vulgo conceditur. Ibi in Catalonia præcipue ex radicibus siccatis aqua coctis expressione eruitur succus & in extracti tenacitatem coctione spissatus ulterius solis vi densatur. Forma subcylindrica venditur longitudine sex pollicum, crassitie unius vel majori foliis laurinis obvolvutus, in fractura splendens. Dulcis saporis cum leviter anaricie. Rejiciatur empyreuma sapiens vel olens, & qui lingua diffluens fœces relinquit. Liberatus ab hisce nova solutione & decantatione Succus Liquiritiae depuratus (Ph. Dan. p. 249.) audit. Hac extracti forma omnium creberri me radix in usum vertitur. In tussi & reliquis pectoris affectionibus dictis non privandum sua laude, vel per frustula ore liquatum, vel in linctu oxymelle commixtum, vel aqua destillata solutum & aliis commodis mixtum. Pauores utiliter decoctum avenæ, in quo solutum fuit, potant. Larga vero ejus copia requiritur, ad sesquiunciam per diem (Tiffot Avi. p. 181.). Instar suppositorii usurpatum in haemorrhoidariis ardorem ani levat (Störck Unterricht für Feld- und Wundärzte T. 2. p. 81.).

Pasta Liquiritiae) Ph. W. p. 135. Ob decoctum radicis Gummi Arabico & saccharo a. l. junctum lubricandis faucibus & acri stimulo ad tussim vellicanti involvendo inservit. Pertinaciori autem tussi non sufficit.

Bacilli de Liquiritia albi f. Liquiritia alba cocta) Ph. W. p. 27. Constat ex G. Arabico, Speciebus diaireos & diatragacanthæ, radice Liquirit. & Amylo, addita demum copia Sacchari & mucilagine Tragacanthæ. In mitioribus faucium & pectoris affectionibus pariter locum habet.

Bacilli de Liqu. citrini). l. c. p. 28. Ex radice Liqu. Ireos Florent. Amylo, Croco, Saccharo cum mucilagine Tragacanthæ in suam formam redactis. Croco ob exiguum quantitatem nonnisi color, nec ulla anodyna efficacia, in hisce debetur. Ob mucilaginem parciorem minus involvunt, quam præcedentes.

Trochisci Bechici albi) Ph. W. p. 234. Ejusdem fere compositionis, ac bacilli de Liquir. albi, & valor idem. Sed omitti hic possent ob defectum radicis Glycyrrhizæ.

Trochisci Bechici Citrini) l. c. Proxime accedunt ad

nuperrime dictos selectu partium, sed loco Amyli radix Li-
quiritiæ & Crocus adduntur. Prioribus efficaciores.

Trochisci Bechici nigri) l. c. Accedunt semina aromati-
ca Anisi & Fœniculi & succus Liquiritiæ, unde color ni-
gricans. Efficacius resolvunt, quam reliqui.

Syrpus Ciycyrrhizæ) Ph. W. p. 211. Compositus justo ma-
gis, radicem Glycyrrh. herbasque capilli Veneris & Hysopi
comprehendit. Dictis pectoris vitiis dicatus, rarioris hodie
usus.

Unguentum de Liquiritia) Ph. W. p. 244. Obsoletum. Plu-
rimum vis a Nihilo albo, Cerussa & Camphora in excoria-
tionum & fissurarum sanatione, contra quas laudatur, deri-
vanda.

Elixir pectorale Regis Daniæ) Ph. W. p. 54. Simplicius
occurrit in Ph. Dan. p. 149. Elixir pectorale Wedelii) Ph.
W. l. c. Species Tragac. frigid.). Ph. W. p. 180.

Pharm. Ruth. GLYCYRRHIZÆ Radix.

309. *GLYCYRRHIZA ECHINATA*; leguminibus echina-
tis, foliis stipulatis, foliolo impari sessili Linn. Syst. veg. p.
557. Glycyrrhiza capite echinato C. B. Conf. prolixior de-
scriptio cel. Pallas in Reise durchs Russ. T. 1. p. 498. Icon:
Jacqu. Hort. Vindob. Tab. 95. Pl. perennis, cr. in australio-
ribus regni Ruthenici & Apulia. In horto nostro quotannis
flores maturaque semina fert.

Commode substituitur in Ruthenia præcedenti speciei;
de qua re vide supra p. 196.

ASTRAGALUS.

LINN. Syst. veg. p. 566. Gen. pl. p. 385.

Pharm. TRAGACANTHÆ Gummi.

310. *ASTRAGALUS TRAGACANTHA*; caudice arbo-
rescente, petiolis spineſcentibus Linn. sp. pl. p. 1073. Tra-
gacantha C. B. Du Hamel Traité des Arbres T. 2. p. 343.
cum fig. Icon: Regnault Botan. la Gomme adragant. Frutex
exiguus Gallo-Provinciæ, Italiæ, Siciliæ, Candiæ, ubi in
monte Ida crescit, & aliarum Orientis regionum.

Gummi) hoc sponte æstate adulta erumpit per corticem
ex trunci & ramorum medulla, uci & intersticiis fibrarum
radiatim dispositarum ipsius ligni, ubi coacervatum novo
ur-

urgentis a tergo rivo ulterius propellitur. Qui mora & colore coiit gummosus succus, ulterius contactu aeris densatur. Sicque laminarum rugosarum, lineam plus vel minus crassarum, intestinalorum instar contortarum, vel granorum forma saepe cavorum stirpi adhaeret, ut ex icono Tournefortii (*Voyage du Levant T. 1. p. 21.*) cognoscere est. Colore variat, unde distincto in *Tragacantham album* & *flavam* s. *rufam*. Prior ute pote purior unice in medicum scopum servari debet, altera sordibus variis inquinata opificibus relinquenda. Transfertur utraque magna copia ex Turcia. Nam arbores Europæ vel nihil vel exiguum modo gummi suppeditant. Gummi probæ notæ subpellucidum, fragile, odoris saporisque expers est.

Longe difficilium solvitur aliis gummatibus aqua & vix perficte, nempe intumescit quidem & in majori copia aquæ agitatione se commiscet cum eadem, sed illa inde turbida evadit, & conciliata isti quiete mucilago fundum petit, & aqua pristinam limpiditatem recuperat. Hinc & mucilago ejus difficilium longe & minus constanter agitando oleum cum aqua copulat, quam illa Gummi Arabici, & ad combinanda balsama cum eadem per trituram largiori quantitate opus est, nec tam diu connubium istud perdurat. Nec tam apte acidum vitrioli obvelat (French in *med. Observ. and Inquir. Vol. 1. p. 423. 425.*). Frustra & tentatum, tritando illam cum mercurio vivo conjugere (Plenk's *Art. d. Quecksüber zu geben, Exper. 9. p. 28.*). Frigida tamen aqua *Tragacantham* absque prævia ejus in pulverem comminutione perfecta intra quinque vel sex horas solvi posse, cl. Rutty (*Obj. on the Lond. & Edinb. Dispensaries p. 179.*) asseverat. Drachma ejus una libræ uni civili aquæ syrapi spissitudinem inducit (*New Dispens. p. 136.*). Vix unquam sola exhibetur, sed commissa aliis, idque plerumque soluta, licet in pulvere minus fastidii pariat. Ægre tamen in pulverem redigitur. Acrem stimulum, diarrhoeam vel dysenteriam suscitantem, ut alia gummosa, involvit, humores tenues incrassat, jacturam glutinis naturalis cavorum, ut in stranguria inde orta, resarcit, fissuras labiorum vel papillarum consolidat. Mucilago ejus ad compingenda varia in trochiscos, bacilos, pilulas, crebri usus est. Additur & aliis, quæ acrimonia sua infesta esse possent, exemplo Trochiscorum Alhandal, pilularum Werlhofii contra rabiem caninam, rel.

Simile Gummi suppeditat *Pterococci apbylli* Pall. (*Raise d. Russl. T. 2. p. 322. Tab. 5.*) radix recens incisa.

PRÆPARATA ET COMPOSITA.

Species Diatragacanthæ frigidæ) *Pb. W.* p. 180. compo-
nuntur ex *G. Tragacantha*, *Arabico*, *Amylo*, *Glycyrrhi-
za*: Si semina quatuor frigida, superflua, addantur, id pro-
desiderato fiat, ne rancore, in quem ista inclinant, pulvis
noceat. Pulvis Diatragacanthæ *Pb. Ed.* p. 73. omittit *G.*
Arabicum, utpote superfluum. Pulvis e *Tragacantha* com-
positus) *Pb. Lond.* p. 89. præter dicta e *Pb. W.* *Saccharum*
recipit. Species hæ demulcent, involvunt, & in tussi &
diarrhœa crebro præcipiuntur.

Trochisci) &c.

G A L E G A .

Linn. *Syss. veg.* p. 565. *Gen. pl.* p. 384.

Pharm. GALEGÆ Herba.

^{311.} *GALEGA OFFICINALIS*; leguminibus strictis ere-
ctis, foliolis lanceolatis striatis nudis Linn. *Spec. pl.* p. 1062.
Galega vulgaris C. B. *Icon: Miller's Figures of plants Tab.*
^{137.} *Regnault Botanique le Galega ou la Rue de Chèvre.*
Pl. perennis, in Hispania, Italia, item in Rhætia & Sca-
phusia crescens.

Herbæ) odor saporque vix ullus, ut nec inde multas vi-
res exspectes. Nec experientia fidem assignat. In Italia fo-
lia loco acetarii sunt (*Chomel. Usuelli. T. 1.* p. 400.). Ener-
vare morsum venenatum serpentum perhibitum, a quo ve-
neno extenderunt efficaciam ad miasma malignarum febrium,
quin ipsius pestis, in succo vel decocto cum aceto vel su-
doriferis (*Conf. de hisce Casp. Hoffm. in med. offic. Lib. 2.*
p. 305.). Et hujus in peste virtutis exempla duo de conser-
va ex foliis recentibus narrantur (*Boyle Works Vol. 4.* p.
292.). Memoratur & succi vis anthelmintica (*C. Hoffm.*
I. c.). Hinc inde experientia clarus Anglus (*Biffet in Med.*
Essays p. 163. 170.) nuperius, oblivione fere data planta,
infusum Galegæ præcipit tanquam vehiculum aliorum re-
mediorum, licet scopus ab illo non significetur, in dysuria
chronica & chorea St. Viti.

TRIFOLIUM.

Linn. *Syst. veg.* p. 1077. *Gen. pl.* p. 387.

Pharm. MELILOTI Herba c. Floribus.

312. *TRIFOLIUM MELILOTUS OFFICINALIS*; leguminibus racemosis nudis dispermis rugosis acutis caule erecto
Linn. *Spec. pl.* p. 1078. α , flore luteo; s. *Melilotus officinalis Germaniae* C. B. Icon; *Regnault Botan.*, le Melilot. Pl. annua vel biennis, ad vias in collibus crescens.

Varietas flore luteo manifeste magis odora altera, albo instructa. Odor in siccata planta longe fragrantior, sapor subamarus herbaceus. Acrem plantam contra suetam sententiam habet Hallerus, ita ut casu sese admiscens seminibus Lini in angina nocuerit (*Hist. stirp. helv.* n. 362.). Flores praeseruntur vi foliis Jumenta delectantur Meliloto, & horum in usum in Anglia seritur (Raii *Hist. T. 1.* p. 951.). Vix unquam usurpatur hodie interne, unde sparsas laudes decocti in colica, inflammationibus imi ventris, retentione lotii, doloribus post vel ante partum, tympanite, fluore albo, non moror. Discutere extrinsecus applicatum, verius praeconium; de anodyna autem vi & emolliente dubito. Sicca igitur epithemata vel fluida, uti & cataplasmata, intrat. Addi clysmatibus non repudio, si flatus sint discutiendi. Praecipue vero pro emplastro sui nominis colligitur.

PRÆPARATA ET COMPOSITA.

Aqua destillata offic. non nihil odora. Obsolevit.

Emplastrum de Meliloto) *Pb. W.* p. 67. Antiquæ originis formula, Galeni tempore prioris, sed a Mesue aliisque postea multiplicitter mutata. Hinc & maximi in ejus compositione dispensatoriorum diffensus obtinent. Simplicissimum & vere nomine suo dignum est Emplastrum de Meliloto simplex) *Cod. med. Paris.* p. 145. ex summitatibus Meliloti, ieko bovillo, resina & cera. Prolixiora reliqua in *Pb. Dan.* p. 159. *Pb. Svec.* p. 102. & *Pb. W. I.* c. obvia, quæ omnia, eti inter se diversa, complectuntur varia discutientia & emollientia. Odorem gravem in universum spargit. Ad tumores discutiendos, vel emolliendos, præcipue glandularum maxillarium & parotidum, imponi solet. Quæ vires vero admixtis aliis potius quam Meliloto videntur adscribendæ. Emplastro vesicatorio additum dolorem ex ejusdem effectu mitiorem reddit.

TRI-

TRIGONELLA.

Linn. *Syst. veget.* p. 576. *Gen. pl.* p. 388.*Pharm. Fœnugræci Semen.*

313. *TRIGONELLA FOENUM GRÆCUM*; leguminibus fessilibus strictis erectiusculis subfalcatis acuminatis, caule erecto Linn. *Spec. pl.* p. 1095. *Fœnum græcum sativum* C. B. *Icon: Regnault Botanique la Fenu grec.* Pl. annua, crescens in Galliæ australis arvis.

Semen) oblongum, tereti compressum utrinque truncatum, bruno luteum, fulco obliquo, *Melilotum olens*, amarum. Mucilaginem includit, tam copiosam, ut seminum uncia una aquæ unciis sexdecim lentorem & mucilaginosam naturam caloris ope conciliet (*Cartheus. M. m. p. 177.*). Extratum acquosum $\frac{1}{2}$ circiter totius ponderis constituit, estque amaricans & odore semen imbutum. Magis tamea saporem odoremque servat spirituolum (*Lewis M. m. p. 278.*).

Rarissime ore capitur in decocto vel infuso, et si mucilaginosa natura & odor indicet præter vires mucilaginosis communes resolventem semini competere. Acquiescunt vero fomento vel cataplasmate ex farina ejus parato, quando emolliendi vel maturandi sunt tumores, & clysmate ad eluendam blande alvum. Et ne in hosce scopos quidem crebro usurpatur,

PRÆPARATA ET COMPOSITA.

Recipitur hoc semen in Unguenta & Emplastra varia, ut *Oleum e Mucilaginibus Ph. Lond. p. 106*; *Unguentum Altheæ Ph. W. p. 239.*; *Emplastrum Diachylon simplex Ph. W. p. 63.*

O R D O XXV.

LOMENTACEÆ s. PAPILIONACEIS AFFINES.

C A S S I A .

Linn. *Syst. veg.* p. 326. *Gen. pl.* p. 206.

Pbarm. & *SENNÆ ALEXANDRINÆ Folia*, *Folliculi*.

& *SENNÆ ITALICÆ Folia*.

314. **CASSIA SENNA**; foliis sciegis subovatis, petiolis eglandulatis Linn. *Syst. veget.* pag. 327, ^a, *Senna Alexandrina* f. foliis acutis C. B. Moris. *Hist. cl. T. 2.* p. 201. *Scđt. 2. Tab. 24. fig. 1.* ^b, *Senna Italica* f. foliis obtusis C. B. Moris. *I. c. p. 200. f. 2. t. 24. f. 2.* Monographiam hujus, cum Icone eximia, præstítit Salvador Soliva in *Dissertacion sobre el Sen de Espanna*, Madrid 1774. Planta annua. Prior crescit sponte in Ægypto superiori (Hasselquist), et si, quod mirum, ab Alpino non memoratur, & teste Blondelio (in Savary *Diction.* 2. p. 1537.) etiam in Arabia circa Meocham. Alteram, quæ in Italia, item Gallo-provincia crescit, ex priori fieri cultura affirmat cl. Govan in litteris ad Solivam *I. c.* qui ipse rei subscriptibit.

Brevius perfungar consideratione *Senna Italica*, quæ quidem aliquantum a mercatoribus alteri substituitur. Prærogativam Fallopius (*de simplici purg.* c. 59.) *Italica* jam tribuit, utpote ut plurimum recentiori & pro nostra temperie aptiori. Plerique tamen auctorum virtute eam debiliorem altera declarant. Sese opponit huic judicio Cl. Soliva, demonstratum cupiens utrique eandem efficaciam competere, quin effecit sua commendatione in Hispania, ut ibidem uberioris *Italica* coleretur. Sufficere hanc ipsam, altera et si non nihil debiliorem, ita ut dosi quarta parte majori opus sit, ulterius nupera experimenta numerosa coll. Coste & Wil-

Willemet *Essais sur quelques Plantes indigènes médicinales*, à Nancy p. 25. sq.) edocuerunt, quin præstare, quod torminum longe minus excitet. Uncia una hujus gummosarum partium drachmas tres præbet, resinorum ultra scrupulos duos. Infusum ejus aquosum nauseosi pariter odoris est; nec desunt vestigia olei istius paullo post de altera Senna describendi. Infantibus hydropticis hujus drachmæ duæ ad unciam vel sesquicunciam in infuso datæ. Nec nocuit puerperis partu diffcili debilitatis (l. c.).

Subinde Sennæ, præcipue, Italicæ, foliis surrogantur folia *Coluteæ arborecentis*; arboreæ, foliis obcordatis Linn. *Spec. plant.* p. 1045. (Germanis Deutsche Senne), quod, quatenus fraus est, reprehensione omnino dignum est. Attamen nec hæc contra quorundam opinionem (e. c. Löseckii *M. m.* p. 126. Ed. 4.) purgandi potestate destituantur; invento tanto majoris faciendo, quum in australibus Europæ crescens, hiemes nostras in hortis facile ferat. Substitui verræ Sennæ posse, experientia sua jam cognovit Th. Bartholinus (*Med. Dan. domest.* p. 229.). Nimia foliorum in aqua ebullitione purgandi perditur vis, unde infusum præstat, sed non nimis forti expressione subiuncta, ne rudiores & resinose partes transeuntes tormina molesta creent (Coste & Willemet l. c. p. 27. sqq.). Fumus foliorum instar Tabaci haustus pituitam oris & narium prolicit. Speciali causa superstitem, post apoplexiā pituitofam, gravitatem capitum cum mentis debilitate sufflaminavit (l. c. p. 29.).

Sed transgrediar ad *Sennam Alexandrinam*.

Folliculi) ejus sive legumina compressa seminibus oblitis hodie fere omnino ex penu medica exulant. Ab Arabibus autem, Serapione & Mesue, item ab Actuario, qui Græcorum primus Sennam memorat, foliis silentio pressis, fructus unice mentio sit, tanquam purgantis eximii. Ad virtutes Mauhammedis pertinet, quod omnium primus Sennam produxerit & Tithymalo pro alvo elutienda substituerit (Reiske *Misc. obs. ex Arabum monumentis* Leid. 1746.). Galli inter nuperiores in usum iterum folliculos revocarunt. Hique & a foliorum odore saporeque ingrato immunes sunt, & minus quam illa torminibus subsequutur morlesti (Spielm. *Mat. med.* p. 647.). Paullo vero debilius quam folia purgant (Lieutaud *Precis de la Matière médicale* pag. 293.).

In Ægypto Sennæ mercatura nonnisi uni ex primatibus, cui ex pacto locata suit, conceditur. Hic a rusticis collecta folia recipit, deinceps partitione in tres portiones facta, per Massiliam, Liburnum, Venetias, Europæis vendit (Hasselquist's *Resa* p. 535.).

Sapor Foliorum) nauticos, amaricans, subviscidus, odor pa-

pariter ingratus, præcipue si infusum olfacias. Infusum aquosum coloris profunde lutei est. Nempe aquæ facile vires suas impertunt, idque definita propiore tante, ita ut non augeatur efficacia, etiam si majori quantitate addantur. Drachmæ eorum duæ sufficere pro aquæ unciis quatuor existimantur (*Grew Experiments in Anatomy of plants*). Plus gummosarum partium illis inhæret, quam resinosarum, ut adeo Neumannus (*Chemie B. 2. Th. 4. p. 220.*) ex uncia una foliorum extracti gummosi unciam dimidiam cum granis decem, & ex residuo extracti spirituosi gr. viginti octo elicuerit. Cartheuserus (*M. m. T. 1. p. 583.*) autem illius circiter $\frac{1}{2}$, hujus $\frac{1}{8}$. Ratio & habenda est olei unguinoso ætheræ, cuius grana circiter septem ex uncia una foliorum destillatione cruta, specifico naufragio odore & sapore Sennæ imbuta, a quo & præcipua virtus purgans derivata (*Charteus I.c. p. 584.*). Experimenta plura chemica legi poterunt in Senneri *Diss. de Senna*, *Altdorf.* 1733, p. 12. sqq.

Ad efficaciora, et si paullo lentiora purgantia pertinent, crebroque etiamnum, præprimis ab Anglis & Svecis, præscribuntur, parcus a Germanis aliisque gentibus. Quamvis multi in acutis febribus imo inflammatoriis concedant, nolim in hisce folia adhiberi, quoniam me etiam judice humorum circuitum accelerant & æstum augent. Non superfluum igitur habeo admonitionem a cl. Geoffroy (*M. m. Trait. T. 3. p. 19. sq.*) adjectam de omittenda Sennæ in hisce febribus, item hæmorrhagiis & morbis pectoris administratione. Hinc & cl. Hillary (*Dis. of Barbados p. 217*) nullo dysenteriæ studio, qualiscunque sit forma, eam probat, quum inflammationem augeat.

Flatus torminaque ciere, communis fere omnium querala est, quæ ipsa a tenebris hominibus sub initium vel sub vigorem effectus sentiuntur. Vulgo Stipites) foliorum culpæ rei existimantur: sed liberant eos ab hac experimenta crebro a cl. Bergio (*M. m. p. 339.*) cum stipitibus solis aqua infusis repetita, secundum quæ æque efficaces nec magis in torminibus excitandis infestis, quam folia, agnoscendi sunt. Hinc & *Pharmacopea pauperum Stockholmiensis* (a. 1776. p. 14.) præcise foliorum cum stipitibus copulam requirit. Prævertitur vero hisce incommodis vel sufficenter Sennam diluendo vel addito aromate, vel si in decocto cum aliis desideratur, addendo tantum Sennam sub finem coctionis. Quod Brasilienses Yquitayam s. Scrophulariam aquaticam L. eodem scopo adjicere ferantur, supra sub n. 175. jam indicavi.

In pulvere rarissime exhibetur. Sunt tamen, qui a scrupulo ad drachmam unam (*Geoffroy*) imo duas (*Alston*) concedunt. Intusum bulliente aqua factum optimam formam.

cor-

constituit. Pro colatura aquæ unciarum octo Sennæ drachmam unam sufficere (Alston M. m. T. 2. p. 228.) , haud existimaverim. Præstat unciam dimidiā vel drachmas sex Sennæ pro colatura unciarum sex liquidi usurpare , sub acidi Tamarindorum vel cremoris tartari vel Citri, Mannæ , aromatis & syrapi cuiusdam grati connubio , & hujus partitas doses , donec effectus desideratus contingat , capere. Ita cum gratiæ consilitor tum virtuti , præeuntibus variis pharmacopolorum Anglicorum formulis. Domesticum est non ingratum , folia Sennæ in juscule prunorum addito tantillo Cinanomi macerare. Coctione diuturniori decrevit vis purgans . Nam extractum aquosum inspissatum vix tanta efficacia operatur , ac quarta pars infusi vel decocti , unde paratum fuerit , vel æquale pondus foliorum in pulvere (Lewis M. m. p. 539.). Quibusdam & menstruum spirituosum placuit , quod ipsum iis opportunum , qui spirituosis adsueverunt.

PRÆPARATA ET COMPOSITA.

Extractum Foliorum Sennæ) Ph. W. p. 92. Rari usus , cuius , pretium jam determinavi. Nunquam solum , sed mixtum cum aliis datur.

Decoctum Tamarindorum C. Senna) Ph. Ed. p. 56. Ex Tamarindis & crystallis tartari , coctis , additis dein foliis Sennæ , aqua Cinamomi , syrupo Violartum.

Infusa) varia cum aqua: Infusum Sennæ) Ph. Ed. p. 57. ex Sennæ foliis & Zingibere; Infusum Sennæ commune) Ph. Lond. p. 62. ex Senna , crystallis tartari , seminibus Cardamomi ; Infusum Sennæ limoniatum) Ph. Lond. p. 63. ex Senna , flavedine corticum Limoniorum rec. succo eorundem Londinensibus Medicis in haud exiguo pretio est.

Tinctura Sennæ) Ph. Lond. p. 72. ex Uvis passis , Senna , seminibus aromaticis & spiritu vini tenuiori; Tinctura Sennæ composita), vulgo Elixir Salutis) Ph. Ed. p. 47. Mutata formula reddit in Ph. Ed. noviss. p. 85.

Electuarium lenitivum) Ph. Lond. p. 97. Nonnihil diversum illud Ph. Lond. p. 77. Nimia farragine displicet illud Florenzolæ) Ph. W. p. 47. Singula , inter varia alia blandiora purgantia , dulcia cum aromate & Sennam comprehendunt. Edinburgense præcipue eximium & grate purgans est , si repetitione opus , ad cochlearia duo pro Thea iteratis vicibus ; vel ad unciam unam , si unum præbium placet.

*Pharm. CASSIAE vulgo s. CASSIAE FISTULARIS
Angl. Pulpæ.*

315. *CASSIA FISTULA*; foliis quinquejugis ovatis acuminatis glabris, petiolis eglandulatis Linn. *Sp. pl. p. 540.* Cassia Fistula Alexandrina C. B. Commel. *Hort. Amstel. T. 1. p. 215. Tab. 110.* ubi ramus foliiferus modo depingitur. Cassia Fistula Rumph. *Herb. Amb. T. 2. p. 83. Tab. 21.* elegantissima. Cassia Fistula Chaiarxambar vocata Alpin. *de plant. Ægypti p. 3. cum ic. p. 7.* ubi totius arboris effigies. Conna *Hort. Malab. T. 1. p. 37. Tab. 21.* Arbor procera crescens in India utraque & Ægypto.

Celebris ob Legumen), quod pulpam Cassiae pharmacopolis erogat. Est hoc teres ad pedem unum imo subinde duos longum & pollicem latum, interne septis distinctum. Initio ex arbore pendens viride & molle, dein fuscum evadit & nigrum lignosumque. Inter septa includitur pulpa nigra dulcis, cuius unice causa fructus servatur, & semen durum in quolibet loculo, subrotundum compressum nitens ferrugineum. Indiæ orientalis legumina fistulas exiliores, tenuiores, glabriores constituant. Quæ vero hodie in Europam mittuntur, ex America calidiori præveniunt. Prostat insignis arborum copia in insulis St. Dominici & Ioannis de Portu, unde in Hispaniam transferuntur, & harum nulla in re censetur orientalibus fructibus virtute inferiores (*Monardes de simpl. med. p. 370. Ed. Clus. Rumph. l. c. p. 84.*). Quin brevitas viæ prærogativam illis præ hisce affere videtur, quippe quam istæ tanto recentiores haberi queant. Cassia insuper ab aliquot retro annis Massiliam translata ex Martinica unice provenisse fertur (*Spielm. M. m. p. 621.*). Interim sunt, qui pulpam Cassiae Indiæ orientalis dulciorem minusque acrem existimant (*Lewis M. m. p. 193.*). In Ægypto legumina ante maturitatem decerpta in ædes arctissime clausas transferuntur, & per strata pedis dimidiæ altitudine interpositis foliis palmæ distribuuntur. Ianua optime clausa die postero & sequenti acervus aqua conspergitur, & sic per quadraginta dies ad nigredinem usque relinquitur. Damnandus autem aliorum modus legumina in terram intra foveas deferendi. Causa cur domum tam arcte claudant ea est, ne aeris contactu fructus corrumpanatur, id quod facile contingit (*Alpinus l. c. p. 5.*). Rejiciendi vetustate viriati, quorum pulpa acidi vel alias peregrini saporis est, qui superficiem valde rugosam habent & pondere leves nimium sunt. Ad paucos modo Europæorum spectat, virides & molles aqua parum coctos & saccharo conditos transmissosque (*Alpin. l. c. p. 4.*) pro aliyi solutione

ne in usum trahere. Consuetissima autem est ipsorum leguminum siccorum descriptorum transmissio. Pulpa si exsiccatur, strepitum agitata edunt.

Ex hisce contusis coctione cum aqua calida eruitur Pulpa), quæ ipsa cribro setaceo trajecta spissatur, addito saccharo, in justam crassitiem. Aliqua ejus pars ulteriori solutioni resistit & in cribro remanet. Dulcis pulpa Cassia per se est, quidam subacrem describunt. Facile acescit, unde non magna simul quantitate parari debet, certe arctis vasis servari. Spiritus vini lentius & difficilius eam solvit. Ait Cassiae cathartica vis etiam in pulverem lignosæ fructus partis cadit, quod in simiis casu observatum, dein studio in hominibus exploratum, ut adeo efficacior hæc fuerit reperita (Fallop. de purg. c. 35. p. 112.). Dum igitur pulpa extrahitur, coquendo quicquid efficaciam tegmini inest simul eliciatur, necesse est.

An sit Siliqua ægyptiaca Theophrasti (C. B. Pin. p. 403.) dici præcise nequit. Alii inventum Arabum agnoscunt, quorum Serapion nomine Eiarxamber, Avicenna voce Chærlander, Cassiam hanc nominat. Recentioribus Græcis & Actuario Κασσια μελουντα venit (Conf. 10. Bauh. T. 1. pag. 416.).

Blande pulpa alvum laxat & sine torminibus vel exæstuatione. Unde & infantibus & gravidis & senibus in omnibus acutis morbis ipsisque adeo inflammatoriis impune & maximo commodo exhibetur. In febribus insuper acore suo temperat, sitim refrænat, bilem vitiatam corrigit. Nec opus est, quorundam exemplo resformidare illam in calculo, malo hysterico, melancholia rel. Quod lotium sub ejus usu colore viridi, & majori copia si sumatur, colore profundo bruno vel nigro tingatur, numerosi quidem auctores narrant (V. e. c. Lösecke, Lewis). Mane jejuno ventriculo si sumatur, lotium reddi nigrum Boerhaave (Hist. pl. hort. L. B. P. 2. p. 490.) tradit. Alibi (Præl. acad. T. 6. p. 319.) nigredinem & fœtorem lotii miscelæ ex Cassia & Rheo adscribit. Saltim perpetua hæc decoloratio lotii ex Cassia dici nequit. Desuit, ea ad unciam supraque in connubio Rhei data, teste Gmelino (Diff. de Rhab. p. 30.). Nec invenis quidam, qui auctore cel. Bergio (M. m. p. 340.) unciam ejus quotidie per tres dies continuos cepit, illam conspiendam dedit.

Raro pulpa Cassiae sola præscribitur, largaque ejus dosis ad alvum solvendam requiritur, pro adulto scilicet uncia una, sesquialtera, vel duæ, nauseamque & flatus ex tanta copia plures queruntur & ideo dilui eandem sufficiente aqua jubent. Cremor tartari vel sal medium quoddam præsumque additur. In horum connubio & pulpa, prout in offici-

ficiis servatur, solvitur aqua ebulliente. Tartarum emeticum Cassia admixta debilitari observatum, adeo ut illius grana quatuor & dimidium una dosi ferri possint (Malovin *Chimie Ed. 1755. T. I. p. 481.*).

PRÆPARATA ET COMPOSITA.

Pulpa Cassiae) *Ph. W. p. 142.* Cassia extracta) *Ph. Dan. p. 137.* Supra satis descripta. Saccharum additur in conservationem. Hinc substituunt Sveci (*Ph. Svec. p. 147.*) mel.

Electuarium e Cassia) *Ph. Lond. p. 96.* Diacassia) *Ph. Ed. p. 76.* Recipit Mannam, pulpam Tamarindorum, Cassiam, syrumpum Rosarum solutivum.

Electuarium lenitivum) *V. supra p. 206.*

GUILANDINA.

Linn. *Syst. veg. p. 329.* Gen. pl. p. 207.

Pharm. NEPHRITICUM Lignum. BEEN Nux.

316. *GUILANDINA MORINGA*; inermis foliis subbipinnatis, foliolis inferioribus ternatis. Linn. *Spec. pl. p. 546.* Mant. 1. p. 379. Lignum peregrinum aquam cœruleam reddens C. B. Moringa zeylanica foliorum pinnis pinnatis flore majori, fructu anguloſo Burm. *Theb. zeyl. p. 162.* Tab. 75. An hoc Balanus myreplica, siliqua triangulari, semine minori alato Breyn. *Prod. 2. p. 47?* Muringu Hort. malab. P. 6. p. 19. Tab. II. Morunga: Kellor: Rumph. *Herb. amb. Tom. I. p. 184.* Tab. 74-75. Arbor crescens in Malabarria, Zeylona, Ægypto.

Prout & in hujus speciei flore quædam adhuc obscura sunt (*Mant. cit.*): ita nondum constat, an lignum dictum ab eadem arbore petatur, ac nux. Quin nux a quibusdam ex planta, a præfixa diversa desumitur, quæ an congener, adhuc dubium (Linn. *M. m. p. ult.*), Hermannus (*Hort. L. B. pag. 692.*) hanc significavit. Sequar in coniunctione utriusque partis sub eadem & hac præcise Stirpe ill. Linn. (*Mat. med.*), quem tot alii ante me hac in re sequuti sunt.

Dubium jam movet *Horti malabarici* auctorum & Rumphii, qui Asiaticam arborem describunt, silentium de ligno nephriticō observatum. Præterea hoc ad nos transfertur ex nova Hispania, nec Oriente. Stirps apud Hernandez (*Mex. p. 119.*) Coatlis dicitur. Lignum) ejus in officinis constat ex fructis transversum sectis, compactis, quorum extima-

pars pallide flava, altera interior fusco-bruna, inodoris, nisi limentur, sub quo opere aromatici aliquid spirant, saporis amaricantis, subacris. Concisum & aqua maceratum per horam dimidiā vel integrā istam colore cœruleo dilutiori inficit, ita tamen ut aureus appareat, ultro lumini obverso, cœruleus autem oculo inter lumen & vitrum collocato. Ita quidem plerique, Hernandez & Monardes (in coll. Clus. de medic. exot. p. 362.) autem unice cœruleum colorem memerant, ut distinguatur ab alio simili ligno, quod croceum colorem modo erogat. Plus de ligno nephri extrahit spiritus, quam aqua, quæ tum colorem saturate brunum asciſcit & manifeſte amara evadit, inspissatum vero inde extractum magis adhuc amarum ſentitur & leniter adſtrigens. Narrant cell. viri nuperrime dicti effēctus ſalutares infusi hujus in rēnum vitiis & urinæ difficultatibus, item iecoris & lienis obſtructionibus, in Hispania nova exploratos. Sed reticentur ab Europæis medicis, unde obſtione hoc lignum trādium.

Nux Been), Græcis βαλανος μυζεικην & βαλανος μυζητικην Latinis Glans unguentaria. Præmissa vox, vel Ben, Behen, originis Arabicæ eſt. Iuvenis adhuc arboris flore deſtitutæ effigiem & descriptionem præſtitit Aldinus (Hort. Farnes. p. 72. ſqq.). Latent in legumine trivalvi, carne alba farcto, ſemina multa triquetra, putamine albido duro inſtructa, intra quod nucleus oleofusus, amarus. Stirps eorum in Zeylon, Arabia, Æthiopia, Ægypto crescit. Duplex varietas ſeminis occurrit, altera major, altera minor, piſum majus æquans, quæ ipſa a Mesue jam notata a cl. Brückmanno (in Diff. de nuce Been, præf. Heistero Helmſ. 1750. p. 11.) conſirmatur. Major unice venalis proſtat, minor, in muſeis modo ſervata, creditur altera longe acrior eſſe.

Nuclei integri in Europa non in uſum trahuntur, nec recentes haberi poſſunt. Antiqui autem inde ſubverti ventriculum alvumque largiter ſubduci memorant (Gal. ſimpl. L. 6. Avicenna Lib. 2. Tratt. 2. c. 82.), putaminibus adſcribunt amaritatem & adſtrigendi vim, item in vitia quædam cutis abſtergenda & viſcera obſtructa reſeranda idonea ju dicant. Taceo alia non ſatis dilucide dicta vel imitatione indigna. Acrimoniam nucibus inefſe, quæ primas vias vellicat, docet & exemplum pueri, qui iis loco nucum avel lanarum comestis cum vitæ ſummo periculo alvum déjectit (Amat. Lufit. Curat. med. 63. Cent. 6.).

Maxime autem celebrantur nuclei ob Gleum, balaninum vel Ol. Been diſtum quod expreſſione ex nucibus maturis decidiuis excoſticatis ab incolis montis Sinai neſnon Ægyptiis elicitur, & ſenſim in Italianam tranſiertur. Ex libris octo cum drachmis quinque nucleorum unciae triginta & dimidia

dia olei lutescentis limpidi fere inodori & insipidi (Geoffroy *M. m. Traitt. T. 3.* p. 254.) obtinentur. Quoniam ipsum odore destituitur & diu absque rancore servari potest, Italij flores suaveolentes, ut illos lasmini, Aurantiorum, Violarum, Dianthi rel. eodem persundunt, & ea quidem ratione ut, in vase supra latiori infra angustiori, craticulis ex fetis equinis interpositis per strata gossypium hocce oleo humectatum & flores selecti collocentur (*Conf. Aldin. Hort. Farnes.* p. 79. ubi & figura vasis & craticulæ), tum oleum, postquam odoras partes probe imbibiterit, ex Gossypio exprimitur. Additur & oleum ab Italij variis linimentis, unguentis, ceratis, pomatis, balsamis odoratis. Unguentariis cera alba & oleum balaninum basis est omnium balsamorum fragrantium, cui olea destillata pro arbitrio instillantur.

Rarissime hoc olem interne adhibetur, idque fieri potest in alvi obstrukione pertinaci. Externe autem cutem emollit, nitorem & laevitatem illi conciliat, sopit pruritum ingratum, præcipue senilem. Cicatrices ex variolis insuper delet illitum, cuius rei memorabilia exempla narrantur (*Bruckmanni Diff. cit. pag. 27. sq.*).

M I M O S A .

LINN. *Syst. veg.* p. 767. *Gen. pl.* p. 543.

*Pbarm. Gummi ARABICUM. ACACIÆ VERÆ
succus.*

317. *MIMOSA NILOTICA*; spinis stipularibus patentibus, foliis bipinnatis partialibus extimis glandula interstinctis, spicis globosis pedunculatis Linn. *Spec. plant.* p. 1506. *Acacia vera* I. B. *Hist. plant. T. 1.* p. 429. *An Vesling. pl. egypt.* cap. 4. *Tab. 50.* in *Ed. L. B. 1735?* *Acacia ægyptiaca* Hernand. *mex.* p. 866. c. fig. *Conf. Mimosa nilotica* in Hasselquist. *Resa* p. 475. & *Gommier rouge*, Nebneb Senegalensis, Adanson in *Mem. de l'Ac. d. sc. de Paris 1773.* p. 4. *sqq.* Arbor fabuloso solo crescens in Arabia Petræa & Ægypto tam superiori, quam inferiori, ubi vero non videtur esse spontanea. Crescit & abunde in regno Senegalensi, præcipue in insula Sor & vicina insula St. Ludovici prope ostium fluvii Niger.

Quantum constat, *Anxxia* Dioscoridis (*Lib. 1. cap. 133.*) est, qui & *Gummi*, *χούμι*, & *succum* ex fructu memorat.

Arabes ex regione Tôr & monte Sinai uti & Habbesch *Gummi* dictum Kahiram transferunt. Vendunt illud intra

pelles consutas, quæ non aperiuntur, nisi mercede jam soluta, & lucri causa sc̄epe silicibus, arena vel ligno addito pondus augent. Quotannis etiam copia in Africa collecta illud transfertur. Sed in Ægypto inferiori arbor ob debiliorem solis vim, gummi non fundit. Dein plurima pars Massiliam & Liburnum ulterius transmittitur (Niebuhr *Reisebeschr. n. Arab. 1. B. p. 143.*). *Gummi Thuris* (a portu in finu boreali maris rubri prope montem Sinai) vocant, quod ex montis Sinai confiniis assertur, estque hoc magis pellucidum albidum vel coloris omnis expers; *Arabicum* autem, quod per Suez (alterum portum maris rubri prope Kahiram) advenit, minus pellucens & coloris ferruginei vel griseo flavescentis (Hasselqu. 1. c. p. 477.). Copia hujus *Gummi* etiam transvehitur in Europam a Gallis ex ditione, quam possident prope fluvium Senegal, unde valor *Gummi* ex Arabia translati multum cecidit. Cl. Adanson (*Mem. de l'Ac. d. Sc. de Paris cir. Comment. 1.*) distinguit *Gummi*, quod *Mimosæ* genus suppeditat, in rubicundum & album. Rubicundum non uni modo arbori tribuit, sed pluribus, & quidem, præterquam *M. nilotica*, binis aliis *Mimosis*, quas primus describit nomine *Gonakè* (p. 14.) & *Siung* (p. 16.). *Gummi* ex *M. nilotica* ob amaritatem a Nigris Senegalesibus parcus usurpari refert, quam album, sed adstringentem ejus vim magni fieri; *Gummi Mimosæ Gonakè* esse magis rubrum magisque amarum; *Gummi* vero *Mim. Siung* esse albicans, & parcus exundare idque exiguis lacrymis.

In officinis *Gummi arabici* nomine servantur frusta subrotunda vel oblonga variæ magnitudinis, subinde istius luglandis, perlucida, subrugosa, pallide flava; rufescentia, fragilia, fracturæ splendescens, insipida, indora. Sponte liquida forma promanat ex cortice trunci ramorumque arboris, aeris autem contactu solidescit, *Gummi Cerasorum* instar, in Senegallia exacto tempore pluvioso & versus florendi tempus (Adanson *Mem. cit. p. 8.*). Cessat vero pluvia m. Decembri, quo prima collectio fit, altera sit m. Martio, quo ipso ob caloris exsiccantem vim ad ervendum *Gummi* incisionibus opus est (Demane *nouvelle Histoire de l'Afrique François T. 1. p. 56. sq.*). Figura varia dependet a loci, quo prorumpit, accidentali diversitate, ut & *vermulari* quandoque forma prodeat.

Verum gummi est, nam solvitur aqua perfecte & solutio limpidissima existit: spirituosa autem vel olea illud non subigunt, nec ardet flammæ admotum, sed intumescens in carbonem vertitur. Dupla quantitas aquæ in fluiditatem mucilaginis sive syrapi crassioris illud redigit (French in *Med. Observ. and Inqu. Vol. 1. p. 41.* Dütte. *Diss. de corpore gummoso p. 21.*). Si quid indissolubile remanet, id partibus

ad-

adventitiis tribuas, nam solutum justa portione aquæ & collatum, si iterum calore indurescit, purissimum Gummi est (Düttel p. 22.). Destillatum per se ex vase retorto, ut alia gummata, primum aquam limpidam erogat, dein acidam oleo tinctam, denum oleum spissum empyreumaticum cum tantillo liquoris alcalini; ex carbone salis alcalini parum cum nonnullis particulis ferreis eruitur: ut igitur aqua, oleum, acidum atque terra partes istæ sint, quas in gummi quæras (I. c. p. 20.). Ulterius constitit, acida, e. c. spiritum vitrioli, destruere mixtionem ejus (quod quibusdam tamen aliter evenit), sibi unire partes oleosas, alcali autem additum novo motu excitato déjicere terram ab oleo liberatam (Id. p. 22. qq.); quæ ipsa in præscriptionibus medicos ad additamentum attentos reddant.

In solvendis & aqua miscendis variis corpóribus, connubium cum aqua alias responentibus, efficacissimum ministerium præbet; quorsum olea expressa & essentialia, balsama, resinæ, gummi-resinæ, tincturæ resinofæ, pinguedines animales pertinet. Duplici vel triplici arte hoc succedit. Una hæc est, quod mucilago ex una parte Gummi hujus & dupla aquæ paretur, & hæc nova aquæ quantitate diluta agitetur in phiala cum corpore solvendo, unde mixtura emulsionem referens emergit. Sic liquida varia, ut olea expressa sive destillata, balsama, quæ inter ballnum Peruvianum, Copaiæ, Guiaci, subiguntur. Succedit & negotium, si phialæ, loco mucilaginis, piuvis Gummi hujus inditur. Alter modus tritura in mortario continetur, qua & solutio dictorum corporum perfici potest, duriora vero & tenaciora quedam corpora præcisè ea opus habent, tam ut tubaæ fiat desiderata, quam ut connubium per justum tempus sine divertio mixturæ continuet. Ea arte indiget balsamum de Mecca, Gummi Guaiaci, Benxoe, balsamum de Tolu, Myrra, Styrax, qui quoad partem solvitur, Camphora, Cera, Sperma ceti, Moschus, balsamum sulphuris. Si quod horum corporum statione iterum in miscela divellitur, agitatione phialæ miscibile iterum fit. Pro olei cuiusdam expressi drachmis duabus subigendis, drachma una mucilaginis ejus & uncia una aquæ requiritur. Spiritus vini si additur miscelæ, ut subinde factum est, hic non impedit connubium (French in med. Obs. & Inq. Vol. I. a p. 413-425). Par eventus est cum Terebinthina (Barton, referente cl. Fothergill. I. c. p. 827.). Tritura cum mucilagine dicta æque bene succedit in Gummi ammoniaco, Bdellio, Galbano, Myrra, Opopanax, Sagapeno (Buchholz in nov. Act. Nat. Curis. T. 5. a p. 46-63.). Nihil vero valet in Lacca in granis (Buchholz Exp. 22.) subigenda. Jam dudum in praxi in quorundam hujus naturæ solutione Arabici Gummi adjumento usi sunt

medici, quorsum pertinet præcipue Camphora (Vid. e. c. formulæ in Collin *Observat. circa morb. P. 3. p. 156 /q.*), Quod vero omnium minime exspectaretur, est, quod hujus mucilaginis ope ipse mercurius vivus aqua miscibilis evadat. Auctor celebratissimi hujus inventi, cl. Plenck (*Neue und leichte Art, den mit der Luffsuche angesteckten Kranken das Quecksilber zu geben*, Ed. 3. 1773: p. 23. /gg.), mercurii drachman unam cum Gummi Arabici in pulverem redacti drachmis duabus contrivit, addito sensim tantillo aqua, donec mucilago grisea inde evaderet, aqua postea pro luis venereæ absque ptyalismo (ut voluit) curatione diluenda; sed de hisce uberiori capite de Hydrargo. Superat longe G. Arabicum, hac vi subigendi difficulter solubilia, alia mucilaginosa, scilicet syrups viscidos, quorum syrups Altheæ antecellit, & G. Tragacanthæ, (V. supra p. 198.), uti & mucilaginem seminum Cydoniorum & gluten ex amylo (French loc. cit. pag. 423. Conf. & Buchholz loc. cit.). --- Maximi momenti res hæc mucilaginosa miscela est ob remedia ista administrandi necessitatem. Præstantior est confueto illo, quod vitello ovorum peragitur, connubio, quem fini nunquam aduersetur, nec ventriculum offendat, nec rancorem & una cum hocce acrimoniam concipiat. Ita & præstat additamento salium alcalinorum volatilem vel spirituum, quod alias sæpe usu venit ad oleosa cum aqua coadunanda, quum istud sæpe indicationi sit alienum & nauseosum. Habet quoque id commodi, quod ingratum saporem vel acrimoniam remediorum recondat (Conf. cl. Fo-thergill in *med. Obj. & Inquir. Vol. 1. p. 426.*). Obtundit adeo acidi vitrioli acrimoniam (French. I. c. Exper. 37.).

Nutriendi vim possidet Gi. arabicum insignem, quoniam totum alimentosa materie sive mucilagine conflatur. Nigritis, qui prope fluvium Niger habitant, & Mauris, qui illud Europæis afferunt, alimento vulgari est, ita ut nullo alio utantur quam Gummi ipso, quod in venditionem secum vèhunt. Et hoc vel instar sacchari dentibus comminuant, vel aqua emollitum deglutiunt. Multiplicis generis artificibus quoque ibidem in cibum gratum cedit (Demanet n. Hist. de l'Afr. Fras. T. 1. p. 54.). Solet & Gummi hoc lacte solutum ingeri (*Le Maire Voyages to the Canary Islands, Cape Verde, Senegal and Gambia, in Collection of Voyages Vol. 8. p. 605.*). Incidente calamitate Miliæ & Oryzæ integræ Maurorum civitates eo vescuntur (Lind Dij. in hot Climates p. 348.). Per binos menies hominibus supra mille ex Abyssinia Kahiram peregrinantibus, consumta reliqua penu, hoc gummi unice vitam in itinere sustentavit (Hasselqu. Resa p. 533.).

Quæ de vi Tragacanthæ medica dicta superius sunt, po-

tiori adhuc jure ad Gummi Arabicum referas. Quantum in acribus partibus obtundendis valeat, crebra in dysenteria capta experimenta declarant, in qua acre serum demulcat doloresque & tormenta & tenesum mitigat (Degner *Hist. dysent. p. 202.* Pringle *Dis. of the army p. 273.* Zimmermann *v. d. Rubr. p. 499.*). Aptum etiam in diarrhoea nominatum symptomatica (Rosenst. *Barns p. 131.*). Nec in hisce profluviis unice per os forma emulsionis, vel in potu coniuncto sive decocto hordei, captum prodest, sed tenesmo urgente etiam maxime levat in clystite sub apto connubio (Ill. Zimmermann *von d. Rubr. p. 421.*). Tussim lenit eadem virtute & phthisicis eadem forsan & nutritive facultate opitulatur. Raucitatem tollit, si a dispendo naturalis muci enata fuerit, quod ipsum & stranguræ & tenesimi causa est non rara, vincenda eodem remedio. Relaxando fibras, & interponendo se se calcuло & lotii viis, calculosis lenimen affert. Erosis mammarum papillis utiliter inspergitur, vel mucilago ejus illis illinitur.

Raro pulveris forma a scrupulo uno ad drachmam unam precipitur, sed solutum aquo menstruo, pro scopo diverso, vario. Libra ejus una ex Gummi uncia una valde mucilaginosa fit. Solvi poterit aqua vel hordei decocto vel alio coniuncto potulento, vel juiculo carneo calido. Edinburgenses emulsionis instar præbent. Miscelam cum salibus mediis probe fert.

Acaciæ veræ) succus. Ex fructu elicetur, qui ipse legumen est complanatum viridi brunum, quatuor vel quinque pollices longum & octies vel decies angustius, compositum ex iex vel decem partibus vel articulis discoideis & intra utramque cuticulam parenchyma gummosum rubicundum continentis. In quovis articulo latet semen ellipticum sulco utrinque pariter elliptico notatum. Succus exprimitur ex fructu immaturo in mortario contuso, & calore in spissitudinem extracti densatur. Transfertur in vesicis forma rotundæ massæ quatuor vel octo unciarum coloris nigrescentis, faporis, dum gustatur, sifpici, paullo post dulcescentis. Gummosæ naturæ est, ut sordibus exceptis fere totus aqua solvatur, quoad partem autem modo spiritu vini. Ex foliis simul quosdam exprimere succum Dioscorides (M. m. *Lib. 1. c. 133.*) & Plinius (*Hist. nat. Lib. 24. c. 7. p. 1111. Ed. Dalech.*) notarunt, ex hisce & floribns una Alpinus (*ad pl. Aegipt. p. 10.*), qui vero succus altero ex solo fructu inferior est. Adstringit hic insigniter, adeo ut cerdonibus pro coriis densandis in usu esse poslit. Adscribitur hinc illi ut aliis adstringentibus remediis, fistendi sanguineos fluxus & alvinos varios efficacia. In Aegypto sanguinem spuentibus succi drachma una soluta mane offertur, & nomina-

tim fœminas uteri profluvio sanguineo exhaustas [in vitam revocasse fertur (Alpin. l. c. p. 13.). Prudentis est, ad causas morborum stadiorumque eorundem probe dispicere, ne id quod alteri salutem affert, alterum in fatum præcipitet. --- In officinis sæpe illi lucri causa succus Pruni spinosæ L. substituitur.

Folia, cortex vel legumen a Nigritis Senegalensibus instar deterivi & adstringentis masticantur in affectionibns scorbuticis, & cortex ejus nominatim, prout cortex Mimosæ Gonakè Adans. ad densanda coria tenuiora ab iis adhibetur.

PRÆPARATA ET COMPOSITA.

Emulſio arabica) Ph. Edinb. p. 58. Emulſioni amygdalinae libris duabus circiter additur mucilago unciæ dimidiæ Gummi Arabici. Pharmacopea Ed. noviss. p. 46. prodiga magis est hoc Gummi, uncias ejus duas cum semisse dictæ quantitatæ aquæ tribuendo. Nauseosa non potest non esse tanta Gummi copia.

Species Diatragacanthæ frigidæ) Ph. W. p. 180. Pasta Althææ (l. c. pag. 135. Pasta Liquiritæ) l. c. p. 135. Loch fanum & expertum) l. c. p. 110. Trochisci de Carabe) l. c. p. 235.

Pharm. GUMMI SENE GAL S. SENICA S. SENE GALENSE Paris.

318. *MIMOSA SENE GAL*; spinis ternis, intermedia reflexa, foliis bipinnatis, floribus spicatis Linn. Spec. pl. p. 1056; Arbor foliis pinnatis spica pendula sericæ Catesby Carol. 2. p. 44. Tab. 44. Arbor Senegalensis.

Gummi hoc transiit ex Provincia prope stuvium Senegal Africæ sita. Varie describitur, coloris profundioris, quam Arabicum (Lewis Mat. med. p. 303.), albidoris vero ab aliis (Spielm. M. m. p. 452. Bergii M. m. p. 831.); quibus & ego adstipulor. Dubium omne de hac re ut discutiatur a cl. Adansonii promissa (V. Memoires de l'Ac. d. sc. de Paris 1763. p. 17.) de arbore Gommier blanc commentatione fas est sperare. Omnes convenient, frusta ejus esse grandiora. Prærogativam tribuit huic præ Arabico Linneus (M. m. p. 221.), item Spielmannus (l. c.). Gummi Senegalense autem in usus mechanicos unice servari notat Geoffroy (M. m. Traité T. 4. p. 116.). Virium convenientia cum Arabico facile agnoscitur. --- In universum, quaecunque nomen detur, frusta tanto meliora, quo magis pellucient & candidiora sunt.

Pharm.

Pharm. TERRA (potius Extractum) CATECTU S. IAPONICA.

319. *MIMOSA CATE*; spinis duabus stipularibus, foliis bipinnatis 15-30 jugis, foliolis 40 jugis, spicis elongatis axillaribus Mih. Differentiam specificam hanc condidi ex ampla ista descriptione Anglice a cl. Chirurgo Kerr in *med. Observations and Inqur. Vol. 5 p. 151.* cum iconē Tab. 4. concinnata. Addas calycem esse quinquepartitum, corollam pentapetalam albam, stamina numeroſa, legumen lanceolatum glabrum, margine repando, ſeminibus ſex vel octo orbiculatis compressis. Coira vel Caira in Provincia Bahar dicitur (Kerr). Huc referenda me judice eft *Acacia* species, ex qua Kaath vel *Lycium* indicum conficiunt, Hererti De lager in *Eph. nat. Curios. Dec. 2. Ann. 3. pag. 9. Fig. 1.* Arbor crenata copioſe in montibus Rotas & Pallamoro & aliis locis ſupra Bengaliā ſitīs.

Non noſtro tempore amplius quæſtio, ut olim, agitatur, utrum Catechu terra ſit, vel compositum vitriolicæ naturæ particeps (V. Dale *Pharmacop. p. 295.*), an po- tius vegetabilis progenie; quod iſipsum jam dudum abunde demonſtrarunt chemicis experimentis Hagedorn (*Lib. de Catechu, Ien. 1679.*) & Boulduc (in *Mem. de l' Ac. d. Sc. de Paris a. 1709. p. 228. ſq.*) & conſirmant, qui in ipfo loco natali præparationi ejus adſtiterunt. Conſtat jam etiam, perperam pro composito vegetabili a quibusdam in univerſum haberi. Sed quænam nominatim stirps illud eroget, de eo adhuc diſſensus obtinet.

Plerique fructui Palmæ cujusdam illud tribuunt. Eſt illa *Areca Catbeu*; frondibus pinnatis foliolis replicatis oppoſitis præmorsis Linu. *Spec. pl. p. 1659.* *Caunga Hor. Malab.* T. 1. p. 9. Tab. 5. 6. 7. 8. *Pinanga Rumph. Herb. Amb.* T. 1. p. 26. Tab. 4. Arabibus, ut Serapioni, Avicennæ, Faufel, Filfel, Fufel. Indianam orientalem patriam habet.

Fructus hujus ovalis eſt magnitudinis ovi gallinacei, um- bilicatus, extrinſecus obducitur cortice coriaceo, ſub quo membrana filamentofa. Intus nux later, cuius ſemen grifeum durum, interne ex rubicundo alboque instar nucis myriſti- cæ variegatum; & hoc proprie *Areca* f. *Pinanga* dicitur. Hoc iſipsum tantopere adſtrigens eſt, ut ſolum masticari nequeat, diſciſum autem & cum pauxillo calcis intrafolium unum vel alterum arboris Betel involutum amicis mutuo ſeſe convenientibus apud Indos obſervantiaſe cauſa offertur unde ſaliva rubedine tinta profluſit, gingivæ corroborantur & grato halitu os perfunditur. Calx additur ad moderan- dam *Pinangæ* auſteritatem ac foliorum Betel acrimoniam (Rumph.) Subinde inſuper Catechu pro masticatione adjicitur (Garcias in *Coll. Clus. p. 42.*).

Si igitur plerisque materiae medicæ commentatoribus fidendum, Terra Catechu nihil aliud esset, quam extractum aquosum ex seminibus fructus hujus immaturis. Speciem Catechu exinde parari, quum testes autoptæ varii idonei id indicent, non sine temeritatis quadam suspicione negatur. Mirum tamen in *Horto Malabarico & Harbario Amboinenſi* nullam hujus rei fieri mentionem. Circa montem Gatem, qui totam Malabariam aliasque quasdam affines terras cingit, excoqui ex nuce hac, addito pauxillo calcis, &, quo melior succus inspissandus evadat, superdato pulci sculeantæ infuso corticum Acaciæ ejusdam, Gymnosophista quidam fide dignus certiorem reddidit Lagerum (*Epb. N. C. loc. cit. p. 10.*). Citat cl. Daleus (*Pharmacol. p. 296.*). Helbigium, simplicium Indiæ orientalis, ut vocat, perittissimum, ex fructu Arecæ educi affirmantem. Convenit hoc cum narratione Chirurgi Alberti, qui diu in Pondichery vixit, Iuslievo facta (*Mem. de l'Ac. des Sc. de Paris 1720. p. 342.*) ; unde nec hic celeberrimus vir dubitavit Arecam pro vera succi Catechu stirpe agnoscere.

Sed æque verum est, simile extractum ex aliis quibusdam stirpibus parari. Memorabile Cleyerum (*Misc. nat. Curios. Dec. 2. Ann. 4. Obs. 3.*) Catechu dicere succum ex variis adstringentibus fructibus expressum; & paullo post basin esse fructum Acaciæ orientalis, Tamarindo admixtum similis. Propius ad rem venit De Lager (*Misc. nat. Curios. l. c. p. 8.*), qui inter Indos diu vitam gerens, Lycium (h. e. Gatechu) non uni arbori proprium esse refert, sed fere omnibus Acaciæ speciebus, quæ cortice adstringente & rubescente prædicta sunt, multasque alias plantas extare, ex quibus similis succus excoqui possit, qui in universum nomine Khaath designaretur, quanquam bonitate & virtute dispar; præstantissimum vero elici ex Acacia dicta, quæ Brachmanum lingua Khadira dicitur, & ex hac vel sola vel aliis admixtis, præcipue autem ex hac Khaath parari & per totam Indiam distrahi. Meminit idem aliud arboris spinofæ, Acaciæ similis, quæ succum hunc largiatur, male ab ipso descriptæ. Laur. Carcin (*in Savary Dictionnaire de Commerce T. 1. p. 643.*) arborem quidem Cate in provincia Bahar Mongoliæ, ubi crescit, dictam non describit, sed probabile illi est Acaciæ speciem esse, & ex hac indicat Gatechu crudum, decoctione & maceratione partium, & subsequā inspissatione parari, quando autem puri s in Indorum ulum desideretur, aromata admisceri & rotulas inde formari. Ex cortice ejusdem eruit refert cl. Savary (*l. c. p. 763.*), an Garcini auctoritate).

Hæc

Hæc extracti Catechu e Acacia quadam (quo nomine antiquiores botanici Mimosas eas insigniverunt, quarum folia sese contactu non contrahunt) origo apprime convenit cum historia novissima & sine dubio certissima & luculentissima omnium a cl. Kerr subministrata. Qualis sit species a cl. Kerr descripta, dixi; succus autem eo teste ex interna ligni parte, quæ colore pallide bruno vel profunde rubro, imo hinc inde nigro tincta est, (nam externa pars alba separatur) in ramenta discissa paratur. Replet his vas terreum angusti orificii, affusa ad sumam uique partem aqua, qua per coctionem ad dimidium dissipata, reliquum effundunt in vas terreum planum, &, donec tertia pars remaneat, inspissant, tum frigido loco per diem repositum calore solis ulterius densant, agitando illud aliquoties de die: post quam notabilem crassitudinem massa facta fuerit, supra stremam vel pannum cineribus scleroris vaccini conspersum extendunt, & in frusta quadrangularia dividunt, quæ perfecte radiis solis siccata vendunt. Ut extractio tanto faciliter succedat, utuntur furnis simplicis structuræ, cuius summa hæc est, quod foveæ in terra effosse, quæ ignem recipit, arcus argillaceus superimponatur, foraminibus instructus, in quæ vasa pro extractione collocantur. Quo profundioris coloris lignum, eo magis nigrum extractum apparet, & eo vilius; hinc præfertur lignum pallidius brunum, quod erogat subtile albidum extractum. Quod hocce extractum terra esset, vel admisti casu cineres, vel fraude adjecta terra pro pondere augendo, imponere incutis facile potuerunt. In Iaponia non paratur, unde epitheton vitiosum est. Transfertur autem ex Malabaria, Suratta, Pegu aliisque quibusdam Indostaniæ regionibus. Maximus autem ejus preventus, quantum colligo, ex provincia Indostaniæ Bahar est (Garcin apud Savary & Kerr). Nonnulli malant scribi Kaschhu (Gallis Cachou), quam Catechu, quæ proxime dicta vox ex Cate, nomine arboris, & Chu, succus, lingua patria componitur.

In nostris officinis prostat massis fragilibus ex rubro nigris, quæ subinde in laminas superficii asperæ rubicundo albidae discerpi sese patientur, fracturis de reliquo subsplendentibus. Sapor austerus, subamarus, dein dulcicens, qui diu linguae inhæret. Compacta esse debet massa & deliquescente tota ore, raro vero tam pura habetur, ut nihil indissolubile remaneret, quod tam ab intermissa colatione decocti (Kerr), quam adventitiis sordibus provenit. Indissolubilis pars $\frac{1}{8}$ subinde ponderis totius massæ constituit (Lewis M. m. p. 575.). Solvitur Catechu aqua fecibus exceptis, solutio vero ipsa, postquam refixerit, mucilaginem refert. Quatuor unciae Catechu extracti boni & secchi aquosi deducuntur.

runt uncias duas & drachmas tres, & præterea extracti spirituosi drachmas quinque, cuius sapor austerior est. Solvitur & spiritu vini, sed sine subseguente coagulo mucilaginofo, nimirum quatuor Catechu unciaæ spirituosi extracti uncias duas cum sex drachmis exhibuerunt, idque austerioris longe & ingratioris (Boulduc in *Mem. de l' Ac. d. Sc. 1709.* p. 227. *fig.*) Plures analyses aliunde (V. Boulduc *loc. cit.*) petendæ. Vitrioli martis solutionem nigredine tingit. Colore, consistentia, indissolubilium partium proportione, sapore, virtute denum differre multis modis Catechu officinarum non mirabitur, qui dicta de stirpium diversitate & de præparatione secum reputet; quæ omnia igitur non satis vere ex maturitatis fructus Arecæ diverso gradu præcipue explicari posse existimavit cl. Iussieu (*I. c.*).

Adstringendi indoles cum aliis quibusdam Mimosæ speciebus huic communis est, prout de fructu M. niloticæ constitut (*Supra p. 215.*), præter quem & folia & cortex a nigritis masticatur in affectionibus scorbuticis, & hujus speciatim cortex ad coria tenuiora densanda a nigritis adhibetur (Adanson *Mem. de l' Ac. d. Sc. 1773. p. 9.*). Vis anti-septica insignis pariter succo Catechu inest. Docent id experimenta Pringleana (*Dis. of the Army, App. Exp. 10.*) cum carne. Docent ista in morbis, et si rarius quam par est, interne capta, nec sine aliis admittit. Huxhamus (*Oper. Reich. T. 2. p. 70.*) in statu resoluto & putrido sanguinis roborantibus aliis & acido tantillum Catechu admiscuit. Crebrior ejus sit usus in putredine oris, foetore, dentium vacillatione & denudatione, tum & cruentatione ulceribusque gingivarum, cognoscenda. Cui ipsi præparata quædam subsequentium præcipue opponuntur. — In diarrœis, dysenteriis aliisque alvi profluviis, quæ non ab acri stimulo sed laxitate unice intestinalium proficiuntur, succus Catechu efficacissimum & simul tutissimum remedium est. Superat in hisce coercendis ipsum Cascariam (Degner *de dysent. p. 165. 270.*), & commode aliis, ut Rhabarbaro, ad di potest.

Multiplex in curatione colicæ pictorum est indigentia, ut nimirum involvatur & demulceatur acre, laxentur fibræ & earundem spasm̄i resolvantur, dolor denum sopiatur. Hisce vero finibus opportuna licet sollerter administrentur, sœpe malum non cedit, & etiamsi cedat, recrudescit, nisi adstringentia fortiora in subsidium sumantur, quæ inter succus Catechu insignem locum tuetur. Per hæc corrigitur muci intestinalis vitiosa secretio, aquosa tenuitas & justo uberior secretio. Verbo tonum intestinalis restituendo vim suam præstant. Quin hisce solis subinde curatio omnino successit, absque ullo alio præsidio. Possunt per os, saltim aliis

aliis admixta, vel per clyisma usurpari (Grashvis *de colica pict.* p. 47. *figg.*). --- Simili iudicio nititur curatio hominis stranguaria & secretione uberrima muci ex vesica urinaria detenti, quam ipsam Tinctura succi Catechu cum Tinctura corticis Peruviani vel aliis similis naturæ commixta absolvit (*I. c. p. 73.*). --- Par effectus eadem de causa ejus in relaxatione vuulæ applicationis. --- Laus in hæmorrhagiis ad eas potissimum restringenda, quæ a resolutione sanguinis proficiuntur.

Optimus modus succum hunc dandi est, vel prout afferatur aqua solutum, vel repetita solutione & insipillatione depuratum. Periculo caret eundem exhibere ad scrupulum unum. sesquialterum, vel majori quantitate, pro dosi.

An hoc referendi Trochisci vel *Placentæ Gitta gambis* val *Catagamber?* Si descriptioni proletariae Herberti De Iager (ad Rumph. in Valentini *Hist. Stirp. simplicium*. p. 399.) insitendum, neque ad Arecam, neque ad Mimosam Caten pertinent. Analogiam tamen inter illas & succum Catechu inventit Degnerus (*I. c. p. 299.*); & cl. Buißon (apud Degen *I. c.*) maximam partem constare ex Catechu refert, & Seba (*Epb. C. Curios. Vol. 4. p. 227.*) asséverat confici ex subtilissima parte succi Catechu & argilla quadam, quorum scilicet tremor, post fermentationem cum aqua prægressam in superficiem ascendens, colligatur & in modulis orbicularibus siccetur. Sunt hæ placentulæ externe saturate flavæ, crusta quasi obductæ, intrinsecus pallidiores, saporis subadstringentis, aromatici & leviter amari. Transferuntur ex Iaponia, & profuerunt in angina & aphthis, item in diarrhoeis & dyfenteriis aliisque laxitatibus intestinorum, solutæ in aqua, donec colore Theæ Bohæ tingeretur (Seba, item Buißon apud Degen. *I. c. p. 297.*). Different secundum superiorem descriptionem ab hisce placentulis aliæ in India paratae ex Catechu cum aromatibus variis, Cardamomo, ligno Aloes, Moscho, Ambra aliisque in gratiam saporis & oris halitus additis. Hæ ipsæ figura, crassitie & magnitudine nucis vomicæ a Belgis in Europam nomine *Siri Gata Gamber* transferuntur, quas Indi vel solas vel in connubio nuclei Arecæ fructus masticant. Sed notiora sunt nostra.

PRÆPARATA ET COMPOSITA.

Essentia terræ Catechu) *Ph. W.* p. 86. Ex succo Catechu in spiritu Cydoniorum soluto. Guttæ triginta ad quinquaginta indicantur.

Tinctura iaponica) *Ph. Lond.* p. 70. Catechu cum Cinamomo & spiritu vini tenuiore digerendo.

Tin-

Tinctura gingivalis balsamica) Ph. W. p. 226. Ex Catechu, Myrrha, & balsamo Peruviano digestis cum spiritu Cochleariæ & vini rectificato. Vere exinxia in affectionibus dictis oris, in quibus mixta cum melle Rosarum linteo carpto applicetur.

Trochisci Catechu s. Muscerdæ) Ph. W. p. 235. Ex Catechu, Anbra, Mosco, Saccharo & mucilagine Tragacanthæ. Ad fœtorem spiritus & vitia oris dicta corrigenda ore tenentur, donec diffluant, tum expiuntur.

Trochisci de Catechu ad sputum cruentum) I. c. Miscelela Catechu cum succo Liquiritiæ & speciebus Diatragacanthæ. Inusitati.

Confœctio Iaponica) Ph. Ed. p. 76. Opium &c recipit. Diascordium refert.

T A M A R I N D U S.

Linn. Syſt. veget. p. 74. Gen. pl. p. 23.

Pbarm. TAMARINDORUM PULPA.

320. *TAMARINDUS INDICA*; Linn. Spec. plant. p. 48. Iacqu. Hist. pl. americ. p. 10. Tab. 10. & Tab. 179. fig. 98. ubi icon fructus. Siliqua arabica quæ Tamarindus C. B. Baliam Pulli Hort. Malab. Tom. 1. p. 39. Tab. 23. Tamarindus Rumh. Herb. Amb. p. 90. Tab. 23. Arbor crescens in India orientali, Arabia, Ægypto, & America calidiori.

Nobilitat hanc præcipue legumen, quod ipsum compressum est, oblongum & nonnihil incurvum, cellulam vel unam, duas, tres vel quatuor formans, quarum singula includit semen osseum, angulato subrotundum, plano compressum, nitidum, brunum, circa quod fructus nonnihil contrahitur, unde inæqualis apparet. Maturum extus cingitur cortice ferrugineo, sub quo pulpa ita condensata, ut spatium inter utrasque membranas fructus non replet, sed filis validis ad basin confluentibus in situ retineatur. Pulpæ sapor pro varietate arborum mox dulcior, mox acidior, etiamsi utrumque genus rite maturuerit. Indi æque ac Americani crudum fructum edunt sine alio incommodo, quam alvi laxitate leviori. Ex immaturis & decorticatis condimenta sapidissima Cubenses parant. Legumina Indiæ orientalis longiora sunt quam Americes, ista etiam pulpam siccioriem & obfuriorem, item copiosiorem includunt. Transfertur pulpa una cum seminibus & filis descriptis, exuta tegmine externo, plerumque contusa. Americana sacchari miscelam prodit. Sapor pulpæ gratus acidus.

Acor

Acor iste dependet a sale essentiali fructus. Hoc coctione pulpæ cum aqua, colatione & evaporatione quoad partem copiose elicetur forma squamarum, initio impurum & subbrunnum, repetita autem solutione & crystallisatione album, sed simul acoris expers (Beaume *Pharmacie Ed. 2. T. 1. p. 167.* Rezius in *K. Vet. Acad. Handl. 1770. p. 209.* item 1776. p. 132.). Similes crystalli ramis arboris interdum adhærescere observantur, & convenire quam maxime cum tartaro (Tournef. in *Mem. de l' Acad. d. Sc. a. 1699. p. 101.*). Sal ex pulpa erutum ejusdem naturæ esse, nuperrima experimenta confirmant (*Vet. Ac. Handl. 1776. l. c.*); nam acor idem, similis difficultas solutionis in aqua, eadem cum reagentibus ratio. Sal hocce non recipere acidum marinum, sed acido tartari in omnibus simile, contra Cl. Beaume (*l. c.*), experimenta (*Vet. ac. Handl. l. c.*) suadent.

Antequam in usum medicum pulpa trahatur, a fibris, seminibus, membranis purgari debet, quod fit ejus in aqua calida solutione, colatione & post additum saccharum inspissatione.

Sic eximie blandeque alvum laxat absque omni exæstuatione. In febribus pulpa ob acorem tanto magis conductit, quo nimirum æstum febrilem mitigat, sitim compescit, putredinem infringit. Unde præcipue in putridis biliosis insignis commodi est. Ab Arabibus prima ejus mentio facta, & celebratissima pulpa loco natali in iisdem morbis, quibus nos eandem opponimus. Vix unquam sola purgandi scopo præcipitur, quem unciæ binæ vel plus pro adulto requirantur, sed solvit plerumque aqua calida cum aliis, Manna, talibus mediis, rel. Ejus ope *Serum lactis tamarindinatum* paratum, quod laxat, temperat, resolvit, abstergit, & in morbis biliosis, putridis, ut & phthisi, valde proficuum est.

PRÆPARATA ET COMPOSITA.

Pulpa Tamarindorum) *Pb. W. p. 142.*

Electuarium Tamarind.) *loc. cit. pag. 50.* Justo longioris compositionis ex variis purgantibus & aromaticis. Exolevit.

Electuarium catholicum) *loc. c. p. 45.* Similis farraginis. Desuevit.

Decoctum Tamarind. C. Senna) *Pb. W. p. 56.* Electuarium e Cassia) *Pb. Lond. p. 96.* Elecl. lenitivum) offic.

HÆMATOXYLUM.

LINN. *Syst. veget.* p. 331. *Gen. pl.* p. 102.

Pharm. CAMPECHENSE s. CAMPESCANUM Lignum,
item *SAPPAN Lignum* quibusdam.

321. *HÆMATOXYLUM CAMPECHIANUM*; Linn. *Sp. pl.* p. 549. Iacqu. *Obs. bot. P. 1.* p. 20. Hæmatoxylon spinosum foliolis pinnatis, racemis terminalibus Browne's *nat. Hist. of Iam.* p. 221. *Lignum campechianum*, species quædam Brasili. Sloane *nat. Hist. of Iam. T. 2.* p. 183. *Tab. 231. fig. 1-2.* ubi modo frusta duo ligni depicta comparent. Catesby *Carol. T. 2.* p. 66. *Tab. 66.* Arbor in America calidiori, nominatim ad sinum Campeche regni Mexicani, copiose sponte crescit. Nunc vero translatis in insula Domingo Iamaicam aliasque vicinas seminibus, primum licet languerit, bene jam ibidem viget, quin sponte sese disseminat.

Lignum solidæ texturæ & grave colorem saturate rubrum præ se fert. Cæditur ab Iamaicensibus quotannis in Campeche copiose, & ex Iamaica dein in Angliam transfertur. Tinctoribus ex primariis ob colorem violaceum, quod panni imbuuntur, alio dein colore nominatim nigro tingen-di, & ut alii colores puriores & constantiores fiant.

Serius autem etiam in medicinam transiit. Sapor eius subadstringens & subdulcis est, qui idem etiam in extractis sive aqua sive spiritu vini paratis sentitur. Utrique menstruo rubrum colorem impertit, quod & interdum accidit ex interno usu in alvi fecibus & lotio. Spiritus vini solvit, quam aqua. Solutione Vitrioli martis insulsum adsciscit colorem bruno nigrum & nonnihil viridem.

In diarrœa obstinata & dysenteria Anglorum primam laudem obtinuit. Ast nonnisi sub finem dysenteriae conductit, quando debilitas intestinorum continuat & reditus mali contingunt. Decoctum laudabile in hunc finem est (*Baker Tract. de catarro & dysent.* recus. in Sandif. *Diff. T. 2.* p. 379.). Quin hoc lego a quodam (*Clark's Diff. in hot countries* pag. 233.) longe extracto præferri. Aliis extractum magis placet. Hujus drachmas tres in aquæ Cinamomi spirituosa uncia sesquialtera & aquæ fontanæ unciis septem, additis tincturæ Iaponicæ drachmis duabus, solvi curaverat ill. Pringle, cuius mixturæ omni quarta vel quinta hora duo cochlearia capta, juncto subinde opiate vespera (*Diff. of the army* pag. 281.). Cl. Duncan in protracta dysenteria ter de die extracti scrupulum unum in potu commodo capi justit,

fit, subjunctis clysmatibus anodynis (Ill. Zimmermann v. d. Rubr p. 445.). Ne quid vero honoris miscela cum aliis ligno detrahatur, scias sufficere solum extractum aqua e. c. Menthæ crispæ solvere ea proportione, ut illius drachma una hujus unciam unam intret, & solutionis hujus cochlearia tria quotidie ingerere (Ill. Baldinger v. d. Krankb. e. Armea Ed. 2. p. 455.).

Nec reticendum *Gummi*, quod truncus & rami primarii transmittunt ovi gallinacei saepe magnitudine. Brevi solidicit, & tum tam fragile fit, ut inter digitos fere conterrit sinat, ob saturatam rubedinem nigrum apparet, dulcis saporis (Browne l. c. Iacquin l. c.).

P R A E P A R A T U M .

Extractum ligni campechenensis) *Pb. Lond.* p. 27. Fit cum aqua coctio repetita, commixtis dein decoctis & insipissatis. In *Pb. Edinb.* p. 116. & *noviss.* p. 94. spiritus vini tenuior adhibetur.

H Y M E N Æ A.

Linn. *Synt. veget.* p. 326. *Gen. pl.* p. 202.

Pharm. ANIME Gummi.

322. *HYMENÆA COURBARIL*; Linn. *Spec. plant.* pag. 337. arbor filiformis ex qua *Gummi Anime* C. B. *Hymenæa* foliis geminatis parallelis, paginis inæqualibus, racemis terminaticibus Browne's *nat. Hist. of Jam.* p. 221. *Courbaril* bifolia fructu pyramidato *Plum. gen. 49.* *Ceratia* diphylla antequana *Pluck. Almag.* 96. *Phytogr. Tab. 82. fig. 2.* *Itaiba* *Piso Ind. nat.* p. 122. Arbor, crescens in Hispania nova, item insula Antigoa.

Anime dicitur resina frustis flavido albis pellucidis, variae figuræ & magnitudinis (*Avellanæ* nucis plerumque), farina quasi testis, ubi franguntur splendentibus, friabilibus, ad nos afferri solita. Sæpe cum *Gummi Copal* confunditur, quod inde forsitan provenit, quod secundum *Pisonem* nomine *Copal* ab Indis quælibet odorifera gummosa vel resinosa veniunt. *Copal* venale autem compagis firmioris est, ex frustis majoribus constat, nec superficie pulvulentæ. *G. Anime* odorem resinosum habet, saporem fere nullum, masti-cando inter dentes mollescit, flammarum capit, carbonibus inspersum spargit odorem gratum, & integre fere desfrat, relictis tantum cineribus paucis albis. Totum spiritu

vini solvitur, qui inde amaricantem & pungentem saporem coloremque flavum obtinet. Destillatione cum aqua odora pars separatur, simulque cum aqua olei essentialis tantillum ascendit. Colligi ex arboribus vulneratis resert quidem Monardes (in *Collect. Clus.* p. 316.) & incisione corticis erui Baacrost (*Nat. Hist. of Guiana in South-America* pag. 87.), defluere ex trunco & ramis Aublet (*Hist. des Plantes de la Guiane Francoise T. 1.* p. 378.). Si Pisoni vero (l.c.) major fides, per meatus corticis interiores in terram decidit, ex qua sub arboris trunco & radice occultatum extrahitur. Vernicem maxime eximiam inde parant (Browne).

Rarissime hodie in formulis medicis obtinet. Indi mastificant G. Anime contra colicas & flatus, item eo utuntur in suffitu contra rheumatismos (Bancroft loc. cit.). Contra quod malum uti & in affectionibus catarrhalibus & paralyti eodem modo conducere memorant plerique scriptores maternæ medicæ. In usum asthmaticorum & catarrho suffocativo correptorum pari ratione adhibitum (Browne), quantum intelligo, in patria stirpis, unde & prima efficacia præconia videntur profecta.

CERATONIA.

Linn. Sist. veg. p. 773. Gen. pl. p. 554.

Pharm. SILIQUA DULCIS.

323. CERATONIA SILIQUA; Linn. Sp. pl. p. 1513. Siliqua edulis C. B. Ceratonia Dodon. pent. pag. 786. Siliqua Du Hamel *Traité des Arbres* T. 2. p. 262. Tab. 69. Arbor in Oriente, insulis Archipelagi & australi Europa, nominatim Gallo-provincia, Hispania, Neapoli, in Sicilia, crescens.

Ceratonia Galeni & Äginetæ creditur, ita dicta ob Legumen in cornu formam quodammodo flexum. Compressum, inæquale est, palmam circiter longum, pollicem unum latum, coloris fuscobruni, constans ex pulpa sive carne secca fusca vel rufa, dulci, & interne cellulas aliquas disseptas formans, in quarum singula semen ovatum, complanatum, rufum, utrinque obtusum. Caro ista secca unice usurpatur, quo dulcis. Ägyptii ex eadem mellis speciem extrahunt, quo varios fructus condunt, & quod clysmatibus addunt, item ore sumendum præbent ad alvum subducendam (Alpin. de pl. Ägypti p. 8.). Sicca legumina alvum pariter movent, instar Cassiz (Raii Hist. pl. T. 2. p. 1708.). Ubi sponte crescit, impune tamen pecoribus in saginam projicitur (Du Hamel l. c.). Parce hodie a medicis administratur, & vix nisi

nisi in affectionibus pectoris, in quibus sputa resolvere & screatu eliminare opportunum est. Tussientibus & asthmaticis prout mel, ita & decoctum ex leguminibus; Ægyptii in hunc finem probo successu exhibent (Alpin. loc. c.). In tussi adeo convulsiva cl. Ioerdens (Comm. Noric. 1733. pag. 235.) comestum fructum extollit, ut multos sanatos pronunciet, quibus reliqua inertia. Utinam conspirarent hac in re aliorum pericula. Non neglectis aliis, instar passularum, demulcendo nonnihil stimulos acres & resolvendo impæcta, adjumento esse posse haud negaverim.

PRÆPARATA ET COMPOSITA.

Species decocti pectoralis) Ph. W. p. 185. Inter varia alia becchica & hoc, de quo dixi, occurrit. Aqua cum iis decocta potatur Cl. Ioerdens (Comm. Noric. Ann. cit. p. 76.) & hoc decocto; loco cerevisiae ab infantibus calide poto, subigere tussim convulsivam succedit.

Syrupus Diacodion) Ph. W. p. 209. V. supra Pap. somnif. p. 233.

Syrupus Diacodium crocatum) Ph. cit. V. supra l. c.

POLYGALA.

Linn. Syst. veget. p. 530. Gen. plant. p. 364.

Pharm. SENEGÆ vulgo s. SENEKÆ Edinb.
Radix.

324. *POLYGALA SENEGA*; floribus imberibus spicatis, caule erecto herbaceo simplicissimo, foliis lato-lanceolatis Linn. Spec. plant. p. 990. Icon; Miller's Gard. Dict. ad speciem 5. Comm. Noric. 1741. Tab. 4. fig. 1. 2. 3. Conf. Linn. Diff. Radix Senega, in Amoen. ac. T. 2. p. 124. 126. sq. c. ic. Pl. perennis, in Virginia, Pensylvania, Marilandia crescens.

Radix lignosa est, ramosa, digitæ circiter crassitie, flexuosa, nodosa, intus alba, cortice crasso flavescente & quasi resina saturato & epidermide cinerea vestita. Gustata primo farinaceum saporem, mox subacidum prodit, dein fauces pungit & cum tussicula sensum constrictioñis excitat. Inter hæc saliva copiose affluit (Linn. Diff. l. c. p. 129.). A libi sapor amaricans, subaromaticus describitur (Geoffroy M. m. Traité T. 2. p. 239.); quin ab alio valde aromaticus (fort aromatique Du Hamel in Mem. de l' Acad. d. Sc. d. Paris 1739. p. 136.); dum rursus alii nulla aromatis vestigia per-

ceperunt (Trew Comm. Nov. a. cit. p. 370. not. d., Detharding Diss. de Senega, resp. Siemerling, Roscoch. 1749. item Keilhorn Diss. de radicibus Senega & Salab. Francof. ad Viadr. 1765. p. 9.). Odorem spargit nullum, nisi, dum copia radicum servetur intra claram vas, nauseosum. Partes vero sapidæ unice fere cortici radicis inhærent, qui in maxime crassis radicis tertiam circiter ponderis partem, in tenuillis quintam vel sextam partem, efficit (Keilhorn l. c.).

Analysin chemicam studiose cl. Keilhorn & Burckahrd (Diss. de Radice Seneka, Argent. 1750.) persequuti sunt. Infusum corticis aqua factum primo americanus, dein acre, quem senum cum constrictione faucibus præcipue circa vuclam imprimis. Sapor extracti aquosi, quod $\frac{1}{3}$ æquat, idem. Spiritus vini parciorum quantitatem abripit, nempe extractum eodem paratum $\frac{1}{4}$ æquat, quod ipsum Myrræ instar americanum, sed altero longe mitius, est (Heilhorn p. 11. 199.). Verum & lignosa radicis pars extractum tam aquosum quam spirituosum præbet, quorum istud americanus & acre, hoc utroque momento debilius est. Experimenta hujus generis si integra radice fiunt, rationes nonnihil diversæ notantur (sic in istis cl. Burckard p. 8. 9.).

In paucis officinis radix adhuc venalis exstat, et si majori jure, quam tot alia, adesset efficax hocce refolvens & per varias excretorias vias aliena evacuans. Virtutum ejus medicarum primam cognitionem dedit medicus Scotus Tennent, qui, curationum felicissimarum a rudibus sylvestribus Pensylvanis in mortu venenatissimi serpentis crotalophori clam perpetratarum diuturnus spectator, tandem præmio largo eorum quibusdam soluto eo pervenit, ut sibi præcipuum remedium revelarent. Constitit tum Senegæ radicem esse (V. Ejus physical disquisitions P. 2. Lond. 1735.). Valuit & malis ex mortu ortis jam invalescentibus, sanguine nimirum per pulmones excusso, labiis vulneris lividis, corpore toto tumefacto. Nec æstus Iulii mensis effectum irritum reddidit (Geoffroy M. m. Traité T. 2. p. 239.), Americani contra tantum periculum vel succum masticatæ radicis deglutiunt & masticatam vulneri imponunt (Linn. Ameen. 2. p. 133.), vel lac ea decoctum ter de die ad sanationem vulneris usque eropant, juncto cataplasmate radicis lacte parato. Tinctoræ quoq[ue] vinose singulare pretium affiguntur. Ita sanguis coagulatus resolvi, tumor dissipari, venenum expelli, pulsus debilis & languens erigi & accelerari fertur. Frustra vero adhiberi medelam vale quodam ampliori sanguifero fauciato (Linn. Ameen. T. 6. p. 214.). Ast non unice Crotali virus Senega enervari, sed & aliorum serpentum, testatur exemplum ancillæ Sveticæ, quæ a.v. de ciendæ cana ruri pone fruticem secedens a serpente quodam (Co-

Inbro Berò sine dubio) & in mulieribus ipsis vulnerata fuit sub gravissimorum symptomatum satellitio, sed duabus unice dosibus ab ill. A Linné subministratis convaluit (*Amoen. acad. Vol. 6. p. 214.*). Nec scio, Senegam aliud ullum idque faustum experimentum in serpentum morsu subiisse.

Convenientia symptomatum a morsu serpentum propullulantium cum iis, quæ inflammatoriis pectoris morbis infestant, ad hosce transferendi usum Senegæ anfam dederunt. Nimirum demorsi a caudisone dolore acutissimo, respiratione difficulti, tussi, hæmoptysi, pulsu duro atque veloci, (verum & nonnunquam debili) corripiuntur. Pleuriticis igitur & peripneumonicis illam propinavit Tennentius (*Essays on the Pleurisy, Philad. 1736. item Epistle to Richar Mead, concerning the efficacy of the Seneca Snakeroot, Edinb. 1742.* Doleo vero mihi non suppetere ipsa Tennentii scripta), eo eventu, ut ob cives multos hoc remedio servatos præmium 75 librarum a magistratu supremo Philadelphiæ obtineret (*Ex Pensylv. Gaz. 1739. n. 555.* Linneus in *Amoen. Vol. 2. p. 130.*) Non neglexit autem in vera pleuride inflammatoria venæ sectionem sub initium morbi velejusdem progressum, etiam repetitam, & infusum emolliens blande solvens pro potu, una cum ciborum delectu, quem & nos probamus. In spuria absque venæ sectione curationem absolvit radice. Ejus judicio præcipuum virtutis, quod præstat, in eo consistit, quod serum in concrementa & stagnationes pronum, vel quod jam impavidum in vasis hæret, resolvat. Postquam iste ad academiam scientiarum Parisensem de successu suæ medelæ in pleuride referret, cl. Lemery, *De Iusieu & Du Hamel*, idem tentamen inire placuit, cui & respondit æque felix eventus (*Mem. de l' Acad. de Paris l. c. p. 135. 139.*). Curatius omnibus reliquis & scienter vim ejus in pectoris inflammationibus expendit cl. Bouvart (*Memoires cit. a. 1774. inde a p. 37.*) historiis ægrorum per momenta suppeditatis. Iste non resolvendi solum ejusdem efficaciaz, sed & evacuandi rationem habet. Evacuatio fit vel vomitu vel alvi dejectionibus vel lotii profluvio uberiori vel ptyalismi specie. Vomitus parciori dosi vitari potest, nec alere illum, ne pulmonibus vis inferatur, consultum est. Reliquæ excretiones vicibus venæ sectionis perfungi videntur. Hinc dum parcus a pulvere dato contingunt, hic minus idoneus ægris est decocto. Patet inde Bouvartium absque venæ sectione radicem malo curando parem existimare (*Ægris tamen tribus, de quibus refert, vena secta fuit.*). Exhibit illa etiam post tertium vel quartum diem, unde intra binos vel tres dies oppressio pectoris cum dolore, difficultas spiritus, screatus cruentus, febris rel. sub expectoratione exoptata cessarunt. Tribus pleuriticis graviter affectione exoptata cessarunt.

Eis decocto sanitatem restituit cl. Detharding (*Diss. cit.*); sub usu copia sordium absque terminibus alvo secescit, & lo-
tium copiose manavit. Ut & illustre sanationis exemplum
in medium prodeat, magni Linnei esto, qui a. 1753. ex re-
frigeratione peripneumonicus, sumta ter de die drachma una
pulveris intra bictum convaluit (*Amoen. ac. T. 4. p. 535.*).
De hac radice, nomine Polygalæ, etiam loqui arbitror Cl.
Sarcone, dum decoctum ejus tenuius & dein saturatius in
febre rheumatica & inflammatione pectoris pro solvenda hu-
morum tenacitate impense deprædicat; nam sanguis postea
per venam emissus fluidior, minus lardosus & copiosiori se-
ro mixtus (*Ejus Geschichte d. Krankh. in Neapel T. 1. pag.
108. 169. 173. 199.*). Aliter autem se res habuit in aliquot
ægris, qui ex inflammatorio morbo suppurationem perpesi,
subinde nova inflammationis symptomata experiebantur, nem-
pe, Senega et si per duos, quatuor, quinque menses admi-
nistrita, sanguis tamen per omne tempus tenax & crusta-
densa tectus permanxit (*De Haen. Rat. med. P. 4. p. 252.*).

Varii & sunt alii morbi, in quibus resolvendo crasin hu-
morum tenacem & evacuando proficit. Efficaciam in hydro-
pe, quam Tennentius subolfecit, in ægris alii confirmarunt.
Haud paucis hydrope anafarca cum ascite correptis deco-
ctum Senegæ levamen attulit cura Bouuartii (*I. c. p. 40.*),
& evacuando aquam per alvum & copiosius lotii effluvium,
subsidentiam tumidi corporis procuravit. Memorabilis præ-
cipue casus hominis, quem simul hydrops pectoris una cum
febre affixit, eoque curatus, ut nonnisi durities & intu-
mescentia lnenis remaneret; ex quinque hydropicis nem-
inem tamen radicibus a malo liberare valuit (*I. c. p. 43.*).
Sed dolendum, saepe in hydrope tantam labem subefle vi-
scerum, ut vel cuilibet alii remedio tenaciter obnitatur,
Hydragogam Senegam longa experientia etiam pronunciat
cl. Mackenzie (*med. Obs. & Inqu. Vol. 2. p. 288.*). Caium
curati hydropis anafarca cl. Detharding (*I. c. p. 25. sqq.*)
suppeditat. In hydrope pectoris ideo subinde reliquis præ-
sttit, quod præter alias evacuationes & in glandulas bron-
chiales operetur (*Percival Essays T. 2. p. 178.*). An ideo in
marasmo Virginiae endemio, Europæis precipue fatali, au-
xilium fert, & in incipiente phthisi, ut expertus est Ten-
nentius (*Linn. Amoen. Vol. 2. p. 131.*)?

Mira & præstitit in morbo complicato, qui ascite initium
capiens, dein continua febre & loquelæ dispendio auctus
fuit. In hoc, frustra tot aliis per longam moram tentatis,
decoctum Senegæ & febrem sufflaminavit & loquela resti-
tuit. Hydrops vero alia desideravit, a quo curatus dein
alio morbo æger occubuit (*Mackenzie I. c. p. 287. sq.*).

Conjectura jam in rheumatismo usurpare suadet, ob assi-
ni-

nitatem ejus cum inflammatoriis morbis. Favent huic vero efficaciæ experimenta (*Commerc. Noric. a. 1741. p. 362.*). Paucis etiam anthelmintica notatur (*I. c.*).

Quomodo commoris a serpentibus exhibeat, jam indicavi. Tennentio crebri usus fuit Tinctura vinoſa ex radicis Senegæ unciiſ quatuor, & viñi Canariensis libra una, per triduum digestis & colatis, cuius cochlearia tria pro dosi data (Linn. *Amoen. Vol. 2. p. 132.*). Præstitit omnino, ne præter rem calorem excitaret, pulvis, qui ab eo ad grana 35, ab aliis (*Comm. Nor. cit.*) a gr. 20 ad 30 ingestus, & decoctum aqua factum. Saturatius fuit istud Tennentii (Linn. *I. c.*) ex radicis unciiſ tribus in aquæ libris duabus ad tertiae partis conlumctionem coctis, cuius pariter tria cochlearia obtulit, tertia qualibet hora iteranda, donec symptoma ta remitterent, & quarta vel sexta hora modo, si conticeſcere omnino inciperent. Quoniam vero cl. Bouvart (*I. c. p. 53.*) ex tam saturato decocto sensum ardoris in stomacho & intestinis aliaque incommoda persensit, unciam modo radicis cum dicta aquæ quantitate coxit, hujusque decocti cochlearia tria quavis hora forbillanda injunxit. Acrimoniæ sensus in fauibus, vel ex dilutiori illo decocto perceptus, sponte paullo post disparuit. Tanto citius disparet iste molestus sensus, si haustus viñi Maderaici (quando nihil ve-tat) superbibitur (Lewis *M. m. p. 465.*).

P R A E P A R A T U M.

Decoctum Senekæ) *Ph. Ed. noviss. p. 64.* Ex radicis uncia una cum aquæ ſequilibra ad libræ dimidiæ jacturam decocta.

Pharm. POLYGALÆ VULGARIS Herba, Radix.

325. *POLYGALA VULGARIS*; floribus cristaſ racemosiſ, cauliſ herbaceiſ, ſimpliciбуſ procumbentiбуſ, foliis linea-ri-lanceolatiſ Linn. *Sp. pl. p. 986.* Polygala major C. B. Icon. *Flor. Dan. Tab. 516.* Pl. perenniſ, in pratiſ ſiccis.

Ad hanc revoco experimenta in Gallia in affectionibus pectoris inflammatoriis cum Polygala indigena facta, quamvis Hallerus (*Hift. fl. helv. n. 343.* ad Pol. amaram L. re-ferat. Cl. Du Hamel, qui primus ad ea acceſſit, stirpi a ſe adhibitiæ ſaporem ſubacrem & vix amaricantem (d'une tres foible amertume) adſcribit, quum alteri mox indicatae amarities insignis inſideat; nec iſta alvum purgat (Du Hamel), ut hæc. Radicem vero una cum herba ægris binis, poſt venam aliquoties fruſtra ſectam & alia ſine ſuccesſu ad-ministrata, in ptisana ex voto præcepit. Sed fateor dubium

xime effectum salutarem in hisce binis mihi videri, quum radicem Graminis & Liquiritiæ & flores Tussilaginis simul intrarent ptisanam præscriptam. Nec de pluribus casibus per partes nobis retrulit. Comparatione dein facta intra Se-negam & hanc Polygalam, istam efficacius longe sputorum excreationem promovere quam hanc, non inficiatur (*Mem. de l' Acad. d. Sc. de Paris* 1739. p. 135. sqq.). Largior absque dubio hujus, si quid efficere debeat, requiritur dosis, quam præcedentis: nec exiguo granorum duodecim ponderi, ad quod illam restringit Geoffroy (*M. m. Traitè Tom. 2. p. 244.*), subscrivere possum.

Infusum herba loco Theæ Chinensis, tam ob gratum saporem, quam salubritatem commendatur (*Lübeckse Anzeigen* 1768. St. 4.).

Pharm. POLYGALÆ AMARÆ Herba, Radix.

326. *POLYGALA AMARA*; floribus aristatis racemosis, caulis erectiusculis, foliis radicalibus obovatis majoribus Linn. sp. pl. p. 987. Polygala foliolis circa radicem rotundieribus, flore cœruleo, sapore admodum amaro. C. B. Jam ante eum a Thalio in *Sylva hereyn*. p. 88. notata. Polygala buxi minoris folio, flore cœruleo (*Vaillant Botan. Paris.* 161. n. 3. *Tab. 32. fig. 2.*). Amplior descriptio legitur in Collin. *Observ. T. 2. p. 203. sq.* Planta perennis, in montosis, e. c. vicino monte Plessensi, crescens.

Insigni diuine linguae adherente amaritie Herbæ, empirice facile hæc species a vulgari distingui potest. Hinc & Amarella a C. Gesnero (*Epiſt. Lib. 3. p. 121. a*) dicta. Infusum vinosum ex manipulo herbæ per noctem vino maceratae alvum purgat absque periculo, ut iste celebris Helvetus in se expertus est. Tinctura ex quatuor unciiis herbæ & vini Canariensis libra una amarissima & coloris subfuscis (*Iacqu. Fl. Vind. p. 262. n. 60.*).

Radix) gracilis, fibroso-ramosa, lignosa, extus flavo-cineræa, interne albida. Amaritatem in hanc cadere negat ill. Iacqu. (l. c.), alias (Collin. *Observ. circa morbos P. 2. p. 203.*) balsamicum saporem ex amariūculo subdulcem adscribit. Et hæc præcise pars est, quæ Vindobonæ quosdam medicos occupatos tenuit in phthiseos pulmonalis ulcerofæ curatione. Cortex radicis virtutis meritum nominatim tulit (Collin l. c. p. 198. Coste & Willemet *Essais sur quelques plantes indigènes* p. 75.). Auctor suasorque experimentorum in nosocomiis Vindobonensibus L. B. A Swieten fuit. Jam anno 1762. quatuor felicis eventus nobis sistebantur historiæ (*Candon Diff. de Polygala in phthisi, vienne*) de hominibus ex inflammatione pectoris vel hæmoptoe phthisicis. Et de-

cem annos post casus quindecim selecti ex multo pluribus (a cl. Collin in *Observ. I. c.*). Apud hosce vel pariter dira inflammatio præcesserat, vel malum lente prævia tussicula ortum. Quam altas illud in multis radices egisset, & copiosa puris per os rejectio cum tabe, & sudores nocturni uberrimi febrisque præsentia declararunt. Eluctati tamen sunt hi periculum Polygalæ præcipue beneficio. Subinde emollientia mucilaginosa, inter quæ Radix Salep prærogativam habuit, & paregorica præmissa, vel sub ipsa curatione interpolata. Successu feso exferente, lotii profluviū augetur, cum sudorum immunitio, quæ ipsa & tum saepe incidit, quando sputorum excretio solito adhuc modo pergit. Ita cl. Collin, qui balsamicam, consolidantem, roborantem, demulcentem vim radici assignat, & princeps facile tentatorum contra hunc morbum remediorum habet. Tentarunt quoque radicem ex voto in decem ægris cl. Coste & Willemet (*I. c.*). Etsi in hisce malum nondum ad extremum pervenerat; post prægressam tamen haemoptysin, dolores lateris vel dorfi, tussis, oppressio pectoris, sputa mali moris, febris lente obrepens, macies &c. adfuerunt; in pertinaci & sicca tussi valuit miscela decocti cum lacte. Cl. Wilhelmi (*Diss. de phthibis, Wirceb. 1777. p. 29. Cas. 2. & 3.*) duo vel tria felicis curationis phthisicos exempla dubito hoc adducere, quum lac, Chinchina, Lichen Islandicus, alia, simul in usum vocata fuerint. Aequitas tamen fateri nos jubet, multis phthisicis non satisfecisse. Ipse Collinus hoc significat, cuius inertiae causam cadaverum sectio evicit, ut in quibus indurations scirrhique pulmonum vel eorum consumptio, item viscerum abdominis variorum obstructions in conspectum venere. Multis interim, nisi sanationem, levamen tamen attulit.

Posset quispiam cognatione hujus stirpis cum Senega ductus hanc ejusdem in pleuritide de hydrope virtutis partipem declarare. Sed in ista auxit symptomata, in hoc nihil effecit (Collin), licet alii curationem prætendant. (*I. c. p. 199.*).

Exhibendi ægris Polygalam non unus modus est. Confert Polygala in pulvere mane & vesperi ad dimidiā drachmam, vel in electuario cum melle, omni quadrihorio ad drachmam unam sensim ascendendo. Adjunctum fuit infusum Herbae melle mitigatum (Candon *I. c. p. 11.*). Plerique vero ægris, de quibus constat, decoctum radicis suppeditatum est, ex ejusdem uncis tribus cum aquæ libris tribus ad consumptionem dimidiæ partis decoctis & syrapi Hyssopi & Dianodii ana uncia una edulcatis (Collin *I. c. p. 208.*). Consumtæ sic per diem radicis unciae duæ, subinde minor quantitas (*I. c. p. 198.*). --- Cl. Sarconis præconia de Polygala sub

sub Senega recensui, et si mallem, eum non idem commisso vitium, quod tot Practici, qui ob ambiguitatem vocum, quam neglecta Botanice parit, nec intelligi possunt, nec optimorum forsitan inventorum aliquod in alios commodum redundare patiuntur,

FUMARIA.

Linn. *Syst. veg.* p. 529. *Gen. pl.* p. 362.

Pharm. FUMARÆ Herba.

327. *FUMARIA OFFICINALIS*; pericarpiis monospermis racemosis, caule diffuso Linn. *sp. pl.* p. 984. *Fumaria officinarum* & *Dioscoridis C. B.* Καπνός *Diosc.* Καπνός *Galer.* *Icon: Regnault Botan.* la Fumeterre. *Pl. annua*, in agris hortisque sponte copiosissima.

Stirps inodora, sed tota scatet succo ingrate amaro, salino. Hic si inspissatur in extracti formam, efflorescit salamarum & leviter pungens, nitrum referens (Boerh. *Hist. pl.* p. 389.). Idem ex infuso aquoso eruitur & prunis in spiritum cum crepitu dissilit, spiritu acido autem permixtum levissimam ebullitionem excitat (Camerar. *Diss. de Fumaria*, *Tab. 1718.* p. 12.). Amaritie potius est extractum spirituosum, quod parcius elicetur, nec ejusmodi crystallos emittit.

Herba) obstructiones & infartus viscerum egregie reserat, Veterum æque ac Recentiorum consensu (Ætius *Tetr. r. Serm. 1.* 30. Boerhaav. *Hist. pl.* p. 388. Hoffm. *Diss. de praest. remed. domest.* §. 24.), hepatis nominatim (Galenus, *simpl. L. 7.*), Icteri cum vomitu succo curati historiam notare operæ pretium est (Riverii *Observat. Cent. 3.* pag. 230.).

Altera haud dubia illi competens efficacia est in vitiis variis cutaneis, quibus & corrigendo humores corruptos, tonum reddendo vasis, quorum debilitati corruptela ista sepe debetur, & evacuando per alvum & lotii vias mederi vindetur. In scabie præstans remedium herba est, sero lactis infusa vel cocta cum cerevisia, & amplio Sim. Paulli (*Quadrip. p. 71.*) præconio decoratum. Ab experientissimo pratico Sveco (Cl. Strandberg, *om Fel vid chron. Sjukdomars bokande* p. 17.) simile tulit in herpete. Sed & exanthema magis adhuc foedum & curatu difficultius, lepra, solo Taraxaci & Fumariæ succo cūratum perfecte est (Leidenfrost *Diss. de succis herbarum expressis*, *Duisb.* 1751. p. 27.). Ut ne dubium cieat miscela, scias leprosam affectionem, subinde induratione glandularum stipatam, succo unice hujus herbæ bis

bis de die ad tria vel quatuor cochlearia capto, juncta alternis diebus alvi purgatione, disparuisse (Thomson's *med. Consultations* p. 161.) — Stomachica, antiscorbutica, aliqua que passim virtus memoratur; sed sufficit certissimas nosse.

Maxime confert, uti succo ad uncias duas vel tres, vel solo vel cum sero lactis remixto. Non caret tamen suo commodo, deficiente herba recente, infusum vel decoctum usurpare, quoniam nihil odoris stirps secum vehit.

PRÆPARATA ET COMPOSITA.

Aqua Fumariæ) *Ph. W.* p. 6. Obsoleta, nec injuste, ut arbitror, sudores licet movere Simon Paulli (*loc. cit.* p. 39.) aliique indicent.

Conserva) *I. c.* p. 93. Non rejicienda.

Essentia) *I. c.* p. 81. Non omnem vim plantæ contine-re, ex superius in comparatione extractorum dictis eluet. Dosis guttarum quinquaginta ad octoginta assignatur.

Extractum) *I. c.* p. 88. Non opus est vino illud parare, sufficit aqua. Commodum pilularum vel elixirii forma.

Syrupus) *I. c.* p. 211. Ex succo & saccharo.

Pharm. ARISTOLOCHIÆ FABACEÆ Radix.

328. *FUMARIA BULBOSA*; caule simplici, bracteis longitudine florum Linn. *Spec. pl.* p. 383. α , *cava*, *Fumaria bulbosa*, radice cava, major C. B. Icon; *Fl. Dan. Tab.* 605. *Regn. Botan.*, la Fumeterre bulbeuie. *Pl. perennis* primo vere in nemorosis & umbrosis florens.

Quodnam discrimin interstis inter varietatem bulbo cavo & illam bulbo solido, optime determinaverunt Linneus (*Flor. Svec.* p. 246.), Hallerus (*Hist. stirp. Helv.* n. 348. & 349.), qui posterior in species diversas divellit illas. Non dubito tamen, quin solida radix, quæ priori minor, substitui omnino possit cavæ.

Radix) vero, a pharmacopolis dilecta subglobosa est, Castaneæ minoris magnitudinis, interne cavum relinquens quasi exesum, constans ex carne dilute flava, obducta epidermide fusca. Neglecta hodie omnino, nec male, si superfluis valedicendum. Sed non virtute omni cassam esse, docet amarities cum acrimonia juncta, quibus momentis ad Aristolochias in officinis usitatas proprius, odoris licet expers, accedit. Hinc &, favente simul forma subinde in officinis radici Aristolochiae rotundæ illam substituunt, spiritu vini macerata extractum intende amarum simulque notabiliter acre erogat; aquosum vero extractum, et si pariter amarum, remissius acre est, & pondere quoque alteri ce-dens

dens (*Cartheus Mat. med. Tom. 1. pag. 516.*). Vitium ea-
rundem participem eam auctores habuere, ac Aristolochias.
Ad menstrua nominatim suppresa referanda multi illam
commendarunt, item ad lumbricos necandos. Plerique ta-
men subsistunt in ejusdem ad ulcera purganda & cariem os-
sium arcendam præstantia. Hisce finibus pulvis inspersus
sufficit (*Held Eph. N. C. Cent. 6. Obs. 86. p. 365.*). Sed
itidem a chirurgis hodie despicitur.

DESIGNATIO SPECIERUM

IN SECUNDO VOLUMINE CONTENTARUM.

S T I R P E S .

Nomen pharmaceuticum.

Nomen systematicum.

ORDO XV. ROTACEÆ.

202. Anagallis	<i>Anagallis arvensis.</i>	pag.	3
203. Nummularia	<i>Lysimachia Nummularia.</i>		7
204. Gentiana rubra	<i>Gentiana lutea.</i>		8
205. Centaurium minus	<i>Centaurium.</i>		12
206. Primula veris; Paralysis	<i>Primula veris.</i>		14
207. Cyclamen	<i>Cyclamen.</i>		15
208. Trifolium fibrinum	<i>Menyanthes trifoliata.</i>		17

ORDO XVI. SEPIARIÆ.

209. Iasminum	<i>Iasminum.</i>	18
210. Olivæ	<i>Olea europaea.</i>	19

ORDO XVII. BICORNES.

211. Uva ursi	<i>Arbutus Uva ursi.</i>	30
212. Vitis idæa	<i>Vaccinium Vitis idæa.</i>	38
213. Oxyccocos	<i>Oxyccocos.</i>	39
214. Myrtillus	<i>Myrtillus.</i>	39
215. Rosmarinus sylvestris	<i>Ledum palustre.</i>	40
216. Pyrola	<i>Pyrola rotundifolia.</i>	42
217. Storax	<i>Styrax officinale.</i>	43
218. Alkanna vera	<i>Lawsonia inermis.</i>	46
219. Santalum album , citri-	<i>Santalum album.</i>	47
num		
220. Tamariscus	<i>Tamarix gallica.</i>	48

ORDO XVIII. ASPERIFOLIÆ.

221. Consolida major	<i>Sympytum.</i>	50
222. Borago	<i>Borago officinali.</i>	51

No-

538 Designatio specierum.

Nomen pharmaceuticum.

223. Pulmonaria maculata
224. Lithospermum
225. Buglossum
226. Alkanna
227. Cynoglossa
228. Sebesten

Nomen systematicum.

- Pulmonaria officinalis.
Litbospermum officinale.
Anchusa officinalis.
tinctoria.
Cynoglossum Officinale.
Cordia Myxa.

52
53
53
53
54
55
56

ORDO XIX. VERTICILLATÆ.

229. Marum verum
230. Polium creticum
231. Polium montanum
232. Scordium
233. Chamædrys
234. Chamæpitys
235. Consolida media
236. Thymus
237. Serpyllum
238. Melissa citrina
239. Calamintha
240. Melissophyllum
241. Hyssopus
242. Lavendula
243. Stœchas
244. Dictamnus creticus
245. Origanum creticum
246. vulgare
247. Majorana
248. Satureja
249. Mentha crispa
250. piperita
251. sylvestris
252. Pulegium
253. Basilicum
254. Nepeta
255. Melissa Turcica
256. Betonica
257. Marrubium
258. Salvia
259. Sclarea
260. Rosmarinus hortensis
261. Hedera terrestris
262. Lamium album
263. Cardiaca
264. Prunella

- Teucrium Marum.
creticum.
Polium montanum,
capitatum.
Teucrium Scordium.
Chamædrys.
Chamæpitys.
Ajuga pyramidalis.
Thymus vulgaris.
Serpulum.
Melissa officinalis.
Melissa Calamintha.
Melitis Melissophyllum.
Hyssopus officinalis.
Lavendula Spica.
Stœchas.
Origanum Dictamnus.
creticum.
vulgare.
Majorana.
Satureja hortensis.
Mentha crispa.
Mentha piperita.
sylvestris.
Pulegium.
Ocimum Basilicum.
Nepeta Cataria.
Dracocephalum Moldavica.
Betonica officinalis.
Marrubium vulgare.
Salvia officinalis.
Sclarea.
Rosmarinus officinalis.
Glecoma bederacea.
Lamium album.
Leonurus Cardiaca.
Prunella vulgaris.

No-

ORDO XX. PERSONATÆ.

266. Linaria	<i>Antirrhinum Linaria :</i>	96
267. Euphrasia	<i>Euphrasia nodosa :</i>	99
268. Scrophularia	<i>Scrophularia nodosa :</i>	99
269. aquatica	<i>aquatica :</i>	100
270. Anacardium orientale	<i>Avicennia tomentosa :</i>	101
271. Agnus castus	<i>Vitis Agnus castus :</i>	103
272. Gratiola	<i>Gratiola officinalis :</i>	104
273. Branca ursina	<i>Acanthus mollis :</i>	107
274. Veronica	<i>Veronica officinalis :</i>	108
275. Beccabunga	<i>Beccabunga :</i>	110
276. Verbena	<i>Verbena officinalis :</i>	110

ORDO XXI. RHOEADES.

277. Rhoeas	<i>Papaver Rhoeas :</i>	112
278. Papaver Opium	<i>Somniferum :</i>	113
279. Chelidonium majus	<i>Chelidonium majus :</i>	157

ORDO XXII. PUTAMINEÆ.

280. Capparis	<i>Capparis spinosa :</i>	160
---------------	---------------------------	-----

ORDO XXIII. SILIQUOSÆ.

281. Nasturtium aquaticum	<i>Sisymbrium Nasturtium :</i>	162
282. Sophia Chirurgorum	<i>Sophia :</i>	164
283. Erysimum	<i>Erysimum officinale :</i>	165
284. Alliaria	<i>Erysimum Alliaria :</i>	166
285. Barbaræa	<i>Barbaræa :</i>	166
286. Cardamine	<i>Cardamine pratensis :</i>	167
287. Raphanus	<i>Raphanus sativus :</i>	168
288. Sinapi	<i>Sinapis nigra :</i>	169
289. Brassica	<i>Brassica oleracea :</i>	172
290. Rapa	<i>Rapa :</i>	175
291. Napus	<i>Napus :</i>	176
292. Eruca	<i>Eruca :</i>	176
293. Cheiri	<i>Cheiranthus Cheiri :</i>	177
294. Cochlearia	<i>Cochlearia officinalis :</i>	178
295. Raphanus rusticanus	<i>Armoracia :</i>	182
296. Nasturtium hortense	<i>Lepidium sativum :</i>	184
297. Thlaspi	<i>Thlaspi avense :</i>	185
298. Bursa pastoris	<i>Bursa pastoris :</i>	185

ORDO XXIV. PAPILIONACEÆ.

<i>Nomen pharmaceuticum.</i>	<i>Nomen systematicum.</i>	
299. Lupinus	<i>Lupinus albus.</i>	186
300. Siliqua hirsuta	<i>Dolichos pruriens.</i>	187
301. Genista	<i>Spartium scoparium.</i>	188
302. Rhodium Lignum	<i>Genista canariensis.</i>	190
303. Ononis	<i>Ononis arvensis.</i>	191
304. Faba	<i>Vicia Faba.</i>	192
305. Lentes	<i>Eruvum Lens.</i>	193
306. Eruvum	<i>Ervilia.</i>	194
307. Cicer	<i>Cicer arietinum.</i>	194
308. Glycyrrhiza	<i>Glycyrrhiza glabra.</i>	195
309.	<i>echinata.</i>	198
310. Tragacantha	<i>Astragalus Tragacantha.</i>	198
311. Galega	<i>Galega officinalis.</i>	200
312. Melilotus	<i>Trifolium Melilotus offici-</i> <i>nalis.</i>	201
313. Fænugræcum	<i>Trigonella Fænum græcum.</i>	202

ORDO XXV. LOMENTACEÆ.

314. Senna	<i>Cassia Senna.</i>	203
315. Cæfisia	<i>Fistula.</i>	207
316. Nephriticum Lignum.	<i>Guilandina Moringa.</i>	209
Benn Nuz		
317. Gummi arabicum. Suc-	<i>Mimosa nilotica.</i>	211
cus Acaciae veræ		
318. Gummi Senegal	<i>Senegal.</i>	216
319. Terra Catechu	<i>Cate.</i>	217
320. Tamarindi	<i>Tamarindus indica.</i>	222
321. Campechense Lignum	<i>Hematoxylum campechia-</i> <i>nun.</i>	224
322. Gummi Anime	<i>Hymenæa Courbail.</i>	225
323. Siliqua dulcis	<i>Ceratonia Siliqua.</i>	226
324. Senega	<i>Polygala Senega.</i>	227
325. Polygala vulgaris	<i>vulgaris.</i>	231
326. amara	<i>amara.</i>	232
327. Fumaria	<i>Fumaria officinalis.</i>	237
328. Aristolochia fabacea	<i>bulbosa.</i>	235

FINIS VOLUMINIS SECUNDI.

(3)

APPARATUS
MEDICAMINUM
TAM SIMPLICIUM

QUAM
PRÆPARATORUM ET COMPOSITORUM
IN PRAXEOS ADJUMENTUM
CONSIDERATUS.

VOLUMEN TERTIUM.

AUCTORE
JO: ANDREA MURRAY D.
EQUITE ORD. R. DE WASA

CONCILIARIO R. BRIT. AULÆ PROFESSORE MEDIC. ET BOTAN.
ORD. IN ACAD. R. GOTTING PRÆFECTO HORTI R. BOTAN.
SOCIETATUM SCIENTIARUM GOTTING. STOCKHOLM.
UPSAL. GOTGENB. LUND. FLÖRENT. LUGDUN. DI-
VION. AUREL ET BATAVO. FLESING. MEDICARUM
PARIS. NANC. ET MAUN. AC OECONOMICARUM
BERN. CELL. GEORGOPH. ET PARIS. MEMBRO.

VENETIIS
TYPIS SEBASTIANI VALLE

MDCCXCV.
SUPERIORUM PERMISSU.

